

একমেবাদ্বিতীয়ং

সপ্তম কল্প

দ্বিতীয় ভাগ।

অগ্রহায়ণ ১৭৯০ শক।

৩০৪ স'খা

ত্রীক্ষসংখ্যং ১০২

তত্ত্ববোধিনীপত্রিকা

ব্রহ্ম বা একমিতমগ্রাসীমান্যং কিঞ্চনাসীত্ত্বদ্বিৎ সর্কমসৃজৎ। তদেব নিত্যং জ্ঞানমনন্তং শিবং স্বতন্ত্রমিববনেক
মেবাঃ জীঃ স র্ধব্যাপি সর্কনিয়ন্তু সর্কীশয় সর্কবিৎ সর্কশক্তিমদ্ ক্রৎ পূর্বমপ্রতিমমিতি। একস্য তস্যৈবোপাসনয়া
পারিত্রিকৈতিকক স্বভবতি। তস্মিন্ ঐতিহ্যস্য প্রিয়কার্যসাধনক তদুপাসনমেব।

ঋগ্বেদ সংহিতা।

প্রথমমণ্ডলস্য পঞ্চদশানুবাকে দ্বিতীয়ং সূক্তং।

কুৎস ঋষিঃ ত্রিষ্ণু পশুন্দঃ অগ্নিদেবতা।

১০১০১১

১। দে বিকপে চরতঃ স্বর্থে
অন্যান্যাস্য বৎসমুপ ধাপযেতে।
হরিরন্যস্য ভবতি স্বধাবাঙ্ক-
ক্রে অন্যস্য দদশে সূবচাঃ।

১। 'স্বর্থে' স্বর্থে শোভন গমনাগমনে যত্র অর্থঃ
প্রযোজনং শোভন প্রযোজনোপেতে 'বিকপে' বিষমরূপে
শুক্লকৃষ্ণতবা নানারূপে 'দে' অহোরাত্রৈ 'চরতঃ' পুনঃ পুনঃ
পর্য্যবর্তেতে। তে অহোরাত্রৈ অগ্নেঃ স্বর্ঘ্যস্য চ জনন্যৌ।
তত্র রাত্রৈঃ পুত্রঃ স্বর্ঘ্যঃ সহি গর্ভবজ্রাবস্তর্হিতঃ সন্
তস্য। শরমভাগাদুৎপদ্যতে। অহুঃ পুত্রোহগ্নিঃ। সহি তত্র
বিদ্যমানোহপি অকা-গরাহিত্যনাসৎকল্পঃ সন্ তস্মাদহুঃ
সকাশাৎ নির্মুক্তঃ প্রকাশমানং স্বজ্ঞানং লভতে। অনঘো
রেতঘোঃ পুত্রজং চ তৈত্তিরীতৈরামাযতে। তযোরেতো
বৎসাবগ্নিস্তাদিত্যশ্চ। রাত্রৈর্বৎসঃ স্বর্থে আদিত্যঃ। অ-
হুঃ হরিত্যত্রোহরণ ইতি। তেচাহোরাত্রৈ 'বৎসং' স্বং
স্বং পুত্রং 'অন্যান্য' পরস্পর ব্যতিহারেণ 'উপধাপযেতে'
স্বকীয়ং রসং পাম্বযতঃ। যজাত্র্য। কর্তব্যং স্বপুত্রস্যাদি-
ত্যস্য পাম্বনং তদহঃ করোতি। যদহু কর্তব্যং স্বপুত্র-
স্যাগ্নে রসস্য পাম্বনং তজ্রাত্রিঃ করোতি। এতচ্চ মাযং
প্রাতঃ কালীনাহুভাতিপ্রাঃ। জায়তে চ তস্মা অগ্নে
মাযং ত্বযতে স্বর্ঘ্যাব প্রাতরিত্তি। যুস্মাদেবং তস্মাৎ

'অন্যান্য' স্বজনন্য। অন্যান্যগহ্য। 'কিয়ামগ্নে' স্বজনন্য।
'তরী' রসহরণশীল আদিত্যঃ 'স্বধাবান' হবিলক্ষণম-
বান ভবতি। 'শুক্লঃ' নির্মলনীপ্তিঃ অগ্নিঃ স্বজনন্য। 'অ-
ন্যস্য' ২ রাত্রা। আদিত্যস্য জনন্য। 'সুবচাঃ' শোভননীপ্তি-
যুক্তঃ 'সন্দৃশে' দৃশ্যতে।

১। সুন্দর গমন ও আগমনযুক্ত শুরু ও
রুক্ষবর্ণ দিবস ও রাত্রি পুনঃ পুনঃ সঞ্চারণ
করিতেছে। এই দিবস ও রজনী-আপনার
আপনার পুত্রকে ব্যতিহারে রস পান করা-
ইয়া থাকে। অর্থাৎ দিবসের পুত্র অগ্নিকে
রাত্রি এবং রাত্রির পুত্র আদিত্যকে দিবা
রস পান করাইয়া থাকে। এই কারণে
আদিত্য অগ্নির জননী দিবাতে স্বধা বিশিষ্ট
হন এবং অগ্নি আদিত্যের জননী রাত্রিতে
শোভন দীপ্তিযুক্ত দৃষ্ট হইয়া থাকেন।

১০১০১২

২। দশেমং স্বর্ষু জন্মযন্তু গভ-
মতক্রাসো যুবতযো বিভ্রতঃ।
তিথ্যানীকং স্বর্ঘ্যসং জনেবু
বিরোচমানং পরি ষীং নথন্তি।

২। 'অতক্রাসঃ' স্বকার্যে জগতঃ পোষণে মনসাঃ আ-
লস্য রহিতা জাগরুকা ইত্যর্থঃ। 'যুবতযাঃ' নিত্য তরুণ্যঃ
ক্রামরণ রহিতা ইত্যর্থঃ। এবস্ততাঃ 'দশ' প্রাচ্যাদ্যা
দশ সংখ্যাকা দিশঃ 'গভং' মেঘেযু গভরূপেণ অস্তরুভ-

মানঃ 'স্বক্টঃ' দীপ্তাং মধ্যমাং বাযোঃ সকাশাং জনযন্ত
 বৈদ্যুতমগ্নিমুৎপাদযন্তি। যদ্বা দশসংখ্যাকা অক্ষুণ্ণ
 স্বক্টঃ দ্বীপ্তস্য বাযোঃ গভঃ স্বকারণভূতে বাযৌ গভ-
 রূপেণ বর্তমানং। অগ্নিঃ বায়ুঃ কারণং বাযোরগ্নিরিতি
 ক্রমঃ। এবস্তু তৎ ইমং অগ্নিং অরণ্যোঃ সকাশাং জনযন্ত
 উৎপাদযন্তি। কীদৃশ্যা অক্ষুণ্ণঃ। অতঃপাশঃ পুনঃ
 পুনঃ কর্মকরণ আলস্য রহিতাঃ যুবতমঃ অপুথক্ তা বর্ত-
 মানাঃ একস্মিন পানৌ সংহত্যাং ইত্যর্থঃ। কীদৃশ্যং
 অগ্নিং 'বিভ্রুৎ' সর্কেষু ভূতেষু বিহৃতং জাঠিরূপেণ বর্ত-
 মানং ইত্যর্থঃ। 'তিষ্ঠানীকঃ' তীক্ষ্ণমুখং তীক্ষ্ণ তেজসং
 অতএব হি বৈদ্যুতানি দর্শনে দৃষ্টিঃ প্রতিক্রম্যতে। 'স্ব-
 শসং' স্বাভ্যন্তর্যকং অতিশয়েন যশস্বিনং ইত্যর্থঃ 'জনেষু'
 জনপদেষু সর্কদেশেষু 'বিরোচমানং' বিশেষেণ দীপ্য-
 মানং বহুনাগুপকারকমিত্যর্থঃ। এবস্তু তৎ 'সীৎ' এনং
 অগ্নিং 'পরি' পরিতঃ সর্কতো নযন্তি স্বস্বোপকারায় সর্কে
 জনাঃ স্বকীয়ং দেশং প্রাপযন্তি।

২। আলস্য রহিত পরস্পর সংশ্লিষ্ট দশ
 অঙ্গুলি বায়ুর কারণ অগ্নিকে অরণি কাষ্ঠ
 হইতে উৎপাদন করিয়া থাকে। এই অগ্নি
 সকল প্রাণিতে বর্তমান আছে। ইনি প্রথর
 তেজযুক্ত অতিযশস্বী এবং সকল দেশে
 দীপ্যমান। এই রূপ অগ্নিকে লোকে চতু-
 র্দিকে লইয়া গিয়া থাকে।

১০১০১৩

৩। ত্রীণি জানা পরি ভূষ-
 স্ত্যস্য সমুদ্র একং দিব্যেকমপ্সু।
 পূর্বামনু প্র দিশং পার্থিবানা
 মূতন প্রশাস্তি দধাবনুষ্ঠু।

৩। 'অস্য' অগ্নেঃ 'ত্রীণি' ত্রিসংখ্যাকানি 'জানা' জন-
 নানি জ্ঞানানি 'পরিভূষন্তি' পরিতঃ সর্কতঃ অলক্ষুর্ভন্তি।
 যদ্বা পরীত্যেয সমিত্যেভ্যস্তু স্থানে অস্য অগ্নেঃ ত্রীণি জ-
 ন্যানি সম্ভবন্তি। 'সমুদ্রে' অকৌ বভবানল রূপেণ 'একং'
 জন্ম 'দিবি' দ্যুলোকে আদিত্যাজানা 'একং' 'অপ্সু' আপ
 ইত্যন্তরিক নাম। অন্তরিক্ষে বৈদ্যুতানিরূপেণ 'একং' এবং
 অগ্নিঃ ত্রেধা আত্মনাং বিভজ্য ত্রিষু স্থানেষু বর্ততে ইতা-
 র্থঃ। তত্র আদিত্যাজানা বর্তমানঃ সোহগ্নি 'স্বত্ব' বসন্তা-
 দ্যান যত্নে 'প্রশাস্তং' প্রকর্ষণে বিভক্ততয়া জাপয়ন
 'পার্থিবানাং' পৃথিব্যাঃ সম্বন্ধিনাং সর্কেষাং প্রাণিনাং
 'পূর্বাং' প্রাচীং 'প্রাশিসং' প্রাকৃষ্টাং ককুভৎ। 'অনুষ্ঠু'
 ইত্যেতৎ অব্যয়ং সম্যক শব্দ সমানার্থং সৃষ্টিতি যথা
 সম্যগনুক্রমেণ 'বিদকৌ' কৃতান। স্বতে: চেদরহিতমে-
 রখণ্যেযোদ্ধিকালযোঃ প্রাচ্যাদি ভেদো বসন্তাদিভেদশ্চ
 স্বর্ষ্যপত্যা নিপাদ্যতে। অতঃ স্বর্ষ্য এব তযোঃ কর্তেত্যর্থঃ।

৩। অগ্নির তিনটি জন্ম হয়। একটি সমুদ্রে
 একটি ছ্যালোকে আর একটি অন্তরিক্ষে।
 তন্মধ্যে যে অগ্নি আদিত্য রূপে ছ্যালোকে
 অবস্থান করেন তিনি বসন্তাদি ঋতু সক-
 লকে নিয়মিত করত পৃথিবীস্থ সমস্ত প্রাণীর
 সম্বন্ধে পূর্ব দিককেই উৎকৃষ্ট দিক করিয়া-
 দিয়াছেন।

১০১০১৪

৪। ক ইমং বো নিগ্যমা চি-
 কেত বৎসো মাতৃজন্মযত স্বধা-
 ভিঃ। বহুশীমাং গভেঁ অগসা-
 মুপস্থান্ননান কবির্নিশ্চরতি
 স্বধাবান।

৪। হে ঋত্বিক জন্মানা 'নিগ্যম' নির্ণাতান্ত্রিত নাটমতৎ
 অবাদিমু গভরূপেণ অন্তর্ভিতং তথাচ মন্ত্রান্তরং গভেঁ মা
 অপাং গভেঁ বনানাং গভশ্চ স্বাতাং গভশ্চরখানিতি। এব-
 স্তু তৎ 'ইমং' অগ্নিং 'বঃ' যুগাকং মধ্যে 'কঃ' 'আচিকেত'
 কো জানাতি। ন কোহপীত্যাঃ। সোহং অগ্নিঃ 'বৎসঃ'
 মেঘস্থানাং অপাং বৈদ্যুতানিরূপেণ পত্রস্থানীযঃ সন
 'মাতৃঃ' তস্য মাতৃস্থানীযানি বৃষ্টিদকানি 'স্বধাভিঃ' হবি-
 লক্ষণৈঃ অর্চনঃ 'জনযত' উৎপাদযতি। তথাচ স্বর্ষ্যতে
 অগ্নৌ প্রাশাহতি: সম্যক আদিত্যমুপতিষ্ঠতে। আদি-
 ত্যাজ্ঞাযতে বৃষ্টির্কর্ক্টেরনং ততঃ প্রজা ইতি। অপিচ
 'বহুশীমাং' মেঘস্থানাং অপাং 'গভঃ' বৈদ্যুতরূপেণ গভ
 স্থানীযঃ সোহগ্নিঃ 'অপসামুপস্থান্ন' সমুদ্রাং নিশ্চরতি ঔষমা-
 গ্নিরূপেণ আদিত্যঃ সন্ নির্গচ্ছতি। কীদৃশঃ 'মহান' তেজসা
 প্রৌচঃ 'কবিঃ' ক্রান্তদশী 'স্বধাবান' হবিলক্ষণান্বয়ান এক-
 এব অগ্নিঃ হোমনিপ্পাদকলক্ষণেণ পার্থিবরূপেণ বৈদ্যু-
 তাজানা ঔষনরূপেণ দিত্যাজানা চ বিভজ্য বর্ততে ইত্যর্থঃ।

৪। হে ঋত্বিক জন্মান সকল! তোমার-
 দিগের মধ্যে এই অন্তর্ভিত অগ্নিকে কেহই
 জ্ঞাত নও। এই অগ্নি পুত্র স্বরূপ হইয়া মাতৃ
 স্বরূপ বৃষ্টি সলিল স্বধা দ্বারা উৎপাদন করিতে
 ছেন। সেই সলিলের পুত্র অগ্নি সমুদ্র হইতে
 আদিত্য রূপে নির্গত হইয়া থাকেন। তিনি
 মহান কবি ও স্বধা বিশিষ্ট।

১০১০১৫

৫। আবিষ্ট্যা বর্ধতে চারু-
 রাসু জিহ্বাযানুর্কঃ স্বাশা উ-

পশ্ছে। উভে স্বক্টুর্বিভ্যতুর্জা-
 যমানাং প্রতীচী সিংহং প্রতি
 জোষযেতে। ১। ৭। ১।

৫। 'আহ' মেঘস্থানু অপ্সু বৈদ্যুতাজানা বর্তমানঃ
 অগ্নিঃ 'চারুঃ' শোভন দীপ্তিঃ সন 'আবিষ্ট্যাঃ' 'বর্ধতে' আ-
 বিষ্টিতঃ প্রকাশগামো বৃদ্ধিং প্রোধেতি। কিং কুর্বন
 'জিহ্বানাং' কুটিলানাং মেঘেষু তির্যক অবস্থিতানাং
 তাসাং অপাং 'উপশ্ছে' উৎসঙ্গে 'স্বাশাঃ' স্বাভ্যন্তর্যকঃ
 অগ্নিঃ 'উর্কঃ' উর্কজ্বলনঃ সন স্বকরণভূতাসু অপ্সু
 তির্যক অবস্থিতাষপি স্বয়ং উর্কং জ্বলন ইত্যর্থঃ। তদুক্তং
 বৈশেষিকৈঃ অগ্নেরূপজ্বলনং বাযোস্তির্যক পবনং।
 অণু মনসোবাদ্যং কঠোরানি অদৃষ্ট কারিতানীতি অপিচ
 'উভে' দ্যাবা পৃথিব্যৌ 'স্বক্টুঃ' দীপ্তাং জায়মানাং উৎ-
 পদ্যমানাং তস্যাং অগ্নেঃ 'সিহং' সিহং প্রাপ্তু। তদনন্তরং
 'উৎপন্নং' 'সিংহং' সহনশীলং অভিতরনশীলং তমগ্নিং
 'প্রতীচী' প্রত্যক্ষস্তনী প্রতিগচ্ছস্তনী আভিমুখ্যেণ প্রাপ-
 বস্তৌ 'জোষযেতে' সেনেতে। যাস্কস্তুঃ আনিরাবেদনা
 ভস্তৌ বর্ধতে চারুরাসু। চারুরতঃ উর্কং জিহ্বীভেরূর্ক
 উচ্ছিতো ভাতি স্বাশা আশ্রয়ণা উপহ উপস্থান উভে
 স্বক্টুর্বিভ্যতুর্জা-যমানাং প্রতীচী সিংহং প্রতিজোষযেতে
 দ্যাবা পৃথিব্যা বিতি বাহোরাত্রো ইতি বারণী ইতি বাপি
 চেষ্টে প্রত্যক্ষে সিংহং সহনং প্রত্যাসেনেতে। ১। ৭। ১।

৫। এই মেঘস্থ অগ্নি উৎকৃষ্ট দীপ্তিযুক্ত
 হইয়া পরিবর্দ্ধিত হইয়া থাকেন। এই যশস্বী
 অগ্নি মেঘ মধ্যে তির্যক ভাবে অবস্থিত
 সলিলের উৎসঙ্গে অবস্থান করিয়া স্বয়ং উর্ক
 দিকে জ্বলা বিস্তার করিতেছেন। ভুলোক
 ও ছ্যালোক এই প্রদীপ্ত উৎপদ্যমান অগ্নি
 হইতে ভয় প্রাপ্ত হয়। তৎপরে এই সহনশীল
 অগ্নির সম্মুখীন হইয়া ইহাকে সেবা করিয়া
 থাকে।

মাসিক ব্রাহ্মসমাজ।

১৭২০ শক ৫ আশ্বিন।

শরীর যেমন অন্ন জলে পরিপোষিত হয়,
 আত্মা তেমনি জ্ঞান-ধর্মে সমুন্নত হইয়া
 থাকে। অতুল-সম্পদ বিপুল-মান, অগণ্য
 পরিবার, অসংখ্য দাস দাসী দ্বারা সর্বক্ষণ
 পরিবেষ্টিত থাকিলেও আত্মার ক্ষুধা তৃষ্ণা

নিবৃত্তি হয় না, আত্মার বল বীৰ্য্য বর্দ্ধিত
 হয় না। আত্মা দিবা রাত্র কেবল সেই
 অমৃত-ধনের জন্য ব্যাকুল, তাঁহাকে পাইলেই
 তাহার প্রভুত বল লাভ হয়, তাহার যথার্থ
 তৃপ্তি অনুভূত হয়। তাঁহার বিরহেই আত্মা
 দুঃসহ তাপে অতিতপ্ত হয়—তাঁহার বিচ্ছে-
 দেই সে ত্রিয়মান—মুহমান হইয়া থাকে।

ঈশ্বরেতেই আত্মার প্রকৃত সুখ। ধর্ম-
 রণ্যেই তাহার স্বাভাবিক বল-বীৰ্য্য। মৎস্য
 যেমন যতক্ষণ জলেতে বিচরণ করে, তত
 ক্ষণই তাহার যথার্থ স্মৃতি, প্রকৃত সৌন্দর্য্য
 দৃষ্ট হইয়া থাকে; আত্মা তেমনি যতক্ষণ
 ধর্মালোচনায়—ঈশ্বর চিন্তায় নিরত থাকে
 ততক্ষণই তাহার প্রকৃত শৌর্য্য বীৰ্য্য ও মহত্ত্ব
 প্রকাশ পায়। ধর্ম ও ঈশ্বর হইতে বিচ্যুত
 হইলেই জলোদ্ধৃত মৎস্যের ন্যায় সে মৃত-
 কপ হইয়া পড়ে। যে বৃহৎকায় তিমি মৎস্য
 স্বীয় নিবাস-নিকেতনে থাকিয়া নিজ-বলে
 গভীর-সমুদ্রে আলোড়িত করে, অপরি-
 মেয় পণ্য-পরিপূরিত সুবিস্তীর্ণ অর্ণবপোতকে
 আন্দোলিত করিয়া দেয়, তাহাকে ভূমিতে
 উদ্ধৃত কর, অপ্পাঘাতে অপ্পায়াসেই নিহত
 হইবে। আত্মা তেমনি যতক্ষণ ধর্ম-পথে
 বিচরণ করে, প্রকৃত নিরাপদ নিকেতন-
 স্বরূপ ভূমা ঈশ্বরেতে অধিবাস করে, ততক্ষণ
 সে মর্ত্য-জীব হইয়াও অমরগণের ন্যায় বল,
 বিক্রম প্রাপ্ত হয়। আত্মা যতক্ষণ ঈশ্বরেতে
 অবস্থিত থাকে ততক্ষণ সংসারের পাপ
 তাপ তাহাকে স্পর্শ করিতে পারে না।
 দুঃখ বিষাদের বিষাক্ত বাণ তাহাতে বিদ্ধ
 হয় না। জল-প্রবাহ যেমন পর্বত-গাত্রে
 পতিত হইলে হতবীৰ্য্য হইয়া নতশিরে
 প্রত্যাগমন করে, প্রস্তর-খণ্ড যেমন লৌহ-
 পিণ্ডে প্রক্ষিপ্ত হইলে চূর্ণ হইয়া যায়, পাপ-
 প্রলোভন, বিষয়াকর্ষণও তেমনি ঈশ্বর-প্রেম-
 যম সমুন্নত হৃদয়ের সনিধানে পরাস্ত—

পরভূত হয়। সমগ্র সংসার তাহার নিকটে পরাভব স্বীকার করে। মনুষ্যের আত্মা যখন স্বাভাবিক অবস্থাতে অবস্থান করে, যখন সে ধর্ম-সমীরণের মধ্যে সঞ্চার করে—“আত্মাতে ক্রীড়া করে—আত্মাতেই রমণ করে” ঈশ্বরের নিরাপদ ক্রোড়ে থাকিয়া তাঁহার প্রীতি-সুধাতে পরিপোষিত হয়, তখন সে অলৌকিক সৌন্দর্য্য ধারণ করে, তখন তাহার সেই স্বর্গীয় জ্যোতিতে জগৎ আলোকিত হয়, জন-সমাজ জাগ্রত হয়। দেব-তারারও সেই পবিত্র আত্মার ওসন্ন ভাব দেখিবার জন্য লোলুপ হন। আত্মা যখন ঈশ্বরের স্বর্গীয় বলে বলীয়ান হয়, তাঁহার মঙ্গল জ্যোতিতে সমুজ্জ্বলিত হয়, তখন চন্দ্র যেমন নিসাড়ে মেঘ-মালার মধ্য হইতে পরিষ্কৃত গগনে আসিয়া উপনীত হয়, পুণ্যাঙ্গা তেমনি নিঃশব্দে নিরাপদে জনসমাজের নিবিড়তম অন্ধকারের মধ্য হইতে উদ্ভীর্ণ হইয়া ধর্ম-পথে দীপ্তি পাইতে থাকেন। চন্দ্র-কিরণের ন্যায় তিনি চতুর্দিকেই স্বীয় অকৃত্রিম সন্তাব—সাধু ভাব—ভ্রাতৃ ভাব বিস্তার করিয়া সকলকে পরিতুষ্ট করেন। তিনি নিষ্কাম প্রেম, নিঃস্বার্থ প্রীতি প্রদর্শন করিয়া সকলেরই সন্তাব আকর্ষণ করেন। ঈদৃশ এক একটি পুণ্যাঙ্গার নিষ্কাম ধর্ম ভাব নিরীক্ষণ করিয়া এক একটি জনপদের অসংখ্য অগণ্য লোকের ধর্ম ভাব ও ঈশ্বর-স্পৃহা প্রদীপ্ত হইয়া উঠে। বিষয়-জালে আবদ্ধ থাকিয়া এক এক সময়ে যে দেহ তার বহন করা দুঃসাধ্য হইয়া উঠে, আপনাকে শোধিত সংস্কৃত করাই অসাধ্য বোধ হয়, প্রকৃত সরল সাধুর জাগ্রত জীবন্ত ধর্ম ভাব পুণ্য ভাব দেখিয়া তাদৃশ কত শত বিকৃত আত্মা প্রকৃতিস্থ হইয়া থাকে। কত মলিন, পঙ্কিল আত্মা ঈশ্বর প্রেমে সংজ্ঞিত হইয়া উঠে। কত পথ-হারী মোহাক্ষ-হৃদয় সাধুর সাধু

দৃষ্টিতে সংপথে ধর্ম পথে আসিয়া উপনীত হয়।

যে রুক্ষ বদ্ধ-দেশের কোমল-মৃৎকায় বর্ধিত হইয়া সহস্র সহস্র পরিশ্রান্ত পথিককে সুশীতল ছায়া দান করে, তাহাকে সুদৃঢ় পর্বতে বা সুকঠিন কঙ্করময় ভূমিতে রোপণ করিলে সে যেমন শুষ্ক হইয়া যায়, যে পুষ্প প্রাতঃকালের সুশীতল সমীরণে স্ত্রী সৌরতে বিকশিত হয়, তাহাকে মধ্যাহ্ন কালের অনল-সদৃশ উত্তপ্ত সূর্য্য-কিরণে লইয়া গেলে যেমন তাহার সৌরভ সৌন্দর্য্য বিলুপ্ত হয়, তেমনি যে আত্মা জ্ঞানধর্মে, ঈশ্বরের প্রীতি-সলিলে, তাঁহার প্রসন্ন-মুখের স্নিগ্ধ জ্যোতিতে পরিপালিত হইবার জন্যই সৃষ্ট হইয়াছে, যে হৃদয়-কুমুম তাঁহার অনুরাগ সমীরণে প্রস্ফুটিত হইবার জন্যই সংরচিত হইয়াছে, তাহাকে কণ্টকাকীর্ণ নীরস বিষয়-ক্ষেত্রে—প্রজ্বলিত সংসার দাবানলের মধ্যে নিষ্কেপ করিলে সে তো নিজীব ও অবসন্ন হইয়া পড়িবেই। তাহার সমুদায় প্রতিভা তো অন্তরিত হইবেই। পাপ, তাপ ছুংখাগ্নিতে সে তো অবনত অভিভূত হইয়া যাইবেই।

পক্ষিগণ যতক্ষণ অসীম আকাশের উন্নততম প্রদেশে বিচরণ করে, ততক্ষণই তাহারা নির্ভয়ে ও নির্বিল্পে থাকে, যখনই ভূমির নিকটবর্তী হয়, রুক্ষ-শাখায় উপবেশন করে, তখনই ব্যাধ-কর্তৃক বাণ-বিদ্ধ হয়। মহাবল সিংহ হস্তী সকল বিশাল অরণ্যেই নিঃশঙ্ক চিত্তে সঞ্চার করে, সংকীর্ণ জনপদে আবদ্ধ হইলেই বিষাদ-ভরে বিকম্পিত হইতে থাকে। আত্মাও সেই রূপ যতক্ষণ সেই পরম আকাশ পরমেশ্বরেতে অবস্থান করে সেই সন্ন্যস্ত ধর্ম্মাচলের উচ্চতর প্রদেশে বিচরণ করিতে থাকে ততক্ষণই সে নির্ভয়ে কাল যাপন করে সে নিম্নে স্তবতরণ করিলে—ধর্ম্মাচল পরি-

তাগ করিয়া বিষয়-ক্ষেত্রে অবতীর্ণ হইলেই তাহার পদে পদেই বিষয় বিপত্তি, বিষাদ ছুংগতি, উপস্থিত হয়। তখন সে সংসারের অগুমাত্র শোক তাপে অভিভূত হয়, বিষয়ের ঈষৎ প্রলোভনে এক কালে তাহার চির দাস হইয়া পড়ে।

ধর্ম সংস্পর্শে আত্মা মহত্ব, দেবত্ব লাভ করে, ধর্ম রাজ্য হইতে বিচ্যুত হইলেই সে দানব, দৈত্য পিশাচের ভাব ধারণ করে। ধর্ম্মানুষ্ঠান দ্বারা হৃদয় শুদ্ধসত্ত্ব পবিত্র হইয়া ত্রিভুবন-রাজ-পরমেশ্বরের প্রিয় সিংহাসন হইয়া উঠে, ধর্ম্ম-জ্ঞান-শূন্য হইলে সেই পবিত্র হৃদয় সিংহ-শাব্দুল সমাকীর্ণ অরণ্য অপেক্ষাও ভয়ানক স্থান হইয়া পড়ে। ধর্ম্ম-সহযোগে হৃদয় ভূমিতে সত্য-জ্ঞান, অমৃতের উৎস উৎসারিত হয়, ধর্ম্ম-বর্জিত-হৃদয় ঈর্ষ্যা, ঘেঘ প্রভৃতি সহস্রবিধ অস-দ্ভাবের নিজস্ব-নিকৈতন হইয়া থাকে। সেই জন্য আমরা এই পবিত্র প্রাতঃকালে সেই ধর্ম্মাবহ পতিতপাবনের শরণাপন্ন হইয়াছি, যে তিনি আমাদের পাপ তাপ হইতে উদ্ধার করিবেন। আমরা সংসারের শোক সন্তাপ, বিষাদ ভয়ে আকুল হইয়া সেই জন্যই সেই অজর, অমর, অলোক, অভয়ের শরণাগত হইয়াছি যে তিনি আমাদের পাপ তাপ হইতে নিরাপদ ক্রোড়ে রক্ষা করিয়া অভয় দান করিবেন। সেই জন্যই আমরা তাঁহার পূজার উপচার লইয়া শশব্যস্তে এই পবিত্র ব্রহ্ম-মন্দিরে আগমন করিয়াছি, যে তিনি রূপা করিয়া প্রীতি পূজা গ্রহণ করত আমাদের গকে সংসার-বন্ধন হইতে বিমুক্ত করিবেন। আত্মাকে রক্ষা করিবেন।

হে ঈশ্বর! আমাদের পাপ-দঙ্ক হৃদয় তোমারই হস্তে সমর্পণ করিতেছি, তুমি ইহাকে রক্ষা কর। হে পাবনের পাবন! তুমি তোমার পবিত্র সলিলে ইহার পাপ-

কলঙ্ক ধৌত করিয়া তোমার প্রিয় সিংহাসন করিয়া লও যে আমরা কৃতার্থ হই।

ঔ একমেবাদ্বিতীয়ং।

সিন্দুরীয়াপটী পঞ্চম সাংসারিক ব্রাহ্মসমাজ।

১১ অগ্রহায়ণ ১৯২০ শক।

পবিত্র স্বরূপ পরমেশ্বর-উপাস্য দেবতা; মনুষ্যের আত্মা তাঁহার উপাসক; তাঁহাতে প্রীতি ও তাঁহার প্রিয়কার্য সাধন, তাঁহার প্রতি ভক্তি এবং ধর্মের অনুষ্ঠান তাঁহার উপাসনা। যেমন ক্ষুধা ও পিপাসা মনুষ্যকে অন্ন ও পান্নে নিয়োজিত করে, সেই রূপ ঈশ্বরের প্রতি স্বাভাবিক কামনাই মনকে তাঁহাতে আসক্ত করিয়া রাখে। ইহা যথার্থ যে চক্ষু তাঁহাকে দেখিতে পায় না, হস্তও তাঁহাকে ধরিতে পারে না; কেন না তাঁহার রূপ নাই, তাঁহার শরীর নাই; কিন্তু মন যখন সুস্থ থাকে এবং হৃদয় যখন ভক্তি-রসে আর্দ্র হয়, তখন অন্তরের চক্ষু তাঁহার পবিত্র সৌন্দর্য্য পান করে। হৃদয় যখন ভক্তির অ-ভাবে শূন্য থাকে, তখনই সমুদায় জগৎ শূন্য বোধ হয়। তিনি এই আলোকের মধ্যে বিরাজমান আছেন, কিন্তু আলোক তাঁহাকে প্রকাশ করিতে সমর্থ নহে; তিনি সকলের বুদ্ধি দাতা, কিন্তু বুদ্ধির চাতুরী তাঁহার নিকটে সংকুচিত থাকে; তিনি এই স্থানেই বর্তমান আছেন, কিন্তু এ চক্ষু তাঁহার নিকটে অন্ধ। যে হৃদয়ে প্রেমের আলো প্রজ্বলিত হয়, তিনি সেই হৃদয়ের অতিথি। ধর্মীর ধন-পূর্ণ গৃহ হয় তো তাঁহার অভাবে শূন্য হইয়া থাকে, কিন্তু দরিদ্রের পর্ণকুটির হয় তো তাঁহার আবির্ভাবে পূর্ণ হয়। এই শরীর তাঁহার মন্দির, আত্মা তাঁহার আসন, তিনি তাহাতে অধিষ্ঠিত আছেন। তাঁহার চক্ষু

নাই, কিন্তু সমুদায় দেখিতেছেন; তাঁহার কর্ণ নাই, কিন্তু সমুদায় শুনিতেছেন; তাঁহার হস্ত নাই, কিন্তু এই চরাচর ধারণ করিয়া আছেন; তিনি কিছুতেই আবদ্ধ নহেন, কিন্তু সকলেতেই বর্তমান আছেন। আমি যেমন এই ক্ষুদ্র শরীরের আত্মা; তিনি সেই রূপ সমস্ত জগতের ও সমস্ত আকাশের একমাত্র আত্মা। এই গৃহ তাঁহাতে পরিপূর্ণ। তিনিই ঈশ্বর, তিনিই আমাদের উপাস্য দেবতা।

আমাদের এক অংশ শরীর, আর এক অংশ মন আত্মা। শরীর এই পৃথিবীর যুক্তিকালে নিশ্চিত, পৃথিবীতেই বিলীন হইয়া যাইবে, আত্মা অবিনাশী, অনন্ত কাল পরমাণু ভোগ করিতে থাকিবে। আমি চক্ষু নই, আমি কর্ণ নই, আমি হস্ত নই, আমি পদ নই; কিন্তু ঈশ্বর আমার প্রতিপালনের জন্য এই শরীর রূপ গৃহে আমাকে—আত্মাকে সংস্থাপিত করিয়াছেন। যেমন কিয়ৎক্ষণ পরে এই আলোকময় গৃহ পরিত্যাগ করিব সেই রূপ অবশ্যই এক দিন শরীর গৃহ পরিত্যাগ করিতে হইবে।—এই চক্ষু জ্যোতি হীন হইবে, এই কর্ণ নিস্তেজ হইয়া পড়িবে, এই বাহ্য স্তম্ভ হইয়া থাকিবে, এই শরীর যত্ন শয্যায় লুপ্ত হইতে থাকিবে, সংসার শোক তিমিরে অবগুষ্ঠিত হইবে, সমুদায় প্রিয় বস্তু পৃথিবীতেই থাকিবে, হয়তো আমার নাম পর্যান্ত মর্ত্যলোকে বিলুপ্ত হইয়া যাইবে। কিন্তু আমি কি তখন বিনষ্ট হইব? কখনই না; কখনই আমার পরমাণু নিঃশেষিত হইবে না। আত্মাতে যে সকল পাপ ও পুণ্য সঞ্চিত হইয়াছিল, লোকান্তরে উপনীত হইয়া তাহার শুভাশুভ ফল ভোগ করিতে থাকিব। এই আমি এই আত্মা সেই পরমাত্মার উপাসক।

ঈশ্বর আমাদের পিতা ও মাতা; তিনি পিতার ন্যায় বন্ধু ও মাতার ন্যায় স্নিহু; না

তিনি তাঁহাদের হইতেও অধিক; তিনি স্নেহ ও প্রেমে পরিপূর্ণ। পিতা ও মাতা ব্যতীত পৃথিবীতে বিমল ও কোমল ভাবের কথা আর কিছুই নাই; এই জন্যই বলিতেছি, তিনি পিতা ও মাতা। যেমন পিতা ও মাতাকে আমার বলিয়া জানি, যেমন ভ্রাতা ও ভগিনীকে আমার বলিয়া জানি, যেমন স্ত্রী ও পুত্রকে আমার বলিয়া জানি, তেমনি যখন ঈশ্বরকে আমার বলিয়া জানিব, যখন মনের সহিত বলিতে পারিব, তিনি আমার ঈশ্বর; যখন তাঁহার সহিত এই আত্মীয়তা বন্ধমূল হইবে, সংসারের সকল বন্ধু অপেক্ষা তিনি যখন অধিক আত্মীয় হইবেন; যখন পৃথিবীর তাবৎ সৌন্দর্য্য অপেক্ষা তাঁহার প্রতি অধিক আশঙ্ক হইবে? যখন প্রিয়তমা পত্নীর আলিঙ্গন অপেক্ষা তাঁহার সন্নিধান অধিক প্রীতি পাইবে? যখন পিতা মাতার কোড় অপেক্ষাও তাঁহার সহবাসে অধিক আনন্দ অনুভব করিব, যখন আপনার প্রাণ অপেক্ষাও তাঁহাতে অধিক প্রেম করিব, তখন বলিতে পারিব যে, আমরা তাঁহার ভক্ত হইয়াছি ও তাঁহাকে প্রীতি করিতেছি। পিতা মাতার প্রতি ভক্তি, স্ত্রী পুত্রের প্রতি প্রেম ও বন্ধু বান্ধবের প্রতি প্রীতি; এ সমুদায় ঈশ্বর প্রেমের বিরোধী নহে, এতুত অনুকূল; এ স্থলে ঈশ্বর প্রেমের সেরূপ পরীক্ষা হয় না। যখন অন্তরের চূড়ান্ত রিপু সকল পাপ কর্মে প্রণয় বন্ধন করিতে শিক্ষা দিতে থাকিবে, যখন আত্মব্রত প্রবল হইয়া আত্মদিককে অন্যায় পথে সঞ্চালিত করিবে, যখন ধন মত্ততা কুৎসিত আমোদে আকর্ষণ করিবে, যখন অহংকার ভ্রাতৃত্বভাবের বিচ্ছেদ করিতে আসিবে, যখন কুটিল বুদ্ধি সার্থ সাধনে চাতুরী অবলম্বন করিয়া সরলতার ধ্বংস করিতে আসিবে, তখন যিনি ঈশ্বরের

পথে অটল ভাবে থাকিবেন, ঈশ্বর প্রেমের বিরোধী ভাবিয়া রিপুগণকে বলিদান করিতে পারিবেন, ঈশ্বর প্রেমের প্রভাবে যাহার মত্ততা, অহংকার, কুটিলতা, তিরোহিত হইবে, তিনিই বলিতে পারিবেন, আমি ঈশ্বরের ভক্ত হইয়াছি ও তাঁহাতে প্রীতি করিতেছি। যেমন তৃষ্ণার্ত ব্যক্তি জলের জন্য উৎসুক হইয়া থাকেন, যেমন ক্ষুধার্ত ব্যক্তি অন্নের নিমিত্ত লালায়িত হন, তেমনি ঈশ্বর প্রেমী ঈশ্বরের জন্য ব্যাকুল হইয়া বেড়ান। পুত্র-বৎসল পিতা মাতা পুত্রের বিচ্ছেদে কতই কষ্ট পান; পতিব্রতা পতির বিচ্ছেদে কতই কাতর হন, ঈশ্বরের ভক্ত ঈশ্বরকে না পাইলে ততোধিক ব্যাকুল হইতে থাকেন। যেখানে ঈশ্বরের গুণ কীর্তন হয়, তিনি সেই স্থানেই আরাম লাভ করেন। যে আলাপ ঈশ্বরের কথার সহিত মিশ্রিত তাহাই তাঁহার কর্ণে অমৃত ধারা বর্ষণ করে। তিনি যে ভাবে ঈশ্বরকে দীপ্যমান দেখেন, সেই ভাবেই তাঁহার নিকট সদ্ভাব বলিয়া পরিগণিত হয়। তিনি যে কর্ম ঈশ্বরকে সাক্ষী করিয়া অনুষ্ঠান করিতে পারেন, সেই কর্মই তাঁহার নিকট সৎকর্ম হয়। যে আমোদ ঈশ্বরের সম্মুখে ভোগ করিতে লাজ্জিত না হন, তিনি সেই আমোদের রসই আশ্বাদন করেন। তিনি ব্রাহ্মসমাজ হইতে বহির্গত হইয়াই ঈশ্বরকে ভুলিয়া যান না, কিন্তু সজনে নির্জনে সেই প্রেমাস্পদকে চিন্তা করিতে থাকেন, তিনি তজনালয়ে দেব-মূর্তি ও আমোদ-গৃহে পিশাচ মূর্তি পরিগ্রহ করেন না, তাঁহার প্রেমাত্ম স্নিহুমূর্তি সর্বত্রই সমান ও সর্বত্রই স্বাভাবিক। তাঁহার আমোদ প্রমোদ অন্যের সাধু ভাব উদ্দীপন করে। তাঁহার বিষয় কর্মও অন্য লোককে ধর্ম শিক্ষা দেয়, তাঁহার সহজ আলাপ অন্যের মনকে সদ্ভাবে

পূর্ণ করে। হা! এমন ঈশ্বর প্রেমী কোথা, এমন সাধু কোথা? ব্রাহ্মধর্ম! তিনিই তোমার মধুর রস আশ্বাদন করিয়াছেন, তিনিই তোমার উন্নত ভাব অনুভব করিয়াছেন, এবং তোমার গুট সৌন্দর্য্য দর্শন করিয়াছেন। এই রূপ ভক্তি ও এই রূপ কার্যই ঈশ্বরের উপাসনা।

এই উন্নত উপাসনা—এই আধ্যাত্মিক সাধন অভ্যাস করিবার জন্যই ব্রাহ্মসমাজ প্রতিষ্ঠিত হইয়াছে এবং ইহারই জন্য ব্রাহ্মধর্ম আবির্ভূত হইয়াছেন। যখন জানিলাম ঈশ্বর ব্যতীত আর আমাদের গতি নাই; যখন জানিলাম যেখানে ঈশ্বর নাই, সেখানে জীবন নাই, যখন জানিলাম ঈশ্বরের অভাবে মনুষ্য জীবন পশু জীবন অপেক্ষাও অপকৃষ্ণ হয়, পুরুষের পৌরুষ ও স্ত্রীর সৌন্দর্য্য ঈশ্বরের অভাবে পাপের আকর হইয়া পড়ে; তখন আর কি তাঁহাকে পরিত্যাগ করিতে পারি। যদি বন্ধু বান্ধব আত্মীয় স্বজন এই পথের সঙ্গী হন, তবে ঈশ্বরকে ধন্যবাদ করিব, যদি তাঁহারা এই পথের বিঘ্ন কারী হন, তবে নিশ্চয় জানিবেন আমি আর তাঁহাদের নই। আমরা নিশ্চয় জানি যে, আমরা দীন হীন, ক্ষুদ্র ও পাপ কলঙ্কে মলিন; আমাদের পুণ্য সঞ্চয় নাই, ধর্মবল নাই। আমাদের কামনা মলিন, কর্ম দূষিত, জীবন অপবিত্র; তথাপি আমাদের ভরসা এই যাহার শরণাপন্ন হইয়াছি, তিনি দীনবন্ধু ও পতিতপাবন। তিনি কি আমাদের গৃহে পরিত্যাগ করিবেন, ক্ষুদ্র বলিয়া তাঁহার গৃহ হইতে দূর করিয়া দিবেন, যিনি একটা পিপীলিকাকেও আহাির স্নিতে বিস্মৃত হন না, তিনি কি আমাদের ক্রন্দন শুনিবেন না, যখন ঘোরতর ছুরাচার মনুষ্য নরহত্যার অপরাধে রাজ-দ্বারে আনীত হয়, যখন বিচারকের মুখ হইতে প্রাণদণ্ডের ভয়ানক

আজ্ঞা প্রচার হয়, যখন ঘাতকেরা তাহার হস্ত পদ বন্ধন করিয়া বধ্য ভূমিতে লইয়া যায়, তখন তাহার মাতা কি তাহাকে বিদ্রুত হইয়া থাকে? তখন সেই নিরুপায় জননী কি পুত্র স্নেহে উন্মত্ত হইয়া চীৎকার করিতে থাকে না? সমস্ত লোক বিরক্ত হইয়া ঘৃণার সহিত যে ছুরাচারকে রাজার নিষ্ঠুর হস্তে সমর্পণ করিয়াছে, তাহার জননীকে এক বার সেই বধ্য ভূমিতে উপস্থিত হইতে দাও, দেখিবে যে, সকল লোকের ঘৃণাস্পদ সেই ছুরাচারকে জননী আপনীর পরিজ্ঞ ক্রোড়ে গ্রহণ করিবার জন্য উন্মত্ত হইয়া উঠিয়াছে; পৃথিবী যাহাকে পরিত্যাগ করিতে উদ্যত সেই জননী কি অমায়িক স্নেহে তাহার কণ্ঠ ধারণ করিয়া সেই নরাধম ঘাতকের—সেই পশু তুল্য রাজ পুরুষের পদতলে লুণ্ঠিত হইয়া পুত্রের জীবন তিফা করিতেছে; দেখ মনুষ্যের ক্ষুদ্র মনের স্নেহের কি আশ্চর্য্য ভাব, কিন্তু ঈশ্বরের পূর্ণ স্নেহের তুলনায় জননীর স্নেহ এক বিন্দু মাত্র; সেই স্নেহের আকর ক্ষমার সমুদ্র অখিল মাতা পরমেশ্বর কি আমাদের জঘন্য বলিয়া পরিত্যাগ করিবেন; ইহা কখন মনেও করিতে পারি না যে, তাঁহার রূপার ভিখারি হইয়া তাঁহার নিকট দণ্ডায়মান হইলে তিনি আমাদের দূর করিয়া দিবেন; তিনি নিষ্ঠুর দৈত্যের ন্যায় ভীষণ নহেন; তিনি করুণাময় পিতা, তিনি স্নেহময় মাতা; তাঁহার নিকটে ভয় নাই। পাপী তাপী, নীচ ক্ষুদ্র, লোকের নিকট ঘৃণিত ও নিন্দিত, জন সমাজের পরিত্যক্ত যে খানে আছে তাঁহার শরণাপন্ন হও; এমন করুণাময়, এমন স্নেহময়, এমন প্রেমময়, আর কেহই নাই তাঁহার নিকটে জ্ঞানী ও মুর্থ ধনীও দরিদ্র, ব্রাহ্মণ ও চণ্ডাল সমান স্নেহের আশ্রয়। তিনি অনাথের নাথ, পিতৃহীনের পিতা ও মাতৃ-

হীনের মাতা। তিনি কি আমাদের পরিত্যাগ করিবেন।

আমাদের সামর্থ্য না থাকিলেও তাঁহার মঙ্গল স্বরূপে নির্ভর করিয়া দণ্ডায়মান আছি। এই ক্ষুদ্র সমাজ তাঁহারই উপাসনার নিমিত্তে প্রতিষ্ঠিত হইয়াছে। কবে আমরা তাঁহার কল্যাণময় পথে সম্পূর্ণ রূপে অবগাহন করিব, তাঁহাকে একমাত্র গতি জানিয়া কবে প্রাণের সহিত তাঁহার সেবাসে নিযুক্ত হইব ইহারই জন্য আমাদের আগ্রহ ও ইহারই জন্য আমাদের প্রার্থনা। হে বিশ্বপিতা, অখিলমাতা, তুমি সকলের অন্তর্যামী, তুমি সর্বদর্শী, আমাদের পাপ ও পুণ্য তোমার নিকট অগোচর নাই। আমরা পাপ ও তাপ হইতে মুক্তি লাভের নিমিত্ত তোমার শরণাপন্ন হইয়াছি, আমাদের অত্যাচার দান কর। হে রস স্বরূপ, আমরা তোমারই প্রসাদে তোমার মধুর রসের আশ্বাদ পাইয়াছি; আর তোমাকে ভুলিতে পারি না। তোমার সেবায় যেন আমাদের জীবন অতি বাহিত হয়। তোমার উপাসনাই যেন আমাদের সার কর্ম হয়। আমাদের সমুদায় প্রীতি যেন তোমাতেই সমর্পিত হয়। নাথ! আমাদের পুণ্য বল নাই, তুমি পাপী তাপীর এক মাত্র আরাম স্থান, এই আমাদের ভরসা। আমাদের পিতা, সন্তান, সন্তান, সন্তান শিক্ষা দাও, তোমার প্রিয় কার্য সাধনের জন্য যেন আমরা সকল কর্ম সহ্য করিতে পারি। তোমার ব্রাহ্ম ধর্মের জন্য সমুদায় অপমান যেন সম্মান বলিয়া গ্রহণ; সমুদায় তিরস্কার যেন অঙ্গের অত্যাচার করি। পরিবারগণকে যেন তোমার পরিবার বলিয়া প্রতি পালন করি। যেন নির্ভয় হইয়া তোমার পবিত্র নাম উচ্চারণের কীর্তন করিতে পারি। অপরাধীকে ক্ষমা করিতে শিক্ষা দাও, শত্রুকে প্রীতি করিতে শিক্ষা দাও, সকল পরিবারকে তো-

মার সেবায় নিযুক্ত কর, আমাদের নিকট প্রকাশিত থাক।

ও একমেবাদিতীয়ং।

“মৃতোর্ম্মাঃমৃতং গময়”

দিবস রজনীর প্রভেদ কি? কেবল আলোক আর অন্ধকার, জীবন মৃত্যুর পার্থক্য কি? হর্ষ আর বিষাদ, উন্নতি আর অবনতি, যোগ আর বিযোগ। যখন আমরা জীবিত থাকি, তখনই আমাদের আত্মাদে কালান্তিপাত করি, যখন মৃত্যুর অধীন হই, তখন সকলই তিরোহিত হয়। যখন জীবিত থাকি তখন সকলই বর্দ্ধিত হয়, মৃত্যু হইলেই ছিন্ন তরুর ন্যায় শুষ্ক হইতে থাকে। যতক্ষণ জীবন থাকে, ততক্ষণ সযত্ন-স্বত্রে আবদ্ধ থাকি, প্রাণ ত্যাগ হইলে সকলই শিথিল ও অসম্বন্ধ হইয়া যায়। এখানে শরীর ত্যাগ করা যে মৃত্যু তাহার কথা হইতেছে না, এখানে প্রকৃত মৃত্যুর বিষয় আলোচিত হইতেছে। শরীর মুহু সবল থাকা, অথবা নিশ্বাস প্রশ্বাস প্রবাহিত হওয়াই যথার্থ জীবিতের চিহ্ন নহে। যখন শরীর কর্ম-বিণেবে চালিত হইতেছে, চক্ষু কর্ণ বহির্বিষয় লইয়া ব্যাপৃত রহিয়াছে তখনও আমরা মৃত্যুর ছুজর আকর্ষণে আকৃষ্ট হইয়া থাকি। আমাদের মৃত্যুই যথার্থ মৃত্যু। শরীর যেমন আমাদের অবলম্বন করিয়া এখানে জীবিত থাকে, আত্মাও তেমনি পরমাত্মাকে আশ্রয় করিয়া প্রাণ ধারণ করে। আত্মার প্রাণ সেই প্রাণের প্রাণ নিখিল-জীবন পরমেশ্বর স্বয়ংই। সেই প্রাণ হারা হইলেই আত্মা মহানিদ্রায় অতিভূত হয়। তাঁহাকে পাইলেই সে আবার প্রাণ লাভ করে। তাঁহাকে দেখিতে না পাইলেই সে শোক তাপে, বিষাদ ভয়ে, মুহমান হইতে থাকে, তাঁহাকে—তাঁহার মহিমাকে দেখিলেই সে বীত-শোক

হইয়া প্রফুল্ল হয়। “সমানে বৃক্ষে পুরুষো নিমগ্নোহনীশয়া শোচতি মুহমানঃ। জুষ্টিং যদা পশ্যত্যান্যামীশমস্য মহিমানমিতি বীত-শোকঃ।”

বৃক্ষ যেমন মূলের সহিত সংযুক্ত থাকিলেই বর্দ্ধিত হয়, ফল যেমন বৃক্ষের সহিত সংলগ্ন থাকিলেই পরিণত হয়, আত্মা তেমনি পরমাত্মার সহিত অব্যক্ত-যোগে নিবদ্ধ থাকিলেই উন্নত হইতে থাকে। জরায়ু-মধ্যে জীব যেমন মাতৃ-শোণিত সহকারে পরিপোষিত হইয়া থাকে, আত্মা তেমনি সেই বিশ্ব-জননীর গর্ভ-শয়্যায় শয়ান থাকিয়া তাঁরই মঙ্গল ভাবে, প্রীতি-নীরে পরিবর্দ্ধিত হয়। বালকের ন্যায় মাতৃ-ক্রোড়-ভ্রষ্ট হইলেই আত্মা দুর্গতি-সাগরে পতিত হইয়া ক্রমে মৃত-কংপ হইতে থাকে। শরীর হইতে আত্মা তিরোহিত হইলেই যেমন শরীর অচেতন ও অসাড় হইয়া যায়, ঈশ্বর হইতে তেমনি আত্মা বিচ্যুত হইলেই সে অবসন্ন হইয়া পড়ে। নদী যেমন সমুদ্রসহ সংযুক্ত না থাকিলে সে আর বহমান থাকে না, আত্মার জ্ঞান প্রীতি ইচ্ছাও তেমনি সেই অনন্ত জ্ঞান-সমুদ্র পরমেশ্বরের জ্ঞান প্রীতি ইচ্ছায় বাহিত না হইলে এবং সংযুক্ত না থাকিলে সে আর কোন রূপেই বর্দ্ধিত ও পরিপোষিত হইতে সমর্থ হয় না। দিন দিন তাহার সকল সাধু ভাব, সমুদায় সদ্বৃত্তি শুষ্ক ও মুমূর্ষু হইতে থাকে। বৃক্ষ যতক্ষণ যুক্তি হইতে রসাকর্ষণ করে, ততক্ষণই যেমন সে জীবিত, শিশু যতক্ষণ স্তন্য পানে সমর্থ ততক্ষণই যেমন সে সুস্থ, আত্মাও তেমনি যদবধি ঈশ্বরের প্রীতি-সুধা পানে অনুরক্ত ততক্ষণই সে প্রকৃতিস্থ থাকে। বালক যেমন স্তন্য-সুধা পানে বর্দ্ধিত হইলে অসুস্থ ও শীর্ণ হইয়া থাকে, আত্মা তেমনি ব্রহ্ম-প্রীতিরসে পোষিত হইতে না পারিলে রুগ্ন ও বিকৃত হইয়া মৃত্যু-মুখে পতিত হয়। অতএব

পরমাত্মার সহিত আত্মার যোগই যথার্থ জীবন, তাঁহা হইতে বিচ্যুতিই তাহার প্রকৃত যত্ন। তাঁহার সহিত নিত্য সহবাস-জনিত ভূমানন্দ সন্তোষই অমৃতত্ব, তাঁহা হইতে বঞ্চিত হওয়াই তাহার নরক ভোগ। এই যত্ন হইতে অমৃতে গমন করাই আমারদিগের আকিঞ্চন, এই নরক-ভোগ হইতে স্বর্গ-ধামে উপনীত হওয়াই আমারদের প্রাণগত প্রার্থনা। সেই জন্যই প্রতিদিন ত্রিসন্ধ্যা নিঃস্বপ্নে উপাসনা-কালে ঈশ্বরের সন্নিধানে সর্বান্তঃকরণের সহিত প্রার্থনা করি, "যত্ন হইতে আমাকে অমৃতে লইয়া যাও।" এই জন্যই এই প্রকাশ্য ব্রহ্ম-মন্দিরে সকলে সম্মিলিত হইয়া এক মনে সমস্তের এই প্রাণ-গত প্রার্থনা বাক্য উচ্চারণ করি "যত্নো-র্মাং হৃতং গময়।"

আমাদের শারীরিক যত্ন হইতে উদ্ধারের জন্য এ তেজোময়, অমৃতময় মহাবাক্য নয়; আত্মার গতি মুক্তির জন্য আত্মাকে যত্ন-মুখ হইতে উদ্ধার করিবার জন্যই আমাদের এই প্রার্থনা। যাহারদের সংসারই সর্বস্ব, সংসারই সার, যাহারা সাংসারিক সুখকেই সার মনে করে, তাহারাই শরীর পতন-ভয়ে আকুল হয়। শরীরের বিনাশই তাহারদের সর্বনাশ। যাহারদের আত্মার প্রতি দৃষ্টি আছে, আত্মার উন্নতির প্রতি যাহারদের লক্ষ্য আছে, পার্থিব-সুখ তাহারদের সন্নিধানে নিতান্তই অকিঞ্চিৎকর। শ্রেষ্ঠতর মহত্তর ব্রহ্মানন্দের জন্যই যাহারদের মানস-রসনা লালায়িত, ঈশ্বরের সহিত নিত্য সহবাস-জনিত দেব-দুলভ শাস্ত সুখই যাহারদের প্রার্থনা, সংসার বন্ধন ও হৃদয়-গ্রন্থি ছেদ করত ক্রমশঃ উন্নত লোকে গমন করা, নবতর কল্যাণতর সুখ সন্তোষ করা যাহারদের ইচ্ছা, তাহার তাহার দ্বার উন্মোচনে কেন ভীত বা শঙ্কিত হইবেন?

শরীরের যত্ন তাঁহাদিগের পক্ষে তত ভয়ানক নহে। বীজ হইতে যেমন কাণ্ড শাখা, পুষ্প ফল, যথাক্রমে প্রসবিত হইতে দেখিয়া সকলে প্রফুল্ল হয়, সেই রূপ পরিবর্তন ও উন্নতির নিয়ম পুণ্যাঙ্গারা নরদেহে দেদীপ্যমান দেখিয়া পূর্ণ-জ্ঞান পরমেশ্বরকেই ধন্য বাদ দেন। শোণিত শুক্র হইতে যেমন জননী-গর্ভে ক্রমে ক্রমে রক্ত মাংস শিরা শোণিত-সম্পন্ন অশরীরি আত্মার আবাস গৃহ এই শরীর নির্মিত হয়, এবং যথাসময়ে আলোক-গুণ্য জননীগর্ভ হইতে এই আলোকময় সুরম্য লোকে ভূমিষ্ঠ হইতে দেখা যায়, তেমনি পর্যায়-ক্রমে বাল্য, যৌবন, জরা ও বার্দ্ধক্য রূপ নানা অবস্থাতে আত্মা ক্রমশঃ জ্ঞান ধর্মে সমুন্নত হইয়া ইহ লোকের শিক্ষা সমাপন করিলেই যত্ন রূপ পরিবর্তন দ্বারা পার্থিব-শরীর পৃথিবীতে রাখিয়া আবার উন্নততম লোকে যাইয়া উপনীত হয়। বালকের যতদিন মাতৃ শরীরে পোষিত হইবার আবশ্যিক সে ততদিন তথায় পরিপালিত হয়, এই ভুলোকে অবতীর্ণ হইবার কাল উপস্থিত হইলে সে তাহা পরিত্যাগ করত ভূমিষ্ঠ হইয়া সকলের মনে আনন্দ বিধান করে। আত্মার সেই রূপ এই ভক্তুর শরীরে ইহলোকে যতদিন ও যতদূর উন্নত হইবার প্রয়োজন, ততকাল এখানে অবস্থান করিয়া লোকান্তরে উপনীত হওত দেবতাদিগের মধ্যে হর্ষ আনন্দ বিস্তার করে। আমরা যেমন গর্ভ-রূপ হইতে শিশুর ভূমিষ্ঠ হইবার প্রকৃত তাৎপর্য বুঝিয়া পুলকিত হই, দেব-তারাতাও তেমনি আত্মার ভুলোক হইতে উন্নত লোকে যাইবার প্রকৃত অর্থ বুঝিয়া আনন্দিত হইতে থাকেন। যত্ন যে আমাদের উন্নতি-শীল আত্মাকে কেমন বিচিত্র কৌশলে উন্নত লোকে লইয়া যায়, এই সংকীর্ণ কারণার হইতে কেমন নিঃশব্দে বিমুক্ত করিয়া যে

প্রকৃত স্বদেশের পথ নির্দেশ করে, যতক্ষণ না আমরা দেব-ভাবে, জ্ঞান প্রেমে সমুন্নত হই, ততক্ষণ আর তাহার প্রকৃত অর্থ হৃদয়ঙ্গম করিতে পারি না। মনুষ্য যত বিষয়-জালে বিজড়িত হয়, পার্থিব সুখে অনুরক্ত হয়, যত্ন ততই তাহার সন্নিধানে তীষণ যুক্তি ধারণ করে। যত্ন সংসার-পরতন্ত্র জ্ঞানার্জ জীবের পক্ষেই ভয়ানক; যত্ন সাধু স-রল-মতি, যতি সন্তোষীর পদানত দাস। যত্ন ভগবৎ-প্রেম-গুণ্য নীরস হৃদয়ের পক্ষেই উদ্যত বজ্রের ন্যায় ভয়ঙ্কর, যত্ন ঈশ্বর-প্রেম-মগ্ন সুধীর সাধুর নিকটে পুষ্পবৎ কোমল। যত্নকাল সংসার-সর্বস্ব বোর বিষয়ীর পক্ষেই এলয়-কাল তুল্য; উন্নতমনা ঈশ্বর-পিপাসু প্রেমিকের সন্নিধানে তাহা উষা-কালের ন্যায় সুখ-প্রদ, আনন্দ-প্রদ।

শরীর-ত্যাগে বা প্রাণনক্রিয়ার অবরোধে তো বৃক্ষ লতা, পশু পক্ষী সকলেরই যত্ন হইয়া থাকে, সে যত্নাতে জ্ঞান-ধর্ম-সম্বিত অশরীরি আত্মার যত্ন হয় না। ঈশ্বর হইতে বিচ্যুতিই তাহার যথার্থ যত্ন। তাঁর সঙ্গে বিযুক্ত হওয়াই তাহার সাংঘাতিক বিনাশ। আমরা সকলে সেই যত্ন-ভয়েই ব্যাকুল হইয়া অমৃতের শরণাগত হইয়াছি। পাছে সংসার আমাদের আত্মার প্রাণ বিনষ্ট করে, পাছে বিষয়ারণে প্রবেশ করিলে পাপ-পিপাচী আমাদের আত্মাকে আক্রমণ করে, এই ভয়েই ভীত হইয়া সেই প্রাণ-বাতার আশ্রয় লইয়াছি, যে তিনিই আমার-দিগকে রক্ষা করিবেন। এস, সকলে এখানকার অসৎ অন্ধকার হইতে উদ্ধার হইবার জন্য, যত্ন হস্ত হইতে নিষ্কৃতি পাইবার নিমিত্ত সত্য হৃদয়ে প্রার্থনা করি, "অস-তোমা সদ্ধাময় তমসোমা জ্যোতির্গময়, যত্নো-র্মাং হৃতং গময়।" "অসৎ হইতে আমাকে সংস্বরূপে লইয়া যাও, অন্ধকার

হইতে আমাকে জ্যোতিতে লইয়া যাও, যত্ন হইতে আমাকে অমৃতে লইয়া যাও।"

ও একমেবাদ্বিতীয়ং।

জ্ঞান ও ধর্মের সামঞ্জস্য।

বকল নামক ইংলণ্ডীয় মহাপণ্ডিত-তাঁহার ইংলণ্ডীয় সভ্যতার পুরাতত্ত্বের ভূমিকা মধ্যে জ্ঞান ও ধর্ম-মূলক নিয়মের তুলনা করিয়া এই স্থির করিয়াছেন যে, জ্ঞান-মূলক নিয়ম সকলই মনুষ্যজাতির প্রকৃত উন্নতি সাধনে প্রবৃত্ত আছে, এবং তিনি যদ্যপিও ধর্ম-মূলক সত্যের অস্তিত্ব অস্বীকার করেন নাই, তথাচ ধর্ম-মূলক নিয়ম সকলকে মনুষ্যগণের উন্নতি সাধন পক্ষে নিশ্চেষ্ট বলিয়া নির্দেশ করিয়াছেন, তিনি যাহা বলেন তাহার সত্যাসত্য বিচারে আপাতত ক্ষান্ত থাকিয়া তাঁহার উক্তিকেই প্রামাণ্য করত তৎপ্রতি তর্ক করা যাইতেছে। ধর্ম-মূলক সত্য সকল, ধর্ম-মূলক নিয়ম সকল নিঃসন্দেহই চিরকাল সমান ভাবে মনুষ্যের আত্মাতে বিরাজিত আছে, সেই সকল সত্যের হ্রাস বৃদ্ধি করা মনুষ্যের সাধ্যায়ত্ত নহে, কিন্তু তিনি পরে বলিয়াছেন, যে এই রূপ নিশ্চেষ্ট সত্য সকল মনুষ্যের প্রকৃত উন্নতি সাধনে কখনই আনুকূল্য করিতে পারে নাই। এখন মনুষ্যের

১ For there is, unquestionably nothing to be found in the world which has undergone so little change, as those great dogmas of which moral systems are composed. To do good to others, to sacrifice for their benefit your own wishes; to love your neighbour as yourself, to forgive your enemies; to restrain your passions; to honour your parents; to respect those who are set over you; these and a few others are the sole essentials of all morals but they have been known for thousands of years and not one jot or tittle has been added to them by all the sermons, homilies, and text books which moralists and theologians have been able to produce. *Buckle's History of Civilization in England Vol. I. page 163.*

প্রকৃত উন্নতি কাহাকে বলে তাহা দেখা আবশ্যিক। যদিও জ্ঞান-মূলক সত্য সকল ধর্ম-মূলক সত্যকে ত্যাগ করিয়া মনুষ্যের উন্নতি সাধনে প্রবৃত্ত হইত তাহা হইলে কি মনুষ্যের প্রকৃত উন্নতি সাধিত হইত, "অন্যের উপকার করা, অন্যের উপকার জন্য ত্যাগ স্বীকার করা, সকলকে আপনার ন্যায় প্রেম-ভাবে দর্শন করা, আপনার বিপক্ষকেও মার্জনা করা, কামক্রোধাদি রিপুগণকে দমন করা, পিতা মাতাকে ভক্তি করা ও গুরু-জনকে মান্য করা," এই সকল সত্য যদি মনুষ্যের আত্মা হইতে তিরোহিত হয়, তাহা হইলে কেবল জ্ঞান-মূলক সত্য জ্ঞান-মূলক নিয়ম সকল দ্বারা কি মনুষ্য জাতির প্রকৃত উন্নতি সাধিত হয়। এই সকল ভাব ও এই সকল নিয়ম যে অপরিবর্তনীয় ও স্থির ভাবে আমাদের আত্মাতে বিরাজিত রহিয়াছে তাহা আমরা মুক্তকণ্ঠে স্বীকার করি। কিন্তু ইহা দ্বারা যে মনুষ্যের প্রকৃত উন্নতি সাধিত হয় নাই, ইহা আমরা কোন কপেই স্বীকার করিতে পারি না। মহাত্মা বকল যখন অশেষ ক্রেশ স্বীকার করিয়া, আমোদ প্রমোদ ত্যাগ করিয়া, শারীরিক সুস্থতাকে জলাঞ্জলি দিয়া, তাঁহার জ্ঞান-গর্ভ সত্যতার পুরাতন সংকলনে প্রবৃত্ত হইয়াছিলেন, তখন কি তিনি পরের উপকার জন্য উহা সংকলনে প্রবৃত্ত হইয়াছেন? হায়! তাঁহার ঐ আশ্চর্য্য জ্ঞান-গর্ভ গ্রন্থে তাঁহার শোচনার কথা মনে হইলে কাহার হৃদয় না দলিত হয়; কিন্তু আমাদের সেই অশ্রু-নিপাত কোন উৎস হইতে উৎসারিত হয়, জ্ঞান দ্বারা আমরা তাঁহার জ্ঞানের আলোক দেখিয়া আশ্চর্য্য হই, কিন্তু ধর্ম-মূলক সত্যই আমাদের কাহাকে মান্য করিতে, তাঁহার জন্য শোক করিতে হৃদয়কে আদেশ করে, ধর্ম-মূলক সত্য নিশ্চেষ্ট ভাবেই আমাদের উন্নতি সাধনে প্রবৃত্ত

রহিয়াছে? যাহারা স্থির ভাবে আমাদের উপকার করে তাহারা কি আমাদের উপকারক নহে, ধর্ম-মূলক সত্য নিত্য কাল আমাদের হৃদয়কে নিয়োজিত করে বলিয়াই কি তাহাদের নিয়ম আমাদের পক্ষে পরম উপকারক নহে, মনুষ্য জাতির আজন্ম দুই হস্ত এবং দুই পদ; ত্রিপাদ কিম্বা চতুর্ভুজ মনুষ্য জন্ম গ্রহণ করেন নাই, এই জন্য কি উক্ত হস্ত পদাদি দ্বারা মনুষ্যের যে উপকার সাধিত হয় ও হইতেছে তাহা বুঝা হইবে, এই জন্যই কি তাহারা মনুষ্য জাতির পরম উপকারক নহে, এই জন্যই কি তাহাদের দ্বারা ভবিষ্যতে যে সকল উন্নতি সাধিত হইবে তাহা মনুষ্যের প্রকৃত উন্নতি হইবে না। ধর্ম-মূলক সত্য আমাদের আত্মাতে চিরকাল সমভাবে অবস্থিত করিয়া আমাদের পরম উপকার সাধন করিতেছে বটে, কিন্তু এই জন্য আমরা জ্ঞান-মূলক সত্য সকলকেও তুচ্ছ করিতে পারি না। ধর্ম-মূলক সত্য, ধর্ম-মূলক নিয়ম সকল অবিনশ্বর অক্ষরে মনুষ্যের আত্মাতে নিবেশিত আছে, জ্ঞান আপনার জ্যোতি দ্বারা সেই সকল সত্যকে অগ্নিময় অক্ষরে পৃথিবীস্থ মনুষ্যগণের নিকটে প্রতিভাত করে। সপ্তসুর আমাদের কণ্ঠেই রহিয়াছে কিন্তু মনুষ্য বিশেষ কোন ক্রিয়া দ্বারা, তাহা আকাশে নিষ্ক্ষেপ করত তাহাকে মোহিনী শক্তি প্রদান করে।

ধর্ম-মূলক নিয়ম ও জ্ঞান-মূলক নিয়ম উভয়েই আমাদের পরম উপকারক, উভয়েই কেই বিশেষ কপে আলোচনা করা মনুষ্যের কর্তব্য কর্ম।

আমরা অতি সঙ্কুচিত হইয়াই মহাত্মা বকলের সহিত ভিন্নমত হইয়াছি। আমাদের মতে ধর্ম-মূলক-নিয়ম ও জ্ঞান-মূলক নিয়ম, ইহার মধ্যে কোনটি আমাদের উন্নতি-সাধনে অস্পর্ষ্য অধিক ভাবে প্রবৃত্ত রহিয়াছে তাহার

অনুসন্ধান করা কিম্বা তন্মধ্যে তুলনা সংস্থাপন করাই যুক্তি-নিদ্ধ নহে। জ্ঞান-মূলক নিয়ম সকল ক্রমে মনুষ্যের মন হইতে মোহ-অন্ধকার দূর করিয়া, ধর্ম-মূলক সত্যকেই উদ্দীপিত করে, কিন্তু ধর্ম-মূলক নিয়ম, ধর্ম-মূলক সত্যের অস্তিত্বই যদি না থাকিত তাহা হইলে জ্ঞান-মূলক সত্য সকল কি কর্ম করিতে অধিকারী হইত? কিছুই নহে। যদিও সমুদায় মহাত্মাগণের জ্ঞান-প্রদর্শিত মহা সত্য সকল এই ধর্ম-মূলক নিয়মকে উদ্দীপিত না করিত যে—মনুষ্যের উপকার করা মনুষ্যের কর্তব্য কর্ম, তাহা হইলে ঐ সকল মহা সত্য, মনুষ্যের পক্ষে, বুঝা ও নিষ্ফল কি না?

উক্ত মহাত্মাগণ মহা সত্যসকল আবিষ্কৃত করিয়া মনুষ্যের জ্ঞান-সমষ্টি বৃদ্ধি করিয়া, কি করিয়াছেন? মনুষ্যের পরম উপকার সাধন করিয়াছেন। যদি ঐ সকল মহাত্মাদের মনে ইহা দৃঢ় নিশ্চয় না থাকিত যে আমরা যাহা করিতেছি তদ্বারা মনুষ্য জাতির পরম উপকারই সাধিত হইবে, তাহা হইলে কি তাঁহার অশেষ ক্রেশ স্বীকার করিয়া ঐ সকল কর্মে প্রবৃত্ত হইতেন।

মহাত্মা বকল, আপনার তর্ক দৃঢ়ীকৃত করিবার জন্য দুইটি দৃষ্টান্ত প্রদর্শন করিয়াছেন। কোন বিশেষ ধর্ম সম্প্রদায়ের প্রতি, অন্য সম্প্রদায়-ভুক্ত লোকগণের বিদ্রোহ-চরণ এবং পৃথিবীতে যুদ্ধ বিগ্রহের প্রাদুর্ভাব। এক্ষণে আমরা এই দুই বিষয়ের আলোচনায় প্রবৃত্ত হইলাম।

মহাত্মা বকল বলেন, যে অজ্ঞ ব্যক্তির হস্তে যে কালে প্রভুত্ব নিপতিত হইয়াছে, সেই সময়েই উক্ত ব্যক্তি প্রায়ই মনুষ্যের উপকার সাধন না করিয়া প্রত্যুতঃ মহা অপকারই করিয়াছেন এবং এই কথা যে কত দূর সত্য তাহা ধর্ম সম্প্রদায়ের উপর

বিদ্রোহচরণের বৃত্তান্ত আলোচনা করিলেই স্পষ্ট প্রতীতি হয়; কেন না, যে কোন সম্প্রদায়ের ধর্ম-যাজক ঐ রূপ ভিন্ন বিশ্বাসস্থ লোকগণের উপর বিদ্রোহচরণ করিয়াছেন, তাঁহাদের সকলেরই মানসিক প্রযুক্তি সকল অতি নিম্নল ও পবিত্র ছিল ও আপনাদের বিশ্বাসকে সত্য জানিয়াই ঐ রূপ বিদ্রোহচরণ করিয়াছিলেন; সুতরাং যদিও তাহারা ধর্মের বশীভূত হইয়াই ঐ সকল অনিষ্টচরণ করিয়া থাকেন, তাহা হইলে ধর্ম-মূলক সত্যের গৌরব আর কোথায় রহিল। এই রূপ বিদ্রোহচরণে, যে পৃথিবীর মহা অনিষ্ট ঘটয়া গিয়াছে, ও ইহা যে প্রভূত অনর্থের মূল ইহা আমরা মুক্ত কণ্ঠে স্বীকার করি এবং যে সকল ধর্মযাজক, ঐ বিষয় কাণ্ডে ব্রতী হইয়াছিলেন, তাহারা যে অন্যান্য বিষয়ে পবিত্রচরিত্র এবং আপনাদের বিশ্বাসকে সত্য জানিয়াই ঐ রূপ অনিষ্টচরণে প্রবৃত্ত হইয়াছিলেন, পুরাতন পাঠ করিলে তাহাও অস্বীকার করা যায় না, কিন্তু এখানে বক্তব্য এই যে ইহা দ্বারা ধর্ম-মূলক সত্যের অস্তিত্বের কিম্বা তাহার উপকারিত্বের কি ব্যাঘাত জন্মিল? ঐ রূপ বিদ্রোহচরণে যে অতি অকর্তব্য এই যে এক মহান সত্য এইটি আমরা কোথা হইতে পাইলাম? কোন জ্ঞান-মূলক সত্য হইতে এই সত্যটি উৎপন্ন হইয়াছে? ঐ রূপ বিদ্রোহচরণ করা নিষ্ফল এই জন্যই কি মনুষ্য তাহা হইতে বিরত হয়, না ঐ রূপ আচরণ অতি অন্যায় ও অতি অকর্তব্য এই জন্যই মনুষ্য উক্ত কার্যে প্রবৃত্ত হয় না। কিন্তু তবে কি এই ধর্ম-মূলক সত্য আমরাই পাইয়াছি, পূর্বকালীন যাহারা ঐ রূপ কর্মে প্রবৃত্ত হইয়াছিলেন, তাঁহাদের নিকট কি এই সত্য প্রতিভাত হয় নাই? এখানে এই তর্ক উত্থাপিত হইতে পারে সন্দেহ নাই, অবশ্যই প্রতিভাত হইয়াছিল, কিন্তু

মোহাকার তাঁহাদিগকে আচ্ছন্ন করিয়াছিল, ক্রমে জ্ঞানের প্রভাবে যত সেই মোহ দূরীকৃত হইতে লাগিল, ততই ঐ মহান সত্য উজ্জ্বল রূপে মনুষ্য মনে জাগরুক হইল। ইহা আমরা যুক্ত কণ্ঠে স্বীকার করি যে জ্ঞান-মূলক নিয়ম সকল ঐ কার্যে প্রবৃত্ত হইয়া ঐ সত্যকে প্রতিভাত করিল, এবং ঐ সকল সত্যকে প্রতিভাত করে বলিয়াই তাহারা অতি শ্রদ্ধেয় কিন্তু ঐ সকল সত্য যদি বাস্তবিক না থাকিত, তাহা হইলে জ্ঞান সহস্র বৎসর আলোচনা দ্বারাও কি উহার অকর্তব্যতা স্থিরীকৃত করিতে পারিত? কখনই নহে। আমরা জ্ঞান-মূলক সত্য যে মনুষ্যের উন্নতি করে তাহা যুক্ত-কণ্ঠে স্বীকার করি, কিন্তু তন্নিমিত্ত ধর্ম-মূলক সত্য যে মনুষ্য জাতির উন্নতি সাধনে নিশ্চেষ্ট তাহাই অস্বীকার করি; কেন না যখন ধর্ম-মূলক সত্যের অস্তিত্বই স্বীকার করিতে হইল এবং যখন জ্ঞান সেই সকল ধর্ম-মূলক সত্যকে লইয়াই কার্য করে, তখন অবশ্যই ইহা স্বীকার করিতে হইবে যে ধর্ম-মূলক সত্য কখনই একেবারে নিশ্চেষ্ট নহে ও তাহারা মনুষ্য-জাতির উন্নতি সাধনে অবশ্যই আনুকূল্য প্রদান করে। বোধ হয় ধর্ম লইয়া ঐ রূপ বিদ্রোহাচরণ পৃথিবী হইতে তিরোহিত হইয়াছে, কিন্তু কি ভূতত্ত্ব বিদ্যা কি বার্তা শাস্ত্র, কি প্রাণি তত্ত্ব, কি চিকিৎসা বিদ্যা, এই সমুদায় বিদ্যার মধ্যে পণ্ডিত-গণের মত-ভেদ প্রত্যক্ষ হয় এবং মধ্যে মধ্যে বিবাদ ও বিদ্রোহাচরণ যে হয় না, এক-পাও নির্দেশ করা যায় না, কিন্তু ঐ রূপ বিবাদ, ও বিদ্রোহাচরণ যে অতি অকর্তব্য ইহা কোন জ্ঞান মূলক সত্য আবিষ্কৃত করিতেছে?

মহাত্মা বকল আর একটি দৃষ্টান্ত প্রদর্শন করিয়াছেন। তিনি বলেন যে “যুদ্ধ বিগ্রহের ব্যাপার বিষয়ে আমরা এখনও

যাহা জানি, শত শত বৎসর পূর্বেও তাহাই জানিতাম। প্রতীকার যুদ্ধই ন্যায়-সঙ্গত এবং আততায়িক যুদ্ধই অন্যায় এই যে দুই মূল তত্ত্ব, ধর্ম শাস্ত্র বেত্তাগণ ইহাই আমাদিগকে শিক্ষা দিতে সমর্থ হয়েন।”

আততায়িক যুদ্ধ অবশ্যই অন্যায় এবং যদ্যপি আততায়িক যুদ্ধ পৃথিবীতে না থাকে তাহা হইলে এই বিষয় হত্যা-ব্যাপার ভূমণ্ডল হইতে অন্তর্হিত হয়। মহাত্মা বকল এই রূপ তর্ক করেন যে, এই যুদ্ধ ব্যাপার পৃথিবীতে প্রধান প্রধান সত্য জাতি মধ্যে ক্রমশঃ হ্রাস পাইতেছে কিন্তু ধর্ম-মূলক নিয়ম সকল যে তাহার কারণ ইহা বলা যাইতে পারে না; কেন না, যখন ধর্ম-যাজকেরা চির-কাল এই রূপ উপদেশ দিয়াও তাহা পৃথিবী হইতে তিরোহিত করিতে পারেন নাই, এবং ইউরোপীয় সভ্যজাতি-মধ্যে জ্ঞান-মূলক সত্য সকলের প্রকাশ হওয়ায় ক্রমে ঐ বিষয় ব্যাপারের পরিবর্তন ও হ্রাস দেখা যায়, তখন ইহা অবশ্যই বলিতে হইবে যে অপরিবর্তনশীল ধর্ম-মূলক সত্য সকল কখনই ইহার কারণ নহে। তিনি বলেন, যে পুরাবৃত্ত পাঠে ইহা স্পষ্টই দেখা যায় যে যতই জ্ঞানের প্রভাব উদ্দীপিত হয় ততই জ্ঞানবান লোকের সংখ্যা বৃদ্ধি প্রাপ্ত হয় এবং সৈনিক সংগ্রাম-প্রিয় ব্যক্তি গণের সহিত ইহাদের ঘনত্ব উপস্থিত হইয়া শেষোক্ত ব্যক্তিগণের সংখ্যা হ্রাস হয়। অসত্য জাতি মধ্যে, যুদ্ধ বিগ্রহই, মানের চিহ্ন। সুতরাং সংগ্রামই তাহাদের গৌরবের এক মাত্র উপায় কিন্তু ক্রমে জ্ঞান বৃদ্ধির সঙ্গে সঙ্গে জ্ঞানবান লোকের সংখ্যা বৃদ্ধির

১ On this head nothing is known that has not been known for many centuries. That offensive wars are unjust and that defensive wars are just are the only two principles which on this head moralists are able to teach.

সঙ্গে সঙ্গে অন্যান্য শাস্তি-মূলক কর্মে মনুষ্য নিযুক্ত হইয়া, যুদ্ধ-প্রিয় ব্যক্তির সংখ্যা হ্রাস করে ও সভ্যতার সর্বোচ্চ মঞ্চের নিম্ন সোপান সকলে এই রূপ ভাবই দেখা যায়। ক্রমে যুদ্ধ-প্রিয় ব্যক্তির হ্রাস দেখাইয়া, তিনি ইউরোপীয় জ্ঞান বিস্তারে যে রূপ এই যুদ্ধ বিগ্রহের অপ্পতা হইয়া আসিয়াছে তাহা নির্দিষ্ট করিয়াছেন। তাঁহার মতে বারুদের ব্যবহার ও মনুষ্যের গমনাগমনে বাষ্পের ব্যবহার এবং বার্তাশাস্ত্রের সত্য সকলের আবিষ্কার এই তিন উপায়কেই তিনি যুদ্ধ নিবারণের প্রধান উপায় বলিয়া গিয়াছেন এবং ফ্রান্স সহস্রাব্দী মহাবিপ্লবের পর চত্বারিংশৎ বর্ষ ব্যাপিনী শাস্তি ও তৎপরে ক্রমশঃ তুর্ক এই দুই অসত্য জাতির যুদ্ধ বিগ্রহকেই তাহার দৃষ্টান্ত স্বরূপ বলিয়া গিয়াছেন। মহাত্মা বকল যদি এত দিন জীবিত থাকিতেন তাহা হইলে জর্মনির যুদ্ধ বিগ্রহের ব্যাপার দর্শনে তিনি তাহার কি কারণ নির্দেশ করিতেন বলিতে পারি না; কিন্তু এ রূপ তর্ক উত্থাপন করা আমাদের মতে যুক্তি-বিরুদ্ধ বলিয়াই ভবিষ্যে ক্ষান্ত হইলাম। এখন আমাদের বক্তব্য এই যে, আততায়িক যুদ্ধ ব্যাপার যে অন্যায় এই যে একটি মহান সত্য ইহা আমরা কোথা হইতে প্রাপ্ত হইতেছি, আধ্যাত্মিক ধর্ম ভাব হইতে যদি আমরা এই সত্য না পাই-তাম—যে স্বার্থ হেতু পরের মন্দ করা অন্যায়—তাহা হইলে, জ্ঞান-মূলক সত্য সকলের আবির্ভাবে ইহা কি কখন আমাদের হৃদয় হইত। জ্ঞান-মূলক সত্য সকলের আবির্ভাবে যুদ্ধ বিগ্রহের নিষ্ফলতা ও শাস্তির উপকার সত্য জাতির হৃদয়ে নিবেশিত করিয়া তাহাদিগের মধ্যে উহার হ্রাস যে ক্রমে সাধিত হইবে তৎপ্রতি আমাদের কোন সন্দেহ নাই বটে, কিন্তু পুরাবৃত্ত পাঠে আমরা এই একটি সত্য প্রাপ্ত হই যাহা মহাত্মা বকল বিশেষ

রূপে আলোচনা করিয়া দেখেন নাই; তিনি কি ঐ চত্বারিংশৎ বর্ষ ব্যাপিনী মহা শাস্তির সময়ে আফ্রিকাস্থ এবং আসিয়াস্থ জাতিগণের উপর ফ্রান্স এবং ইংলণ্ডের অত্যাচারের ও আততায়িক যুদ্ধের বিষয় দেখিয়াও দেখেন নাই? আফ্রিকাস্থ আলজীরিয়ায় এবং আসিয়াস্থ ভারত বর্ষে ইহার ভূরি ভূরি প্রমাণ পাওয়া যাইতে পারে। ইউরোপীয় সভ্য জাতির মধ্যে ও তাহাদিগের পণ্ডিতগণের মধ্যে ধর্ম-মূলক সত্য সকলের অবমাননায় এই এক বিষয় ব্যাপার উপস্থিত হইয়াছে, যে ইউরোপীয় সভ্য জাতি জ্ঞান-বলে বলী হইয়া পৃথিবীস্থ অন্যান্য সমুদায় দুর্বল জাতির উপর মহা বিদ্রোহাচরণ উপস্থিত করিয়াছেন, তাঁহারা জ্ঞান দ্বারা বিবিধ উপায় সৃজন করত অন্যান্য হীন-বল মনুষ্য জাতি সকলকে পৃথিবী হইতে উৎসন্ন করিতে ব্রতী হইয়াছেন এবং যখন ইউরোপীয় পণ্ডিত-গণও ধর্ম মূলক সত্যকে অকর্মণ্য বলিয়া নির্দেশ করেন, তখন যে এই ব্যাপার অতি আশ্চর্য্য ইহা কি রূপে বলা যাইতে পারে। জ্ঞান-দর্পে দর্পিত হইয়া ইউরোপের মনুষ্যগণ, অন্যান্য দেশের লোকগণকে কি ভয়ানক ভাবে দেখিয়া থাকেন, কেহ কেহ ইহাদের মনুষ্য বলিতেও ঘৃণা করেন। এই রূপ বিদ্বেষ ভাব ও এই সকল হত্যাকাণ্ড কখনই জ্ঞান মূলক সত্য নিবারণ করিতে সমর্থ নহে ও হইবে না, প্রত্যুত তাহা দ্বারা এই সকল অনর্থকর ব্যাপারের বৃদ্ধিরই সম্ভাবনা। ইউরোপীয় সভ্য জাতিগণ জ্ঞান প্রচারের ছলে পর-দেশ আক্রমণের বিধিকে কর্তব্য বলিয়া নির্দেশ করেন।

এখন বিবেচনা করিয়া দেখিলে ভবিষ্যতে ধর্মের মহা সত্য সকলই এই বিষয় কাণ্ড নিবারণের যে মূলধার হইবে তৎপ্রতি এক প্রকার নিঃসন্দেহ হওয়া যায়।

যুদ্ধ বিগ্রহ এত দূর ভয়ঙ্কর ও ধর্ম প্রতিরোধী কাণ্ড যে তজ্জনিত ও তাহার আনু-সঙ্গিক অন্যান্য ভয়ঙ্কর ব্যাপারের উপশম জন্যই ধর্ম-মূলক নিয়ম সকল ত্রুতী ছিল। পূর্ব কালে গ্রীস এবং রোমীয় সংগ্রামে জয়ের সঙ্গে সঙ্গে দাস সংখ্যার বৃদ্ধি হইত। যুদ্ধে পরাজিত সৈন্যগণ জেতাগণের দাস হইয়া অশেষ ক্লেশ স্বীকার করিত, বাস্তবিক ঐ হতভাগ্য পুরুষগণ ক্রীত দাস স্বরূপ গণ্য হইত। খৃষ্টীয় ধর্ম এই ভয়ানক ব্যাপার নিবারণের প্রধান উপায়। অতএব দেখা যাইতেছে যে ধর্ম যাজকেরা যদ্যপিও যুদ্ধ বিগ্রহ নিবারণের জন্য ত্রুতী থাকিয়া তাহা পৃথিবী হইতে একেবারে উচ্ছেদ করিতে সমর্থ হয়েন নাই বটে, কিন্তু তাহার ভীষণ উৎপাত সকল তাহাদের দ্বারা অনেকাংশে নিরাকৃত হইয়াছে। জ্ঞান-মূলক সত্য এই ব্যাপারের উপশম জন্য চেষ্টা করিলে বোধ হয় কোন কালেই কৃতকার্য হইতে পারিতেন না। পৃথিবী হইতে যে ঐ ভয়ানক কাণ্ড একেবারে উন্মূলিত হয় নাই, তাহার অন্যান্য কারণ আছে; সেই সকল কারণের আলোচনা এ প্রস্তাবের উদ্দেশ্য নহে, কিন্তু ইহা কোন বিবেচক ব্যক্তি স্বীকার করিবেন যে যদ্যপি লোকেরা ধর্ম-

It was in this manner that the old civilization which rested on conquest and on slavery had passed into complete dissolution; the free classes being altogether demoralised, and the slave classes exposed to the most horrible cruelties. At last the spirit of Christianity moved over this chaotic society and not merely alleviated the evil that convulsed it but also reorganised it on a new basis. Page 255, Leckie's Rise and Influence of Rationalism in Europe. Other influences could produce the manumission of many slaves, but Christianity alone could effect the profound change of character that rendered possible the abolition of slavery—Ibid.

মূলক সত্য সকল হৃদয়ঙ্গম করে, ঐ সকল সত্যকেও ধর্ম-মূলক নিয়ম সকলকে পৃথিবীর কার্যে নিয়োগ করে, তাহা হইলে যুদ্ধ বিগ্রহ পৃথিবী হইতে একেবারে তিরোহিত হয় এবং এখানে ইহাও অসঙ্গুচিত চিন্তে নির্দেগ করা যাইতে পারে যে ধর্ম-মূলক সত্য সকল দ্বারা ভবিষ্যতে এই ব্যাপারের নিরাকরণ হইবে। ধর্ম-মূলক সত্য ক্রমে মনুষ্যের মনে উদ্দীপিত হইতেছে, ইহা দ্বারা মহৎ কর্ম সকল সাধিত হইবে সন্দেহ নাই।

এখন, মহাত্মা বকল যে ধর্ম মূলক সত্যের উন্নতি হওয়া একেবারে অসম্ভব বলিয়া গিয়াছেন ইহা কত দূর সত্য তাহার আলোচনায় প্রবৃত্ত হইলাম।

ধর্ম-মূলক সত্যের কতকগুলি মূল তত্ত্ব গ্রহণ করিয়া তিনি এই সিদ্ধান্ত করিয়াছেন, যে কোন কালে ইহার পরিবর্তন দৃষ্টিগোচর হয় না। এই সিদ্ধান্ত এত দূর সত্য যে ইহার প্রতি কেহই সন্দেহ স্থাপন করিতে পারেন না; কিন্তু বিবেচনা করিয়া দেখিলে এই সকল মূল তত্ত্ব যেমন অপরিবর্তনশীল, জ্ঞান-মূলক সত্য জ্ঞান-মূলক নিয়মেরও সেই রূপ কতকগুলি এমন মূল তত্ত্ব আছে যাহা ঐ রূপ অপরিবর্তনশীল। সকল বিদ্যারই ঐ রূপ কতকগুলি এমন সত্য আছে যাহা সম্পূর্ণ অপরিবর্তনশীল। আকর্ষণ ও বিকর্ষণ শক্তি, গণিত বিদ্যার মূল তত্ত্ব, জ্যামিতির মূল তত্ত্ব, সমুদায়ই অপরিবর্তনশীল। এই সকল মূল তত্ত্বের প্রয়োগ দ্বারাই জ্ঞান-মূলক সত্যের প্রকৃত উন্নতি সাধিত হইয়াছে। সেই রূপ ধর্ম-মূলক সত্যের মূল তত্ত্ব সকলেরও ঐ রূপ প্রয়োগ দেখা যায়, এবং ঐ রূপ প্রয়োগকে কি ধর্ম-মূলক সত্যের উন্নতি বলিয়া নির্দেশ করা যাইতে পারে না? মনুষ্যগণকে দাসত্ব শৃঙ্খল হইতে মুক্ত করা এই রূপ প্রয়োগের একটি প্রধান দৃষ্টান্ত স্থল। রাজ-কার্যের

শাসন প্রণালী মধ্যে এই সকল ধর্ম-মূলক নিয়মের যত প্রাচুর্য্য হইবে ততই তাহা দ্বারা পৃথিবীস্থ ভাবৎ জনগণের মহা উপকার সাধিত হইতে থাকিবে।

ধর্ম-মূলক সত্যের আর এক প্রকার উন্নতি পুরাতন দৃষ্টিগোচর হয়। এককালে কোন গর্হিত কর্ম সাধারণ সমাজ মধ্যে এক রূপ প্রচলিত থাকে যে ঐ রূপ গর্হিতাচারী ব্যক্তি এক কালে সমাজ মধ্যে কিছুই নিন্দনীয় হয় না। কিছু দিন পরে আবার সেই রূপ গর্হিতাচরণ জন-সমাজ মধ্যে এক রূপ নিন্দনীয় হয় যে, ঐ রূপ আচরণ প্রায়ই তদ্র সমাজ মধ্য হইতে উন্মূলিত হয়। এই রূপ ঘটনার প্রকৃত তত্ত্ব অন্বেষণ করিতে গেলে ইহা স্পষ্টই প্রতীতি হইবে যে উচ্চ বাস্তবিক ধর্ম-মূলক সত্য সকল হইতে উদ্ভূত হইয়াছে, আমাদের সকলেরই মনে একটি মঙ্গলের আদর্শ আছে, সেই আদর্শ যদিও জ্ঞান দ্বারা আমাদের মনে ক্রমে উন্নত ও সুন্দর রূপ ধারণ করে কিন্তু তথাচ সেই মঙ্গলের আদর্শই প্রমার্জিত হইয়া পরিষ্কৃত অক্ষর ধারণ করে মাত্র। ঐ মঙ্গলের আদর্শই বাস্তবিক আমাদের সমুদায় ধর্ম-তত্ত্বের মূল পত্তন ভূমি। অতএব যখন ঐ পত্তন-ভূমির বিস্তৃতি হয় তখন অবশ্যই ধর্ম-মূলক সত্য সকলেরও বিস্তৃতি ও উন্নতি হয় বলিতে হইবে। এই স্থানে লেখি নামক গ্রন্থকার তাহার জ্ঞান-ভাবের উপা-পন ও অধিকার বিষয়ক পুস্তকে যে রূপ বলিয়াছেন তাহা উদ্ধৃত করিতে বাধ্য হইলাম।

"I have examined several important intellectual agencies which have effected intellectual changes, but I have as yet altogether omitted the laws of moral development. In endeavouring to supply this omission, we are at first met by a school, which admits, indeed, that the true essence of all religion is

এই নিমিত্ত আমরা জ্ঞান-মূলক সত্য সকলকেও অনাদর করিতে প্রবৃত্ত নহি। জ্ঞান-মূলক সত্য সকল দ্বারা মনুষ্য জাতির অনেক উপকার সাধিত হইয়াছে। জ্ঞান-মূলক সত্য সকল ধর্মের পথকে পরিষ্কৃত করিতেছে, মনুষ্যের অবস্থাকে উন্নত করিতেছে, জ্ঞান ও ধর্ম-মূলক সত্য সকল উভয়ই মনুষ্য জাতির পরম হিত সাধনে প্রবৃত্ত রহিয়াছে, উভয়ই আমাদের পক্ষে অতি প্রক্লেয়, আমরা যেমন ইহা স্বীকার করিতে পারি না যে ধর্ম-মূলক সত্য সকল নিশ্চেষ্ট, ইহা দ্বারা মনুষ্য জাতির কোন উন্নতিই সাধিত হয় নাই, সেই রূপ ইহাও স্বীকার করিতে পারি না যে জ্ঞান-মূলক সত্য সকল অনাবশ্যক। বাস্তবিক ইহার মধ্যে কাহারো প্রতি বীতম্পৃহ হওয়া মনুষ্যের উচিত নহে। জ্ঞান-মূলক সত্য দ্বারা ধর্ম-মূলক সত্যের ধর্ম মূলক নিয়মেরও অনেক উপকার

moral, but at the same time, denies that there can be in this respect any principle of progress. Nothing it is said is so immutable as morals. The difference between right and wrong was always known and on this subject our conceptions can never be enlarged. But if in the term used moral be included not simply, the broad difference between acts, which are positively virtuous, and those which are positively vicious, but also the prevailing ideal or standard of excellence it is quite certain that morals exhibit as constant a progress as intellect, and it is probable that this progress has exercised as important an influence upon Society * * * * *. Thus, the pursuit of virtue for its own sake is undoubtedly a higher excellence than the pursuit of virtue for the sake of attaining reward or avoiding punishment; yet the notion of disinterested virtue belongs almost exclusively to the higher ranks, of the most civilized ages, and exactly in proportion as we descend the intellectual scale it is necessary to elaborate, the system of reward or punishment.

সাপিত হইয়াছে, পৃথিবীর পুরাতন পাঠ করিলে ইহার ভূরি ভূরি প্রমাণ পাওয়া যায় কিন্তু সেই সকল দৃষ্টান্ত এখানে সংকলন না করিয়া কেবল একটি দৃষ্টান্ত প্রদর্শিত হইল।

জৈনমত।

জৈনেরা কালকে দুই ভাগে বিভক্ত করে। তন্মধ্যে প্রথমটির নাম উৎসর্পিণী দ্বিতীয়টির নাম অবসর্পিণী। এক একটি কাল লক্ষ কোটি বৎসর ব্যাপিয়া থাকে। এই উৎসর্পিণী ছয় ভাগে বিভক্ত—সুখ, সুখসুখ, সুখছুখ, ছুখসুখ, ছুখ ও অতি ছুখ। দ্বিতীয় কাল অবসর্পিণীও আবার ছয় ভাগে বিভক্ত হইয়া থাকে—অতি ছুখ, সুখছুখ, ছুখসুখ, ছুখছুখ, ও সুখসুখ। মনুষ্যেরা যে সমস্ত স্থানে আছে তথায় যেমন চন্দ্রের এক বার হ্রাস ও এক বার বৃদ্ধি দেখা যায়, যেমন ক্রম ও শূন্য এই দুইটি পক্ষ পর্যায় ক্রমে গমনাগমন করে, সেই রূপ এই দুইটি কাল বারংবার গতায়ত করিতেছে। মনুষ্যেরা যে সমস্ত স্থানে বাস করে তৎসমুদায়ের সংখ্যা সর্বশুদ্ধ এক শত সপ্ততি। তন্মধ্যে দশটি স্থান পাঁচ জন ভরত ও পাঁচটি ঐরাবতের নামে বিশেষ প্রসিদ্ধ হইয়াছে। ত্রিলোকশতক গ্রন্থে এই সমস্ত স্থানের বিস্তারিত বৃত্তান্ত প্রাপ্ত হওয়া যায়।

প্রথম, সুখকাল চার শত কোটি বৎসর থাকে। এই সময়ে মনুষ্যেরা স্বতন্ত্র স্বতন্ত্র দশটি কপ রক্ষের ফলভোগ করিয়া থাকে। এই দশটি রক্ষের নাম ভোজনাক্ষ, বস্ত্রাক্ষ, ভূষণাক্ষ, মলাক্ষ, গৃহাক্ষ, রক্ষণাক্ষ, ত্র্যাক্ষ ও ভাজনাক্ষ ইত্যাদি। মনুষ্যেরা এই সমস্ত

কপ রক্ষ দ্বারা পরম সুখে সংসার যাত্রা নির্বাহ করিয়া থাকে। অত্যাচার নাই; সুতরাং তৎকালে রাজারও আবশ্যিকতা ছিল না। মনুষ্যেরা সকলেই সুখী ও সন্তুষ্ট থাকিত। তাৎকালিক মনুষ্যদিগের নাম উত্তম-ভূমি-প্রবর্তক ছিল।

দ্বিতীয় সুখ সুখ কাল তিন শত কোটি বৎসর থাকে। সুখ কালে যে রূপ কপ-রক্ষের দান প্রচুর পরিমাণে প্রাপ্ত হওয়া যাইত এ সময়ে তদপেক্ষা কিছু হ্রাস। এবং এ সময়ে মনুষ্যের বল বীর্য্য ও দীর্ঘজীবিতা তাদৃশ ছিল না। ইহাদিগের নাম মধ্যম-ভূমি-প্রবর্তক ছিল।

তৃতীয় সুখছুখ কাল। এই কাল দুই শত কোটি বৎসর থাকে। এই সময়ে কপ রক্ষ যৎসামান্য রূপ ফল প্রসব করিত। মনুষ্যেরা অস্পায়ু ও দুর্বল ছিল এবং তাহাদিগের সুখ ও সন্তোষ অল্প পরিমাণেই লাভ হইত। এই সময়ে মনুষ্যদিগের নাম জঘন্য-ভোগ-প্রবর্তক ছিল। এই তিন কালের মধ্যে তিন তিন সময়ে চতুর্দশ মনু উৎপন্ন হন। ইহাদিগের নাম প্রতিশ্রুতি, সম্মতি, ক্ষেমক্ষর, ক্ষেমক্ষর, শ্রীমানকর, শ্রীমানধর, বিমলবাহন, চক্ষু-য়ান, যশস্বী, অভিচন্দ্র, চান্দ্রব, মরুদেব, প্রসন্নক্ষিৎ, ও নাভিরাজ। এই শেষ মনু নাভিরাজ মরুদেবকে বিবাহ করিয়া বৃষভনাথ তীর্থঙ্কর নামে এক পুত্র উৎপাদন করিয়াছিলেন।

চতুর্থ ছুখসুখ কাল। এই সময় অতি অল্প পরিমিত বৎসরই থাকে। কপ রক্ষ এই কালে আর কিছুই প্রদান করে না। এই ছুখ সুখ সময়ে কপ রক্ষের তিরোভাব নিবন্ধন বোধ হইয়াছিল যেন মনুষ্যজাতি এক কালে উৎসন্ন হইয়া গেল। এই সময়ে চতুর্দশ মনু অযোধ্যাধিপতি

নাভিরাজের বৃষভনাথ তীর্থঙ্কর নামে পুত্র ভ্রমণে অবতীর্ণ হন। ক্ষুৎপিপাসায় একান্ত কাতর মনুষ্যেরা ইতস্তত বিচেষ্টমান হইতে ছিল, এই বৃষভনাথ তাহাদিগের ছুখ মোচন করেন। তিনি স্বয়ং উপদেশ দ্বারা তাহাদিগের সদসৎ জ্ঞান সম্ভব ও অসম্ভব জ্ঞান এবং পৃথিবী ও স্বর্গে সুখী হইবার উপায় জ্ঞান প্রদান করিয়া ছিলেন এবং তিনিই মনুষ্য জাতির ধর্ম কার্যা সমুদায়ের নিয়ম-বন্ধ করিয়া তাহাদিগের জীবন যাপনের সুবিধা সম্পাদনের নিমিত্ত অসি, মশী ও কৃষি এই তিনটি নির্দিষ্ট করিয়া দিয়াছিলেন। এই রূপ সমস্ত বিষয় সুপ্রণালীবদ্ধ করিতে বৃষভনাথ সকল মনুষ্যের আধিপত্য প্রাপ্ত হইয়াছিলেন। আধিপত্য লাভ করার পর তিনি প্রথমানুযোগ, কর্ম্যানুযোগ, চরণানুযোগ ও দ্রব্যানুযোগ এই কএক খানি গ্রন্থ প্রস্তুত করেন। বৃষভনাথ তীর্থঙ্কর এই প্রকারে জৈনদিগের মধ্যে গ্রন্থ প্রণয়ন ও উপদেশ দ্বারা ধর্ম সংস্থাপন করিয়াছিলেন এবং ব্রাহ্মণ ক্ষত্রিয় বৈশ্য ও শূদ্র এই চারি বর্ণকে এই গ্রন্থের অতিমত কার্য্যানুষ্ঠানের তার্যপণ করেন। এই সকল গ্রন্থের ভাষা সাধারণের বোধগম্য হইত না এই কারণে ব্রাহ্মণেরা তাহার ব্যাখ্যা করিয়া সাধারণের বোধ-সুলভ করিয়া দিতেন এবং অনেকানেক ভাষায় এই গ্রন্থের অনুবাদও প্রচলিত করেন। এই সকল গ্রন্থ তিন বৃষভনাথ লোকের উপকারার্থ অনেক বিজ্ঞান গ্রন্থ প্রস্তুত করিয়াছিলেন।

যখন এই রূপে বৃষভনাথ তীর্থঙ্কর লোকের উপকার সাধনে দীক্ষিত হইলেন, যখন নানা প্রকারে লোকের প্রকৃত উপকার হইতে লাগিল, তখন সাধারণে তাঁহাকে ঈশ্বরের অনুরূপ বলিয়া বিশ্ব করিল। তাঁহার মৃত্যুর পর তাঁহার ভক্তেরা জৈনেশ্বর নামে

তাঁহার প্রতিমূর্ত্তি নির্মাণ করিয়া উহার প্রতি যথোচিত ভক্তি প্রদর্শন করিত।

বৃষভনাথ তীর্থঙ্কর দুইটি স্ত্রী রাখিয়া লোকান্তরিত হন। এই দুইটি স্ত্রীর মধ্যে প্রথমার নাম আশাস্বতী দ্বিতীয়ার নাম সুনন্দা দেবী। আশাস্বতীর গর্ভে ভরত চক্রবর্তী নামে এক পুত্র জন্ম গ্রহণ করেন, এবং সুনন্দার গর্ভে গোমতেশ্বর স্বামী উৎপন্ন হন। এই দুই ভ্রাতার মধ্যে সর্বজ্যেষ্ঠ ভরত চক্রবর্তী এই পৃথিবীর ছয় ভাগ শাসন করেন এবং তাঁহার নামেই এই ছয় ভাগ ভারত ক্ষেত্র নামে প্রসিদ্ধ হয়। তদবধি অদ্যাপি উহার এই নামই চলিয়া আসিতেছে। অযোধ্যা এই ভরত চক্রবর্তীর রাজধানী ছিল। তিনি বহু দিবস এই রাজ্য ভার স্বহস্তে বহন করিয়া পরিশেষে আপনার কনিষ্ঠ ভ্রাতা কুমুদেশ্বর স্বামীকে অর্পণ করেন। তৎপরে তিনি কর্ম পরিত্যাগ পূর্বক ধ্যান যোগে যোগ লাভ করিয়াছিলেন।


গোমতেশ্বর স্বামী ভ্রাতৃদত্ত রাজ্য কিছু কাল পালন করিয়াছিলেন। পদ্মনাত পুর তাঁহার রাজধানী ছিল। তাঁহার রাজ্যকালে প্রজারা পরম সুখে কালান্তিপাত করিয়া ছিল। তিনি নানা প্রকারে প্রজাদিগের উন্নতি চেষ্টা করিতেন। তাঁহার মৃত্যুর পর প্রজারা তাঁহার প্রতিমূর্ত্তি পূজা করিত। জৈনেরা ভূত ভবিষ্যৎ ও বর্তমান এই তিন কাল মধ্যে প্রত্যেক কালে চব্বিশ জন তীর্থঙ্করের আবির্ভাব স্বীকার করিয়া থাকে। কিন্তু ইহার বর্তমান অপেক্ষা অতীত কালের তীর্থঙ্করদিগকে বিশেষ ভক্তি ও শ্রদ্ধা প্রদর্শন করিয়া থাকে। পূর্বতন তীর্থঙ্করেরা ভবিষ্যদ্বাদী ছিলেন। তাঁহারা সাধারণের গোচরার্থ ভাবী তীর্থঙ্করদিগের নামোল্লেখ করিয়া যান।

কলিকাতা ব্রাহ্মসমাজের
পুস্তকালয়স্থ বিক্রয় পুস্তক।

অমৃতান-পদ্ধতি	১০
সংস্কৃত ব্রাহ্মধর্ম (দেবনাগর অক্ষরে)	১০
ব্রাহ্মধর্ম প্রথম খণ্ড (টীকা ও বাঙ্গলা ভাষাপর্য্য সহিত)	১০
সংস্কৃত ব্রাহ্মধর্ম (টীকা সহিত)	১০
বাঙ্গলা ব্রাহ্মধর্ম	১০
ঐ ঐ দ্বিতীয় খণ্ড	১০
ঐ ঐ ভাষাপর্য্য সহিত	১০
ব্রাহ্মধর্মের মত ও বিশ্বাস	১০
ব্রাহ্মধর্মের ব্যাখ্যান—প্রথম প্রকরণ	১০
ঐ ঐ দ্বিতীয় প্রকরণ	১০
মাঘোৎসব	১
কলিকাতা ব্রাহ্মসমাজের বক্তৃতা	১০
মাসিক ব্রাহ্মসমাজের উপদেশ	১০
ব্রাহ্মসমাজের বক্তৃতা	১০
রাজনারায়ণ বসুর বক্তৃতা	১০
বেহালা ব্রাহ্মসমাজের বক্তৃতা	১০
ভবানীপুর সাংসারিক সমাজের বক্তৃতা	১০
ভবানীপুর ব্রাহ্মবিদ্যালয়ের উপদেশ	১০
১২।৩।৪।৫। সংখ্যা একত্র বাঁধান	১০
তত্ত্ববিদ্যা তিন খণ্ড একত্র বাঁধান	১১০
ধর্মতত্ত্ব দীপিকা—প্রথম ভাগ	১
ঐ দ্বিতীয় ভাগ	১
আত্মোৎকর্ষ বিধান	১১০
তত্ত্বপ্রকাশ	১০
প্রাত্যহিক ব্রহ্মোপাসনা	১০
ব্রহ্মোপাসনা	১০
ব্রহ্মোপাসনা পদ্ধতি	১০
ব্রহ্ম-স্তোত্র	১০
আত্মতত্ত্ববিদ্যা	১০
ধর্ম-শিক্ষা	১০
পৌত্তলিক প্রবোধ	১০
বৃত্তি সহিত কঠোপনিষদ দেবনাগর অক্ষরে	১০
জীবনের উদ্দেশ্য ও তৎসাপনের উপায়	১০
ত্রিসঙ্কান্তোত্র	১০
ধর্ম চর্চা	১০

প্রবচন সংগ্রহ	১০
প্রার্থনা এবং সঙ্গীত	১০
ব্রহ্ম সঙ্গীত	১০
সংগীত যুক্তাবলী	১০
মৃত্যুর সঙ্গীত	১০
প্রশ্ন মঞ্জরী	১০
উদ্বোধনাজলি	১০
গৃহ কর্ম	১০
স্তোত্রমালা	১০
ধর্ম দীক্ষা	১০
ধর্মপ্রচারিণী পত্রিকা ১৭ ৮ ৭ শকের একত্র বাঁধান	৬০
ঐ ঐ ১৭ ৮ ৬। ৮ ৭ শকের	১১০
ঐ ঐ ১৭ ৮ ৮ শকের	৬০
দীপ্ত-শিরার অভিষেক	১০
ব্রহ্মসাপন	১০
ব্রাহ্মবাবহার	১০
দুর্গোৎসব	১০
বর্ণমালা—প্রথম সংখ্যা	১০
ঐ দ্বিতীয় সংখ্যা	১০
তত্ত্ববোধিনী পত্রিকা:—১৭ ৯ ১ ১ ৭ ৫ ১ ৭ ৬ ১ ৭ ৭ ১ ৭ ৮ ১ ৭ ৯ ১ ৮ ০ ১ ৮ ২ ১ ৮ ৪ ১ ৮ ৫ ১ ৮ ৬ ১ ৮ ৭ ১ ৮ ৮ ১ ৮ ৯ ১ শকের একত্র বাঁধান প্রতি শকের প্রতি খণ্ডের মূল্য	৫ টাকা
	Rs. As.
Defence of Brahmoism and the Brahmo Soaj	4
Selections from Vaidanta	2
Hindoo Theism.	1
Theists Prayer Book	1
Signs of the Times	1
Vaidantic Doctrines Vindicated	2
Doctrine of Christian Resurrection	2
Lectures on Pathology of Fever	1 4

তত্ত্ববোধিনী পত্রিকা কলিকাতা ব্রাহ্মসমাজ হইতে প্রতি মাসে প্রকাশিত হয়। মূল্য ছয় আনা। ত্রিভিন্ন বার্ষিক মূল্য তিন টাকা। ডাক মাসুল বার্ষিক বার আনা। মঙ্গল ১২২৫। কলিকাতা ৪২২২। ২৭ অগ্রহায়ণ শুক্রবার।



তত্ত্ববোধিনী পত্রিকা

ব্রহ্ম বা একমিদমগ্রাসীমান্যং কিংকনাসীতদিদং সর্বমসৃজৎ। তদেব নিত্যং জ্ঞানমনস্তং শিবং স্বতন্ত্রব্রহ্মবয়মেক-
মেবারিতীং সর্বব্যাপি সর্বনিয়ন্তু সর্বীশ্বর সর্ববিৎ সর্বশক্তিমদ্ ধ্রুবং পূর্ণমপ্রতিমমিতি। একস্য তস্যৈব্যোপাসনয়া
পারিত্রিকমৈত্রিকঞ্চ শ্রুতস্তবতি। তস্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

বিজ্ঞাপন

উনচত্রারিংশ সাংবৎসরিক
ব্রাহ্মসমাজ।

আগামী ১১ মাঘ শনিবার
উনচত্রারিংশ সাংবৎসরিক ব্রা-
হ্মসমাজ হইবে।

১ মাঘ অবধি ১০ মাঘ পর্য্যন্ত
বুধবার ভিন্ন প্রতিদিবস ব্রাহ্মস-
মাজ-গৃহে সন্ধ্যা ৭ ঘটটার সময়ে
ব্রাহ্মধর্ম গ্রন্থের পাঠ ও ব্যাখ্যা
হইবে।

১১ মাঘ শনিবার প্রাতঃকালে
৮ ঘটটার সময়ে ব্রাহ্মসমাজ-গৃহে
এবং সায়ংকালে ৭ ঘটটার সময়ে

শ্রীযুক্ত প্রধান আচার্য মহাশয়ের
ভবনে ব্রহ্মোপাসনা হইবে।

আদি ব্রাহ্মসমাজ } শ্রী দ্বিজেন্দ্রনাথ ঠাকুর
কলিকাতা ১৭৯০ শক। } সম্পাদক।

ঋগ্বেদ সংহিতা।

প্রথমমণ্ডলস্য পঞ্চদশাবৃষকে দ্বিতীয়ঃ সূক্তঃ।
কুৎস ঋষিঃ ত্রিষ্টুপছন্দঃ অগ্নিদেবতা।
১১১৬

৩। উভে ভদ্রে জৌষযেতে
ন মেনে গাবো ন বাশ্রা উপত-
স্তুরেবৈঃ। স দক্ষাগ্নাং দক্ষি-
পতি বভূবাঞ্জন্তি যং দক্ষি-
ণতো হৃবির্ভিঃ।

৩। 'উভে' অহং রাত্রিষ্চ যদা উভে দ্যাবা পৃথিব্যৌ
অরণী বা 'ভদ্রে' ভজনীয়ে শোভনাক্ষৌ 'মেনে' ক্ষিযৌ
'জৌষযেতে ন' সেবেতে ইব। যথা শোভনে ক্ষিযৌ চামর-
হস্তে রাজানমুভযতঃ সেবেতে এবং দ্যাবাপৃথিব্যাবেন-
মগ্নিমুভযতঃ সেবেতে ইত্যর্থঃ। অপিচ 'বাস্রা' হস্তা রবৎ
কুর্কৃত্যঃ 'গাবঃ' 'ন' গাবো যথা 'এবৈঃ' স্বকীটম্শরিতৈঃ

আদরাতিশযেন স্বকীয়ান্ বৎসান্ 'উপতস্থঃ' সংগচ্ছতে তথা ইমমগ্নিং দ্যাবাপৃথিব্যাবুপস্থিতে ভবতঃ। পূর্বেং সেবন মাত্রমুক্তং ইদানীং পুনর্গোনিদর্শনেন তত্রৈবাদরাতিশযো দ্যোত্যতে। অতঃ 'সঃ' অগ্নিঃ 'দক্ষাণাং' সর্কেষাং বলানাং দক্ষপতিঃ 'বলাদিপতিঃ' 'নভু' ইত্যর্থঃ 'যং' অগ্নিং 'দক্ষিণতঃ' আহবনীয়স্য দক্ষিণভাগেহবনিতাঃ 'ঋত্বিজঃ' 'হরিভিঃ' চরুপুরোডাশাদিভিঃ 'অঞ্জলি' আত্মীকুর্ত্তি উপস্থিত্তি সোহগ্নিরিতি পূর্বেণাশ্বযঃ।

৬। দিবা রাত্রি সর্বাঙ্গসুন্দরী নারীর ন্যায় এই অগ্নিকে সেবন করিয়া থাকে এবং ধেনুগণ যেমন হস্মারব করিয়া আদর সহকারে বৎসের সহিত সমাগত হয় সেই রূপ দিবা রাত্রি এই অগ্নির সহিত সমাগত হইয়া থাকে। এই অগ্নি সকল বলের অধিপতি। ঋত্বিকেরা দক্ষিণ ভাগে অবস্থিত হইয়া হবি দ্বারা এই অগ্নির তৃপ্তি সাধন করিয়া থাকেন।

১১১৭

৭। উদ্যৎ যমীতি সবিতের বাহু উভে সিচৌ যততে ভীম ঋগ্ণম্। উচ্ছ্রু ক্রমৎ ক্রমজতে সিম-স্মান্নবা মাতৃত্তো বসনা জহাতি।

৭। 'সবিতের' সর্কস্য প্রেরক আদিত্যঃ যথা 'বাহু' বাহুস্থানীয়ান্ রশ্মীন উদ্যমযতি তথাঃ যৎ 'উষসঃ' অগ্নিঃ স্বকীয়ানি তেজাংসি 'উদ্যৎ যমীতি' তৃশং উদ্যতানি উর্দ্ধাভিমুখানি করোতি। তদনন্তরং 'ভীমঃ' সর্কেষাং ভয়ঙ্করঃ অগ্নিঃ 'উভে সিচৌ' উভে দ্যাবাপৃথিবৌ 'ঋগ্ণম্' প্রসাধয়ন স্বতেজমালংকুরন্ 'যততে' স্বব্যাপারে প্রযততে। তদনন্তরং 'সিমস্মান্' সর্কস্মাৎ ভূত-জাতাং 'শুক্লং' দীপ্তং 'অৎকং' সারভূতং রসং 'উদজাত' উর্দ্ধং রশ্মিভিঃ আদতে। অপিচ 'মাতৃত্তো' প্ৰমাতৃস্থানী-যেভ্যঃ বৃষ্টাদকেভ্যঃ সকাশাৎ 'নবা' নবানি প্রত্যগ্রানি 'বসনা' সর্কস্য রূপতঃ আচ্ছাদকানি তেজাংসি 'জহাতি' উদ্যমযতি।

৭। আদিত্য যেমন রশ্মিজাল উর্দ্ধগত করিয়া থাকেন, সেই রূপ অগ্নি স্বীয় তেজ সকল উর্দ্ধগামী করেন। এই সর্বভূত-ভয়া-বহ অগ্নি ভুলোক ও ছ্যালোক অলঙ্কৃত করিয়া স্বকার্যে যত্নশীল হইয়া থাকেন। ইনি স্বাবর জপমাত্রক ভূত সমূহ হইতে দীপ্ত রস গ্রহণ করেন এবং মাতৃস্থানীয় বৃষ্টি জল

হইতে সকলের আবরক নূতন তেজ গ্রহণ করিয়া থাকেন।

১১১৮

৮। যেষং কৃপং কৃণুত উ-ত্ভরং যৎসং পৃঞ্চানঃ সদনে গো-ভিবৃদ্ধিঃ। কবির্ভু ধ্রং পরি মম্-জ্যতে ধীঃ সা দেবতাত্। সর্গি-তিবভুব।

৮। 'সদনে' অন্তরিক্ষে 'গোভিঃ' গম্ভীভিঃ অস্তিঃ মেঘহাভিঃ সহ 'সংপৃঞ্চানঃ' টবদ্যুতরূপেণ সংযুক্তঃ সন্ 'দেষং' দীপ্তং সর্কঃ 'উত্ভরং' উৎকৃষ্টতরং 'কৃপং' টবদ্যুতং প্রকাশং 'যৎ' যদা 'কৃণুত' করোতি। তদানীং 'কবিঃ' ক্রান্তদর্শী 'ধীঃ' সর্কেষাং ধারকঃ সো-হগ্নিঃ 'বুধং' সর্কস্য উদকস্য মূলং মূলভূতং অন্তরিক্ষং 'পরিমম্জ্যতে' পরিতঃ মাষ্টি' স্বতেজসাচ্ছাদযতি তস্য অগ্নেঃ 'সা দেবতাত্' দেবেন দেবনশীলেন অগ্নিনা ততা বিস্তারিতা দীপ্তিঃ অস্মাভিঃ স্ততা সতী 'সর্গিতিঃ' বভুব' তেজসাং সংহতিভবতি।

৮। যখন অগ্নি অন্তরিক্ষে জলের সহিত সং-যুক্ত থাকিয়া প্রদীপ্ত উৎকৃষ্টতর রূপ প্রকাশ করেন, তখন সেই কবি সকলের ধারক অগ্নি জলের মূলভূত অন্তরিক্ষকে আপনার তেজে আচ্ছাদিত করিয়া থাকেন। সেই অগ্নির সেই বিস্তারিত দীপ্তি আমাদের গৌত্র দ্বারা রাশীভূত হয়।

১১১৯

৯। উরু তে জয়ঃ পর্ষেতি বৃষ্ণং বিরোচমানং মহিবস্যা ধামা। বিশ্বেভিরগ্নে স্বযশোভিরিদ্ধো-হদক্লেভিঃ পায়ুভিঃ পাহ্যস্মান্।

৯। 'মহিবস্যা' মততঃ 'তে' তত্র 'জয়ঃ' রক্ষসাদীনঃ অস্তিত্বরূপং 'বিরোচমানং' বিশেষেণ দীপ্যমানং 'উরু' নিস্তীর্ণং 'ধাম' তেজঃ 'বৃষ্ণং' অগ্নাং মূলভূতং অন্তরিক্ষং 'পর্ষেতি' পরিতঃ ব্যাপোতি। তে 'অগ্নে' 'উরুঃ' অস্মাভিঃ প্রজ্জলিতঃ সন 'বিশ্বেভিঃ' সর্কঃ স্বযশোভিঃ স্বকীয়ৈঃ আত্মীয়ৈঃ তেজোভিঃ 'অস্মান' পাতি' রক্ষ। কীদৃশঃ 'অদক্লেভিঃ' রক্ষসাদিভিঃ অহিংসিতঃ 'পায়ুভিঃ' পাল-নশর্কৈঃ।

৯। হে অগ্নি! তুমি অতি মহান, তোমার অভিতবনশীল তেজ অন্তরিক্ষে ব্যাপ্ত হই-তেছে। তুমি আমাদের দ্বারা প্রজ্জলিত হইয়া আপনার সমস্ত তেজ দ্বারা আমাদের গকে রক্ষা কর। তোমার ঐ তেজ অন্যে নষ্ট করিতে পারে না এবং উহা সকলকে পালন করিতে পারে।

১১২০

১০। ধন্বনং শ্রোতঃ কৃণুতে গাতুমর্গিং শুক্রৈরুর্শ্মিভির্ভি-নক্ষত্রি ক্ষাং। বিশ্বা সর্নানি জঠ-রেষু ধত্তেহন্তর্নবাসু চরতি প্র-সূয়।

১০। 'ধন্বন' নভসি 'গাতুং' গমনশীলং 'উর্গিং' উদক-সজ্জং অমং অগ্নিঃ 'শ্রোতঃ' কৃণুতে শ্রোতসা প্রবাহরূপেণ যুক্তং করোতি। 'শুক্লৈঃ' নির্মলৈঃ 'উর্শ্মিভিঃ' কলসংজৈঃ 'ক্ষাং' ভূমিং 'অভিনক্ষতি' অভিব্যাপোতি। স্বতেজোভিঃ অন্তরিক্ষে কলসজ্জমুৎপাদ্য তেন সর্কীং তুমি মতিবর্ধতি ইত্যর্থঃ। গশ্চাৎ 'নিশ্বা' সর্কানি 'সর্নানি' অন্ননাটমতং সর্কানি অর্থাৎ 'জঠরেষু' 'ধত্তে' অনস্তাপযতি। তদর্ধং 'নবাসু' বৃষ্ট্যনস্তরমুৎপন্নাসু 'প্রসূয়' সর্কেষাং অন্নানং প্রসবিত্রীষু ওষধীষু পাকার্থং 'অস্তঃ' চরতি' মধ্যে বর্ততে।

১০। আকাশে গমনশীল জলসমূহকে এই অগ্নি প্রবাহরূপে যুক্ত করিয়া থাকেন। ইনি নির্মল জল সমূহ দ্বারা ভূমিকে ব্যাপ্ত করিয়া থাকেন। তৎপরে সমস্ত অন্নকে জঠর মধ্যে অবস্থাপিত করেন এবং নূতন ওষধির মধ্যে সঞ্চার করিয়া থাকেন।

১১২১

১১। এবা নো অগ্নে সূমিধা বৃধানো রেবৎপাবক শ্রবসে বি-ভাহি। তন্নো মিত্রো বরুণো মামহস্ত্রামদিতিঃ সিন্ধুঃ পৃথিবী উত দ্যৌঃ। ১। ১। ১। ২।

১১। তে 'পাবক' পোষক অগ্নে 'সূমিধা' অস্মাভির্দেভেন সূমিদাদি ভবেয়ন 'এবা' এবং উক্ত প্রকারেণ 'বৃধানঃ' বর্দ্ধ-নানঃ সন্ 'রেবৎ' রমিততে ধনমুক্তাঃ 'নঃ' অস্মাকং 'প্র-

বসে' অর্থাৎ 'বিভাহি' বিশেষেণ দীপ্যত্ব অস্মাকং তাদৃশং অমং প্রযচ্ছ ইত্যর্থঃ। 'নঃ' অস্মাকং 'তৎ' অমং মিত্রা-দমঃ 'মামহস্ত্রাং' পূজয়স্তাং রক্ষন্তি ইত্যর্থঃ। উতশব্দঃ সম্মুচ্চযে। 'পৃথিবী চ দ্যৌশ্চ' ইত্যর্থঃ। ১। ১। ১। ২।

১১। হে পাবক! তুমি আমাদের গের প্রদত্ত সমিধাদি দ্বারা পরিবর্দ্ধিত হইয়া আ-মাদিগের ধন ও অন্নের নিমিত্ত দীপ্ত হও। মিত্র বরুণ অদিত্তি সিন্ধু পৃথিবী ও স্বর্গ আমাদের গের সেই অন্ন রক্ষা করুন। ১। ১। ১। ২।

কলিকাতা ব্রাহ্মসমাজের বক্তৃতা।

১৭৯০ শক ৩ পৌষ বুধবার।

ঈশ্বরের সহিত মানুষের কএকটি সম্বন্ধ আছে। প্রথম সম্বন্ধটি এই—তিনি আমাদের গের স্রষ্টা ও পাতা, আমরা তাঁহার সৃষ্ট ও আশ্রিত। আমরা কিছুদিন পূর্বে এই জগতে ছিলাম না এবং এই দৃশ্যমান জগতও আ-মাদিগের আরও পূর্বে ছিল না। এই সৃষ্টি শক্তি ঈশ্বরেতে অব্যক্তভাবে বিদ্যমান ছিল। পরে তিনি এই জগৎ ও আমাদের গকে সৃষ্টি করিলেন। তিনি যে কেবল আমাদের গের এই জড় পিণ্ড দেহ সৃষ্টি করিয়াছেন তাহা নহে; ইহার সঙ্গে সঙ্গে আমাদের আত্মা ও আত্মার বৃত্তি সকলও সৃষ্টি করিয়াছেন। এই পর্যন্ত বলিলেই যে ব্যাক্যের পরিসমাপ্তি হইল তাহাও নহে, প্রত্যুত চতুর্দিকে যে সমস্ত বস্তু দ্বারা আমরা নিরন্তর পরিবেষ্টিত আছি, আমাদের গের শারীরিক মানসিক ও সামাজিক যে সকল অবস্থান্তর উপস্থিত হইতেছে তৎ সমুদায়ই তাঁহা দ্বারা সৃষ্ট বিধৃত ও তাঁহারই মঙ্গল ভাবে চালিত হইয়া আমাদের গের নানা প্রকার শুভ সাধন করিতেছে।

ঈশ্বর আপনার পূর্ণভাবে আমাদের গের নিকট প্রকাশিত হইয়াছেন। তাঁহার সেই পূর্ণতা আমাদের গের মনের অগম্য ও অনুভব শক্তির অতীত। তাঁহাতে পূর্ণ শক্তি পূর্ণ জ্ঞান

পূর্ণ দয়া ও পূর্ণ শ্রীতি বিদ্যমান রহিয়াছে। তিনি যে স্বয়ং এই সমস্ত পূর্ণতার আধার হইয়া আপনার আনন্দে আপনি বিরাজ করিতেছেন, তাহা নহে, যেমন সমুদ্রের জল উচ্ছ্বসিত হইলে তাহা নানা প্রকার পথে প্রবাহিত হয়, সেই রূপ তাঁহার সেই পূর্ণ শক্তি জ্ঞান দয়া ও শ্রীতি বিবিধ প্রকারে আমাদের সুখের আয়োজন করিবার নিমিত্ত অজস্র ধারে নিঃসৃত হইতেছে। বাহু জগতে যেমন সূর্যের কিরণ প্রতিফলিত হইয়া সমস্ত বস্তু আমাদের নিকট অভিব্যক্ত করিতেছে, সেই রূপ তাঁহারই মঙ্গল ভাব প্রতিফলিত হইয়া মঙ্গলময় বিষয় সকল উদ্ভাবিত করিয়া দিতেছে। ঈশ্বরের সহিত আমাদের যে এই সম্বন্ধ ইহা অনুধাবন করিলে তাঁহার প্রতি কি পবিত্র শ্রীতির উদয় হয়। কি গুঢ় গভীর নির্ভরের ভাবই উপস্থিত হইয়া থাকে। এই সম্বন্ধের নাম পিতৃস্ব সম্বন্ধ।

দ্বিতীয় সম্বন্ধ এই—ঈশ্বরের শক্তি ও জ্ঞান তাঁহার পূর্ণ করুণার অনুগত হইয়া আমাদের নানাবিধ মঙ্গল ও সুখ বিতরণ করিতেছে। এই বিষয়ে আমরা এক এক বার মনে করি যেন, তাঁহার জ্ঞান ও শক্তি কেবল আমাদের জাতিরই জন্য; আবার প্রত্যেক ব্যক্তি এই রূপ বিবেচনা করিয়া থাকেন যে জগতের মধ্যে আমিই এক মাত্র ব্যক্তি কেবল আমারই জন্য ঈশ্বর মঙ্গল-প্রস্রবণ স্বরূপ হইয়া আমার অভাব কাল অনুসন্ধান করিতেছেন। যাঁহারা আপনার মস্তকে ঈশ্বরের হস্ত বিন্যস্ত দেখিতে পান, এই রূপ চিন্তা যে তাঁহাদের মনোমধ্যে উদ্ভূত হইবে ইহা নিতান্ত অদ্ভুত নহে। তাঁহারা সমাধিবলে কেবল আপনাকে ও ঈশ্বরকে দেখিতে পান। যাঁহাই হউক, ঈশ্বর যে প্রতি নিমেষে আমাদের প্রত্যেকের

প্রতি করুণা-বিন্দু বর্ষণ করিতেছেন ইহাতে তাঁহার কিছু মাত্র বাধ্যতা নাই। তিনি যেমন স্বাধীন ভাবে আমাদের সৃষ্টি করিয়াছেন, সেই স্বাধীন ভাবে আমাদের মঙ্গলও উদ্ভাবন করিতেছেন। এই দুই বিষয়ে কেহ তাঁহাকে বাধ্য ও অনুরুদ্ধ করে নাই; তথাচ কি আশ্চর্য্য, তাঁহার করুণার পার নাই দয়ার আর বিরাম নাই। কার্য্যকারিত্ব ও উদাসীন্য তাঁহারই আয়ত্ত; তথাচ কি বিচিত্র, যে তিনি এক পলও আমাদের বিম্বৃত নহেন। নিঃস্বপ্নে এই বিষয় লইয়া আলোচনা করিলে তাঁহার প্রতি কি পর্য্যন্ত ভক্তি ও শ্রদ্ধা জন্মে। ঈশ্বরের সহিত আমাদের যে এই সম্বন্ধ ইহার নাম পিতৃস্ব সম্বন্ধ।

এই দুই সম্বন্ধ নিবন্ধন আমাদের উপর ঈশ্বরের যত দূর স্বস্ত থাকিতে পারে তাহা আছে। আমরা কেবল “তাঁহারই” এই বলিলে তাঁহাতে স্বস্তের ভাব যে পর্য্যন্ত বুঝায় তাহা তাঁহাতে রহিয়াছে। আমরা কেবল যে আমাদের নহি ইহা নহে প্রত্যুত: যে সমস্ত বস্তু আপাতত আমাদের বলিয়া বোধ হইতেছে তাহাও আমাদের নহে। আমরা অবশ্যই স্বাধীন কিন্তু সে স্বাধীনতা কি না তাঁহার অধীনতা, সুতরাং আমাদের স্বাধীনতা আমাদের আয়ত্ত নহে। ঈশ্বর চাহেন তাঁহার যাঁহা ইচ্ছা আমরা তাহার অবিকল অনুবাদ করি। আমাদের বৃত্তি সকলও আমাদের স্বাধীন নহে: তিনি চাহেন যে আমরা তাঁহার নির্দিষ্ট সীমার মধ্যে স্ব স্ব বৃত্তি পরিচালনা করি। এইটি যে কেবল তাঁহার ইচ্ছা মাত্র তাহা নহে, কার্য্যতও তিনি ইহাই করিতেছেন। তিনি আমাদের ইচ্ছায় নিরপেক্ষ থাকিয়া কি ভুলোক কি ছুলোক যে খানে যত জীব আছে, সকলেরই নিকট আপনারই ইচ্ছা প্রবল রাখিয়াছেন। সর্বত্র তাঁহারই ইচ্ছা অপ্র-

তিহত-প্রভাবে দ্বন্দ্ব হইতেছে। তিনি স্বেচ্ছানুরূপ আমাদের নিকট কার্য্য লইতেছেন, সকল কার্য্য তন্ন তন্ন করিয়া পরীক্ষা করিতেছেন, আবণ্যকমত দণ্ড ও পুরস্কার দিতেছেন, কিন্তু তাঁহার কার্য্য্য বাক্যস্বকৃতি করিবার আমাদের কোন অধিকার নাই। তিনি সফলের রাজাধিরাজ মহারাজ, তিনি আপনার ভাবেই আপনি কার্য্য করিতেছেন; আর আমরা তাঁহার প্রজা, আমরা তাঁহার আদেশের মুখাপেক্ষা করিয়া তাঁহার নিকট কেবল বশ্য ভাবই প্রদর্শন করিতেছি ও করিব। হে ঈশ্বরের নিরীহ ভৃত্য! ঈশ্বরের সহিত এই সম্বন্ধ কি পবিত্র, নিঃস্বপ্নে এক বার চিন্তা করিয়া দেখ দেখি মনোমধ্যে কি আনন্দ হইবে।

আমাদের উপর ঈশ্বরের এই স্বস্ত ও ঈশ্বরের নিকট আমাদের এই বশ্যতা ইহা হইতে দুইটি কর্তব্যের ভাব আসিতেছে; একটি ঈশ্বরের প্রতি আর একটি মনুষ্যের প্রতি। যদি মনুষ্য স্রষ্টাগুণ্য হইয়া থাকিত তথাচ মনুষ্য বলিয়া পরস্পর পরস্পরের প্রতি কতকগুলি কর্তব্য-পাশে বদ্ধ হইয়া থাকিত, সন্দেহ নাই। কিন্তু আমাদের জ্ঞান এই যে প্রত্যেক মনুষ্য ঈশ্বরেরই; সুতরাং যখন ঈশ্বরের জীব বলিয়া আমরা স্বজাতীয়ের প্রতি কোন রূপ কর্তব্য সাধন করি তখন এক কালে ঐ দুই প্রকার কর্তব্যেরই অনুষ্ঠান করা হইতেছে। যখন আমরা কেবল তাঁহার প্রতি কর্তব্য-বুদ্ধিতে কার্য্য করি তখন মনুষ্যকে পরিহার করিতে পারি না; কারণ এই পৃথিবীই আমাদের কর্মক্ষেত্র। আবার যখন আমরা মনুষ্যের প্রতি কর্তব্য সাধনে প্রবৃত্ত হই তখনও বাঁতিরেকত তাঁহারই কার্য্য করিয়া থাকি; কারণ মনুষ্য তাঁহারই সৃষ্টি ও আশ্রিত জীব। ঈশ্বর ও মনুষ্যের প্রতি কর্তব্য এমনি জড়িত হইয়া রহিয়াছে যে

যেন উভয়ই এক। যাঁহারা এই দুইটি কর্তব্যকে স্বতন্ত্র ভাবে দেখেন তাঁহাদের কর্ম অতি নীরস।

জগদীশ্বর! যখন তোমাকে হৃদয়ে রাখিয়া সংসারে থাকি তখন ইহা কেমন মধুময় হয়, কিন্তু যখন তোমাকে ত্যাগ করি তখন এই সংসারের ঘটনা সকল বৃশ্চিক দংশনের ন্যায় নিতান্ত দুঃসহ হইয়া উঠে। হা! তাহারা কি রূপাপাত্র, যাঁহারা এই দাবানলে দগ্ধ হইয়া বিন্দু মাত্র বারি প্রাপ্ত হইতেছে না। তাহারা কি দীন, যাঁহারা অধোদৃষ্টিতেই কালাতিপাত করিতেছে, ভ্রমেও উর্দ্ধে দৃষ্টি পাত করিতে চায় না। হা নাথ! ভ্রান্ত বুদ্ধিতেও যদি তোমার কার্য্য করি সে ভাল, তথাচ তোমাকে যেন পরিত্যাগ করিতে না হয়।

ওঁ একমেবাদ্বিতীয়ং।

কলিকাতা মাসিক ব্রাহ্মসমাজ।

১ আষাঢ় রবিবার ১৯২০ শক।

“তমসোমা জ্যোতির্গময়।”

“অন্ধকার হইতে আমাকে জ্যোতিতে লইয়া যাও।” ইহা মনুষ্যমাত্রেরই আন্তরিক প্রার্থনা। অন্ধকারের মধ্যে আবদ্ধ থাকা কাহারও ইচ্ছা নহে, কেন না অন্ধকারেই ভয়, আলোকেই মনুষ্য অভয় প্রাপ্ত হয়। শিশুকে অন্ধকারে লইয়া যাও ভয়েতে কম্পিত হইবে, আলোকে আনয়ন কর আলোকে হাস্য করিবে। যত ক্ষণ আমরা রজনীর অন্ধতম তিমিরের মধ্যে অবস্থান করি, তত ক্ষণ ভয়ে ভয়ে প্রাণ ধারণ করি, প্রভাতের সূর্য্য-রশ্মি দেখিলেই নির্ভয় ও নির্বিশ্বাস হই। অন্ধকারই মৃত্যুর রূপ, জ্যোতিই প্রকৃত জীবন। অন্ধকারের মধ্যে নিশ্চেষ্ট নিষ্কর্মা হইয়া থাকা আর মৃত্যুর অধিকৃত হওয়া উভয়ই সমান। আলোকে

আইলেই শরীর ও মনের জড়তা অস্তিত্ব হইয়া প্রকৃত জীবনের সঞ্চার হয়, আমোদ আশ্লাদ, হর্ষ উৎসাহ আবির্ভূত হওত জন-সমাজকে আনন্দ-কানন করিয়া তুলে। মনুষ্য যখন অন্ধকারের মধ্যে শয়ান থাকে, তখন তাহার সহিত কাষ্ঠ লোষ্ট্রের, যুৎপা-বাণের আর কোন প্রভেদ থাকে না, কিন্তু তাহার এক বার আলোকের অবস্থা সন্দর্শন কর, সে কেমন উৎসাহ অনুরাগের সহিত, গুরুতর কার্যে, গভীর চিন্তায়, পৃথিবীর অতীত বিষয় লাভে প্রবৃত্ত হইয়া অধোলোককে প্রকৃত কর্ম-ভূমি—উৎসব-ক্ষেত্র করিয়া তুলিয়াছে!

আলোকই যথার্থ সৌন্দর্য্য; আলোক না থাকিলে সকলই শ্রীহীন, সৌন্দর্য্য-বিহীন হইয়া পড়ে। প্রভাতের এত মাধুর্য্য সৌন্দর্য্য কিসে? সূর্যালোকই তাহার এক মাত্র কারণ। সমস্ত রজনীর অন্ধকারের পর জ্যোতির সাগর সূর্য্য উদ্ভিত হওয়াতে মর্ত্য-লোক মধুর ভাবে প্রকাশ পাইতেছে। সূর্য্যা-লোকে সকলই জীবন-সুখে প্রফুল্ল হইতেছে, জন-সমাজের মধ্যে বিষয়-বাণিজ্যের জ্ঞান-ধর্ম্মের অনুষ্ঠান আরম্ভ হইয়াছে। এই জন্যই প্রাতঃকাল সকলেরই পক্ষে এত মনোরম।

চতুর্দিকে দেখ ওষধি বনস্পতি সকলই কেমন শ্রী সৌন্দর্য্য ধারণ করিয়াছে; পশু পক্ষী সকল কেমন বিচित्र-বেশে মনের আনন্দে চারি দিকে বিচরণ করিতেছে। পুষ্পের যে মনোহর সৌন্দর্য্য এখন হৃদয় মন আকর্ষণ করিতেছে, ওষধি বনস্পতি সমূহের বারিধৌত শ্যামল শাখা-পল্লব সকল, যাহা এক্ষণে নয়ন-যুগলকে পরিতৃপ্ত করিতেছে, সমুদায় পৃথিবীর এই যে সুস্বিষ্ট মধুর ভাব, যাহা সকলের হৃদয়ে অজস্রধারে শান্তি-সুখা বর্ষণ করিতেছে, সূর্যালোকই

এ সমুদায়ের এক মাত্র কারণ। এখন যদি সূর্য্য অস্তমিত হয়, নিবিড় অন্ধকার উপস্থিত হইয়া পৃথিবীকে গ্রাস করে, এখানকার সকল সৌন্দর্য্যই বিলুপ্ত হয়, সকল সুন্দর বস্তুই আলোক-বিরহে পরিম্লান হইয়া যায়। অধিক কি, আলোকের সঙ্গে আমাদের এমনি নিকট সম্বন্ধ, যে আকাশ মেঘাচ্ছন্ন হইয়া থাকিলে আমাদের শরীর মন পর্য্যন্ত জড়ীভূত হইয়া যায়। আলোক সকলেরই স্বাস্থ্য-প্রদ ও জীবন-প্রদ। দিবালোকেই রোগীর রোগ-যন্ত্রণার উপশম হয়, দূষিত দুর্গন্ধ বায়ু বিশুদ্ধ হয়, আর্দ্র স্থান পরিষ্কৃত হয়, বৃক্ষলতা সকল উন্নত হয়, ফল মূল পুষ্প সমুদায় বর্দ্ধিত পরিণত হইয়া জীব-জন্তুগণকে পোষণ করে। আলোক দ্বারাই জল স্থল অনিল সকলই শোধিত ও সংস্কৃত হয়। আলোকেই আমরা দূরদূরান্তরের অজ্ঞাত অপরিচিত স্থানে অকুতোভয়ে গমন করিতে পারি, দূরস্থ বস্তুও দেখিতে পাই। অন্ধকারে পরিজ্ঞাত গৃহেও বিচরণ করা দুর্ঘট হইয়া উঠে, আপন-নার শরীর পর্য্যন্তও নয়নগোচর হয় না। দিবালোকে যে স্থানে একাকী গমন করা যায়, অন্ধকারে দশ জন একত্র হইয়া তথায় যাইতে হইলে পদে পদেই বাধা বিঘ্ন হইবার সম্ভাবনা। এই জন্যই অন্ধকার হইতে আলোকে যাইতে মনুষ্য মাত্রেই এত ব্যাকুল হয়।

সূর্য্য যেমন বাহু জগতের শোভা ও সৌন্দর্য্যের কারণ, ঈশ্বর তেমনি আমার-দিগের হৃদয়-রাজ্যের জ্যোতিঃ ও জীবন। আমরা কিসের জন্য এই পবিত্র প্রাতঃকালে এখানে আসিয়া উপস্থিত হইয়াছি? অন্ধকার হইতে জ্যোতিতে যাইবার জন্য। কি জন্য জ্যোতিঃ-স্বরূপের শরণাপন্ন হইতেছি? আধ্যাত্মিক-ভয়-তাপ বিপত্তি-বিষাদ হইতে অব্যাহতি পাইবারই জন্য—তাঁহার মঙ্গল

জ্যোতিতে আত্মার বল বীৰ্য্য স্বাস্থ্য সাধনের নিমিত্ত। সূর্য্যোপাসকগণ যেমন আকাশে জড় সূর্য্যের সন্দর্শন না পাইলে জল গ্রহণ করে না, আমরা ব্রহ্মের উপাসক, আমরা এখানে তেমনি সেই সত্য-সূর্য্যের—সেই জ্যোতির জ্যোতির অত্যাশ্রয় সন্দর্শন না করিয়া কি রূপে সংসার-ক্ষেত্রে প্রবেশ করিব? কেমন করিয়াই বা এখানকার সুখ-সামগ্ৰী স্পর্শ করিব, সত্যাসত্য নিরূপণ করিব? সূর্য্য যাঁহার অনন্ত জ্যোতির এক স্কুলিঙ্গে প্রদীপ্ত হইয়া দিগ্বিদিক উজ্জ্বল করিতেছে, আমরা সেই জ্যোতির সুপ্রকাশ দেখিবার জন্যই এখানে সতৃষ্ণ-হৃদয়ে অবস্থান করিতেছি। তাঁর আলোকে হৃদয়ের অন্ধকার বিদূরিত করিব, তাঁর মঙ্গল-জ্যোতিতে ধর্ম্ম-পথ আলোকিত দেখিয়া নির্ভয়ে নিরুদ্বেগে ব্রহ্ম-ধামের অভিমুখী হইব, তাঁর সেই মৃত-সঞ্জীবন মঙ্গল জ্যোতিঃ লাভ করিয়া আত্মাকে পোষণ করিব, এই আশা-সেই একদৃষ্টে তাঁহার অত্যাশ্রয় প্রতীক্ষণ করিতেছি। সূর্য্যের ন্যায় তিনি আমাদের হৃদয়-রাজ্যের জীবন জ্যোতিঃ সকলই। তাঁর জ্যোতি পতিত না হইলে, মনের একটি মাত্রও সাধু বৃত্তি প্রস্ফুটিত হয় না, তাঁর আলোকে হৃদয় আলোকিত না হইলে মনুষ্যের ধর্ম্ম-ভাব, পুণ্য-ভাব কিছুই বর্দ্ধিত হয় না। তাঁর কিরণে শ্রীতি-কলিকা বিকশিত না হইলে তাহার অমৃত সৌরভ জগদ্ব্যাপ্ত হইতে পারে না। তাঁর আকর্ষণে ব্রহ্মা, ভক্তি উন্নত না হইলে সেই অনন্ত-স্বরূপকে স্পর্শ করিতেও সমর্থ হয় না। আত্মার উৎকর্ষ সাধন, জীবনের সাকল্য সম্পাদন জন্য সেই সত্য-সূর্য্যকে আমাদের একান্ত প্রয়োজন।

সেই অতুল-জ্যোতির একটি মাত্র কিরণ অন্তরে পতিত হইলে পরলোক—

ব্রহ্ম-লোক পর্য্যন্ত আমাদের বিজ্ঞান-চক্ষুর সম্মুখে প্রকাশ পায়। তাঁর আলোক হৃদয়ে পতিত না হইলে, সকল সত্যই অপ্রকাশিত থাকে, সকল বস্তুই জুস্তর-নিহিত রঙ্গের ন্যায় দৃষ্টি-গোচর হয় না। তাঁর প্রকাশেই সকল প্রকাশিত হয়, তাঁর জ্যোতিতেই হৃদয়-কাননের জ্ঞান-ভাব ও সত্য-কলিকা সকলই প্রস্ফুটিত হয়। তিনি জ্যোতিঃ আর সকলই অন্ধকার, তিনিই জীবন আর সকলই মৃত্যুর রূপ। তিনিই সত্য-সুন্দর-মঙ্গল, তিনি বিনা আর সকলই অসার, অমঙ্গল, বিষাদের আলয়। এই জন্য সেই সংক্ষেপে জ্যোতিকে অমৃতকে লাভ করিবার জন্য আমাদের হৃদয়-মন এত আকুল ও অস্থির। আমরা পরলোক—ব্রহ্ম-লোকের প্রতি এত সতৃষ্ণ-নয়নে নিরীক্ষণ করিতেছি কেন? সেখানে কেবলই আলোক, কেবলই জ্যোতিঃ। পৃথিবীতে হর্ষও আছে, বিবাদও আছে, “দিবসের আলোক, রজনীর অন্ধকার দুইই আছে।” সেখানে সত্য-সূর্য্যের—প্রেম-সূর্য্যের আর অস্ত নাহি। এখানে যখন হৃদয়াকাশে প্রাণ-সখা প্রকাশিত হন, তখন সকল অন্ধকার তিরোহিত হয়, দিবা-রাত্র সমতাব ধারণ করে। দুর্গম পথও সুগম বোধ হয়, দূরের বস্তু সকলও উজ্জ্বল-রূপে দেখিতে পাই। আবার যখন অন্তরাকাশ মোহ-মেঘে আবৃত হয়, তখন সকলই অন্ধকার দেখি। অন্য বস্তুর কথা দূরে থাকুক, আত্মার অভ্যন্তরে প্রাণের প্রাণকেও দেখিতে পাই না। সেই জন্যই যখন আমরা তন্ময় একাগ্রমনা হইয়া ব্রহ্ম-পূজায় প্রবৃত্ত হই, সংসার-অন্ধকারের মধ্যে যখনই বিচ্ছুরিত ন্যায় জ্যোতিঃ-স্বরূপকে সন্দর্শন করি, তখনই আত্মার অন্তরতম প্রদেশ হইতে এই প্রার্থনা-বাক্য বিনিঃসৃত হয় “তমসোমা জ্যোতির্গময়”

“অন্ধকার হইতে আমাকে জ্যোতিতে লইয়া যাও।” আমরা সংসার-অন্ধকারে অন্ধীভূত হইয়া হে জ্যোতির্জ্যোতি! তোমাকে ডাকিতেছি, তুমি আমারদিগের নিকটে প্রকাশিত হও, সৎপথ প্রদর্শন কর। আমরা এখানে তোমার জ্যোতি হারা হইয়া শোক তাপে, বিষাদ ভয়ে বিপন্ন হইয়া, “হে আদি-জ্যোতি কল্যাণ!” তোমাকেই প্রার্থনা করিতেছি তুমি আমারদের নিকটে প্রকাশিত হইয়া ভয়, তাপ সকলই বিদূরিত কর। হে ঈশ্বর! তুমি আমারদের অন্তরাকাশে উদ্ভিত হইয়া আমারদের বিষণ্ণ-হৃদয় প্রসন্ন কর। আমারদের বিষাদ-রজনীর অবসান কর। এই প্রাতঃ-সূর্যের ন্যায় তুমি প্রকাশিত হইয়া, হৃদয়-রাজ্যে জীবন-জ্যোতি সুখ-শান্তি বিস্তার কর।

ওঁ একমেবাদ্বিতীয়ং।

ব্রহ্ম-বিদ্যালয়।

অষ্টাদশ উপদেশ।

ব্রহ্মানন্দ ও অভয় লাভ।

“তিনি লোকাপবাদ, কি দুঃসহ অপমান, কি অযোগ্য তিরস্কার কি দুর্নিবার অত্যাচার-ভয়ে ভীত হইয়া, তাহা হইতে কদাপি পরাজিত হইবে না। সেই প্রিয়তমের আজ্ঞা পালন জন্য প্রাণ দেওয়া তাঁহার পক্ষে অতি সহজ ব্যাপার, অতএব তাঁহাকে কে আর ভয় প্রদর্শন করিতে পারে? তিনি আপনার প্রাণদাতার তত্তে প্রাণ অর্পণ করিয়া নির্ভয় হইয়াছেন, সর্বসংহারক ভয়ানক মৃত্যু হইতেও তিনি ভয় প্রাপ্ত হন না।”

জ্ঞানের আনন্দ সত্য; তাবের আনন্দ প্রেম; ইচ্ছার আনন্দ কর্ম। ঈশ্বরের জ্ঞান সত্যোতে পরিপূর্ণ; তাঁহার তাব সম্পূর্ণ প্রেমময়, তাঁহার ইচ্ছা অবিপ্রান্ত কর্মশীল। জগতের মঙ্গল হউক, ইহাই সেই পূর্ণ মঙ্গলের সদাতন কামনা; কি উপায়ে জগতের মঙ্গল হইবে, তাহা সেই সর্বজ্ঞ পুরুষ সম্পূর্ণ রূপে জানিতেছেন; জগতের মঙ্গল সাধনে যে শক্তি আবশ্যিক, সেই সর্বশক্তিমান পরমে-

শ্বরে তাহার অভাব নাই। তিনি সমুদায় সত্যের মূল; কোন সত্য তাঁহার জ্ঞানের অগোচর নাই। তিনি সমুদায় মঙ্গলের মূল; তিনি পূর্ণ মঙ্গল। তিনি সমুদায় শক্তির মূল; তিনি পূর্ণশক্তি। সুতরাং তিনি আনন্দশ্রোতের অক্ষয় প্রস্রবণ; সুতরাং তিনি আনন্দে বিরাজমান আছেন। ঈশ্বরের উপাসক, ঈশ্বরের ভক্ত, ঈশ্বরের দাস ঈশ্বরের সহিত যতই একীভূত হন, ততই সেই আনন্দের আন্বাদন পাইতে থাকেন। যাহা সত্য, তাহাই ঈশ্বরের জ্ঞান; ও যাহা মঙ্গল, তাহাই ঈশ্বরের অভিপ্রায়; প্রত্যেক সত্য তাঁহার জ্ঞান প্রকাশ করিতেছে, প্রত্যেক মঙ্গল তাব তাঁহার অভিপ্রায় ব্যক্ত করিতেছে; যিনি যে পরিমাণে সত্যের উপর আপনার জ্ঞান প্রতিষ্ঠিত করিয়াছেন, তিনি সেই পরিমাণে ঈশ্বরের সহিত জ্ঞানাংশে একীভূত হইয়াছেন। যিনি যে পরিমাণে সত্য উপার্জন করিয়াছেন, তিনি সেই পরিমাণে আর এক অংশে—মঙ্গল তাব ঈশ্বরের সহিত মিলিত হইয়াছেন। যিনি যে পরিমাণে আলস্য ত্যাগ করিয়া সৎকর্মের অনুষ্ঠান করিতেছেন, সেই পরিমাণে তিনি যথার্থই ঈশ্বরের সহিত বন্ধুতা স্থাপন করিয়াছেন। মনুষ্য যখন সত্য উপার্জন করেন, তখন ঈশ্বরেরই সম্মুখবর্তী হন; কেন না সত্য—যাবতীয় সত্য ঈশ্বরেরই জ্ঞান। যখন ন্যায়পথে চলেন, তখন ঈশ্বরেরই সন্নিধানে থাকেন; যখন প্রেম ও পবিত্রতাতে উন্নত হন, তখন ঈশ্বরেরই সঙ্গে মিলিত হন; কেন না ন্যায়, প্রেম ও পবিত্রতা ঈশ্বরেরই তাব। যখন সৎ-কর্ম করেন, তখন ঈশ্বরেরই সঙ্গে একীভূত হন, কেন না সমস্ত সৎকর্ম ঈশ্বরেরই কর্ম। ঈশ্বর যে আনন্দ ভোগ করিতেছেন, তাঁহার সকল সম্মুখই তাহা লাভ করিবার

অধিকারী, কিন্তু যিনি এই রূপ ঈশ্বরের সহিত একা স্থাপন করিয়া তাঁহার নিকটবর্তী হইতে পারিবেন; তিনিই ঈশ্বরের সঙ্গে সেই আনন্দ ভোগ করিতে থাকিবেন। সত্য উপার্জন কর, ঈশ্বরের সহিত জ্ঞানের মিল হইবে। ন্যায় পথে চল, শ্রীতি বিস্তার কর, পবিত্র হও, ঈশ্বরের তাবের সহিত সম্মেলন হইবে। শুভ কার্যের অনুষ্ঠান কর—পৃথিবীর ছুঃখ দূর করিতে চেষ্টা কর, সকলকে সুখী করিতে যত্ন কর, বিপন্নের বিপদ উদ্ধার কর, নিরাশ্রয়কে আশ্রয় দাও, অজ্ঞানকে জ্ঞান দাও, রোগীকে ঔষধ দাও, সকলের উন্নতি সাধনে অগ্রসর হও; ঈশ্বরের অভিপ্রায়ের সহিত একা স্থাপন হইবে। তাহা হইলে ঈশ্বর কি আনন্দ ভোগ করিতেছেন, তাহা জানিতে পারিবে এবং তাহার রসাস্বাদে সামর্থ্য জন্মিবে। আমাদের জ্ঞান যে পরিমাণে সত্য উপার্জন করিবে, আমাদের তাব যে পরিমাণে প্রেম-প্রধান হইবে, আমাদের ইচ্ছা যে পরিমাণে কর্ম করিতে থাকিবে, সেই পরিমাণে আমরা জ্ঞানের আনন্দ তাবের আনন্দ ও ইচ্ছার আনন্দ ভোগ করিতে থাকিবে; এই ত্রিবিধ আনন্দ আত্মাতে একত্রিত হইলেই আমরা জানিতে পারিব ঈশ্বর স্বয়ং কি আনন্দ ভোগ করিতেছেন।

“সেই পরব্রহ্মের আনন্দ যিনি জানিয়াছেন, তিনি আর কাহা হইতেও ভয় প্রাপ্ত হন না।” সেই “আনন্দজনন সুন্দর আনন” যিনি দর্শন করিয়াছেন, সেই অক্ষয় আনন্দ-শ্রোতের প্রস্রবণ—সেই সত্যপূর্ণ জ্ঞান, সেই প্রেমপূর্ণ তাব, সেই কর্মশীল ইচ্ছা যিনি অনুভব করিতেছেন, অনুভব করিয়া যিনি সত্যোতে আরোহণ, প্রেমোতে অবগাহন ও কর্ম-ক্ষেত্রে অবতরণ পূর্বক তাঁহার সহিত যোগ সাধনে প্রবৃত্ত হইয়াছেন, তিনি সত্যের

বলে প্রেমের বলে সাধু ইচ্ছার বলে—বস্তুতঃ ঈশ্বরেরই বলে বলবান হইয়া গম্ভব্য পথের সমুদায় বিষয় অতিক্রম করিবেন। ঈশ্বরের জ্ঞান, তাঁহার বিশ্বাসের আদর্শ, ঈশ্বরের প্রেম তাঁহার প্রেম শিক্ষার আদর্শ, ঈশ্বরের কর্ম তাঁহার কর্মানুষ্ঠানের আদর্শ, কে তাঁহার পথের বিশ্বকারী হইতে পারে? যখন ঈশ্বরের ইচ্ছার সহিত আমাদের ইচ্ছার মিল হয়, তখন ঈশ্বর আমাদের সঙ্গে কর্ম করিতে থাকেন এবং যখন আমরা তাঁহার ইচ্ছার বিরোধী হই, তখন তিনি স্বয়ংই তাহাতে বিশ্ব উপাদান করেন; তাঁহার এই সহকারিতা ও বিশ্বকারিতা হয়তো আমাদের চির জীবনই অজ্ঞাত থাকিতে পারে, কিন্তু যিনি তাহা অনুভব করিতে পারিয়াছেন, তিনি সহস্র বিশ্ব বিপত্তি অতিক্রম করিয়া আপনার লক্ষ্য সাধনে—ঈশ্বরের লক্ষ্য সাধনে নিযুক্ত হইয়া থাকেন। তিনি উচ্চ ভূমিতে সমাক্রম থাকেন; নিন্দা ও প্রশংসা তাঁহার পদতলে সঞ্চার করে। চিরস্থায়ী মঙ্গল রাজ্য বিস্তার করা তাঁহার উদ্দেশ্য; ক্ষণস্থায়ী নিন্দা ও প্রশংসা তাঁহাকে বিচলিত করিতে পারে না। কুসংস্কৃত লোকে তাঁহার উদ্দেশ্যের মর্ম বোধে অসমর্থ হইয়া যোরতর কোলাহল করিতে প্রবৃত্ত হয়, তিনি আন্তরিক পুণ্যের বলে সমুদায় সহ্য করিয়া নিস্তক্ৰ তাব ঈশ্বরের কর্ম করিতে থাকেন। যাহা সত্য, যাহা ন্যায়, যাহা মঙ্গল, যাহা ধর্ম, তাহার অনুষ্ঠানে যদি সমস্ত পৃথিবী তাঁহার সহিত বিরোধাচরণ করে, তিনি সহিষ্ণু তাহারা পৃথিবীকে পরাজয় করিয়া নির্ভয়ে তাহা সম্পন্ন করিতে থাকেন। লোকে অসুয়া-নিবন্ধন তাঁহার নামে অপবাদ ঘোষণা করে, অতিমানে উন্নত হইয়া তাঁহাকে অপমানিত করে; ক্রোধে অন্ধ হইয়া তিরস্কার করিতে থাকে; অথবা আত্মত্তরিতায় জ্ঞানশূন্য হইয়া

ঊঁহার পুতি অভ্যাচার করিতে ধাবিত হয় ইহা অসম্ভব নহে; কিন্তু “তিনি লোকাপবাদ, কি দুঃসহ অপমান, কি অযোগ্য তিরস্কার, কি ছুনিবার অভ্যাচার ভয়ে ভীত হইয়া কদাপি তাহা হইতে পরাঙ্মুখ হইয়েন না।” কদাপি ঈশ্বরের পুয় কার্য পরিভ্যাগ করেন না।

মনুষ্যসমাজের প্রথমাবস্থায় প্রণালীবদ্ধ ধর্মপদ্ধতি ছিল না। আদিম মহর্ষিগণ মুক্ত হৃদয়ে ঈশ্বরের আরাধনা করিতেন ও মুক্ত ভাবে ঊঁহার প্রিয়কার্য সাধন করিতেন—মুক্ত ভাবে ধর্মোচরণ করিতেন। কালক্রমে সেই মুক্ত ভাব তিরোহিত হয়। স্বাধীন চিন্তা স্বাধীন আলাপ ও স্বাধীন কর্ম হইতে বিচ্যুত হইয়া ধর্ম কতকগুলি নির্দিষ্ট প্রণালীর উপর আরোহণ করে। তখন কতকগুলি নির্দিষ্ট মত ও কতকগুলি নির্দিষ্ট কর্মে বদ্ধ হইয়া জনসমাজ এক প্রকার শৃংখলবদ্ধের ন্যায় অবস্থান করে, প্রায় কেহই স্বয়ং কোন তত্ত্বের অনুধ্যান বা অনুসন্ধানের আয়াস স্বীকার না করিয়া যথাপ্রচলিত মত, রীতি, নীতি, আচার ও ব্যবহারের সেবা করিতে থাকেন এবং ক্রমে ক্রমে সেই সকল মতাদির উপর ঊঁহাদের এ রূপ অকীভূত মমতা উৎপন্ন হয় যে, তাহাতে বাস্তবিক যে সকল দোষ আছে, তাহা দর্শন করিতে পারেন না। পূর্বকালীন মহাত্মারা স্বাধীন ভাবে যাহা কিছু বলিয়াছিলেন ও যাহা কিছু করিয়াছিলেন, কিছু কাল তাহা কিয়দন্তী সহকারে বিচরণ করিতে থাকে; এই সময়ে তাহার কিয়দংশ লুপ্ত হয়, কিয়দংশ নূতন সংযোজিত হয় ও রূপান্তর প্রাপ্ত হয়; এই রূপে সেই সকল মত ও সেই সকল কর্ম যে মূর্তি পরিগ্রহ করে, তাহাই লিপিবদ্ধ হইয়া উত্তর কালীন জনসমাজের নিকট অত্রান্ত ঈশ্বর-প্রেরিত ধর্মশাস্ত্র হইয়া উঠে।

পূর্ব কালে যে সকল মহর্ষি,রাজা বা বীর পুরুষ তৎকালোচিত জনসমাজের মধ্যে যে কোন বিষয়ে অসাধারণতা উপাঙ্গন করিয়াছিলেন; ঊঁহাদিগের অনুগত কৃতজ্ঞ পুরুষগণের কৃতজ্ঞতাসূচক কীর্তিগানের সঙ্গে সঙ্গে ঊঁহার মর্ত্য লোকে অমরত্ব লাভ করিয়াছেন; কালক্রমে ঊঁহাদের কীর্তির সহিত অনেকবিধ অলৌকিক ক্রিয়াসকল সংযুক্ত হওয়াতে উত্তর কালীন মনুষ্যগণের নিকটে ঊঁহার ঈশ্বরের অবতার বা ঈশ্বরবৎ অলৌকিক ক্ষমতালী বলিয়া পূজিত হইতে লাগিলেন। জনসমাজের এই রূপ অবস্থায় সেই ব্রহ্মপরায়ণ—“যিনি ঊঁহার শরণাগত অনুগত দাস হইয়া ঊঁহার প্রিয় কার্য সাধনেই তৎপর থাকেন,” যিনি জ্ঞান ভাব ইচ্ছাতে ঈশ্বরের সহিত একীভূত হইয়াছেন—সেই ব্রহ্মপরায়ণ জনসমাজের সেই হীন অবস্থা সংশোধনে প্রবৃত্ত হন, তিনি লোকদিগের নিকটে সেই শৃঙ্খলবদ্ধ প্রণালীবদ্ধ ধর্মকে মুক্ত করিবার নিমিত্ত প্রস্তাব করেন; ঊঁহাদিগের রীতি নীতি ও আচার ব্যবহারের মারাত্মক দোষ সকল প্রদর্শন করেন, অত্রান্ত বলিয়া পুচলিত ধর্মশাস্ত্র সকলের উপর পুশ্চ উত্থাপন করেন, অবতার সকলের দেবত্ব উৎসন্ন করিয়া ঊঁহাদিগকে মনুষ্য-শ্রেণীতে অবতারিত করেন; ধর্ম-বাণিজ্যিকদিগের পুঙ্খন আত্মসত্ত্বিতা ও গূঢ় চাতুরীর মর্শোত্তেদ করিতে থাকেন; ঈশ্বর মনুষ্যের সাক্ষাৎ পিতা, সাক্ষাৎ মাতা, সাক্ষাৎ গুরু ও সাক্ষাৎ পরিত্রাতা এই বলিয়া উচ্চৈশ্বরে ঈশ্বর ও মনুষ্যের মধ্যস্থিত মধ্যস্থমন্য, ঈশ্বরের নিম্নে ও মনুষ্য জাতির উর্দ্ধে সমাকৃঢ় পেরিতম্মন্য ধূর্তদিগকে পদচ্যুত করিতে থাকেন;—ঈশ্বরের সত্য, ঈশ্বরের প্রেম, ঈশ্বরের পুরুত অতিপ্রায় পুচার করিতে থাকেন। ঊঁহার বাক্য ও কার্যে কুসংস্কৃত

লোকদিগের হৃৎকম্প উপস্থিত হয়; অক্ষ-কারপুয় লোকেরা চতুর্দিক হইতে টীংকার করিয়া উঠে; গ্রন্থের দাসগণ অতিসম্পাত করিতে থাকে, অবতারের ভক্তগণ দিধিদিগ্-জ্ঞানশূন্য হইয়া কটুক্তি করিতে থাকে, ধর্মবাণিজ্যিকগণ আপনাদের সর্বনাশ ভাবিয়া খঞ্জ ধারণ করে। ইহাও অসম্ভব নহে যে ধূর্তদিগের চক্রান্তে নিপতিত হইয়া সেই নিরীহ ঈশ্বর-ভক্তকে পুণ ত্যাগ করিতে হয়। কিন্তু ঈশ্বরের ভক্ত তাহাতেও ভীত হইয়েন না; তিনি জানেন যে, আমি ঈশ্বরের আজ্ঞা পুতিপালন করিতেছি। সত্য অবলম্বন ঈশ্বরের আজ্ঞা, সত্যাবে অবস্থান ঈশ্বরের আজ্ঞা, সংকর্ষের অনুষ্ঠান ঈশ্বরের আজ্ঞা; আমি ঊঁহার আজ্ঞা সম্পাদন করিতেছি, তিনি আমাকে রক্ষা করিবেন। বস্ততঃ ঈশ্বরই ঊঁহাকে রক্ষা করেন। যদি বন্ধুবান্ধব ঊঁহার শত্রু হন, যদি সমুদায় সমাজ ঊঁহার শত্রু হয়; যদি রাজা পর্যন্ত ঊঁহার বিদ্রোহী হইয়া উঠেন, তথাপি তিনি ঈশ্বরের আজ্ঞা পালনে পরাঙ্মুখ হইয়েন না। তিনি আপনায় পুণ পরিভ্যাগ করিতে প্রস্তুত আছেন, তথাপি ঈশ্বরের আজ্ঞা পরিভ্যাগ করিতে পারেন না—সত্য পরিভ্যাগ করিতে পারেন না, ন্যায় পরিভ্যাগ করিতে পারেন না, ধর্ম পরিভ্যাগ করিতে পারেন না। কেননা ঈশ্বর ঊঁহার সকল অপেক্ষা অধিক প্রিয়। যদি মর্ত্য লোকের বিচারে ইহাই স্থির হয় যে, ঊঁহার প্রাণদণ্ড করিতে হইবে, তিনি তাহাতেও ভীত নহেন; “সেই প্রিয়তমের আজ্ঞা-পালন-জন্য প্রাণ দেওয়া ঊঁহার পক্ষে অতি সহজ ব্যাপার, অতএব ঊঁহাকে কে আর ভয় প্রদর্শন করিতে পারে?”

বস্ততঃ মঙ্গলস্বরূপ সর্বজ্ঞ সর্বশক্তিমান ঈশ্বরের রাজ্যে ভয় কি? সত্য ঈশ্বরেরই জ্ঞান, প্রীতি ঈশ্বরেরই ভাব, সাধু ইচ্ছা

ঈশ্বরেরই ইচ্ছা। সত্য যে পথে লইয়া যাইবে, প্রীতি যে পথে লইয়া যাইবে, সাধু ইচ্ছা যে পথে লইয়া যাইবে, তাহা ঈশ্বরেরই পথ। ঈশ্বর কি ঊঁহার পুত্রকে অপথে লইয়া বিনাশ করিবেন! সত্য বটে, দেশ বিশেষে কাল বিশেষে অবস্থা বিশেষে ঈশ্বরের ভক্তকে অনেকবিধ কষ্ট ভোগ করিতে হয়;—ঊঁহার মান সন্ত্রম বিনষ্ট হইয়া যায়, ঊঁহার ধন সম্পত্তি লুপ্ত হইতে থাকে, ঊঁহার পদমর্যাদা ক্ষীণ হইতে থাকে, ঊঁহার কুলগৌরব ম্লান হইয়া যায়, ঊঁহার বন্ধুবান্ধব ঊঁহাকে পরিভ্যাগ করে, হয়তো ঊঁহার পরিবার মধ্যে মহাবিলব উপস্থিত হইয়া ঊঁহার গার্হস্থ্য-সুখ উৎসন্ন করিয়া দেয়, ঊঁহার সমাজ ঊঁহাকে আশ্রয় দেয় না, হয়তো ঊঁহাকে অন্নের জন্যও লালায়িত হইতে হয়, হয়তো ঊঁহাকে শারীরিক প্রহারও সহ করিতে হয়, যদি বিপদের চূড়ান্ত হয়, তবে হয়তো ঊঁহাকে মৃত্যু-যন্ত্রণাও ভোগ করিতে হয়—যদি সত্যের জন্য, ধর্মের জন্য, ঈশ্বরের জন্য বাস্তবিকই এই সকল কষ্ট ভোগ করিতে হয়, ঈশ্বরপরায়ণ আশ্চর্য্য সহিষ্ণুতা সহকারে তাহা বহন করিতে থাকেন। ঈশ্বরের বলে তিনি সমুদায় বিঘ্ন পরাজয় করেন, তিনি মৈত্রী দ্বারা শত্রুতাকে পরাজয় করেন, তিনি প্রেম দ্বারা বিদ্রোহকে পরাজয় করেন। ঊঁহার গূঢ় সংকল্প এই—“যদি আসে তাঁর কাজে দিয়াছেন যে প্রাণ; ছাড়ি যাব অন্যায়সে তাঁরে করিব দান।”

উন্নতহৃদয় সাধু যাহার বশব্দ হইয়া ধর্মের জন্য ত্যাগ স্বীকার করেন, তাহা অতি মধুময় ও আশ্চর্য্যময় ভাব। তিনি কোন বলে এখানকার সুখ দুঃখ ও সম্পদ বিপদে অটল থাকিয়া পরিত-সমান বিঘ্ন বাধা অতিক্রম করিয়া একতান চিত্তে আরম্ভ কার্য সম্পাদন করিতে থাকেন, তাহা অন্য লোকে

কিছুই বুঝিতে পারে না। মহৎ মহৎ কর্মের অনুষ্ঠানে অনেকেই আশ্রমের সহিত অগ্রসর হন এবং বসন্ত কালের প্রজাপতির ন্যায় কএক দিন চাকচাক্য বিস্তার করিয়া বাত্যা-রস্তের পূর্বেই কোথায় পলায়ন করেন। তাঁহাদের কার্য্যারস্তের আড়ম্বরে যেন ত্রিভুবন কম্পিত হইতে থাকে, পরিণেবে তাহা অজা-যুদ্ধের ন্যায় নিঃশব্দে বিলীন হইয়া যায়। সাধুগণের ভাব ইহার বিপরীত। ঈশ্ব-রের তত্ত্ব পর্ত্তের ন্যায় দণ্ডায়মান থাকেন; বাত্যা ও বজ্রাঘাত যখন স্থগিত হইয়া থাকে, দাবানল যখন লুক্কায়িত হয়, প্রকৃতি যখন শান্ত ভাবে অবস্থান করে, তখন সেই পর্ত্ত স্থানে স্থানে তরুলতা ফল পুষ্প মনো-হর কান্তি বিস্তার করিতে থাকে; যখন মহাবাত্যা উথিত হইয়া তাহার আভরণ-স্বরূপ তরুলতা সমস্ত ছিন্ন করিয়া দেয়, অথবা ছুরন্ত দাবানল তাহার অঙ্গ প্রত্যঙ্গ নির্দয়রূপে দক্ষ করে, তখনও সেই পর্ত্ত স্থির ভাবে দণ্ডায়মান হইয়া অনাবিধ শোভা বিস্তার করিতে থাকে। ঈশ্বরের তত্ত্ব সর্ব-শক্তিমান ঈশ্বরের বলে তাঁহার প্রিয় কার্য্য সাধনে প্রবৃত্ত থাকেন, মর্ত্ত্যালোকের প্রতিব-দ্ধকতা তাহা ত্রুটি করিতে সমর্থ নহে। অবজ্ঞা-সূচক করতালী, বা উপহাসের কো-লাহল অথবা নিষ্ঠুরদিগের নিপীড়ন তাঁহার কার্য্যে ব্যাঘাত দিতে পারে না; পুতি বাধায় তাঁহার বল দ্বিগুণ হইয়া উঠে। বস্ত্তঃ তাঁহার হৃদয়ে ভয় নাই। কেনই বা ভয় থাকিবে? যিনি আপনার মান সন্ত্রম পদ-মর্যাদা ও সাংসারিক সুখ ঈশ্বরের প্ৰেমে উৎসর্গ করিয়াছেন, বিশেষত যখন সেই ব্রহ্মানন্দ ও সেই ব্রহ্মানন্দের প্রস্রবণ পর্য্য-স্তের সন্ধান পাইয়াছেন এবং সেই স্রোতেই ভাসমান হইতেছেন, তখন তাঁহার আর কিসের ভয়? যতক্ষণ আত্মস্তিরিতাই সর্বস্ব, ততক্ষণই

ভয়। অন্য ভয়ের জো কথাই নাই, তিনি মৃত্যুকেও ভয় করেন না। তিনি দেখেন যে, আমার পুণ্য ঈশ্বরের হস্তে রক্ষিত হই-তেছে; “সর্ব সংহারক” মৃত্যুরও তাহাতে অধিকার নাই। আমার শরীরে যে সকল আঘাত হইবে তাহাতে আমার যতই কষ্ট হউক, ঈশ্বরের মহিমার কিছুই ব্যাঘাত হইবে না। বস্ত্ত কষ্টই প্ৰেমের পরীক্ষা। যে প্ৰেম কষ্টের ভয়ে সংকুচিত হয় তাহা প্ৰেমই নহে। যিনি বাস্তবিক ঈশ্বরের প্ৰেমে নিমগ্ন হইয়াছেন, তিনিই অতঃপাতি করিয়াছেন। “কেন না তিনি আপনার পুণ্য-দাতার-হস্তে পুণ্য অর্পণ করিয়া নির্ভয় হইয়াছেন, সর্ব সংহারক ভয়ানক মৃত্যু হইতেও তিনি ভয় প্রাপ্ত হন না।”

ব্রাহ্মধর্ম, গুরু ও প্রচারক।

সম্প্রতি কএক জন ব্রাহ্ম ব্রাহ্মধর্ম-প্রচারক শ্রীযুক্ত কেশবচন্দ্র ব্রহ্মানন্দের বি-ষয়ে সংবাদ পত্রে ও অন্যান্য স্থানে যে সকল অভিযোগ উত্থাপন করিয়াছেন, তাহা লইয়া সর্বত্রই অত্যন্ত গোলযোগ উপস্থিত হইয়াছে। সংবাদ পত্রের পরিহাসপ্রিয় সম্পাদকেরা দিব্য সুযোগ প্রাপ্ত হইয়া তাঁহাদের পরিহাস-প্রবৃত্তি চরিতার্থ করিতেছেন। উপহাস-রসিক ছুর্জনেরা বীতৎস মূর্ত্তি ধারণ করিয়া ভদ্র-লোকদিগকে বিরক্ত করিতেছেন। যাঁহারা ব্রাহ্মধর্মকে বিষদৃষ্টিতে দর্শন করেন, তাঁ-হারা বৈরসাধনের সময় বুঝিয়া উহাতে নানা শাখা পলুব সংযুক্ত করিতেছেন। ব্রাহ্মগণ ও ব্রাহ্মধর্মের হিতৈষী বন্ধুগণ আন্তরিক ক্ষোভ প্রাপ্ত হইতেছেন। আমরা পরস্প-রায় ইহাও অবগত হইলাম যে, যাঁহারা সর্ব্বাংশে কেশবচন্দ্রের পক্ষপাতী ছিলেন, তাঁহাদের মধ্যেও অনেকে তাঁহার প্রতি বিরক্ত

হইয়া উঠিয়াছেন, কেহ কেহ বা তাঁহার প্রচার কার্য্যে সাহায্য দান বন্ধ করিয়াছেন। যাঁহারা প্রথমে এই গোলযোগ উত্থাপন করেন, তাঁহারা কেশবচন্দ্রের নিজের লোক; এই জন্যই উহা একপ তীত্র মূর্ত্তি ধারণ করিয়াছে। অতএব এ সময়ে কএকটি বস্ত্তব্য প্রকাশ করা আবশ্যিক হইয়া উঠিয়াছে।

বৌদ্ধ, বৈরাগী, নানকপন্থী, মুসলমান ও খৃষ্টান প্রভৃতি যত গুলি সম্প্রদায় ব্যক্তি-বিশেষ দ্বারা প্রবর্ত্তিত হইয়াছিল, তৎসমুদা-য়ের প্রবর্ত্তকেরা কেহ বা ইচ্ছা পূর্ব্বক কেহ বা অনবধানতা দোষে স্ব স্ব সম্প্রদায়ের মধ্যে অলৌকিক পদে আরোহণ করিয়া আছেন। প্রতি সম্প্রদায় স্ব স্ব সম্প্রদায়ের আদি প্রব-র্ত্তকদিগের অলৌকিকতা কল্পনায় যতই আ-নন্দিত হউন; তদ্বারা জনসমাজে বাস্তবিক অশুভ ফলই উৎপন্ন হইয়াছে। প্রথমতঃ, ঈশ্বরের পরিবর্ত্তে বা তাঁহার সঙ্গে মনুষ্যের উপাসনা করা অপেক্ষা মনুষ্যের পক্ষে অধিক হীনতা আর কিছুই হইতে পারে না। মনুষ্য স্বাধীন ও ঈশ্বরের সহিত সাক্ষাৎসম্বন্ধে সম্বন্ধ এবং ঈশ্বর হইতে বিচ্যুতিই তাহার যথার্থ ছুরবস্থা; অতএব ঈশ্বরের সাক্ষাৎ সেবা পরি-ত্যাগ করিয়া সেই ভাবে মনুষ্য বিশেষের সেবা করা অপেক্ষা ঈশ্বর-বিচ্যুতি ও আধ্যাত্মিক ছুরবস্থা অধিক কি হইতে পারে? দেখ ইউরোপীয়েরা অন্যান্য বিষয়ে সকল পৃথিবী অপেক্ষা সমুন্নত হইয়াও উক্তরূপ এক কুসংস্কার নিবন্ধন কি নীচতা প্রদর্শন করি-তেছে। ইউরোপে পদার্থবিদ্যা প্রভৃতি নানা বিষয়ের উন্নতি স্মরণ করিলে আমরা কত নীচে পড়িয়া আছি বলিয়া ধিকৃত হইতে হয়, কিন্তু যখন ইউরোপের ধর্ম লইয়া আলোচনা করি, তখন তাহার সৌন্দর্য্য ব্যাধিগ্রস্ত যৌবনের ন্যায় অতীব দীন বলিয়া প্রত্যক্ষমান হইতে থাকে। তখন ইহা আশ্চর্য্য

বোধ হয় যে এমন স্বাধীনবৃত্তি ইউরোপ কেমন করিয়া ধর্ম বিষয়ে এত অধীন হইয়া আছে। দ্বিতীয়তঃ, কেবল এই সকলই উক্ত কুসংস্কারের সম্পূর্ণ ফল নহে; ধর্মের উৎকর্ষ সাধনেও উহা যৎপরোনাস্তি প্রতিবন্ধকতা করিয়া থাকে। মনুষ্য এক বারে ভ্রম-প্রমাদ শূন্য হইবে, ইহা কখনই প্রত্যাশা করা যায় না। যে ধর্ম কোন মনুষ্যকে অলৌকিক ক্ষমতায় ভূষিত ও অদ্রান্ত বলিয়া স্বীকার করা হয়, সে ধর্মের উন্নতি সেই স্থানেই পরি-সমাপ্ত হইল। তাঁহার শিষ্যেরা বা অনুশি-ষ্যেরা অবচ্ছেদ্যাবচ্ছেদে তাঁহার সমুদায় মতকে তীব্রতা সহকারে সমর্থন করিতে যায়, এবং তাঁহার সমুদায় কার্য্যকেই সদাচার বলিয়া পুতিপন্ন করিয়া থাকে; ইহাতে অনেক সময় অসত্য ও সত্য হইয়া পড়ে ও বাস্তবিক অনাচার ও সদাচার হইয়া উঠে। ভবিষ্যতে তাহাতে কাহারও আপত্তি হইলে তুমুল কাণ্ড উপস্থিত হয়—তখন ধর্ম সাক্ষাৎ অধর্মের মূর্ত্তি পরিগ্রহ করে। বৌদ্ধ, মহম্মদীয় ও খৃষ্টীয় ধর্মের ইতিহাস উচ্চৈশ্বরে ইহার সাক্ষ্য দান করিতেছে। তৃতীয়তঃ, মনুষ্য বিশেষে অ-লৌকিকতার ভান করিয়া যে ধর্ম প্রচারিত হয়, তাহার উন্মূলনের হেতু তাহার মূলেই বিদ্যমান থাকে। যখন বিজ্ঞানের আলোক বিকীর্ণ হইয়া বস্ত্ত সকলের স্বরূপকে উদ্ভাসিত করিবে তখন সেই ধর্ম অন্ধকারের ন্যায় অপসারিত হইবে। বিশেষতঃ যে সকল কৌশল ভবিষ্যৎ পরিবর্ত্তনকে রোধ করি-বার নিমিত্ত প্রস্তুত হয় ভবিষ্যতে তাহাই মহা বিপ্লবের হেতু হইয়া উঠে। জর্মানি ও ফ্রান্স প্রভৃতির চর্চ সকল ইহার সাক্ষ্য।

মহাত্মা রামমোহন রায় যে ট্রফিডিড করিয়া দিয়াছেন, তাহাতে তাঁহার উদ্দেশ্য ও অভিপ্রায় স্পষ্টাক্ষরে ব্যক্ত হইয়া আছে। তাঁহার পর প্রধান আচার্য্য মহাশয় সেই

ট্রফিডিড্ ও তাঁহার প্রতিষ্ঠিত পুণালী আদর্শ করিয়া আদি সমাজে যে রূপ কার্য প্রণালী সংস্থাপিত করিয়াছেন এবং উপনিষদ্ পু- ভূতি হইতে যে সকল মত সংকলন করিয়া ও নিজের বহু অনুসন্ধান দ্বারা যে সকল ভাব পুঞ্জ হইয়া পুচার করিতেছেন, তাহা কা- হারও অগোচর নাই। প্রধান আচার্য্য মহাশয় নিরীবাৎ ব্রহ্ম নাম অবলম্বন করিয়া “ব্রাহ্মধর্ম” এই উদার নামে এই ধর্মকে অলঙ্কৃত করিয়া সত্যপ্রিয় ধর্মার্থী মাত্রেরই আদরণীয় করিতেছেন। এ পর্য্যন্ত পুস্তক পত্রিকা ব্যাখ্যান বক্তৃতা যাহা কিছু প্রকাশিত হইয়াছে তাহা সকলেই দেখিতে- ছেন। যখনই যাহা ভ্রান্তি বলিয়া অবধা- রিত হয়, তাহা হইতে যত্নের সহিত ইহাকে মুক্ত করা হইতেছে। এক্ষণে ব্রাহ্মধর্মের উদ্দেশ্য কি তাহা প্রায় সকলের নিকটেই প্রকাশিত হইয়াছে। ব্রাহ্মধর্ম এক্ষণে অনে- কেব হৃদয়ের ধন ও আরামস্থান হইয়াছেন। ইহার উপর অনেকেরই মমতা নিপতিত হইয়াছে। ইহাই স্বাভাবিক ও যথার্থ ধর্ম বলিয়া অনেকের হৃদয়ঙ্গম হইয়াছে।

ব্রাহ্মধর্মের যে সংস্থান প্রণালী সংক্ষেপে উল্লিখিত হইল, তাহাতে অনায়াসেই প্রতীয়- মান হইবে যে, কি গুণে ব্রাহ্মধর্ম দিন দিন অধিকতর উপাদেয় ও উপচীয়মান হইতেছে। ঈশ্বর মনুষ্যকে যে প্রকৃতি প্রদান করিয়াছেন, ব্রাহ্মধর্ম তাহারই সম্যক অনুযায়ী। ইহাতে পুস্তক বিশেষকে ঈশ্বরের প্রদত্ত বলিয়া জ্ঞান করিতে হয় না; মনুষ্য বিশেষের একাধি- পত্যও অঙ্গীকার করিতে হয় না, এমন কি সকলের পক্ষে গুরুকরণও আবশ্যিক হয় না; মনুষ্যের প্রকৃতিই এই ধর্মের শিক্ষা দান করিতেছে—ঈশ্বর স্বয়ংই আচার্য্যের কার্য করিতেছেন। তথাপি আমরা সকলে সমান বুদ্ধিমান নই বলিয়া যাহারা হিতৈষণা সহ-

কারে আমাদের শিক্ষা দিতেছেন, আমরা চিরকাল তাঁহাদের নিকট কৃতজ্ঞতাপাশে বদ্ধ হইয়া থাকিব; কিন্তু ব্রাহ্মধর্ম কদাপি তাঁহাদিগকে সীমা অতিক্রম করিতে দিবেন না; জ্যেষ্ঠ ভ্রাতা অসমর্থদিগকে প্রতিপালন করিতেছেন বলিয়া ব্রাহ্মধর্ম কদাপি তাঁ- হাকে পিতার আসন গ্রহণ করিতে দিবেন না; “আমি তোমাদের এক মাত্র গুরু, আর তোমরা সকলে পরম্পর ভ্রাতা:” এ দুঃখিত বাক্য যে গুরুর মুখ হইতে পুনর্বার বিনির্গত হইবে, তিনি এ সময়ে কাহারও শ্রদ্ধাস্পদ হইতে পারিবেন না।

ব্রাহ্মধর্মের প্রচার ব্রাহ্মধর্মেরই কর্তব্য। ইহাতে এমন নিয়ম নাই যে, ব্যক্তিবিশে- ষের নিকট ব্রাহ্মধর্মের শিক্ষা বা দীক্ষা গ্রহণ না করিলে তাহা সিদ্ধ হইবে না। অথবা এমন ব্যবস্থাও নাই যে, বিশেষ পদ্ধতি অনু- সারে ভ্রাতা প্রাপ্ত না হইলে তিনি ব্রাহ্মধর্ম প্রচার করিতে পাইবেন না। বস্তুতঃ যাহারা অন্যান্য সাংসারিক কার্যে নিযুক্ত হইয়া আছেন সেই সকল বিষয়ী ব্রাহ্মগণ দ্বারাই (যদি বিষয়ী বলা সম্ভব হয়) বিনাডম্বরে অপে অপে ব্রাহ্মধর্মের প্রচার হইয়া আ- সিংহেছে। যাহারা একপ প্রচারে পরিতৃপ্ত না হইয়া অনন্যকর্মী হইয়া কার্যক্রেতা স্বীকার ও সাংসারিক সুখ ভোগের বাসনা খর্ব করিয়া প্রচারক্রমে ত্রী হইয়াছেন, তাঁহারা সকলের কৃতজ্ঞতাভাজন ও বহু মানের আ- স্পদ হইবেন তাহার কিছুমাত্র সন্দেহ নাই। কিন্তু তাঁহাদের ইহা সর্বদা মনে রাখা উচিত যে, তাঁহারা ঈশ্বরের মহিমা পুচার করিতে পূর্ব হইয়াছেন, আপনার মহিমা নহে। খৃষ্ট বা মহম্মদের ন্যায় আপনাদিগকে ভবিষ্যদ্বক্তা বা পুরিত বলিয়া পুচার করিতে গেলে ব্রাহ্মধর্মের মূলোচ্ছেদন হইবে। তাঁ- হাদের উপর ঈশ্বরের বিশেষ দৃষ্টি হইয়াছে,

অথবা তিনি সাধারণ অপেক্ষা তাঁহার সহিত বিশেষ রূপ যোগ দিতেছেন, একপ অভিমান যেন তাঁহাদের মনে স্থান পুঞ্জ না হয়; একপ অভিমান সবিশেষ কুসংস্কার হইতে উৎপন্ন হয়। ঈশ্বরের অনুগ্রহ ও যোগ সাধারণের উপর যেমন, তাঁহাদের উপরও অবিকল সেইরূপ। যিনি যে কার্যে সবিশেষ যত্নের সহিত নিযুক্ত হইয়া থাকেন, তিনিই সেই কার্যে সফলতা লাভ করেন। কৃষক, বণিক, শিল্পি, চিকিৎসক কবি ও বিজ্ঞানবিৎ অথবা ধর্মপুচারক ইহারা সকলেই স্বস্বকার্যে সমভাবেই ঈশ্বরের সা- হায্য পুঞ্জ হইয়া থাকেন এবং সেই সাহায্যই আধিতৌতিক হউক, আর আধ্যাত্মিক হউক, সাধারণ নিয়ম অনুসারেই উপস্থিত হইয়া থাকে; তদ্বিষয়ে বিশেষ বিধি নাই—ঈশ্ব- রের সাহায্য বা অনুগ্রহ অথবা যোগ ব্যক্তি- বিশেষে একচেটিয়া নহে।

এই সকল বিষয়ে অনবধানতা নিবন্ধন সকল সম্প্রদায়ের প্রবর্তকগণই শিষ্য ও অ- নুশিষ্যদিগকে এক প্রকার ঈশ্বর হইতে বিচ্যুত করিয়া স্ব স্ব নামের সেবক করিয়া গিয়াছেন। বোধ হয় সেই সেই প্রবর্তকগণ ঈশ্বর অপেক্ষাও অধিক অথবা তাঁহার সঙ্গে সমান রূপে পূজিত হইয়া থাকেন। ব্রাহ্মধর্মে উক্ত রূপ চূর্ণটনার সম্ভাবনা নাই বলিয়া অনেকে আনন্দিত হইতেছেন। কিন্তু বর্তমান গোলযোগে তাঁহারা সন্দেহ হইয়া উঠিয়াছেন। মহাত্মা রামমোহন রায় দূরদর্শিতা সহকারে যে ট্রফিডিড্ করিয়া গিয়াছেন, তাহাতে আদি সমাজে কাহারও চিন্তার বিষয় নাই। কিন্তু এমন জ্ঞান প্রচারের সময়ে অন্যত্রও যে উহা সংঘটিত হয়, অন্ততঃ উহা লইয়া কথা উৎপন্ন হয়, ইহাও অপ আশ্চর্য্যের বিষয় নহে। শ্রীযুক্ত কেশবচন্দ্র ব্রহ্মানন্দ প্রভৃতি প্র- চারকগণ ব্রাহ্মধর্মের নিমিত্ত যে অশেষ ক্লেশ

স্বীকার করিতেছেন, তাহাতে সকলেই উপ- কার স্বীকার করিতেছেন; কিন্তু বর্তমান গোল- যোগে সকলেই আশঙ্কিত হইয়াছেন। কএক বৎসর অবধি অনুষ্ঠান ও সমাজ সংস্কার পুভূতি লইয়া ব্রাহ্মদিগের মধ্যে নানা প্রকার মত ভেদ যে উপস্থিত হইয়াছে, তাহাতে আদি সমাজ কাহারও স্বাধীন ভাবে হস্তা- র্ণন করেন নাই এবং তাহা করিবার পুরো- জনও বোধ করেন না; বিশ্বাস ও কার্যে এক ঈশ্বর অঙ্গীকার করিয়া ব্রাহ্মেরা যদি অন্যান্য বিষয়ে শত সহস্র শাখা পুশা- খায় বিভক্ত হন, আদি সমাজ তাঁহাদের কোন শাখার বিপক্ষ বা কোন শাখার একাধিপত্যের স্থান হইবেন না; পুভূত সকল শাখাই আদি সমাজের অঙ্গ বলিয়া পরিগণিত হইবেন। এই উদ্দেশ্য অনুসারে আদি সমাজ কাহারও স্বাধীন চিন্তা বা স্বাধীন কার্যে হস্তক্ষেপ করেন নাই। সংপৃতি ব্রাহ্মধর্মের মূল উদ্দেশ্য বিপর্যস্ত হইবার উপক্রম হইয়াছে, অন্ততঃ লোকের এই রূপ সংস্কার হইয়াছে। এই জন্যই এই পুস্তাবের অবতারণা হইল।


কেশবচন্দ্র প্রেরিত বা ভবিষ্যদ্বক্তা হইবার ছুরাকাজ্জায় নিপতিত হইয়াছেন বলিয়া লোকের যে সংস্কার জন্মিয়াছে, তা- হাতে লোকদিগকে সে রূপ দোষ দেওয়া যাইতেছে না। যে সকল ছিদ্রাশ্রয়ী চূর্ণজন অস্ত্রাপরায়ণ হইয়া সকল কথাই শাখা পল্লবে বিস্তারিত করিয়া থাকেন এবং অন্যের পরীবাতে আনন্দ অনুভব করেন, আমরা তাঁহাদের কথা গ্রাহ করিতেছি না। তাঁহার উন্নতি দর্শনে যাহাদের বিদ্রোহবুদ্ধি হইবার কোন সম্ভাবনা ছিল না এবং যাহারা চির কাল তাঁহার মত ও কার্যের অনুবর্তন ও সমর্থন করিয়া আসিয়াছেন, তাঁহাদিগের কথা লোকে সংসা অগ্রাহ করিতে পারি-

তেছেন না। বিশেষতঃ কেশবচন্দ্রের সহিত যত্নাথের যে প্রশ্নোত্তর চলিয়াছিল, তাহা যদি যত্নাথ অবিকল সোমপ্রকাশে প্রকাশ করিয়া থাকেন, তাহা হইলে লোকের মনে সেই সংস্কার বন্ধমূল হইবার কারণেরও অসন্দাব নাই। কেশবচন্দ্রের মনে যে ছুরাকাজ্জা জন্মিয়াছে, ইহা আমাদের মনে করিতেও ক্লেশ বোধ হয়; কিন্তু তাঁহার কএক জন সহচর যে তাঁহাকে কিছু অস্বাভাবিক ভাবে গ্রহণ ও সন্তোষ করিয়া থাকেন তাহা হইতেই গোলযোগ উৎপন্ন হইয়াছে তাহার সন্দেহ নাই। এক বৎসর অতীত হইল প্রধান আচার্য্য মহাশয় ব্রাহ্মসম্মেলন সভায় উপদেশ দিবার সময়ে ব্রাহ্মগণকে ভূয়োভূয়ঃ এই কথা বলিয়াছিলেন যে ভারতবর্ষে প্রায় গুরু হইলেই অবতার হইয়া থাকে, অতএব ব্রাহ্মেরা যেন সে রূপ কলঙ্কে নিপতিত না হন। “ইহা অলীক বিষয়ে উপদেশ দেওয়া হইতেছে” বলিয়া ইণ্ডিয়ান মিরর বিরক্তি পুকাশ করিয়াছিলেন এবং প্রধান আচার্য্য মহাশয়ের নিকটে জিজ্ঞাসা করা হইয়াছিল যে, তিনি কাহাদিগকেও মনে করিয়া ঐ কথা বলিয়াছেন কি না। কিন্তু কেশবচন্দ্রের সহচর ও অনুচরগণ দ্বারাই সেই বাক্য ভবিষ্যৎ বাণীর ন্যায় পূর্ণ হইতে লাগিল এবং তিনি তাহা নিবারণ করিতে পারিলেন না, ইহা অত্যন্ত দুঃখের বিষয়। আমরা কেশব চন্দ্রকে যে রূপ চতুর ও বুদ্ধিমান বলিয়া জানি, তাহাতে তিনি যে শীঘ্র লোকের এই সংস্কার উন্মূলন করিতে চেষ্টা করিবেন ও তাহা করিতেও পারিবেন এবং তাঁহার সহচরগণকেও সত্যের পথে পুনর্বার লইয়া আসিবেন, তদ্বিষয়ে বিলক্ষণ ভরসা করিতেছি।

যাঁহারা অবিবেচনা পূর্বক লোকের নিকটে কেশবচন্দ্রকে উপহাসাস্পদ করিতেছেন এবং

অদ্যাপি সেই সকল অন্যায় কার্য্যের সমর্থন করিতেছেন, তাঁহারা এক বার বিবেচনা করিয়া দেখিবেন যে, তাঁহারা যাহা সম্মান বলিয়া অবধারণ করিতেছেন, তাহা হইতে তাঁহাদের, কেশবচন্দ্রের ও ব্রাহ্মধর্মের অনিষ্টই হইবে। তাঁহারা যেন এ রূপ মনে না করেন যে, মনুষ্যের পুতি এই রূপ করিতে করিতে ঈশ্বরকে প্রাপ্ত হওয়া যাইবে। তাহা হইলে পৌত্তলিকতা কি অপরাধ করিল? যীশু খৃষ্টকে লোকে যে পুতারক বলিয়া থাকে, তাহার কারণ কি? খৃষ্টানেরা খৃষ্টকে যে রূপ করিয়া লোকের নিকট প্রদর্শন করিতেছেন, তাহা হইতে সহজেই ঐ সিদ্ধান্ত উপস্থিত হয়। কেশবচন্দ্রের হিতৈষিগণ কি তাঁহাকেও ঐ রূপ কলঙ্কিত করিতে চান? যিনি তাঁহাদেরই জন্য সপরিবারে সামাজিক মুখ বিসর্জন দিতেছেন, তাঁহাদেরই জন্য দ্বারে দ্বারে ভিক্ষা করিতেছেন, পরিশেষে তাঁহাদের দ্বারা তাঁহার কি এই পুরস্কার হইবে যে তিনি লোকের নিকট উপহাসাস্পদ ও ধূর্ত বলিয়া পরিগণিত থাকিবেন। তাঁহারা কি যথার্থই এই রূপ মনে করিতেছেন যে, কেশবচন্দ্রের দ্বারা না হইলে ঈশ্বর তাঁহাদের উপাসনা গ্রহণ করিবেন না অথবা তাঁহারা স্বয়ং ঈশ্বরের যে অনুগ্রহ না পাইবেন, তাহা কেশবচন্দ্রের অনুরোধে ঈশ্বর প্রদান করিবেন। তাঁহাদের মনের ভাব কি, তাহা আমরা পূর্বকৃত রূপে জানি না, তাঁহাদিগকে কেবল এই মাত্র অনুরোধ করিতেছি যে তাঁহারা ব্রাহ্মধর্ম অবলম্বন করিয়াছেন ইহা যেন বিস্মৃত না হন।

তত্ত্ববোধিনী পত্রিকা কলিকাতা ব্রাহ্মসমাজ হইতে প্রতি মাসে প্রকাশিত হয়। মূল্য ছয় আনা। ত্রিমাণ্ডিক মূল্য তিন টাকা। ডাক নামুল বার্ষিক বার আনা। মস্বৎ ১২২৫। কলিকাতা: ৪২৩২। ১৫ পৌষ সোমনবার।



সপ্তম কল্প

দ্বিতীয় ভাগ।

মাঘ ১৭২০ শক।

৩৩ সংখ্যা

ব্রহ্মসংখ্য ৩২

তত্ত্ববোধিনী পত্রিকা

ব্রহ্ম নী একমিনমগ্রাসীন্নান্যৎ কিকনাসীত্ত্বদিং সর্কমস্কৎ। তদেব নিত্যং জ্ঞানমনস্তং শিবং স্বতন্ত্রমিববসমেক-
মেবাদ্বিতীয়ং সর্কব্যাপি সর্কনিয়ন্তু সর্কীয় সর্কনিং সর্কশক্তিদ্ ক্রবং পূর্বমপ্রতিমমিতি। একস্য তস্যাবোপাসনয়া
পারিত্রিকনৈতি কক স্বতন্ত্রমিতি। তস্মিন্ প্রীতিস্তস্য প্রিয়কার্যসাধনক তদুপাসনমেব।

বিজ্ঞাপন

উনচত্বারিংশ সাংবৎসরিক

ব্রাহ্মসমাজ।

আগামী ১১ মাঘ শনিবার
উনচত্বারিংশ সাংবৎসরিক ব্রাহ্মসমাজ হইবে।

১ মাঘ অবধি ১০ মাঘ পর্য্যন্ত
বুধবার ভিন্ন প্রতিদিবস ব্রাহ্মসমাজ-গৃহে সন্ধ্যা ৭ ঘটটার সময়ে
ব্রাহ্মধর্ম গ্রন্থের পাঠ ও ব্যাখ্যা হইবে।

১১ মাঘ শনিবার প্রাতঃকালে
৮ ঘটটার সময়ে ব্রাহ্মসমাজ-গৃহে
এবং সায়েং কালে ৭ ঘটটার সময়ে

শ্রীযুক্ত প্রধান আচার্য্য মহাশয়ের
ভবনে ব্রহ্মোপাসনা হইবে।

আদি ব্রাহ্মসমাজ
কলিকাতা ১৭২০ শক।

শ্রী দ্বিজেন্দ্রনাথ ঠাকুর
সম্পাদক।

ঋগ্বেদ সংহিতা।

প্রথম মণ্ডলস্য চতুর্দশামুখ্যাকে তৃতীয়ং স্বতন্ত্রং।
কুৎস ঋষিঃ ত্রিষ্টুপুচ্ছন্দঃ অগ্নিদেবতা।

১১২৮

১। স প্রত্নথা সহস্রা জায়মানঃ
সূদ্যঃ কাব্যানি বর্ডধন্তু বিশ্বা।
আপশ্চ মিত্রং ধিষণা চ সাধন্দে-
বা অগ্নিং ধারষন্তুবিণোদাং।

১। 'সহস্রা' বলেন 'জায়মানঃ' নির্মথনে উৎপাদ্যমানঃ
'সঃ' অগ্নিঃ 'সূদ্যঃ' তদানীং উৎপত্ত্যানন্তরমেব 'প্রত্নথা'
প্রত্ন ইব চিরন্তন ইব 'বিশ্বা' বিশ্বানি সর্কানি 'কাব্যানি'
কবেঃ ক্রান্ত দর্শিনঃ প্রগলভস্য কর্কানি 'বট'সত্যং 'অধন্ত'
অধারমৎ পূর্কং বিদ্যমান ইব অগ্নিরুৎপত্তিসমকালমেব
সর্কীয়ং হবির্কনাদিকং সর্কং কার্যমকরোদিতার্থঃ। ইমং
অগ্নিং টবদ্যুতরূপেণ বর্তমানং মেঘেধবস্থিতাঃ 'আপশ্চ'
'ধিষণা চ' বা মাধ্যমিকা বাক্ মা চ 'মিত্রং' সখিত্বতঃ 'সা-

ধন' সাধন কুর্কতি। তন্মিমং 'ত্রিণোদাং ত্রিণস্য
ধনস্য দাতারং 'অগ্নিঃ' 'দেবঃ' ঋত্বিজঃ 'ধারয়ন্' গার্হ-
পত্যাদিরূপেণ ধারয়তি। যদা দেবঃ এব ইন্দ্রাদয়ঃ উম-
মগ্নিঃ ত্রিণোদাং হবিলক্ষণস্য ধনস্য দাতারং হৃদ্বা হৃত্যে
ধারয়ন ধারয়তি।

১। অগ্নি সহসা উৎপন্ন হন। উৎপন্ন
হইয়াই প্রাচীরের ন্যায় স্বকীয় সমস্ত কার্য
যথার্থতঃ অনুষ্ঠান করিয়া থাকেন। জল ও
মাধ্যমিক ঋষিদিগের বাক্য এই অগ্নির সহিত
মিত্রতা করে। ঋত্বিকেরা এই ধনদাতা
অগ্নিকে ধারণ করিয়া থাকেন।

১১২৯

২। স পূর্ষ্যা নিবিদা কব্য-
তায়োরিমাঃ প্রজা অর্জনযন্ম-
নূনাং। বিবস্বতা চক্ষুসা দ্যাম-
পশ্চ দেবা অগ্নিঃ ধারয়ন্তবি-
ণোদাং।

২। 'সঃ' অগ্নিঃ পূর্ষ্যা 'প্রথময়া' অগ্নির্দেবেক ইত্যাদি-
কব্য 'নিবিদা' কব্যতঃ 'শ্রুতিনিষ্ঠগাভিধান লক্ষণাং পুত্রিঃ কু-
র্কতি 'আযোঃ' মনোঃ সম্বন্ধিনোহেখন চ ভূয়মানঃ সোতগ্নিঃ
'মনুনাং' সঙ্গিনীঃ 'ইমাঃ' প্রজাঃ 'অর্জনযৎ' উদপাদযৎ
মনুনা স্বতঃ সন্ মানবীঃ সর্গাঃ প্রজা অর্জনযৎ ইত্যর্থঃ।
তথা 'বিবস্বতা' বিবাসনবতা বিশেষেণ আচ্ছাদিত্যঃ 'চক্ষুসা'
আক্সীয়েন তেজসা 'দ্যাম' দু্যলোকং 'অপশ্চ' অন্তরিক্ষং
চ ব্যাপোভীতি শেষঃ। অন্যৎ সমানং।

২। সেই অগ্নি মনুর প্রথম স্ততি দ্বারা
সংস্কৃত হইয়া তাঁহার এই সমস্ত প্রজা সৃষ্টি
করিয়াছেন এবং আবরণশীল স্বীয় তেজ
দ্বারা ছ্যলোক ও অন্তরিক্ষকে ব্যাপ্ত করেন।
ঋত্বিকেরা সেই ধনদাতাকে ধারণ করিয়া
থাকেন।

১১৩০

৩। তমীড়িত প্রথমং বজ্র-
সাধুং বিশু আরীরাহু তমুং জ-
সানং। উর্জঃ পুত্রং ভরতং
সূ প্রদানুং দেবা অগ্নিঃ ধারয়ন্ত-
বিণোদাং।

৩। তে 'বিশাঃ' সর্কে মনুষ্যাঃ 'আরীঃ' অগ্নিঃ আশিনং
গচ্ছন্ত্যঃ যৎ 'তঃ' অগ্নিঃ 'ঈড়ত' বজ্রং। কীদৃশং 'প্রথমং'
সর্কেমু দেবেমু মুখ্যং 'বজ্রসাধুং' বজ্রস্য দর্শপূর্ণমাসাদেঃ
সাধকং নিস্পানকং 'আহুতং' তবিত্তপিতং 'স্বংকসানং'
স্তোত্রৈঃ প্রসাধ্যমানং 'উর্জঃ' অমস্য 'পুত্রং' ভূকেন অ-
য়েন জাঠরায়ের্কর্কনাং অগ্নেরমপুত্রতং 'ভরতঃ' হবিষাং
ভর্তারং যদা প্রাণরূপেণ সর্কাসাং প্রজানাং ভর্তারং।
ঋযতে চ এষ প্রাণোভুয়া প্রজা বিভর্তি তস্মাদেষ ভরত
ইতি। 'সূ প্রদানুং' সর্গশীল দানযুক্তং অগ্নিচ্ছেনে
ধনানি প্রযচ্ছন্ত ইত্যর্থঃ।

৩। হে মনুষ্যাগণ! তোমরা অগ্নির স্তব
কর। এই অগ্নি সকল দেবতার প্রধান,
যজ্ঞের সাধক, হবি দ্বারা তৃপ্ত, স্তোত্র দ্বারা
স্তুয়মান, অগ্নের পুত্র ও প্রজাদিগের ভর্তা।
ইনি নিরন্তর ধন দান করেন। ঋত্বিকেরা এই
ধনদাতা অগ্নিকে ধারণ করিয়া থাকেন।

১১৩১

৪। স মাতরিশ্বা পুরুবারপুষ্টি-
বিদদ্যাতুং তনযায় স্বর্বিৎ।
বিশাং গোপা জনিতা রোদ-
স্যোদেবা অগ্নিঃ ধারয়ন্তবি-
ণোদাং।

৪। 'সঃ' অগ্নিঃ 'তনযায়' অশ্বদীযায় পুত্রায় 'গাতুঃ'
অনুষ্ঠানমার্গং 'বিদৎ' লভয়তু। কীদৃশং 'মাতরিশ্বা' মাতরি
সর্কস্য রুগতঃ নির্মাতরি অন্তরিক্ষে স্বসন্ বর্তমানঃ 'পুরু-
বারপুষ্টিঃ' পুরুভিঃ বহুভিঃ 'বারা' বরণীয়া পুষ্টিঃ অভিবৃষ্টিঃ
মস্য স তথোক্তঃ 'সর্বিৎ' স্বঃ স্বর্গস্য যাগদ্বারেন লভয়িতা
'বিশাং' সর্কাসাং প্রজানাং 'গোপা' গোপায়িতা রক্ষিতা
'রোদস্যোঃ' দ্যাবাপৃথিব্যাঃ 'জনিতা' উৎপাদয়িতা।

৪। অগ্নি অন্তরিক্ষে অবস্থান করেন।
বহু লোকে ইঁহঁর পুষ্টি সম্পাদন করিয়া
থাকে। ইনি স্বর্গদাতা ও সকলের রক্ষক
এবং ইঁহঁ হইতে ভুলোক ও ছ্যলোক উৎপন্ন
হইয়াছে। এক্ষণে এই অগ্নি আমাদের
পুত্রকে অনুষ্ঠান পথ প্রদর্শন করুন। ঋত্বি-
কেরা এই ধনদাতাকে ধারণ করিয়া থাকেন।

১১৩২

৫। নক্তোবাসা বর্গমামেম্যা-
নে ধাপযেতে শিশুমেকং সগী-

চৌ। দ্যাবাক্ষামা রুকো। অ-
বিভাতি দেবা অগ্নিঃ ধারয়ন্ত-
বিণোদাং। ১১৭। ৩।

৫। 'নক্তোবাসা' রাত্রিঃ অচশ্চ 'বর্গং' বর্কীয়ং 'বরুপং'
'আনাম্যানে' পরম্পরং পুনঃ পুনঃ তিঃসন্তৌ 'সমীচী'
সংগতে সংশ্লিষ্টে এবভূতে অহঙ্কিয়ামে 'একং শিশুং'
অক্ষঃ পুত্রং অগ্নিঃ 'ধাপযেতে' হনীংমি পায়যেতে 'রুকোঃ'
রোচমানঃ সোতগ্নিঃ 'দ্যাবাক্ষামা' দ্যাবাপৃথিব্যাঃ অন্ত-
র্কাম্যে 'বিভাতি' বিশেষেণ প্রকাশতে। অন্যৎ পূর্ক্বৎ।
১১৭। ৩।

৫। দিবা ও রাত্রি বার বার আপনার
আপনার স্বরূপকে হিংসা করত সংশ্লিষ্ট
হইয়া আছে। সেই দিবা ও রাত্রি এক মাত্র
পুত্র অগ্নিকে হবি পান করাইয়া থাকেন।
এই দীপ্তিশীল অগ্নি ভুলোক ও ছ্যলোকের
মধ্যে সবিশেষ প্রকাশিত হন। ঋত্বিকেরা
এই ধনদাতাকে ধারণ করিয়া থাকেন।
১১৭। ৩।

কলিকাতা মাসিক ব্রাহ্মসমাজ।

৭ পৌষ রবিবার ১৭৯০ শক।

"আবিরাবীর্ষমধি।"

আমরা গৃহ-কার্যেই আবদ্ধ থাকি, কর্ম
ক্ষেত্রেই বিচরণ করি, অথবা অধ্যয়ন অধ্যা-
পনাতেই কালাতিপাত করি, আমাদের
আত্মা সেই অক্লুত—অমৃতের জন্যই সর্বক্ষণ
ব্যাকুল হইয়া রহিয়াছে। বট বীজের ন্যায়
যদিও আমরা ধরাতলে বাস্তু-কণার সহিত
মিশ্রিত হইয়া রহিয়াছি, আমাদের অন্ত-
নিহিত আত্মা বট বৃক্ষের ন্যায় সেই অনন্ত
আকাশ অভিমুখেই উৎখিত হইবার জন্য
উন্মুখ রহিয়াছে। আমাদের প্রজ্ঞা, তত্ত্ব,
প্রীতিকে সংসার প্রতিক্ষণ আপনার প্রতি
আকর্ষণ করিতেছে কিন্তু আত্মা সেই সমস্ত
বাধা বিঘ্নের মধ্যে এই সংসার-অরণ্যেই
সেই অনাদ্যনন্ত ভূমাকে অন্বেষণ করিতেছে।

বিষয়-বাসনা যদিও আমাদের হৃদয়কে
দৃঢ় আলিঙ্গনে আবদ্ধ করিয়া রাখিয়াছে কিন্তু
ঘটনা ক্রমে সেই বন্ধন ঈষৎ শিথিল হই-
লেই আত্মা অমনি দিগ্দর্শন শলাকার ন্যায়
স্বাভাবিক ভাবে অবস্থান করে—সেই ভূমার
অভিমুখীন হইয়া পড়ে। ঈশ্বর আমার-
দিগের আত্মার এমনি উন্নত প্রকৃতি প্রদান
করিয়াছেন, যে সে এই ক্ষুদ্র মর্ত্যালোকবাসী
হইয়া পক্ষীর ন্যায় দেহ-পিঞ্জরে আবদ্ধ থা-
কিয়াও অনন্তের জন্য দিবারাত্র পিপাসিত
রহিয়াছে। সে এখানে সংসারের অন্ন-জলে
পরিপোষিত হইতেছে, সংসারীর স্নেহ মমতা-
তেই পরিপালিত হইতেছে, কিন্তু প্রতিক্ষণ
পিঞ্জর-বদ্ধ পক্ষীর ন্যায় আকাশ-বিহারের
জন্যই চেষ্টা করিতেছে। এখানকার বন্ধন-
শৃঙ্খল ছেদ করিবার জন্যই সর্বদা সচেষ্ট
রহিয়াছে। চাতকের ন্যায় ধরাতলে বসতি
করিয়া সেই ব্রহ্ম-প্রীতি-সুধার জন্য উর্ধ্ব-
মুখে ভূমাকে আচ্ছান করিতেছে। ক্ষুদ্র
হইয়া সেই মহানুকে, পরিমিত হইয়া
সেই অপরিমিতকে, মর্ত্যজীব হইয়া সেই
অমৃতকে পাইবার নিমিত্তই সমুৎসুক রহি-
য়াছে। মনুষ্য শরীরের এমন বলবীর্ঘ্য নাই,
যে সেই অশরীর অজ আত্মার নিকটবর্তী হয়,
তাঁহার বাক্যেরও এমন সামর্থ্য নাই, যে
তাঁহাকে সম্যক্ নির্বাচন করিতে পারে,
তাঁহার জ্ঞানেরও এমন প্রভাব নাই, যে সেই
অনন্ত জ্ঞানকে প্রকাশ করে, তথাপি তাঁহার
আত্মা ব্রহ্ম-গত-প্রাণ হইয়া রহিয়াছে।
সাংসারিক সম্পদ আপাতরম্য হইলেও, বিষয়-
সুখ আশু তৃপ্তি বিধান করিলেও মনুষ্যের
আত্মা সেই অনির্দেশ্য সুখ-সাগরের প্রতিই
সম্পৃহ-নেত্রে দৃষ্টি করিতেছে, সে সেই বাক্য-
মনের অগোচর নিরতিশয় মহানুকে পাই-
বার জন্য এখানকার হস্তগত সমুদায় সুখ
সম্পদ পরিত্যাগ করিতে প্রস্তুত হইয়াও

প্রফুল্ল হইতেছে। ঈশ্বর আত্মার এমনি হৃদয়-রঞ্জন প্রিয় ধন, যে তাঁহাকে এখানে সম্যক্ লাভ করিতে না পারিলেও তাঁর অপার কারুণ্য স্বরূপের সমালোচনাতেও অসামান্য সুখ সমুদ্ভূত হইয়া থাকে। তাঁর অপার জ্ঞান চর্চা হইতে নিরুক্ত হইয়া যদি মানব-হৃদয় সমগ্র সংসার-সুখে নিমগ্ন হয়, তাহা হইলেও তাহার আন্তরিক অতৃপ্তি নিরাকৃত হয় না। কিন্তু সেই অমৃতের অন্বেষণে, সেই অনন্তের অনুধ্যানে প্রবৃত্ত হইয়া কৃতকার্য না হইলেও তাহার চিত্ত প্রসাদ লব্ধ হয়, তাহা হইতে নিরুক্ত হইলেই তাহার হৃদয় ছুঃখ গ্লানিতে বিদ্ধ হইতে থাকে। ধর্ম আচরণে প্রবৃত্ত হইয়া নিষ্কীড়ন নির্যাতনে ক্ষতবিক্ষত হইতে থাকিলেও তাহার আন্তরিক বল বর্ধিত হয়, আলোড়িত জ্বলন্ত ইন্ধনের ন্যায় তাহার উৎসাহ অনুরাগ আরও প্রজ্বলিত হইতে থাকে। কিন্তু বিষয়ের সুখ স্বচ্ছন্দতার মধ্যে তাহাকে রক্ষা করিতে গেলে সে দিন দিন হীন-বল ও মুমূর্ষু হইতে থাকে।

ঈশ্বর আত্মার জীবন-জ্যোতি হইলেও তাঁহার সহিত তাহার এত নৈকট্য সম্বন্ধ থাকিলেও সে বিষয়-বিষে জর্জরিত হওত মৃত-ক'প হইয়া পড়িলেই তাঁহাকে বিস্মৃত হয়। ক্ষুদ্র বিষয়-রূপে আবদ্ধ হইলেই সে তাঁহার বিশ্ব-ব্যাপ্ত অতুল মঙ্গল-জ্যোতি দেখিতে পায় না। সে পাপ-কলঙ্কে বিকৃত হইলেই আপনীর প্রকৃতি আপনি বুঝিতে পারে না। সে তন্তু-কীটের ন্যায় আপনীর বন্ধনে আপনি আবদ্ধ হইয়া অন্ধীভূত হয়। সে সূর্যালোকের মধ্যে থাকিয়াও আপনি অন্ধকারে বাস করে। যখন সে দেব-প্রসাদে, আত্ম-প্রভাবে জাগরিত হয়, আপনীর কর্ম-দোষে, আপনীর অন্ধতা বুঝিতে পারে, তখনই সে তন্তু কীটের ন্যায় আগ্রহের সহিত বহু আয়াস-নির্মিত হৃদয়-গ্রন্থি ও মোহ-জাল ছেদ

করিয়া আলোকে বহির্গত হয়। যখন সেই পবিত্র স্বরূপের প্রেমালোক সংস্পর্শে তাহার চির-নিদ্রা ভঙ্গ হয়, দিব্য জ্ঞান লাভ হয়, তখন তাহার অন্তরতম প্রদেশ হইতে এই প্রার্থনা-বাক্য নির্গত হইতে থাকে “আবিরা-বীর্ষএধি।” তাঁর প্রসন্ন-মুখের বিমল-জ্যোতিতেই যখন সে আপনার ক্ষুদ্রতা মলিনতা, হীনতা, দুর্বলতা বুঝিতে পারে—আপনাকে অসহায় ও অনন্যগতি জানিতে পারে, তখনই সে ঈশ্বরের শরণাপন্ন হইয়া বলিতে থাকে “হে স্বপ্রকাশ! আমার নিকট প্রকাশিত হও।”

আত্মাকে জাগরিত রাখিতে পারিলেই, তাহাকে পাপ, ভাপ ও সংসারাসক্তি হইতে রক্ষা করিতে সমর্থ হইলেই, নদী যেমন সহ-জেই সমুদ্রাতিমুখে গমন করে, আত্মাও তেমনি সরল-ভাবে ঈশ্বরাত্মিমুখে উপস্থিত হয়। প্রবাস-প্রযুক্ত ব্যক্তি যেমন স্বদেশ-সংবাদ শ্রবণ করিলে—স্বদেশের যাত্রীকে সন্দর্শন করিলে তাহার চৈতন্য হয়—স্বদেশ-শানুরাগে প্রদীপ্ত হইয়া উঠে, তেমনি যেখানে প্রকৃত স্বদেশের কথা সর্বদা সমালোচিত হইতেছে, যেখানে ব্রহ্ম-ধামের যাত্রী সকল একত্রিত হইয়া মনের আনন্দে স্বদেশের গুণ ব্যাখ্যা করিতেছে, বিষয়-বিমুক্ত সংসারাসক্ত আত্মাকে এক এক বার তাদৃশ স্থানে লইয়া গেলে তাহারও মোহ-নিদ্রা ভঙ্গ হয়, তাহারও সেই করুণা-পূর্ণ পিতার সেই স্নেহ-ময়ী মাতার অসদৃশ করুণা স্মরণ হইয়া অবি-রল অশ্রুপাত হইতে থাকে। এই ব্রাহ্ম-সমাজ—এই পবিত্র উপাসনা-গৃহ সেই অমৃত ধামের যাত্রীদিগের সম্মিলন স্থল। এই সেই উন্নতি-পথের পথিকদিগের পান্থ-নিবাস। এখানে দাঁড়াইলেই সংসারের পরপার—সেই জ্যোতির্ময় ব্রহ্মধাম সন্দর্শন করা যায়। এখানে উপনীত হইলেই হৃদয় মন স্বদেশ

যাত্রার জন্য ব্যাকুল হইয়া উঠে। আমরা সেই জনাই এই সুরম্য সময়ে এখানে আসিয়া উপস্থিত হইয়াছি। এই সাধু সজ্জন-সমাজে প্রবেশ করাতেই হৃদয় এখন ব্রহ্ম লাভের জন্য অস্থির হইতেছে। আমাদের দোষ গ্লানি—পাপ মলিনতা সকলই স্পর্শ প্রকাশ পাইতেছে, অতএব এস সকলে ঈশ্বরের শরণাপন্ন হই, গতি-মুক্তির জন্য তাঁহার নিকট প্রার্থনা করি।

হে দেব! আমার অপরাধ মার্জনা কর। আমি ছুঃখ তাপে অবসন্ন হইয়া সংসার-অরণ্যে ভ্রমণ করিতেছি, আমি পাপ প্রলোভনে অন্ধ হইয়া পথ-হার্য পথিকের ন্যায় বিপথেই চালিত হইতেছি, তোমাকে ভুলিয়া এই প্রবাস-সুখে প্রযুক্ত হইয়া রহিয়াছি। তুমি তোমার প্রসন্ন মুখের বিমল জ্যোতি বিকীরণ কর যে গম্য পথ দেখিতে পাই। তুমি অভয় দান কর যে, ভগ্ন নিরাশ হৃদয়ে আশা-রশ্মির সঞ্চারণ হউক, এই শ্রাণ-শূন্য হৃদয়ে জীবন জ্যোতির আবির্ভাব হউক; ছুঃখ-রজনীর অবসান হউক যে তোমার প্রসন্ন মুক্তি সন্দর্শন করি। তোমাকে আর কি বলিব—তোমার নিকটে আর কি প্রার্থনা করিব, সর্বান্তঃকরণের সহিত এই যাচঞা করি যে, হে স্বপ্রকাশ! তুমি আমার নিকট প্রকাশিত হও। তুমি আমাকে তোমার সেই দিব্য-ধামে লইয়া চল, যেখানে অবি-চ্ছেদে তোমার প্রসন্ন মুখ দেখিতে পাই, যেখানে অনিমেষলোচনে তোমার মঙ্গল-মুক্তি দেখিয়া রুতার্থ হইতে পারি।

ও একমেবাদ্বিতীয়ং।

জ্ঞান ও ধর্মের সামঞ্জস্য।

জগদীশ্বরের প্রতি বিশ্বাস সকল ধর্ম-মূলক তত্ত্বের অগ্রভাগে নিহিত আছে, এই বিশ্বাসকে কেহই তাগ করিতে পারে না।

অতীব অসভ্য জাতি মধ্যেও কোন না কোন প্রকারে এই বিশ্বাসের অস্তিত্ব দেখা যায়। পুরাতত্ত্ব আলোচনায় আমরা অতি প্রাচীন জাতি মধ্যেও এই বিশ্বাসের নিদর্শন প্রাপ্ত হই। পৃথিবীতে এখন যত প্রকার ধর্ম-প্রণালী প্রচলিত আছে তাহা আলোচনা করিয়া দেখিলে ইহা স্পষ্ট দেখা যায় যে, ইহুদী, খৃষ্টান, মুসলমান, হিন্দু, বৌদ্ধ ও পারসী-গণের ধর্ম, আর আর সকল ধর্ম-প্রণালীর মূলধার। ইহাদিগেরই শাখা প্রশাখা নানা স্থানে বিক্ষিপ্ত হইয়াছে। এই ছয় প্রকার ধর্ম মধ্যে ইহুদী, পারসী এবং হিন্দু ধর্মই সর্বাপেক্ষা প্রাচীন; পারসী ধর্মাবলম্বী ব্যক্তি পৃথিবী মধ্যে অতি অল্প। খৃষ্টান ও মুসলমান ধর্ম ইহুদী ধর্মের দুই প্রধান শাখা বলিলেও বলা যাইতে পারে এবং বৌদ্ধ ও হিন্দু ধর্ম বৈদিক ধর্মের এক মহত্তর শাখা মাত্র। হিন্দু-বৈদিক ও ইহুদীদিগের ধর্ম পুস্তকে নিরাকার একমেবাদ্বিতীয়ং ঈশ্বরের অস্তিত্বের বিষয় স্পষ্টই দেখা যায়; কিন্তু তথাচ এই দুই ধর্মাবলম্বী ব্যক্তিগণ মধ্যে পৌত্তলিকতার প্রভাব দেখা যায়। মুসা বারম্বার পৌত্তলিকতার নিবেদন করিয়া গিয়াছিলেন; ইহুদীর ধর্ম-যাজকেরা বারম্বার পৌত্তলিকতার উপর বিদ্রোহাচরণ করিয়াছিলেন, তথাচ ইহুদীগণ মধ্যে বারম্বার পৌত্তলিকতার প্রভাব দৃষ্টি-গোচর হয়। পুরাতন ভারতবর্ষীয় মুনিগণ যদিও সাধারণ মধ্যে পৌত্তলিকতা নিবারণ জন্য কোন কালে উৎসাহী হইয়াছিলেন, একপ দেখা যায় না, তথাপি তাঁহারা যে একেশ্বরবাদী ছিলেন তাহার ভুরি ভুরি প্রমাণ সংস্কৃত শাস্ত্রে ইতস্ততঃ বিক্ষিপ্ত রহিয়াছে। অতএব এই দুই ধর্মের ধর্ম-

1 Rawlinson's Ancient Monarchies, Vol 2nd. Page 228 Chapter VIII. Max Muller's chips. from a German Workshop Semitic Monotheism.

যাজকেরা কি নিমিত্ত পৌত্তলিকতা নিবারণে কৃতকার্য হইলেন নাই তাহার আলোচনার প্রবৃত্ত হইলাম।

এতদ্ভিন্ন পূর্ব কালে গ্রীস, রোম ও ইজিপ্ট দেশে পৌত্তলিকতার প্রভাবই সর্বতোভাবে দৃষ্টিগোচর হয়। প্রাচীন কালে কি জন্য যে এই রূপ পৌত্তলিকতার প্রভাব দেখা যায়, তৎপ্রতি বিশেষ রূপ আলোচনা করিলে ইহা স্পষ্টই প্রতীতি হইবে যে, প্রাচীন কালের লোকেরা আপনাদের জ্ঞানাত্মক আত্মাতে নিরাকার জগদীশ্বরের ভাবের ধ্যান ধারণা করিতে সমর্থ হইত না। যদিও মধ্যে মধ্যে কোন কোন মহাত্মা নিরাকার পরমেশ্বরের ধ্যান ধারণা জন্য উপদেশ দিয়া, ঈশ্বর-জ্ঞান বিষয়ক মহা সত্য সকল জ্বলন্ত অক্ষরে বিকীরণ করিয়া, মনুষ্যগণের নিকট তাহার প্রভা প্রতিভাত করিয়াছিলেন; তথাপি তাহা কোন রূপেই তাহাদিগকে চিরকালের জন্য অধিকার করিতে পারে নাই। বাস্তবিক পুরাবৃত্তের অঙ্কতম প্রদেশ সকল যতই অন্বেষণ করা যায়, ততই জড় বস্তুতে ঐশী শক্তির বিশ্বাস দৃষ্টিগোচর হয়^১। এবং এই রূপই যে হইবে, তাহা বড় আশ্চর্যের বিষয় নহে; কেন না, নিরাকার পরমেশ্বরের চিন্তা, তাঁহার উপাসনা, যদিও ধর্মের প্রধান উপদেশ, তথাপি জ্ঞান-যোগ তিন্ন ইহা মনে ধারণ করা অত্যন্ত কঠিন ব্যাপার। জড় বস্তুকে ধ্যান করা, জড় বস্তুর উপাসনায় প্রবৃত্ত হইয়া মানসিক প্রবৃত্তিকে চরিতার্থ করা এত সহজ ব্যাপার, যে অসত্য জাতির প্রথমেই তাহাতে প্রবৃত্ত হয়। প্রস্তরের কাঠিন্য, রূক্ষের সুশ্লিষ্ট ছায়া, পর্বতসমূহের উন্নত শিখর, নদী-প্রবাহের ভয়ানক তরঙ্গ দেখিয়া প্রথমেই ইহাদিগকে—এই জড়বস্তুদিগকে মনুষ্য হইতে

^১ Page 203. Lecki's Rise and Influence of Rationalism in Europe. Vol I. 1st.

সমধিক প্রভাপশালী মনে হইয়া উপাস্য বোধ হয়। আবার মধ্যে মধ্যে যে সকল প্রস্তরকে স্বাভাবিক নিয়মে আকাশ হইতে পতিত হইতে দেখে, তাহাকে যে ঐশী শক্তি বিশিষ্ট বলিবে ইহাও বড় আশ্চর্যের বিষয় নহে। ক্রমে জ্ঞান বৃদ্ধির সঙ্গে সঙ্গে মনুষ্যের মন ঐ সকল জড় বস্তুতে আপনাদের প্রতিকৃতি নিষ্কপ করে, এবং সেই সকল প্রতিকৃতিতে অমানুষ শক্তি কিম্বা অমানুষ গুণ যোগ করিয়া দিয়া তাহাদিগকে ঐশী শক্তি কিম্বা ঐশী গুণ যুক্ত বলিয়া নির্দেশ করে। পৌত্তলিকতার এই টুকু প্রমার্জন ও জ্ঞানের কার্য্য। জ্ঞান দ্বারা জড় প্রকৃতির উপর যত টুকু প্রভুত্ব স্থাপিত হয়, মনুষ্য ততই জড় বস্তুর প্রতি ভক্তি করিতে বিরত হয়। পুরাতন কালের সমুদায় জাতির মধ্যে জ্ঞানের প্রভাব অতি অল্প ছিল; এই জন্যই পৌত্তলিকতার প্রভাব দেখা যায়। ইহুদী জাতির ধর্ম-যাজকগণ দ্বারা পৌত্তলিকতার বারম্বার নিষেধ সত্ত্বেও উহা মধ্যে মধ্যে প্রচলিত হইয়াছিল^২; কিন্তু ঐ রূপ ঘটনার প্রকৃত কারণ অনুসন্ধানে প্রবৃত্ত হইলে এই রূপ দেখা যায় যে, তাহারদিগের মনে ঈশ্বরের ভাব পৌত্তলিকদিগের অপেক্ষা কিছু উন্নত ছিল বটে, কিন্তু তাঁহারা জগদীশ্বরকে নিরাকার বলিয়াও সাকার-স্বরূপ কল্পনা করিতেন। জগদীশ্বরের নিকট হইতে মূসার ধর্ম-নিয়ম প্রাপ্ত হওয়া, পৌত্তলিকতার প্রভাব দেখিয়া ঈশ্বরের বারম্বার

^৩ Page 213. Rise of Lecki's influence of Rationalism in Europe.

^৪ Max Muller's chips from a German Workshop Page 365.

Lecki's Rise and Influence of Rationalism in Europe Page 215. Thus it was that the doctrine of one God taught to the Hebrews of old, remained for many centuries altogether inoperative. Buckle's History of Civilization.

ক্রোধ ও তজ্জন্য নগর সকল উচ্ছিন্ন করা, পাপী নৃপতির সম্মুখে ঈশ্বর-প্রেরিত জ্বলন্ত অক্ষর সকল বাস্তবিক প্রতিভাত হওয়া, এই সকল পাঠ করিলে তাহাদিগের ঈশ্বর-জ্ঞান, মঙ্গল-স্বরূপের জ্ঞান হইতে কত বিভিন্ন ছিল তাহা স্পষ্টই প্রতিভাত হয়^৩। তথাচ নিরাকার ঈশ্বরের উপাসনা মনুষ্য মধ্যে প্রচলিত করিবার জন্য তাঁহারা যে কিছু লক্ষ্য করিয়াছিলেন, তজ্জন্য তাঁহাদিগকে ধন্যবাদ দিতে হয়। ইহুদি জাতি মধ্যে যে ঐ রূপ উপাসনা বহুদিবসাবধি প্রচলিত ছিল, তাহার আর একটি বিশেষ কারণ আছে। তাঁহারা মিশর দেশ পরিত্যাগ করিয়া যখন পালেস্টাইন দেশে আসিয়া বাস করিলেন, তখন চতুর্দিকস্থ অন্যান্য জাতি এই জাতিকে উচ্ছেদ করিবার জন্য প্রবল সংগ্রাম উপস্থিত করিয়াছিল এবং ইহুদিদিগের ধর্ম-যাজকেরা ঐ সময়ে এক ঈশ্বরের উপাসনা স্বদেশ-প্রেমের সহিত সংশ্লিষ্ট করিয়া উহাকে নূতন বল প্রদান করিয়াছিল। ইহুদী জাতীয় ধর্মযাজকেরা এক দিকে নিরাকার মঙ্গল-স্বরূপ ঈশ্বরের কল্পনাকে, সাকার ভাবে প্রতিভাত করিলেন এবং আর এক দিকে আপনাদের ঐ ধর্মকেই স্বজাতির অস্তিত্বের সহিত মিলন করিয়া দিলেন; এই রূপে তাঁহারা ইহুদী ধর্মকে কোন রূপে রক্ষা করিয়াছিলেন; কিন্তু এ রূপ সুবিধা সত্ত্বেও ইহুদি জাতির মধ্যে মধ্যে পৌত্তলিকতার বংশবর্তী হইতেন।

পৃথিবীতে মধ্যে মধ্যে এমন এমন মহাপুরুষ সকল জন্ম গ্রহণ করেন যে তাঁহাদের ধর্ম-যাজনা দ্বারা মনুষ্য জাতির মহৎ উপকার সাধিত হয়। তাঁহারা যে সকল জ্বলন্ত অক্ষর দ্বারা আপনাদের মনের ভাব ব্যক্ত করেন, তাহা দ্বারা অনেকেরই মনে ব্রহ্মজ্ঞান-
e Bilde Old Testament.

রূপ স্বর্গীয় অগ্নি প্রজ্জ্বলিত হয়। তাঁহারা ভবিষ্যৎকে উল্লেখন করিয়াই যেন ধর্ম-যাজনায় প্রবৃত্ত হইলেন। কিন্তু চুংখের বিষয় এই যে, তন্মধ্যে কেহ কেহ ধর্ম-বলে বলী হইয়া, ঈশ্বর-জ্ঞানে চরিতার্থ হইয়া, ধর্ম-যাজনায় প্রবৃত্ত হওত ঈশ্বরের ধর্ম প্রচারের সঙ্গে সঙ্গে আপনাদেরও কীর্তি এবং নাম প্রচারে কৃতসংকল্প হইলেন। তাঁহারা ধর্ম-প্রচারকের প্রকৃত সীমা উল্লেখন করত কেহ বা ঈশ্বরের এক মাত্র প্রিয় পুত্র, কেহ বা ঈশ্বর-প্রেরিত এক মাত্র গুরু, এই বলিয়া আপনাদের উপাসনাও মনুষ্য মধ্যে প্রচলিত করিতে যত্নশীল হইলেন। জগদীশ্বরের ধর্ম যাজনায় প্রবৃত্ত হইয়া আপনাকে উপাস্য বলিয়া নির্দেশ করা অপেক্ষা যুগিত লজ্জাকর ও অধার্মিক ব্যবহার আর কিছুই নাই। ইসা ও মহম্মদ ইহার প্রকৃত দৃষ্টান্ত-স্থল। ইসা ইহুদী জাতি মধ্যে অতি নীচ বংশে জন্ম গ্রহণ করিয়াও ধর্ম-যাজনায় স্বীয় প্রভাব ব্যক্ত করিয়াছিলেন। ইসার হৃদয়ে ঈশ্বরের ভাব ইহুদী জাতীর অন্যান্য ধর্ম-যাজকগণ অপেক্ষা বোধ হয় উন্নততর ছিল এবং এই জন্যই তাঁহাকে ভয়ানক মৃত্যুগ্রাসে পতিত হইতে হইয়াছিল; কিন্তু কালের গুণে তিনিও আপনার ধর্মে একটি ভয়ানক কলঙ্ক স্থাপন করিয়াছিলেন। তিনি পৌত্তলিকতার নিষেধ করিয়াছিলেন, কিন্তু আপনি যে ঈশ্বরের একমাত্র প্রিয় সন্তান ও মনুষ্যের উপাস্য এই বিষয়ের নিষেধ কিম্বা সম্মতি কিছুই প্রকাশ করেন নাই; প্রত্যুত, যদ্যপি বাইবেলের নিউ-টেস্টামেন্টের সকল স্থানে বিশ্বাস করিতে হয়, তাহা হইলে ইঙ্গিতে তাঁহার সম্মতিই প্রকাশ পায়^৪। যাহা হউক মহাত্মা ইসার সম্প্রদায়স্থ ব্যক্তিগণ, বিশেষতঃ

^৫ Newman's Phases of Faith, Chapter 7th. Moral Perfection of Jesus.

সেন্ট পল ইসার ধর্ম ইহুদী মধ্যে নিবেশিত না রাখিয়া পৃথিবীতে প্রচারিত করিতে আরম্ভ করিলেন। তাঁহারা ইসাকে কুমারী মেরীর গর্ভজাত ও নিরাকার জগদীশ্বরের এক মাত্র প্রিয় সন্তান বলিয়া তাহাকে মধ্যস্থ করত নিরাকার ঈশ্বরের উপাসনা প্রচলিত করিবার জন্য সচেষ্ট হইলেন। পৌত্তলিকতা আর এক উন্নত সোপানে পদ নিষ্ক্ষেপ করিল। এই ঘটনায় সেন্ট পলের অনেক কর্তৃত্বই প্রকাশ পায়। সেন্ট পলের জীবন-চরিত দেখিলে বোধ হয় যে তিনি গ্রীক-জ্ঞানে জ্ঞানবান ছিলেন ও এই রূপ ঘটনার সূত্রপাতে প্রবৃত্ত হওয়া বোধ হয় তাহারই ফল। গ্রীক জাতি পৌত্তলিক হইয়াও জ্ঞান-প্রভাবে ক্রমে পৌত্তলিকতাকে যে রূপ প্রমার্জিত করিয়াছিলেন, তাহা বোধ হয় পুরাতন-পাঠক মাত্রই জ্ঞাত আছেন। রোম সাম্রাজ্য ইউরোপের বহু স্থান জয় করিয়া গ্রীক জ্ঞান দ্বারা শোভিত হয়; তাহাদের জয়ের সঙ্গে গ্রীক-ভাষা পৃথিবী মধ্যে প্রচলিত হইয়া, গ্রীক জাতীয় মহা পণ্ডিতগণের জ্ঞান-গর্ভ পুস্তক সকল ইহুদী ও তৎপার্শ্বস্থ অন্যান্য জাতি মধ্যে প্রবেশ করিয়াছিল। বাইবেলের নিউটেস্টামেন্ট গ্রীক ভাষায় রচিত হইয়াছিল এবং এই রূপ রচনা-প্রণালীই গ্রীক-জ্ঞানের প্রাচুর্য্যবের স্বল্প চিহ্ন মাত্র।

মনুষ্য জাতির যে রূপ জ্ঞান বুদ্ধি হইয়াছিল, তাহাতে এই ঘটনার উৎপত্তি বড় আশ্চর্য্যের বিষয় নহে। গ্রীক-জাতীয় পণ্ডিতগণের গ্রন্থে জড় প্রকৃতির নিয়ম সকল আলোচিত হইয়াছিল। দর্শন-শাস্ত্র জ্ঞানের উর্দ্ধতম পরিসীমা—এই দর্শন শাস্ত্রের আলোচনাও গ্রীক জাতি মধ্যে বাহুল্য রূপে বিস্তৃত ছিল। গ্রীক-পণ্ডিতগণ অনেকেই নিরাকার জগদীশ্বরের প্রকৃত

তত্ত্ব সকল অনুসন্ধান করিয়াছিলেন; কিন্তু প্রাচীন ভারতবর্ষীয় পণ্ডিতগণের ন্যায় তাঁহারা নিরাকার ঈশ্বরের প্রকৃত তত্ত্ব সাধারণের চক্ষেই বলিয়া সাধারণের নিকট ঐ সকল সত্যের উপদেশ প্রদানে বিরত ছিলেন। এবং ঐ রূপ উপদেশ দিলেও যে তাহা ফলবান হইত একরূপ বোধ হয় না।

খৃষ্টিয় ধর্ম ক্রমে ইউরোপে প্রচলিত হইতে আরম্ভ হইল; কিন্তু তৎকালে রোমীয় সাম্রাজ্য হীনবল হইয়া ছুরম্ব অসমতা জাতির হস্তে নিপতিত হওয়াতে জ্ঞানের চর্চা রহিত হইয়াছিল, সুতরাং খৃষ্টিয় ধর্মে পৌত্তলিকতার ঘোর প্রাচুর্য্য বুদ্ধি পাইতে লাগিল; ক্রমে ইসাও পরে তাঁহার জননী মেরীর প্রতিমূর্ত্তি সকল পূজিত হইতে লাগিল। হায়! কোন কোন ছবিতে ঈশ্বরের হস্ত সকলও চিত্রিত হইতে লাগিল! কিন্তু সৌভাগ্যশালী ইউরোপ খণ্ডে জ্ঞানের শ্রোত আবার প্রবাহিত হইল, মুদ্রায়ন্ত্র প্রস্তুত হইল, গেলিলিও ও কোপার্নিকস প্রভৃতি পণ্ডিতগণ জড় বস্তুর প্রকৃত তত্ত্ব সকল নির্ণয় করিতে লাগিলেন, জ্ঞান-প্রভা উদ্দীপিত হইল, মহাত্মা লুথর ধর্ম-যাজনায় প্রবৃত্ত হইলেন, প্রতিমূর্ত্তি ও চিত্রপট সকল কারুকরের ও চিত্রকরের নিপুণতার চিহ্ন মাত্র হইল, নিরাকার ঈশ্বরের প্রতি বিশ্বাস স্থাপিত হইল; কিন্তু ইসা যে ঈশ্বরের এক মাত্র প্রিয় সন্তান ছিলেন এবং তিনি যে দয়া করিয়া পৃথিবীতে মনুষ্য জাতির পরিত্রাতা রূপে অবতীর্ণ হইয়াছিলেন, এই বিশ্বাস অন্তর্হিত হইল না। এই রূপ পৌত্তলিকতা নিরাকরণ জন্য জ্ঞান-মূলক সত্যের প্রাচুর্য্য হইতে আরম্ভ হইল; ধর্ম-যাজকেরা আপনাদের প্রভু রক্ষার জন্য বাইবেলের অক্ষর সকলের নানার্থ ঘটাইতে লাগিলেন, এ দিকে ভূতত্ত্ব বিদ্যা ও জ্যোতির্বিদ্যা মহা সত্য সকল নির্ণয় করিয়া বাইবেল লিখিত

ঘটনা সকলকে অপ্রাকৃত বলিয়া নির্দেশ করিতে লাগিলেন। ক্রমে বাইবেল পরিত্যাগ করত খৃষ্টিয় ধর্ম-যাজকেরা নূতন ব্যুহ রচনা করিয়াছেন। তাঁহারা ইসার প্রকৃত চরিত্র ঐশী ভাব-পূর্ণ বলিয়া তর্ক করিতে আরম্ভ করিয়াছেন। ইসারই চরিত্র ধর্ম-ভাবের এক সীমা এই বলিয়া নির্দেশ করিতেছেন। কিন্তু ইউরোপে ইহাও রক্ষা করা তাঁহাদের কঠিন হইয়া উঠিতেছে। এই রূপ তর্কের এক সুবিধা এই যে জ্ঞান-বলে আমরা যতই উন্নত হই, এবং ধর্ম-বলে আমরা যতই বলীয়ান হইয়া আমাদের প্রকৃত ধর্ম-ভাব উন্নত করি খৃষ্টিয় ধর্ম-যাজকেরা তাঁহাদের আদর্শ ইসাকে তাহারই চূড়ান্ত আদর্শ বলিয়া নির্দেশ করেন, কিন্তু সাহস এই যে ঈশ্বরের প্রকৃত পরম মঙ্গল-স্বরূপ যতই মনুষ্য মনে জাগরুক হইবে ততই মনুষ্য-আদর্শ অতি অকিঞ্চিৎকর হইবে। জ্ঞান-মূলক মহাসত্য সকল জগদীশ্বরের মঙ্গল ভাবেরই আবিষ্কারের প্রবৃত্ত আছে।

হিন্দুধর্ম যে কি, ইহা নির্দেশ করা অতি সুকঠিন। হিন্দুধর্ম অনেক সম্প্রদায়ে বিভক্ত; কিন্তু এই সকল সম্প্রদায় মধ্যে একটি সাধারণ সূত্র আছে যাহা অবলম্বন করিলে এই সকল গ্রন্থিকে ভেদ করা যাইতে পারে। হিন্দুধর্ম সম্প্রদায় সকলই বেদকে সনাতন ও ঈশ্বর-প্রণীত বলিয়া নির্দেশ করিয়াছেন। এই নিমিত্ত ইহাকে এক প্রকার বৈদিক ধর্ম বলিলেও বলা যায়। সমুদায় বেদ আলোচনা করিলে ইহা স্পষ্ট প্রতীতি হয় যে, বেদান্ত-প্রণেতা মুনিগণ ঈশ্বর-জ্ঞানে অন্যান্য দেশের পণ্ডিতগণের অপেক্ষা উন্নত-তর ছিলেন। বেদান্ত-প্রণেতা মুনিগণ যে বৈদিক ঋষিগণের পরে জন্ম গ্রহণ করিয়াছিলেন তাঁহাদের এই রূপ মানসিক ভাবই তাহার একটা প্রমাণ মাত্র। বৈদিক

ঋষিগণ বোধ হয় অনেকেই ইন্দ্র-অগ্নি প্রভৃতির উপাসক ছিলেন সুতরাং তাঁহাদিগকে পৌত্তলিক বলা বাহুল্য মাত্র এবং তাঁহারা যে পৌত্তলিক হইবেন তাহাও বড় আশ্চর্য্যের বিষয় নহে; কেন না তাঁহাদের মানসিক অবস্থা যে অন্যান্য প্রাচীন জাতিগণের মানসিক অবস্থা হইতে উন্নততর তাহাও বোধ হয় না। কিন্তু বেদান্তের আলোচনা করিলে আশ্চর্য্য হইতে হয়; কেন না বেদান্ত-প্রণেতা মুনিগণ অত্যন্তকাল মধ্যে আলোচনার বলে জ্ঞান-বলে ঈশ্বর-জ্ঞান প্রাপ্ত হইয়াছিলেন। যখন তাঁহারা এই ঈশ্বর জ্ঞান প্রাপ্ত হইলেন তখন তাঁহারা ঈশ্বরকে ইহুদীগণের ন্যায় আর সাকার ভাবে নিরীক্ষণ করিতেন না; প্রত্যুত গ্রীক পণ্ডিতগণের ন্যায় সেই জ্ঞান সাধারণের পক্ষে অতি চূড়ান্ত বলিয়াই তদ্বধ্যে প্রচলিত করিতে সযত্ন হইলেন নাই। হিন্দু জাতির চতুঃস্পার্শ্বের ভাবও এই ঘটনার সাহায্য প্রদান করিয়াছিল। হিমালয় এবং ভারতবর্ষের সীমাবদ্ধিত সমুদ্র সকল ইহাকে যেন আততায়িক সংগ্রামশালী জাতির পক্ষে অতি ভয়ানক দুর্গ-বেষ্টিত করিয়া রাখিয়াছিল সুতরাং স্বদেশ-প্রেম ব্রাহ্মণ্যগণের এক প্রকার অননুভূত পদার্থ বলিয়াই গণ্য করা যাইতে পারে। বৌদ্ধ ধর্ম^১ বেদ সনাতন নয় এই

১ Such was the state of the Hindu mind when Buddhism arose or rather, such was the state of the Hindu mind which gave rise to Buddhism. Buddha himself, went through the school of Brahmins. He performed their penances, he studied their philosophy, he at last claimed the name of the Buddha, or the enlightened, when he threw away, the whole ceremonial with its sacrifices, superstitions, penances, and caste's as worthless, and changed the complicated system of philosophy into a short doctrine of salvation. This doctrine of salvation has been called pure Atheism and nihilism, and it no doubt was liable to

প্রমাণ করিতে প্রথমে ব্রতী হয়। বৌদ্ধেরা ক্রমে ঈশ্বরের অস্তিত্বের প্রতি, আঘাত করিল। ব্রাহ্মণগণকে অপদস্থ করিয়া ব্রাহ্মণ-বিদেষী হইয়া ধর্ম-মূলক সত্যের কতক গুলি সত্য সাধারণ মধ্যে প্রচলিত করিতে গিয়া ব্রাহ্মণগণের বিদ্রোহচরণে বৌদ্ধেরা ভয়ানক সংকটে পতিত হইয়াছিলেন। ব্রাহ্মণেরা ঐ ধর্মকে ভারতবর্ষে বন্ধমূল হইতে না দেওয়ায় তাহা পৃথিবীস্থ অন্যান্য জাতি মধ্যে প্রবিষ্ট হয়। ব্রাহ্মণ জাতি ভারতবর্ষীয় অন্যান্য অসভ্য জাতিগণকে স্ববশে আনয়ন করিয়াও আপনাদের প্রভুত্ব স্থিরীকৃত করিয়া, তাহাদের জ্ঞান-দ্বার প্রায় রুদ্ধ করিয়াছিলেন; কিন্তু ব্রাহ্মণ জাতি জ্ঞানোপার্জন এত দূর ব্রতী

both charges in its metaphysical character, and in that form in which we chiefly know it. It was Atheistic, not because it denied the existence of such Gods as Indra and Brahma. Buddha did not even condescend to deny their existence. But it was called Atheistic, like the *Sankhya* Philosophy, which admitted but one subjective self, and considered creation as an illusion of that self imaging itself for a while in the Mirror of Nature. As there was no reality in creation, there could be no real creator.

All that seemed to exist was the result of ignorance, to remove that ignorance was to remove the cause of all that seemed to exist. How a religion which sought the annihilation of all existence, of all thought, of all individuality and personality, as the highest object of all endeavours could have laid hold of the minds of millions of human beings, and how at the same time, by enforcing the duties of morality, justice, kindness, and self-sacrifices, it could have exercised a decided beneficial influence, not only on the Natives of India, but on the lowest barbarians of Central Asia, is a riddle which no one has been able to solve. We must distinguish, it seems, between Buddhism as a religion and Buddhism as a Philosophy. The former addressed itself to millions, the latter to a few isolated thinkers. *Max Muller on Buddhist Pilgrims.*

হইয়াছিলেন যে তাঁহারা অত্যন্ত কাল মধ্যে প্রকৃত জ্ঞান সকল লাভ করিয়া উন্নততম ধর্মের আশ্রয় গ্রহণ করিলেন; কিন্তু সাধারণের জ্ঞান-দ্বার রুদ্ধ হওয়াতে যে পৌত্তলিকতার প্রভাব তাহাই রহিল। সাধারণে এই রূপ পৌত্তলিকতার প্রভাব ও জ্ঞান প্রভাবে মুনিগণের একেশ্বর-বিশ্বাস অবশ্যই জ্ঞান-মূলক সত্যেরই উপকারিত্বের প্রমাণ স্থল। এই রূপে ভারতবর্ষে এক অনন্যসাধারণ অদ্ভুত ব্যাপার প্রাচুর্য হইল। এক দিকে উন্নততম ঈশ্বর-জ্ঞান, আর দিকে ঘোর পৌত্তলিকতা। এক দিকে "সত্য জ্ঞানমনন্তং" এই মহা সত্যের প্রতি বিশ্বাস, আর এক দিকে ব্রহ্মা বিষ্ণু মহেশ্বর ও তাহাদের প্রত্যেকের ভূরি ভূরি অবতারের প্রাচুর্য ও তাহাদের প্রতি-মূর্তির উপাসনা। সাধারণের এই বিশ্বাস যে জ্ঞান-জ্যোতি দ্বারা ক্রমে প্রমার্জিত হইবে তাহারও দ্বার ব্রাহ্মণ জাতি দ্বারা রুদ্ধ ছিল।

ইসার পর মহম্মদ। তিনি আরব দেশে জন্ম গ্রহণ করিয়া পৌত্তলিক ধর্মাবলম্বী আপনাদের জাতিতে প্রথমে ঈশ্বরের পথে আনয়ন করেন। মহম্মদের জীবন-চরিত্র ও তাঁহার প্রণীত কোরাণ পাঠ করিলে তিনি ইহুদী-দিগের ও ইসার ধর্ম পুস্তক হইতে যে অনেক সাহায্য লইয়াছিলেন তাহার প্রমাণ পাওয়া যায়। কিন্তু ইহা অবশ্য স্বীকার করিতে হইবে, যে মহান্বা মহম্মদ ইসার ন্যায় ঈশ্বর-জ্ঞান প্রাপ্ত হইয়া তাঁহার অপেক্ষা অধিকতর পৌত্তলিক বিদ্বষী ছিলেন। তিনি একবারও ঈশ্বরের এক মাত্র প্রিয় সন্তান বলিয়া আপনাকে কীর্তিত করেন নাই এবং পৌত্তলিকতার নিষেধ এত স্পষ্টাক্ষরে উপদেশ দিয়াছিলেন যে মানব-নির্গীত সমুদায় ধর্ম-মধ্যে তাঁহার ধর্মকেই এক প্রকার অপৌত্তলিক বলা যাইতে পারে। কিন্তু কোরাণকে

ঈশ্বর-প্রণীত বলিয়া তিনি আর এক প্রকার পৌত্তলিকতার সংস্থাপন করেন এবং আপনাকে যদিও ঈশ্বরের এক মাত্র প্রিয় পুত্র বলেন নাই, তথাপি ঈশ্বর-প্রেরিত এক মাত্র গুরু এই রূপ বলিয়া গিয়াছেন, পৌত্তলিকতার এই আর এক মৌপান।

প্রথমে প্রস্তর বৃক্ষাদির পূজা বোধ হয় পৃথিবীতে বিক্ষিপ্ত ছিল। পরে মেঘ বিদ্যুৎ বায়ু উষা অরুণ অগ্নি সূর্য্য ও নদ-নদীস্থ দেবতাগণের উপাসনা, পরে ইসার উপাসনা এবং তৎপরে মহম্মদের গুরু অবতার এই রূপে পৃথিবীতে ক্রমে ক্রমে পৌত্তলিকতার প্রমার্জনা দেখা যাইতেছে। পৃথিবী মধ্যে জ্ঞানের উন্নতির সঙ্গে সঙ্গে পৌত্তলিকতার প্রমার্জন দেখা যায়। গ্রীক এবং হিন্দু জাতিতেই পুরাকালে এই জ্ঞান বুদ্ধির কর্তা বলিতে হইবে। গ্রীক জ্ঞান দ্বারা ইহুদী জাতি মধ্য হইতে খৃষ্টান ধর্ম পৃথিবীতে বিকীরণ হয় ও ভারতবর্ষে বুদ্ধ জন্ম গ্রহণ করিয়া আপনাদের ধর্ম আসিয়াতে বিক্ষিপ্ত করিয়া ছিলেন।

মহম্মদ যে অগ্নি আরব দেশে নিক্ষেপ করেন সেই অগ্নি ক্রমে প্রজ্বলিত হইয়া, পারস্য দেশ হইতে পারসী-ধর্ম উদ্ভিন্ন করত ভারতবর্ষ আক্রমণ করিল। পারসী-ধর্ম ভারতবর্ষে আশ্রয় লইল এবং ভারতবর্ষে মুসলমানগণের অধীন হইল। যখন মহম্মদের ধর্ম ভারতবর্ষে প্রবেশ করিল, ব্রাহ্মণগণ তখন আপনাদের ধর্ম স্বদেশ-প্রেমের সহিত সংশ্লিষ্ট করিয়া দিলেন এবং পৌত্তলিকতাকে আশ্রয় দিয়া হিন্দু জাতিতে মুসলমানগণ হইতে পৃথক রাখিতে সচেষ্ট হইলেন।

এই রূপে মানব-নির্গীত ধর্ম পুণালীরও ক্রমশঃ প্রমার্জন দেখা যাইতেছে। অতীত অসভ্য জাতির পৌত্তলিকতা ক্রমে সংশোধিত হইয়া আসিয়াছে। কিন্তু ইহা যে জ্ঞান-মূলক

সত্য সকলের পুতাবে হইতেছে তাহার আর কোন সন্দেহই নাই। যত অজ্ঞান-অন্ধকার দূরীকৃত হইয়াছে ততই ঈশ্বর-জ্ঞানের প্রাচুর্য দেখা যায়। ইহাতে এই পুকাশ পাইতেছে যে ধর্ম-মূলক সত্য সকলের উদ্দীপন ও জ্ঞান-মূলক সত্য সকলের সাহায্যের অপেক্ষা রাখে; সাহায্য আবশ্যিক, কিন্তু ধর্ম-মূলক সত্য যদি একেবারে না থাকিত তাহা হইলে জ্ঞান-মূলক নিয়ম সকল অকর্মণ্য হইত এবং জ্ঞান-মূলক সত্য না থাকিলেও ধর্ম-মূলক সত্যের উদ্দীপনের ব্যাঘাত জন্মিত। জ্ঞান ও ধর্ম এই উভয় বিষয়ের উন্নতিই পুরুত উন্নতি। আমাদের ভারতবর্ষ মুসলমান দ্বারা অধিকৃত হইলে, ভারতবর্ষেরা যদিও প্রগাঢ় মোহাক্ষকারে নিপতিত হইয়াছিল, তথাচ আকবর পুত্র মুসলমান নরপতিগণের গুণে ক্রমে মুসলমান শাস্ত্র ও হিন্দুদিগের দ্বারা আলোচিত হওয়াতে ঈশ্বর-জ্ঞানের অনেক উন্নতি হইয়াছিল। যদিও হিন্দু-জাতি পৌত্তলিকতা ত্যাগ করে নাই, তথাচ কবীর দাছু চৈতন্য ও নানকের শিক্ষা ও উপদেশ সকল পাঠ করিলে বোধ হয় যে মুসলমানগণের শাস্ত্র সকল তাহাদের দ্বারা পঠিত হইয়াছিল। বিশেষতঃ নানকের ধর্ম-পুণালী যে কত দূর পরিশুদ্ধ তাহা এখানে বলা বাহুল্য। কিন্তু নানকের যে রূপ মতই থাকুক না কেন, শিখ জাতি মধ্যে আর এক রূপ পৌত্তলিকতা ক্রমে পুচারিত হইল। তাঁহারা আদি গ্রন্থকে ক্রমে ঈশ্বর-প্রণীত বলিয়া বিশ্বাস করিতে লাগিলেন। কাল ক্রমে ভারতবর্ষে হিন্দু, বৌদ্ধ, পারসী ও মুসলমান এই চারি ধর্মেরই আবাস স্থান হইয়াছিল। পোর্্তুগিস জাতি পৌত্তলিক খৃষ্টীয় ধর্মও এখানে পুচার করিলেন। পরে ইংরাজেরা ভারতবর্ষে সাম্রাজ্য স্থাপন করিলেন ও খৃষ্টীয় মিসনরীরা আপনাদের ধর্ম পুচার কামনায় ইউরোপীয়

বিদ্যা দানে প্রবৃত্ত হইলেন। আমরা এখানে নিঃশঙ্কিত চিত্তে বলিতে পারি যে, যদ্যপি পুরাতন মুনি ঋষিগণের ধর্ম-শাস্ত্র, দর্শন-শাস্ত্র ও উপনিষদ সকল পৃথিবীতে প্রচারিত না থাকিত, যদ্যপি মুসলমানগণের ধর্ম-শাস্ত্র সকল হিন্দু জাতির তদ্র-সমাজ মধ্যে প্রচলিত না থাকিত, যদ্যপি ইংলণ্ডীয় বিদ্যার ও ইউরোপীয় জ্ঞান-গর্ভ পুস্তক সকল বঙ্গদেশীয় লোকগণের আত্মাকে আকর্ষণ না করিত, তাহা হইলে এক্ষণকার প্রচলিত ব্রাহ্ম ধর্মও এত দিন এখানে জন্ম গ্রহণ করিত না। মহাত্মা রামমোহন রায় আপনার অসাধারণ বুদ্ধিবলে সংস্কৃত ভাষায় আমাদের পুঁচীন উপনিষদ সকল পাঠ করিয়া আরব ভাষায় মুসলমানগণের ধর্ম-শাস্ত্র আলোচনা করিয়া পারস্য ভাষায় পারসীদিগের ধর্ম নিরীক্ষণ করিয়া, হিব্রু ও গ্রীক ভাষায় ইহুদীর ও ইসার ধর্ম পুস্তক সকলের প্রতি দৃষ্টিপাত করিয়া ও তিব্বত পুঁদেশে বৌদ্ধ ও জৈন ধর্মকে পুঁতাক করিয়া ব্রাহ্ম ধর্মের সূত্রপাত করিয়াছিলেন। এই বিশুদ্ধ ব্রাহ্ম ধর্ম, উপরোক্ত সমস্ত মানব-ধর্মের পৌঁতলিকতার প্রতিরোধী ও উপরোক্ত সমস্ত ধর্মের বিশুদ্ধ আচরণের আদর স্থান। ব্রাহ্মধর্ম জ্ঞানের ও ধর্মের শেষ সীমা। জ্ঞান-মূলক নিয়ম সকল যতই মহাসত্য সকল আবিষ্কৃত করিয়া মনুষ্য জাতির পুরুত উন্নতি সাধনে যত্নশীল হইবে ব্রাহ্মধর্মের নিকট ততই তাঁহারা পুঁশংসনীয়। ধর্ম-মূলক নিয়ম সকল যতই উদ্দীপিত হইবে ততই মনুষ্যগণ ব্রাহ্ম ধর্মের পবিত্র আশ্রয় গ্রহণ করিবে। অন্যান্য ধর্ম জ্ঞান ও ধর্মের বিরোধ উপস্থিত হয় এই ধর্ম তাঁহার সামঞ্জস্য সংস্থাপিত হয়। যাহারা পুঁতলিকা পুঁস্তক পূঁর্বক তাঁহার উপাসনা করে, জ্ঞান তথায় এই বিরোধ উপস্থিত করে, যে পুঁতলিকা জড় মাত্র, উহা বাস্তবিক মনুষ্য-

গণেরই অধিকৃত পদার্থ, উহাতে ঈশ্বর-শক্তি কিরূপে থাকিতে পারে। হিন্দু, গ্রীক, ও পুরাতন অন্যান্য পৌঁতলিক ধর্মকে জ্ঞান এই বলিয়াই পরাভূত করত পৃথিবীর উপকার সাধন করিয়াছে।

খৃষ্ট ধর্ম জ্ঞানের এই বিরোধ উৎপন্ন হয়। যে ইসা মনুষ্য, ঈশ্বরের এক মাত্র প্রিয় পুঁত্র হইতে পারেন না। সকল মনুষ্যই তাঁহার পুঁত্র, সাধু গুণে ভূষিত হইলেই ঈশ্বরের প্রিয় হয়; কিন্তু কেহই ঈশ্বরের এক মাত্র প্রিয় পুঁত্র নহেন। ইসা অপ্রাকৃত অদ্ভুত ব্যাপার প্রদর্শন দ্বারা আপনার ঐশী-শক্তির যে পরিচয় দিয়াছিলেন তাহা ভ্রম মাত্র; কারণ ঈশ্বরের নিয়ম অলঙ্ঘনীয় ও অচিন্তনীয়। জগদীশ্বর সর্বশক্তিমান বটেন কিন্তু পৃথিবীর প্রত্যেক ঘটনা তাঁহার নিয়ম-সূত্রে ঐখিত, এই বিরোধ উপস্থিত হইলে খৃষ্টীয় ধর্মের ও পরাজয় স্বীকার করিতে হয়। মহম্মদের ধর্মের সহিত জ্ঞানের এই বিরোধ উপস্থিত হয় যে কোন বিশেষ পুঁস্তক কখনই নিরাক্যর জগদীশ্বরের প্রণীত হইতে পারেনা, কেননা এই বিশ্ব সংসারই তাঁহার প্রকৃত পুঁস্তক ও তাঁহার আলোচনায় যে সত্য পাওয়া যায়, তাহা কোরাণ এবং অন্য সকল মানব-প্রণীত ধর্ম-পুঁস্তকের কাঁপনিক বৃত্তান্তের সহিত সম্পূর্ণ অনৈক্য। পুরাতন ইহুদী জাতীয় ধর্ম-যাজকগণের সহিত জ্ঞানের এই অনৈক্য যে জগদীশ্বরের সৃষ্টি মধ্যে নিয়ম-সূত্রই বলবান। এই নিয়ম-সূত্র এবং ইহুদী-গণের ঈশ্বরের ভাব সম্পূর্ণ অনৈক্য, এই জন্য জ্ঞানের সহিত তাঁহার সম্পূর্ণ বিবাদ। হিন্দু ও গ্রীক পণ্ডিতগণের সহিত জ্ঞানের এই বিবাদ, যে ঈশ্বর ভূঁজের নহেন; বাস্তবিক, তিনিই যথার্থ জ্ঞেয় পদার্থ। অতএব সাধারণ মধ্যে, সংসার মধ্যে, ইহা প্রচলিত করাই আবশ্যিক।

ব্রাহ্মধর্মের সহিত জ্ঞানের বিবাদ নাই। জ্ঞানের নিকট ব্রাহ্মধর্ম সঙ্কুচিত হয়েন না। ব্রাহ্মধর্ম অশঙ্কিতচিত্তে মনুষ্যকে জ্ঞানোপার্জনে যত্নশীল হইতে আদেশ করেন; কেননা, জগদীশ্বরের নিয়ম সকল যতই আবিষ্কৃত হইবে, ততই তাঁহার পরম-মঙ্গল স্বকপের আবির্ভাব আমাদের আত্মাতে জাগরক হইবে। ব্রাহ্ম-জ্ঞানরূপ স্বর্গীয় অগ্নি সকলেরই মনে নিহিত আছে, মোহ তাহাকে আচ্ছন্ন রাখিয়াছিল, জ্ঞান সেই সকল মোহকে দূরীকৃত করিতেছে। দেব-দেবীর পূঁজা নিবারণ, মনুষ্য-বিশেষের পূঁজা নিবারণ ইহাই জ্ঞানের প্রভাব এবং জ্ঞান যতই ঈশ্বরের নিয়ম সকল আবিষ্কৃত করিয়া তাঁহার মঙ্গল-স্বকপ মনুষ্য নিকটে দেখাইয়া দিবে, মনুষ্য জাতি ততই উন্নত হইয়া মনুষ্যের আদর্শকে অতি অক্ষিৎকর মনে করিবে। ব্রাহ্মধর্ম জ্ঞান-প্রভাবে ধর্ম-প্রভাবে পৃথিবীস্থ সমুদায় জাতির মনুষ্য-পূঁজাকে নিরাকৃত করিবে। ব্রাহ্মধর্ম মনুষ্যের আদর্শ হইতে আর এক উন্নততর উন্নততম আদর্শ পৃথিবীতে বিস্তার করিতে ত্রুতী হইয়াছেন। অনন্ত কাল মনুষ্য সম্মুখে রাখিয়া উন্নত হইবে। পূর্ণ মঙ্গল জগদীশ্বরই সেই আদর্শ। তাঁহার পথে চলিলেই আমাদের মুক্তি হইবে। অতএব তিনিই পরিত্রাতা, তিনিই রূপা করিয়া আমাদের সম্মুখে তাঁহার আদর্শ রাখিয়াছেন। অতএব তিনিই দয়ালু, তিনিই গুরু, তিনিই করুণাময় পুঁত্র। অপূর্ণ মনুষ্য আমাদের পরিত্রাতা নহে, অপূর্ণ মনুষ্য আমাদের সম্পূর্ণ আদর্শ নহেন। ইসা ও মহম্মদের ধর্মাবলম্বিগণ ইসা ও মহম্মদ এই দুই মনুষ্যকে আপনাদের পূর্ণ আদর্শ বলে। ব্রাহ্মধর্ম-জগদীশ্বরকে ব্রাহ্মগণের পূর্ণ আদর্শ বলেন। যাহারা ঈশ্বরের নিয়ম সকল আলোচনা

করিতে করিতে জ্ঞান-দর্পে দর্পিত হইয়া ঈশ্বরকে বিস্মৃত করেন, ব্রাহ্মধর্ম তাঁহাদিগকে এই উপদেশ পুঁদান করেন, যে তোমরা নিয়ম দেখিতে দেখিতে অন্ধ হইয়া নিয়ম-স্তাকে বিস্মৃত হইয়াছ।

পুনরায় যাহারা জ্ঞানকে তুচ্ছ করেন, তাঁহাদিগকে ব্রাহ্ম ধর্ম এই উপদেশ প্রদান করেন, যে তোমরা জ্ঞান উপার্জন করিলে পুরুত ঈশ্বর-জ্ঞানে উন্নত হইয়া, নানা ভ্রম

When all the motions of the heavenly bodies have been reduced to the dominion of gravitation, gravitation itself remains an insoluble problem. Why it is that matter attracts matter we do not know—we perhaps never shall know. Science can throw much light upon the laws that preside over the development of life; but what life is, and what is its ultimate cause, we are utterly unable to say. The mind of man, which can track the course of the comet and measure the velocity of light, has hitherto proved incapable of explaining the existence of minutest insect or the phenomena in ascertaining their sequences and their analogies, its achievements have been marvellous; in discovering ultimate causes, it has absolutely failed. An impenetrable mystery lies at the root of every existing thing. The first principle, the dynamic force, the vivifying powers, the efficient causes of those successions which we term natural laws, elude the utmost efforts of our research. The scalpel of the anatomist and the analysis of the chemist are here at fault. The microscope, which reveals the traces of all pervading, all ordaining, intelligence in the minutest globule, and displays a world of organized and living beings in a grain of dust, supplies as solution of the problem. We know nothing or next to nothing of the relations of mind to matter, either in our own persons or in the world that is around us; and to suppose that the progress of natural science eliminates the conception of a first cause from creation, by supplying natural explanations is completely to ignore the sphere and limits to which it is confined. Leekie's Rise and influence of Rationalism in Europe.

প্ৰমাদ হইতে মুক্ত হইতে পারিবে, অতএব জ্ঞান দ্বারা হৃদয়-স্থিত পুরুত ঈশ্বর-জ্ঞানকে দৃঢ়ীকৃত কর, ইহাতে তোমাদের মহৎ উপকার সাধিত হইবে। পূর্বে অজ্ঞান-অন্ধকারে আবৃত হইয়া কেহ কেহ পুস্তলিকাকে কেহ কেহ বা মনুষ্যকে পূজা করিয়াছে, জ্ঞান উপার্জন করিলে তোমাদের আত্মা নূতন বল ধারণ করিবে, তোমাদের বিশ্বাস ঈশ্বরের পুতি অটল অচল হইবে ও ভ্রম প্ৰমাদ শূন্য হইয়া পৃথিবীতে বিচরণ করিবে। ব্রাহ্ম ধর্ম এই রূপে জ্ঞান ও ধর্মের সামঞ্জস্য স্থাপনে ত্রুটি হইয়াছেন।

পরিশেষে আমার বক্তব্য এই যে প্রাচীন হিন্দু ও গ্রীক জাতীয় পণ্ডিতগণ ঈশ্বর-জ্ঞান অতি দুর্জয়, সাধারণ লোক ইহার ধ্যান ধারণায় প্রবৃত্ত হইতে পারে না, সাধারণ মনুষ্য সম্মুখে কোন প্রাকৃতিক বস্তু না রাখিলে জগদীশ্বরের ধ্যান ধারণায় প্রবৃত্ত হইতে পারে না, সাধারণে পুস্তলিকা কিম্বা মনুষ্যকে আশ্রয় না করিয়া ঈশ্বরের উপাসনায় প্রবৃত্ত হইতে পারে না এই যে তাহাদিগের একটি ভ্রম ছিল, ইহা যে ভ্রম মাত্র, ভারতবর্ষের লোকগণ বঙ্গ দেশের লোকগণ ইহা যেন আপনাদের কার্য দ্বারা পৃথিবীতে প্রথমে প্রচার করেন।

এলাহাবাদ ব্রাহ্ম-সমাজ।

১৭৮২ শকে শ্রীযুক্ত কেদারনাথ চট্টোপাধ্যায় প্রভৃতি কতিপয় ব্রাহ্মের যত্নে এই স্থানে প্রথম একটি ব্রাহ্ম সমাজ সংস্থাপিত হইয়া প্রায় ৫ বৎসর পরে তাহা রহিত হয়। তদনন্তর ১৭৮৭ শকের ২৩ আশ্বিন দিবসে শ্রীযুক্ত বাবু হরপ্রসাদ চট্টোপাধ্যায় প্রভৃতি কয়েকটি ব্রাহ্মের উৎসাহে শ্রীযুক্ত বাবু নীলকমল মিত্র মহাশয়ের ভবনে সমাজ পুনঃ-

প্রতিষ্ঠিত হয়। পরে উহা নগরের মধ্যবর্তী স্বতন্ত্র বাটিতে আনীত হইয়া নিয়মিত রূপে চলিতেছে। উপাসনা কার্য কলিকাতা আদি ব্রাহ্ম সমাজের প্রণালী অনুসারে নির্বাহিত হইয়া থাকে।

ব্রাহ্ম সমাজের প্রধান আচার্য্য মহাশয় কাশ্মীর হইতে প্রত্যাগমন কালে প্রয়াগে কয়েক দিন অবস্থিতি করিয়াছিলেন। তাঁহার অবস্থিতি কালে সমাজ গৃহে বিগত ১৫ ই অগ্রহায়ণ দিবসে মহা সমারোহ পূর্বক এক সমাজ হয়। তাহাতে তিনি নিম্ন লিখিত মর্মে একটি বক্তৃতা করেন।

“ব্রাহ্ম নাম ভারতবর্ষের চিরন্তন ধর্ম। যখন হিন্দু জাতি হিন্দু নাম প্রাপ্ত হয় নাই—যখন তাহারা আর্য্য নামে বিখ্যাত ছিল, তখনও এই ব্রাহ্ম নাম বিদ্যমান ছিল। বৈদিক কর্ম কাণ্ডের প্রাজ্জ্বল্য তাহাকে বিলুপ্ত করিতে পারে নাই—পৌরাণিক পৌত্তলিকতাও তাহাকে বিনাশ করিতে পারে নাই—মুসলমানদিগের অত্যাচারও তাহাকে উচ্ছেদ করিতে পারে নাই—মিশনারিদিগের খ্রীষ্টিয় ধর্ম প্রচারও তাহাকে উন্মূলন করিতে পারে নাই। ব্রাহ্ম নাম ভারতবর্ষের চির ভূষণ। কি বেদ, কি স্মৃতি, কি পুরাণ, কি তন্ত্র সকল হিন্দু শাস্ত্রই ব্রাহ্ম নাম কীর্তন করিতেছে। ব্রাহ্মোপাসনা নূতন প্রকার উপাসনা নয়, এ উপাসনা ভারতবর্ষে চির প্রসিদ্ধই আছে। ব্রাহ্মধর্ম আমাদের সনাতন ধর্ম।

ব্রাহ্মধর্ম আত্মার ধর্ম। উহা আত্মাকে উদ্ধৃমুখ করিয়া রাখে। যখনই মনুষ্য পরিমিত দেবতার উপাসনা করিতে ইচ্ছুক হয়, তখনই ব্রাহ্মধর্ম আত্মাকে অনন্ত দেবের দিকে আকর্ষণ করে। ব্রাহ্মধর্মের ভাব অবিদ্যার অন্ধরে মানব-হৃদয়ে চিরকাল মুদ্রিত আছে। যখনই কোন ধর্ম বিকৃত

আকার ধারণ করে, তখনই ব্রাহ্মধর্মের সেই অবিদ্যার ভাব জাগরুক হইয়া তাহার পবিত্রতা সম্পাদন করে। পরিমিত দেবতার উপাসনা ব্রাহ্মধর্ম নহে—যখনই পরিমিত দেবতার উপাসনা আরম্ভ হয়, তখনই ব্রাহ্মধর্ম অন্তর্হিত হয়। সাবধান! ব্রাহ্ম হইয়া যেন পরিমিত দেবতার উপাসনা করিয়া ব্রাহ্মধর্মকে কলঙ্কিত না কর। যিনি ব্রাহ্মধর্মকে রক্ষা করেন, ব্রাহ্মধর্ম তাঁহাকে রক্ষা করেন।

ঈশ্বরই পাপের পরিত্রাতা। ঈশ্বরই কেবল মনুষ্যকে পাপ হইতে পরিত্রাণ করিতে পারেন। মনুষ্য কখনো মনুষ্যকে পাপ হইতে পরিত্রাণ করিতে পারে না। পাপ-প্রপীড়িত আত্মার ভার কেবল ঈশ্বরই মোচন করিতে পারেন; মনুষ্য কখনো তাহা মোচন করিতে সমর্থ হয় না। যখন আমরা পাপ-তাপে কাতর হইয়া ঈশ্বরের নিকট পলায়ন করি, তখনই করুণাময় ঈশ্বর তাঁহার অমৃত ক্রোড়ে আমাদের স্থান দিয়া, পাপ তাপে দহমান আত্মাকে শীতল করেন। আমরা যদি পাপ হইতে পরিত্রাণ জন্য কোন মনুষ্যের নিকট প্রার্থনা করি, তাহা হইলে তাহা পৌত্তলিকতা হয়। রাজা রামচন্দ্র দুর্ভ-দমন ও শিষ্ট-পালন জন্য বিখ্যাত ছিলেন—রাজা রামচন্দ্র ধার্মিক রাজা ছিলেন বলিয়া তিনি সকলেরই সম্মান যোগ্য। এই সম্মান ভাব বিগর্হিত নহে, কিন্তু যদি রামচন্দ্রকে ঈশ্বর মনে করিয়া পাপ হইতে পরিত্রাণ জন্য তাঁহার নিকট প্রার্থনা করি, তাহা হইলেই তাহা পৌত্তলিকতা হয়। সাধু মনুষ্যকে ভক্তি করা কর্তব্য বটে; কিন্তু ঈশ্বরের সিংহাসনে তাঁহাকে স্থাপন করা বিশুদ্ধ ধর্মের বিধান নহে।”

বন্ধু!

শেষ।

তোমা বিনা মনোভুংখ কব আর কারে।
তোমা বিনা কে বা তাহা নিবারিতে পারে।
তোমা বিনা হৃদয়ের বন্ধু কে বা আছে।
হৃদয়ের দ্বার খুলে কান্দি কার কাছে।
তোমা হতে কে বা আর আছে হে আপন।
তোমা হতে কে বা আছে বিশ্বাস-ভাজন।
ভয়-শূন্য হয় প্রাণ তোমাকে সঁপিয়া।
বিপদে সাহস পাই তোমাকে দেখিয়া।
জটিল কুটিল চিন্তা কত আসে মনে।
তন্ন তন্ন করি তাহা তোমার স্বরণে।
রোগের ঔষধ তুমি শোকের সান্ত্বনা।
পাপের দমন আর কে বা তোমা বিনা।
তুমি হে ক্ষুধার অন্ন পিপাসার জল।
বিশ্রামের তরুতল পথের সম্বল।
হৃদয়-রঞ্জন তুমি নয়ন-অঞ্জন।
কণ্ঠের ভূষণ তুমি কিরীট-রতন।
তব সম নাহি পাই খুঁজে ত্রিভুবন।
সখা হে আমার তুমি মনের মতন।
যাবতীয় প্রিয় বস্তু হতে তুমি প্রিয়।
আত্মীয় হইতে তুমি পরম আত্মীয়।
পিতা মাতা তাই বন্ধু আত্মীয় স্বজন।
কে করিতে পারে দয়া তোমার মতন।
কাল পূর্ণ হলে যবে সকলে তাজিবে।
আপনার বলি তুমি গ্রহণ করিবে।
রোগ শোক জরা মৃত্যু করি নিবারণ।
নিতা পূর্ণ আনন্দেতে করিবে মগন।
যুচাইয়ে এক বারে সকল দুর্গতি।
করিবে অনন্তকাল অনন্ত উন্নতি।
ওহে সখা তোমা বিনা আর কেহ নাই।
আমার মনের কথা তোমারে জানাই।
এসেছি তোমার ভবে তোমার ইচ্ছায়।
পেয়েছি মানব দেহ তোমার রূপায়।
যা করি করাও তুমি কৌশল করিয়া।
তোমার কি অভিপ্রায় না পাই ভাষিয়া।
তব ইচ্ছা সিদ্ধি হোক আমি এই চাই।
কখন তোমাকে যেন ভুলে নাহি যাই।
তোমার কাজের জন্য এসেছি হেথায়।
মন যেন ভাবে তাই কাজের বেলায়।
তব অন্তর হয়ে মন যেন থাকে।
মন যেন তোমাকে হে দিবানিশি ডাকে।
তব কার্য্যে অবসর পাইব যখন।
দিও যেন দয়া করি চরণে শরণ।
যত করিয়াছি দোষ করিয়া মার্জনা।
এখন পুরাও এই মনের বাসনা।
এস হে হৃদয়-সখা হৃদয়-মাঝারে।
সখা বলে আলিঙ্গন করিহে তোমারে।
প্রেমানে প্রেমানে যোগানে হয়ে নিমগন।
প্রাণ-ভরি দেখি তব প্রসন্ন বদন।

তুমি হে প্রাণের প্রাণ জগতের প্রাণ।
সুখার আধার তুমি প্রেমের নিধান ॥
মোহ-রক্ত হৃদয়ে তোমারে যদি পাই।
আর কিবা চাই তবে আর কিবা চাই ॥
কাজ নাই রাজ-গৃহে কুণীরে রহিব।
পর্য্যাক্তে কি প্রয়োজন ছুতলে শুইব ॥
বসন অভাবে নয় বস্কল পরিব।
সামান্য শাকারে নয় উদর পূরিব ॥
কারেও না পাই যদি একা মাত্র রব।
তোমারে হৃদয়ে দেখে দুঃখে সুখী হব ॥

বিজ্ঞাপন

আগামী ১১ মাঘ উনচত্বারিংশ সাংবৎসরিক
ব্রাহ্মসমাজ উপলক্ষে কলিকাতা আদি ব্রাহ্ম-
সমাজের পুস্তকালয়স্থ নিম্ন লিখিত পুস্তক সকল
নগদ মূল্যে শতকরা ২৫ টাকা কমিসন বাদ বিক্রয়
হইবে।


সংস্কৃত ব্রাহ্মধর্ম (দেবনাগর অক্ষরে)	১০
সংস্কৃত ব্রাহ্মধর্ম (বাজলা অক্ষরে)	১০
ব্রাহ্মধর্ম প্রথম খণ্ড (তাৎপর্য সহিত)	১০
বাজলা ব্রাহ্মধর্ম	১০
বাজলা ব্রাহ্মধর্ম দ্বিতীয় খণ্ড	১০
বাজলা ব্রাহ্মধর্ম তাৎপর্য সহিত	১০
ব্রাহ্মধর্মের মত ও বিশ্বাস	১০
ব্রাহ্মধর্মের ব্যাখ্যান—প্রথম প্রকরণ	১০
ব্রাহ্মধর্মের ব্যাখ্যান দ্বিতীয় প্রকরণ	১০
অনুষ্ঠান-পদ্ধতি	১০
মাঘোৎসব	১
মাসিক ব্রাহ্মসমাজের উপদেশ	১০
কলিকাতা ব্রাহ্মসমাজের বক্তৃতা	১০
ব্রাহ্মসমাজের বক্তৃতা	১০
রাজনারায়ণ বসুর বক্তৃতা	১০
বেহালা ব্রাহ্মসমাজের বক্তৃতা	১০
তত্ত্ববিদ্যা দ্বিতীয় সংস্করণ	১১
ধর্মতত্ত্ব দীপিকা—প্রথম ভাগ	১
ধর্মতত্ত্ব দীপিকা দ্বিতীয় ভাগ	১
আত্মোৎসর্গ বিধান	১১
প্রশ্ন মঞ্জরী	১০
প্রাত্যহিক ব্রাহ্মোপাসনা	১০
ব্রাহ্মোপাসনা	১০
ব্রাহ্মোপাসনা পদ্ধতি	১০
ব্রাহ্ম-সঙ্গীত	১০
আয়তত্ত্ববিদ্যা	১০
ধর্ম-শিক্ষা	১০

পৌত্তলিক প্রবোধ	১০
রক্ত সহিত কঠোপনিষদ দেবনাগর অক্ষরে	১০
জীবনের উদ্দেশ্য ও তৎসাধনের উপায়	১০
ভবানীপুর ব্রাহ্ম বিদ্যালয়ের উপদেশ	১০
১।২।৩।৪।৫।৬। সংখ্যা একত্র	১০
ধর্ম চর্চা	১০
প্রবচন সংগ্রহ	১০
প্রার্থনা এবং সঙ্গীত	১০
ব্রাহ্ম-সঙ্গীত	১০
সংগীত মুক্তাবলী	১০
সুভাব সঙ্গীত	১০
উদ্বোধনাজলি	১০
গৃহ কর্ম	১০
স্তোত্রমালা	১০
ধর্ম দীক্ষা	১০
ধর্মপ্রচারিণী পত্রিকা ১৭৮৭ শকের	১০
একত্র বাঁধান	৫০
ধর্মপ্রচারিণী পত্রিকা ১৭৮৬।৮৭ শকের	১১০
ধর্মপ্রচারিণী পত্রিকা ১৭৮৮ শকের	৫০
দীপ্ত-শিরার অভিষেক	১০
ব্রাহ্মসাধন	১০
ভবানীপুর সাংবৎসরিক সমাজের বক্তৃতা	১০
ব্রাহ্মব্যবহার	১০
হুর্গোৎসব	১০
বর্ণমালা—প্রথম সংখ্যা	১০
বর্ণমালা দ্বিতীয় সংখ্যা	১০

	Rs.	As.
Defence of Brahmoism and the Brahmo Somaj	4	
Selections from Vaidanta	2	
Hindoo Theism.	1	
Theists Prayer Book	1	
Signs of the Times	1	
Vaidantic Doctrines Vindicated	2	
Doctrine of Christian Resurrection	2	
Physiology of Idolatry	2	
Lectures on Pathology of Fever	1	4

পুরাতন তত্ত্ববোধিনী পত্রিকা সকল (যাহা
উপস্থিত আছে) এবং তত্ত্বপ্রকাশ (যাহার মূল্য ১০)
অল্প মূল্যে বিক্রীত হইবে।

তত্ত্ববোধিনী পত্রিকা কলিকাতা ব্রাহ্মসমাজ হইতে প্রতি
মাসে প্রকাশিত হয়। মূল্য ছয় আনা। অগ্রিম বার্ষিক
মূল্য তিন টাকা। ডাক মাসুল বার্ষিক বার আনা।
সংখ্যা ১২২৫। কলিকাতা: ৪২২২। ১ মাঘ বৃহৎ বার।



তত্ত্ববোধিনী পত্রিকা

ব্রাহ্ম বা একমিদমগ্রামাশীমান্যং কিঞ্চনাসীতদিদং সর্কমসুজৎ। তদেব নিত্যং জ্ঞানমনস্তং শিবং স্বতন্ত্রমিববয়বমেক-
মেবাদ্বিতীয়ং সর্কব্যাপি সর্কনিয়ন্তু সর্কশ্রয় সর্করিৎ সর্কশক্তিমদ্ ক্রবৎ পূর্বমপ্রতিমমিতি। একস্য তস্যৈবোপাসনয়া
পারিত্রিকমৈত্রিকঞ্চ শ্রুতভবতি। তন্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

উনচত্বারিংশ সাংবৎসরিক

ব্রাহ্মসমাজ।

১১ মাঘ ১৭৯০ শক।

প্রাতঃকালে ৮ ১০ ঘণ্টার সময়ে ব্রাহ্ম-
সমাজ-মন্দির ব্রাহ্মগণ কর্তৃক পরিপূর্ণ হইলে
নিম্ন লিখিত সঙ্গীত হইল।

ব্রাহ্ম-সঙ্গীত।

আজি আমারদের মহোৎসব। আজ আনন্দের
সীমা কি।

সব সুহৃদে মিলে ডাকি সখারে। আজ
আনন্দের সীমা কি।

সঙ্গীত শেষ হইলে শ্রীযুক্ত জ্যোতিরিন্দ্রনাথ
ঠাকুর বেদীর সম্মুখে দণ্ডায়মান হইয়া এই
বক্তৃতা করিলেন।

“বঙ্গবাসী ভারতবাসীগণ! অদ্য তোমরা
সকলে হৃদয়ের সহিত এই মহোৎসবে যোগ
দেও। ইহাই তোমাদের প্রকৃত উৎসবের
দিন। এই পুণ্য মাসে, এই পুণ্য বাসরে,
ব্রাহ্ম-ধর্ম রূপ স্বর্গীয় বীজ বঙ্গভূমির উর্বর

ক্ষেত্রে রোপিত হয়; তাহা এক্ষণে শাখা
পল্লবে বিস্তৃত হইয়া শত শত আত্মাকে ছায়া
দান করিতেছে। তোমরা যদি প্রকৃত মঙ্গল
চাও; আপনার উন্নতি, পরিবারের উন্নতি,
জনসমাজের উন্নতি সংসাধন করিতে চাও,
তাহা হইলে ব্রাহ্মধর্মকে অবহেলা করিও
না। এক্ষণে ভারত-গগন ঘন তিমিরে আ-
চ্ছন্ন—চতুর্দিক হইতে হাহাকার ধনি উথিত
হইতেছে, সৌভাগ্য রবি অস্তমিত হইয়াছে,
কত্রিয়েরা নির্দ্বীর্ণ্য, ব্রাহ্মণেরা নিস্তেজ হইয়া
পড়িয়াছে; হিন্দু সমাজ বিকলেন্দ্রিয়, যত-
প্রায়; ধর্ম, বাহ্যভঙ্গ অর্থ শূন্য প্রলাপ
বাক্যে পর্য্যবসিত হইয়াছে;—এক্ষণে ব্রাহ্ম-
ধর্মই এক মাত্র আশা। ইনি অপ্পে অপ্পে
হিন্দু সমাজে, নূতন জীবন নূতন স্মৃতি,
নূতন বল সঞ্চারিত করিতেছেন—যে সকল
জটিল শৃঙ্খলে আবদ্ধ হইয়া, হিন্দু সমাজ
নিষ্পন্দ, অসাড় হইয়া পড়িয়াছিল, তাহা
একে একে ছিন্ন হইতেছে;—উন্নতির পথ
উদ্ঘাটিত হইয়াছে। ব্রাহ্মধর্ম যে রূপ
উৎকৃষ্ট উপাদানে নির্মিত, তাহাতে ইহাই
যে কালে পৃথিবীর ধর্ম হইবে, তাহাতে
আশ্চর্য্য কি? ব্রাহ্মধর্ম যে জন সমাজের

পত্তন ভূমি হইবে, সে সমাজ যে পৃথিবীর আদর্শ হইয়া দাঁড়াইবে, তাহাতে বিচিত্র কি?

প্রথমতঃ। ব্রাহ্মধর্ম উন্নতির ধর্ম—ইনি উন্নতির প্রতিকূলে দণ্ডায়মান হইবেন না; সত্য যেখান হইতে আসুক না কেন, ইনি আদর পূর্বক গ্রহণ করেন। ব্রাহ্মধর্ম আত্মার ধর্ম। আত্মা যে পরিমাণে ঈশ্বরের স্বরূপ অবগত হইবে; জ্ঞান ধর্ম প্রীতিতে উন্নত হইতে থাকিবে, নূতন নূতন সত্য সকল উপার্জন করিবে, সেই পরিমাণে ব্রাহ্মধর্ম পরিপুষ্ট হইবে। আত্মা যে রূপ উন্নতি-শীল, ব্রাহ্মধর্মও সেই রূপ উন্নতি-সাপেক্ষ ধর্ম। এই পৃথিবীতেই আমারদের জ্ঞান ধর্মের পরিসমাপ্তি হয় না—এই জীবনেই আমরা ঈশ্বরের সকল স্বরূপ অবগত হইতে পারি না; এ দেহ ত্যাগ করিয়া যত আমরা উন্নত হইতে উন্নততর লোকে গমন করিব; ততই ঈশ্বরের স্বরূপ, ঈশ্বরের মহিমা অধিক রূপে উপলব্ধি হইতে থাকিবে। আমরা এখানে থাকিয়াও যত সত্য উপার্জন করিব, তাহা সকলি ব্রাহ্মধর্মের সম্পত্তি হইবে। আমারদের ধর্ম গ্রন্থ-বিশেষে আবদ্ধ নাই—ইহার উপর কালের হস্ত নাই, কীটেরও উৎপাত নাই। আত্মার বিনাশ না হইলে আর ব্রাহ্মধর্মের বিনাশ হয় না। আমারদের ধর্ম কতকগুলি অক্ষর মাত্রে পর্য্যবসিত নহে—মুখ-পরম্পরাগত প্রবাদ মাত্রও নহে—কতকগুলি ঐতিহাসিক ঘটনাবলিও ইহার সার নহে—ইহার সত্য-সকল সমর্থন করিবার নিমিত্ত কোন বাহ্য সাঙ্গীরও আবশ্যিক করে না—মনুষ্যের আত্মাই তাহারদের সাফল্য প্রদান করিতেছে। এই জীবন্ত ধর্মের অভাবে সুসভ্য জাতিদিগের মধ্যেও কত উন্নতির ব্যাঘাত হইতেছে—ধর্ম পুস্তকের সহিত এক্ষণে হয় না বলিয়া কত সত্যকে জলাঞ্জলি দিতে

হইতেছে—স্বাধীন আত্মার ক্ষুধিত উন্মায়ের কত লাভ হইতেছে।

দ্বিতীয়তঃ। ব্রাহ্মধর্ম উদার সার্বভৌমিক ধর্ম। যেমন ঈশ্বর এক, তেমনি ধর্মও এক। যেমন একই বায়ু সকল প্রাণিদিগের দেহ চেষ্টা সকল বিধান করিতেছে; একই সূর্য্য সমস্ত জগৎকে আলোকিত করিতেছে; সেই রূপ একই ধর্ম সকল আত্মার ক্ষুৎ পিপাসা মোচন করিতেছে। যে সকল সত্য সকল-ধর্মেরই মূলে বর্তমান, সকল ধর্মেরই সাধারণ সম্পত্তি, তাহাই ব্রাহ্মধর্ম। এই হেতু ব্রাহ্ম ধর্মের সহিত অন্য ধর্মের বিরোধের সম্ভাবনা নাই। ইনি উন্নত ভূমির উপর দণ্ডায়মান হইয়া, পক্ষপাতশূন্য হইয়া, সকল মনুষ্যকেই প্রীতিনয়নে নিরীক্ষণ করিতেছেন। এই পৃথিবীতে ধর্মের নামে কত অধর্মই না হইতেছে। তিন ধর্মাবলম্বী বলিয়া পিতা, পুত্রের প্রতি কঠোরতাচরণ করিতেছে; স্বামী, ভার্য্যাকে পরিত্যাগ করিতেছে; ভ্রাতায় ভ্রাতায় ঘোর বিবাদ হইতেছে—কত দেশে কত সমাজে ঘোর বিপ্লব উপস্থিত হইতেছে। কোথায় ঈশ্বর ধর্মকে সুনির্মল শান্তির উদ্দেশে পৃথিবীতে প্রেরণ করিলেন, না ধর্মই অশান্তির কারণ হইল। ব্রাহ্মধর্মই সেই শান্তির রাজ্য বিস্তার করিবার নিমিত্ত এখানে অবতীর্ণ হইয়াছেন। ব্যক্তি বিশেষের বিষয়-ক্ষতিলাভের সহিত যখন ধর্মকে জড়িত করা হয়, তখনই ধর্ম জীর্ণ শীর্ণ মলিন হইয়া স্বার্থপরতার পরিণত হয়। অতএব, ব্রাহ্মগণ সাবধান! আমরা যেন নির্মল, উদার ব্রাহ্মধর্মকে স্বীয় বৈবয়িক ক্ষতিলাভের সহিত লিপ্ত করিয়া, ইহাকে সংকীর্ণ মলিন করিয়া না ফেলি। আমরা যেন ধর্মের নামে নিজ স্বার্থপরতাকে চরিতার্থ না করি। আমরা যেন সেই অনন্ত ঈশ্বরের জয় ঘোষণা করিতে গিয়া, আমা-

দের ক্ষুদ্র যশোমান বিস্তারে নিযুক্ত না থাকি। ব্রাহ্মধর্মের সহিত স্বার্থপরতার লেশ মাত্র সংশ্রব নাই। ব্রাহ্মধর্ম এক হস্তে প্রলোভন ও অপর হস্তে বিভীষিকা ধারণ করিয়া আমারদিগকে ধর্মের পথে আকর্ষণ করিতেছেন না; তিনি সেই প্রদর্শন পূর্বক ধর্মের মধুময় রাজ্যে—ঈশ্বরের প্রেম রাজ্যে আহ্বান করিতেছেন। তিনি আমারদিগকে উপদেশ দিতেছেন, নিক্ষাম ভাবে ধর্মের জন্যই ধর্মকে আলিঙ্গন করিবে; ঈশ্বরকে লাভ করিবার নিমিত্তই, ঈশ্বরের পথে অগ্রসর হইবে।

তৃতীয়তঃ। আমরা ব্রাহ্মধর্ম হইতে এই আর একটা সত্য পাইতেছি যে ঈশ্বরের সহিত আমারদিগের অতি নৈকট্য সাফল্য সম্বন্ধ। তিনি আমারদের পিতা মাতা, আমরা সকলেই তাঁহার পুত্র; তাঁহার নিকট যাইতে হইলে কোন মধ্যস্থের আবশ্যক করে না, তিনি পাপী তাপী সকলকেই তাঁহার অমৃতময় ক্রোড়ে আহ্বান করিতেছেন—এই ভাবটা যেমন ব্রাহ্মধর্মে জাজ্বল্যমান এমন আর কোন ধর্মে নাই। বস্তুতঃ এই ভাবটা আমাদের এ দেশীয় ধর্মের ভাব। আমারদের পূর্ব পুরুষেরা, ঈশ্বরকে সর্বত্র ওতপ্রোত ভাবে দৃষ্টি করিতেন, গিরি গুহা কানন সমুদ্রে, সর্বত্রই তাঁহার সত্তা অনুভব করিতেন—প্রতি ঘটনায় তাঁহার হস্ত বিদ্যমান দেখিতেন। যেমন ঈশ্বর ও মনুষ্য মধ্যে ব্যবচ্ছেদ স্থাপন করা ইচ্ছা দেশীয় ধর্মের, সেই রূপ এই সৃষ্টির সহিত স্রষ্টার অতি নিগূঢ় নৈকট্য যোগ স্থাপন করা অসম্ভব দেশীয় ধর্মের মূল ভাব। কিন্তু আমারদের পূর্ব পুরুষেরা এই ভাবটি এত দূর লইয়া গিয়াছিলেন, যে তাঁহারা সৃষ্টির সীমা লঙ্ঘন করিয়া, একটা মহৎ ভ্রমে নিপতিত হইলেন। তাঁহারা স্রষ্টা ও সৃষ্টির মধ্যে কিছু-

মাত্র ব্যবধান রাখিলেন না; তাঁহারা ভাবিলেন যখন সকলই ব্রহ্মময়—তখন ব্রহ্মই জগৎ, জগৎই ব্রহ্ম। ব্রাহ্মধর্ম এই ভ্রম বিনাশ করিয়া পরমাত্মার সহিত আত্মার বাস্তবিক নৈকট্য যোগটা সম্যক রূপে রক্ষা করিয়াছেন। আমাদের সহিত ঈশ্বরের অনন্ত যোগ। আমরা তাঁহাকে সাফল্য পিতা মাতা বিধাতা ও পাপের মোচয়িতা জানিয়া, যেন তাঁহারই শরণাপন্ন হই ও সংসারের ভয়াবহ স্রোত-সকল অতিক্রম করিয়া কল্যাণ পথে উন্নতি লাভ করিতে থাকি।

চতুর্থতঃ। ব্রাহ্মধর্ম সমগ্র ধর্ম। ঈশ্বরকে প্রীতি ও তাঁহার প্রিয় কার্য সাধন করাই যে তাঁহার প্রকৃত উপাসনা, এই ভাবটা ব্রাহ্মধর্মের জীবন। প্রীতিবিহীন হইয়া আমরা তাঁহার যে কার্য করি, তাহা যেমন বাহাডুরর তিন আর কিছুই নহে; সেই রূপ যে প্রীতি কার্যেতে প্রকাশ না পায়, সে প্রীতি প্রীতিই নহে। আমরা ঈশ্বর হইতেই সকল মুখ সৌভাগ্য লাভ করিতেছি—তাঁহার অজস্র করুণায় আমরা জীবিত রহিয়াছি—অথচ আমরা তাঁহাকে এক বার মনেও করি না—আমরা ঈশ্বরের কার্য করি অথচ তাহার কার্য করিতেছি, আমরা তাহা জানি না—এই সাংসারিক ভাব যেমন ব্রাহ্মধর্মের বিরুদ্ধ; সংসার হইতে পলায়ন করিয়া, তাঁহার আদিষ্ট সংসার ধর্ম প্রতিপালন না করিয়া শুদ্ধ ধ্যানতেই নিমগ্ন থাকা—অথবা বৈরাগী হইয়া আত্মীয় স্বজনকে পরিত্যাগ করিয়া, অরণ্যে অরণ্যে ভ্রমণ করা—এই সন্ন্যাসিক ভাবও ব্রাহ্মধর্মের তেমনি বিরোধী। ঈশ্বর আমারদিগকে এই অতি-প্রায়ে সংসারে প্রেরণ করিয়াছেন, যে আমরা সংসারের উন্নতি সাধন করি, তাঁহার মঙ্গল উদ্দেশ্য সম্পন্ন করি, সাংসারিক প্র-

লোভনের সহিত প্রতি মুহূর্তে সংগ্রাম করিয়া আত্মাকে দ্রুষ্টি বলিষ্ঠ করি। ঈশ্বরের যাহা অভিপ্রায় তাহাই মঙ্গল, তাহাই ধর্ম। অতএব হে ব্রাহ্মগণ! আমরা যেন স্বাধীন ভাবে, ঈশ্বরের মঙ্গল ইচ্ছার অনুবর্তী হইয়া সংসারের তাবৎ হিতকর কার্যে নিযুক্ত থাকি; আপনার উন্নতি, পরিবারের উন্নতি, দেশের উন্নতি; জগতের উন্নতি সাধনে আগ্রহ পূর্বক অগ্রসর হই। ধর্মকে কর্ম হইতে বিচ্ছিন্ন করিয়া না রাখি। আমরা যেন কিছুতেই উদাসীন না থাকি। উদাসীন্যই হিন্দুদিগের পতনের অন্যতর কারণ। আমারদের দেশের অনেকেই সংসার হইতে বিচ্ছিন্ন হইয়া অরণ্যে বাস করাই ধর্মের পরাকাষ্ঠা মনে করিয়া থাকেন। এই রূপ উদাসীন ভাব বহু অনর্থের মূল; ইহাতে আত্মার প্রবৃত্তি সকল, যথোচিত রূপে পরিচালিত না হওয়াতে, মনুষ্য-জীবনের উদ্দেশ্য বিফল হইয়া যায়—ধর্ম অঙ্গহীন হইয়া থাকে—জন সমাজের উন্নতির পথ রুদ্ধ হয়—জ্ঞান ও সভ্যতা তিরোহিত হইয়া যায়।

হে পরমাত্মন! তোমার এই উদার পরিশুদ্ধ ব্রাহ্মধর্মকে জগৎময় প্রচার কর—তোমার পবিত্র আসন প্রতি আত্মাতে স্থাপন কর—তোমার সিংহাসন প্রতি পরিবারে প্রতিষ্ঠিত কর—এই আমার প্রার্থনা।

ওঁ একমেবাদ্বিতীয়ং।”

পরে প্রধান আচার্য্য মহাশয় এই উদ্বোধন দ্বারা উপাসনা আরম্ভ করিলেন।

উদ্বোধন।

“যিনি অসীম আকাশে স্থিতি করিতেছেন, যিনি হৃদয়ে হৃদয়ে বর্তমান, যিনি সকল আত্মার অন্তরাত্মা, যিনি প্রীতির এক মাত্র নিকেতন, যিনি শ্রদ্ধার পরম ভাজন, যিনি

গুরু পিতা পাতা—তিনি এই ব্রাহ্মসমাজের অধিষ্ঠাত্রী দেবতা, তিনি এই ১১ মাসের উৎসবের উৎসাহ দাতা। আমরা যেমন তাঁহার উপাসনার জন্য এখানে উপস্থিত হইয়াছি, সংবৎসর পরে উৎসবের উদয়ে যেমন আমরা এক-হৃদয় হইয়া তাঁহার চরণে শ্রদ্ধা-ভক্তি-প্রীতি-পুষ্প-অঞ্জলি দিবার জন্য এখানে সমাগত হইয়াছি—তেমনি সেই মহান্ বিভূ সর্বাশ্রয় একমেবাদ্বিতীয়ং পূর্ণ পুরুষের প্রীতি-নয়ন এখানে আমারদের সকলের উপরে রহিয়াছে, তিনিও এই উৎসবের সঙ্গে সঙ্গে আমারদের মধ্যে জীড়া করিতেছেন, এখানে পবিত্র সমীরণ তাঁহার পবিত্রতার সঙ্গে বহমান হইতেছে, সেই জ্ঞান-জ্যোতি এখানকার এই জ্যোতিকে বিদীর্ণ করিয়া আমারদিগকে অবলোকন করিতেছেন, এই জ্যোতির মধ্যে বিশ্বতশ্চক্ষুর চক্ষু-সকল উদ্দীলিত রহিয়াছে, তাঁহার মাতৃ-স্নেহ-দৃষ্টি আমারদিগকে উৎসাহ দিতেছে, সেই উৎসাহে পূর্ণ হইয়া তাঁহার সিংহাসনের অভিমুখে যাইতেছি। তিনি এখানে বর্তমান, যেন তাঁহাকে শ্রদ্ধা ভক্তি দিতে কিছুমাত্র রূপগতা না করি—শ্রদ্ধা ভক্তিকে উজ্জ্বল করিয়া তাঁহার চরণে প্রণিপাত করি।”

উদ্বোধনের পর এই ব্রহ্ম-সঙ্গীত গীত হইল।

রাগ ঠেঠরব—তাল চৌতাল।

সবে মিলে গাও তাঁহার মহিমা। আজ কর রে জীবনের ফল লাভ।

হৃদয়-খাল-ভার, ভক্তি-পুষ্প-হার, প্রভুচরণে ছাও রে ছাও।

নব নব রাগ রচিত বন্দন মালা, গাঁথি গাঁথি দে উপহার।

বিশ্বাধার প্রভু সেই, যশোগীত তাঁরি প্রচার সকল সংসার।

পরে স্বাধ্যায়ান্ত ব্রহ্মোপাসনা সমাপ্ত হইলে এই গান গীত হইল।

রাগিনী দেবগিরি—তাল একতাল।

নয়ন খুলিয়ে দেখ নয়নাভিরামে। হৃদয়-কমল বিকাশে যঁর নামে।

গগনে তানু সহস্র কর বিস্তারি জগত মন্দিরে বিরাজেন স্বপ্রকাশ।

দেখ দেখ প্রেমাকরে, দিবাকর জিনিয়ে সুন্দর উজ্জ্বল অনুপমে।

অনন্তর ব্রাহ্মধর্মের কয়েকটি শ্রুতি তাৎপর্যের সহিত পাঠ হইলে শ্রীযুক্ত অযোধ্যানাথ পাকড়াঙ্গী মহাশয় এই বক্তৃতা করিলেন।

“ব্রাহ্মধর্মের অভ্যন্তরে অতি মহান্ উদ্দেশ্য সন্নিবিষ্ট আছে। ঈশ্বরের অভিপ্রায় সম্পন্ন করিবার জন্য ব্রাহ্মধর্মের আবির্ভাব হইয়াছে, মনুষ্যের মলিন কামনা সাধনের জন্য নহে। ব্রাহ্মধর্মকে তাঁহার আপনার প্রভাবে সঞ্চার করিতে দাও; আপনাদের ক্ষুদ্র ভাবে ইহাঁর সৌন্দর্য্য কলঙ্কিত করিও না। জ্ঞান প্রচার ও প্রেম বিস্তার করিয়া ব্রাহ্মধর্মের পথ পরিষ্কৃত করিতে থাক; দেখিবে ইহাঁর সৌন্দর্য্যে মর্ত্য লোক কি সুন্দর মূর্তি পরিগ্রহ করে।

যখন যৌবনের মত্ততা, রিপুগণের উত্তেজনা ও সম্মুখের প্রলোভন চক্ষুকে অন্ধ করিয়া রাখে, কর্ণকে বধির করিয়া দেয় এবং সমুদায় বিচার শক্তি অপহরণ করিয়া লয়; তখন ঈশ্বরের পবিত্র নাম, ধর্মের উপদেশ ও কল্যাণের পথ ভুল হইয়া যায়, পাপের মূর্তি সুন্দর বলিয়া প্রতীয়মান হইতে থাকে, এবং স্বেচ্ছাচার পৌরুষ বলিয়া পরিগৃহীত হয়—তখন স্নেহ ও হিতৈষণার অবতার-স্বরূপ জনক-জননীর পবিত্র মূর্তিও যেমন অবমানিত হয়, ধর্মও সেই রূপ অবজ্ঞাত হইতে থাকেন। কিন্তু ঈশ্বর তখন কোমল

হস্তে তাঁহারদিগকে প্রতিপালন করেন। যদি আপনার সংকট বুঝিতে পারিয়া তখন তাঁহারা ঈশ্বরকে ডাকেন, ঈশ্বর তখনই—তাঁহাদের দক্ষ হৃদয়ে অযুত শিক্ষণ করেন। এমন ঈশ্বরকে পরিত্যাগ করিওনা; ইহাই ব্রাহ্মধর্মের প্রথম উপদেশ।

ব্রাহ্মধর্ম জীবন ও মৃত্যুর পথ পৃথক্ করিয়া সকলের নিকট প্রদর্শন করিতেছেন, এবং মৃত্যু হইতে জীবনের পথে আনয়ন করিবার জন্য নির্বিশেষে সকলকেই আহ্বান করিতেছেন। কাহাকেও সুখ ভোগে বঞ্চিত করা ব্রাহ্মধর্মের উদ্দেশ্য নহে; প্রত্যুত নিত্য সুখের পথ প্রদর্শন করিবার নিমিত্তই ব্রাহ্মধর্ম আবির্ভূত হইয়াছেন। যদি সেই সুখ-ধামের সরল পথ চাও, তবে সমুদায় অবৈধ সুখ-সন্তোষ এখনই পরিত্যাগ কর, তাহাই ব্রাহ্মধর্মের অনুরোধ। ধনোপার্জন কর, যশোবিস্তার কর, মান সন্তুষ্টে সমুন্নত হও, তাহাতে ব্রাহ্মধর্ম প্রতি বন্ধক নহেন; ব্রাহ্মধর্মের উপদেশ এই যে, সত্য পথ পরিত্যাগ করিওনা, ন্যায় পথ পরিত্যাগ করিওনা, ধর্ম পথ পরিত্যাগ করিওনা। যে কর্ম করিলে পরিণামে সন্তোষপানলে দক্ষ হইতে হইবে, তাহা এখন অবধিই পরিত্যাগ কর।

বিষয়-সুখ ক্ষণকালের জন্য, তাহা আত্মার অন্ন স্বরূপ; শরীর যেমন অন্ন পানে পুষ্ট হইয়া কক্ষ্মানুষ্ঠানে বল পায়;—আত্মা সেই রূপ পরিমিত বিষয়-সুখ ভোগ করিয়া ক্ষুধি লাভ করে এবং শরীর ও মনের অভাব-সকল পূর্ণ থাকিলে মনুষ্য সহজে ধর্ম পথে অগ্রসর হইতে পারেন; এই উদ্দেশ্যে বিন্দু হইয়া বিষয়-সুখ ও ইন্দ্রিয়-সুখ পরম পুরুষার্থ ভাবিয়া তাহাতেই নিমগ্ন থাকা কর্তব্য নহে। ইহাই ব্রাহ্মধর্মের উপদেশ।

বিষয়-সুখ অপেক্ষা আর এক উন্নততর সুখের অধিকারী হইয়া মনুষ্য জন্ম গ্রহণ

করিয়াছে; যথার্থ পাত্র হইয়াও সে অধিকারে
রক্ষিত থাকি অত্যন্ত দুর্ভাগ্যের বিষয়। জ্ঞান
দ্বারা ঈশ্বরের অভিপ্রায় নিকপণ করিয়া
শ্রীতির সহিত সেই অভিপ্রায় অনুসারে কর্ম-
নুষ্ঠান করিলে আত্মাতে অনির্বচনীয় প্রসন্নতা
উপস্থিত হয়। সেই আত্ম-প্রসাদ বিষয়-সুখ
অপেক্ষা সহস্রগুণে উৎকৃষ্ট ও পরিমাণে
গুরু। ঈশ্বর মনুষ্যকে ধর্মজীবী করিয়াছেন;
মনুষ্য পশুদিগের ন্যায় কেবল আত্মান্তরি
হইয়া জন্ম গ্রহণ করে নাই। অন্যের প্রতি
নিঃস্বার্থ শ্রীতি ভাব বিস্তার করিয়া, ন্যায় ও
হিতৈষণার আদেশ অনুসারে অন্যের অহি-
তাচরণ হইতে নিবৃত্ত থাকিয়া, সকলের দুঃখ
নিবারণ ও সুখ বর্দ্ধন করিয়া, মনুষ্য এই
মর্ত্যালোকে থাকিয়াই স্বর্গ সুখ ভোগ
করিতে পারেন। ইহার জন্য যদি কখন
বিষয়-সুখ বিসর্জন করিতে হয়, তাহাতেও
পরাক্রম হওয়া কর্তব্য নহে। ইহাই ব্রাহ্ম-
ধর্মের অনুরোধ।

মনুষ্য যখন ধর্মানুষ্ঠানে পবিত্র হইয়া
আত্ম-প্রসাদ ভোগ করিতে থাকেন, তখন
তাঁহার নিকট আর এক উচ্চতর সৌভা-
গ্যের দ্বার উন্মোচিত হয়। তিনি তখন
অন্যায়সে পরমাত্মাতে আত্মার সমাধান
করিয়া জীবন ধারণের চরম ফল ব্রহ্মানন্দ
লাভ করিতে পারেন। জড়ের ধর্ম, শরী-
রের ধর্ম, ও মনের ধর্ম অতিক্রম করিয়া—
অন্নময়, প্রাণময় ও মনোময় কোষ ভেদ
করিয়া, বিজ্ঞানময় কোষে অবস্থান পূর্বক,
সেই বিজ্ঞানময় আত্মাতে যে আনন্দময়
পরমাত্মা বিরাজমান আছেন, তাঁহার সহিত
সমাগত হইয়া মনুষ্য ইহ জীবনেই শোক
হইতে উত্তীর্ণ হইয়, পাপ হইতে উত্তীর্ণ
হইয় এবং হৃদয় গ্রন্থি হইতে বিমুক্ত হইয়া
মোক্ষরস পান করিতে থাকেন। আত্মা
যখন ঈশ্বরেতে অবস্থান করিবে,—তখন

উচ্চপর্বতে আরোহণ করিলে ভূপৃষ্ঠের বৃহৎ
বস্তুর যেমন ক্ষুদ্র বোধ হয়, সেই রূপ
শৈশবের ক্রীড়া ও যৌবনের বিলাস এবং
পশু প্রবৃত্তির পরিচারণা ও পাপ পথে
সঞ্চরণ অতীব হেয় ও জঘন্য বলিয়া আপনা
হইতে প্রতীয়মান হইবে। কি প্রকারে ঈশ্ব-
রের সহবাস চিরস্থায়ী হয়, তখন তাহারই
জন্ম ব্যাকুল হইয়া উপায়-সকল অনুসন্ধান
করিবে। ব্রাহ্মধর্ম এই রূপে জীবনের পথ
প্রদর্শক হইয়া, মনুষ্যকে অবৈধ বিষয়-সুখ
পরিহার পূর্বক পাপ হইতে নিবর্তিত করিয়া
ধর্মানুষ্ঠান-জনিত আত্ম-প্রসাদে অভিযুক্ত
করিবেন। ইহার সঙ্গে সঙ্গে এই পৃথিবীও
আপ্যায়িত হইতে থাকিবে, সমাজ-সকল
সুসংস্কৃত হইবে, দেশাচার পরিশোধিত
হইবে, রাজনীতি সমুৎকৃষ্ট হইবে, ভ্রাতৃ-
ভাব বিস্তারিত হইবে, সুখ স্বচ্ছন্দতা পরি-
বর্দ্ধিত হইবে এবং সভ্যতা ও স্বাধীনতা
পরিব্যাপ্ত হইবে। কিন্তু যেমন অদ্য-
কার উৎসবের প্রধান উদ্দেশ্য সেই ধর্ম
ও শান্তির প্রেরণিতা পরমেশ্বরকে সবা-
ক্ৰমে উপাসনা করা, আর সমুদায় তাহার
আনুসঙ্গিক শোভা; সেই রূপ ঈশ্বরের সঙ্গে
অবস্থান করিয়া আধ্যাত্মিক উন্নতির পথে
আরোহণ করাই ব্রাহ্মধর্মের প্রধান উদ্দেশ্য;
বাহ্য বিষয়ের উন্নতি তাহার আনুসঙ্গিক
ফল। প্রথমে ঈশ্বরেরই চাই। তাঁহার
প্রেম-মুখ দর্শন করিতে না পাইলে আর
সকলই নিরর্থক হইবে। হৃদয় তাঁহারই
প্রেম মুখা পান করিবার নিমিত্ত লালায়িত
হইয়া আছে। তাঁহাকে লইয়া বরং পর্ণ-
কুটীরেও অবস্থান করিব; তাঁহাকে ছাড়িয়া
অট্টালিকার প্রয়োজন নাই। পর্বতে পর্বতে
পরিভ্রমণ কর, বৃক্ষতলে শয়ন করিয়া থাক,
চৌর খণ্ড পরিধান কর, ফল মূল খাইয়া
ক্ষুধিবৃত্তি কর; যদি হৃদয় কন্দরে সেই জ্যোতি

বিরাজিত থাকে, সকল দুঃখ, সুখ হইয়া
উঠিবে। আজ আমরা সেই ব্রাহ্মধর্মের
মহোৎসবে প্রবৃত্ত হইয়াছি। এই মহোৎ-
সব আমারদিগকে বিবিধ সুখ প্রদান করি-
তেছে। ধার্মিকগণের মনোহর মুখশ্রী, এক
দেবতার উপাসক বান্ধবগণের সমাগম, এবং
তৃপ্তিকর সঙ্গীত মাধুরী অন্তরে পবিত্র
সুখ বর্ষণ করিতেছে; ঈশ্বরের আদেশে—
ব্রাহ্মধর্মের আদেশে এই মহোৎসবের অনু-
ষ্ঠান করিতেছি স্মরণ করিয়া প্রচুর আত্ম
প্রসাদ লাভ হইতেছে, এবং যখন দেখিতেছি
সেই অমৃতময় তেজোময় পুরুষ এই উৎসবের
প্রাণ-রূপে অবস্থান করিতেছেন, বাহিরে
সমুদায় আকাশ অন্তরে সমুদায় আত্মা তাঁহা-
রই দ্বারা পূর্ণ হইয়া আছে, তিনি পিতার
ন্যায় স্বাভাবিক ন্যায় গুরু ন্যায় বন্ধুর ন্যায়
সমস্ত দিন আমাদের সঙ্গে সঙ্গে আছেন;
তখন অনুপম ব্রহ্মানন্দ লাভ করিয়া ধন্য
হইতেছি।

“অনাদিমৎ স্ত্বং বিভূত্বেন বর্তসে যতো
জাতানি ভুবনানি বিশ্বা।” হে অনাদি মৎ
পরমাত্মন! সর্বত্র ব্যাপ্ত হইয়া আছ, তোমা
হইতে সমস্ত ভুবন উৎপন্ন হইয়াছে। তুমি
সমুদায় বস্তুর গুঢ় রূপে প্রবিষ্ট হইয়া
আছ; তুমি অসীম আকাশে অনন্ত রূপে
বিরাজ করিতেছ; তুমি আমাদের আত্মাতে
আনন্দ রূপে দীপ্যমান আছ। আজি
তোমারই আদেশে এই উৎসবে সমাগত
হইয়া তোমার ও তোমার ব্রাহ্মধর্মের সৌন্দর্য
পান করিতেছি। যে উৎসবে তোমার ভাব
নাই, তাহা হইতে আমরাদিগকে রক্ষা কর।
হৃদয়ের উন্নত কামনা কেবল তোমারই সমা-
গমে পরিপূর্ণ হয়। হৃদয়ে যদি তোমার
জ্যোতি দেখিতে পাই, তবে সকলই জ্যোতি-
র্ময় হয়। হে জ্যোতির্ময়! তোমারই জন্য
হৃদয় সমুৎসুক হইয়াছিল। মুক্ত কণ্ঠে যে

তোমার নাম গান করিতেছি, ইহাই আমা-
দের মহোৎসব; তোমাকে লইয়াই যে অদ্য-
কার দিবস অতিবাহিত করিব, ইহাই আমা-
দের মহোৎসব; তোমার তত্ত্বগণে যে
পরিবেষ্টিত হইয়া আছি, ইহাই আমাদের
মহোৎসব। হে জীবনের অধিষ্ঠাত্রী দেবতা;
তোমার রূপায় এই ব্রাহ্মধর্ম লাভ করিয়া
চরিতার্থ হইয়াছি। এক্ষণে বল দাও;
তোমার ব্রাহ্মধর্মকে জীবনের পথ প্রদর্শক
করিয়া তোমার পবিত্র সন্নিধানে উপনীত
হই।

ওঁ একমেবাদ্বিতীয়ং।”

তৎপরে শ্রীযুক্ত প্রধান আচার্য্য মহাশয়
এই উপদেশ প্রদান করিলেন।

“অদ্য যেমন এই উৎসব-দিনে মেঘ-
আবরণ ভেদ করিয়া নবতর সূর্য্য আকাশ
হইতে সমুজ্জ্বলিত হইল এবং তাহার সঙ্গে
সঙ্গে এই সকল সৃষ্টি প্রকাশিত হইল—সেই
প্রথম দিনে, সেই আদি দিনেও এই প্রকা-
রেই এই সূর্য্যের উদয় হইয়াছিল এবং এই
জগৎ সংসার প্রসূত হইয়াছিল। সেই দিন
প্রথম উৎসবের দিন—সেই প্রথম দিন হইতে
অদ্যাবধি এই জ্যোতিষ্মান সূর্য্যের কিরণ
সমুদয় জগতে বিকীর্ণ হইতেছে—সেই প্রথম
দিন হইতে ঈশ্বরের সংকল্প সিদ্ধ হইয়া
আসিতেছে। সেই প্রথম দিনের আ-
নন্দ, সেই প্রথম দিনের মঙ্গল ভাব, সেই
প্রথম দিনের সংকল্প, অদ্যপি বহমান রহি-
য়াছে। যেমন অদ্যকার এই প্রাতঃকালের
সূর্য্য-কিরণে সমুদয় পৃথিবী উজ্জ্বলিত হই-
য়াছে; সেই প্রকার সেই প্রেমময়ের আনন্দ-
জ্যোতিতে নব বল ধারণ করিয়া আমরা-
দের সমুদয় আত্মা স্মৃতি পাইতেছে। সূর্য্যের
কিরণের শেষ নাই—ঈশ্বরের মঙ্গল ভাবের
বিরাম নাই। এই এক মঙ্গলময়ের প্রভাবে

সকলের উন্নতি। দেখ, যে মঙ্গলময়ের প্রেম উচ্ছ্বাসিত হইয়া এই সমুদায় জগৎ সৃষ্ট হইয়াছে, সেই প্রেমের উপরে নির্ভর করিয়াই এখনো সকল চলিতেছে। তিনি অদ্যাপি লোক-ভঙ্গ নিবারণার্থে সেতু-স্বরূপ হইয়া সমুদয় ধারণ করিয়া রহিয়াছেন। “এষে-তুর্বিধরণএবাং লোকানাংসমুদায়।” তিনি আপনাদেবতার করতলে সকল ধরিয়া রাখিয়াছেন। তাঁহার পবিত্র মঙ্গল ভাব অনুভব কর। আমরা সেই পবিত্র-স্বরূপের মঙ্গল ভাব দেখিয়া ধন্য হইয়াছি। যখন পৃথিবীতে প্রথম আসিয়া-ছিলাম, তখন সকলি অন্ধকার দেখিয়া-ছিলাম। জ্ঞান আচ্ছন্ন ছিল, ভাব মুকুলিত ছিল—মাতৃ ক্রোড়ে শয়ান ছিলাম। ক্রমে জ্ঞান প্রকাশিত হইল, হৃদয়ের ভাব স্ফূর্তি পাইতে লাগিল, কর্তব্য-কর্মের শাসনে আত্মা উন্নতও পবিত্র হইল, তার সঙ্গে সঙ্গে সত্য-সুন্দর-মঙ্গলকে বুঝিতে পারিলাম। একই দিনে এই সকল আমরা পাই নাই, কিন্তু এই সকল পাইব বলিয়া পূর্ব হইতে সকলি প্রস্তুত ছিল। সেই রূপ যদিও মনুষ্য-সমাজে বিশুদ্ধ-রূপে ঈশ্বরের উপাসনা এত দিন প্রচলিত হয় নাই; কিন্তু তাহা যে হইবে না, এমন কখনই নহে। ক্রমে ক্রমে মনুষ্য-সমাজ উন্নত হইতেছে, ক্রমে ক্রমে পৌত্তলিকতা চলিয়া যাইতেছে—এমন দিন আশা করিতেছি, যখন সকলে এক স্বরে একমেবাদ্বিতীয়ং পরব্রহ্মের গুণ গান করিবে। এই সঙ্কল্প সিদ্ধ করিবার জন্য ব্রাহ্ম-ধর্ম পৃথিবীতে আবির্ভূত হইয়াছেন। যখন ঈশ্বরের সঙ্কল্পের সহিত ব্রাহ্মধর্মের যোগ রহিয়াছে, তখন ইহা নিঃসংশয় বাক্য যে ব্রাহ্মধর্ম আসিবার প্রয়োজন সিদ্ধ হইবেই হইবে। আমি আপনার জীবন-পুস্তক পাঠ করিয়াও দেখিতেছি যে ব্রাহ্মধর্ম সত্য-জ্যোতি ও নিষ্কাম প্রীতি

প্রেরণ করিয়া আমার তমসাক্ষর পাপ-দূষিত আত্মাকে ক্রমাগত পরিশুদ্ধ ও পবিত্র করিতেছেন। সেই ব্রাহ্মধর্মের হস্তে যে কেবল আমার উপরেই, তাহা নহে—তাহা সকলের উপরেই রহিয়াছে। ব্রাহ্মধর্ম সকলের আত্মাকেই পবিত্র করিয়া ব্রহ্মের দিকে লইয়া যাইতেছেন। অদ্য তাঁহারই আস্থানে তোমরা এখানে সমাগত হইয়াছ। ইহাতে কি তোমরা ব্রাহ্মধর্মের আকর্ষণ ও ঈশ্বরের করুণা অনুভব করিতেছ না? এখানে এখন সত্য ও প্রেমের হিলোল উঠিয়া আত্মাকে কেমন মধুময় করিতেছে—ইহার জন্য সকলে মিলিয়া হৃদয়-খাল-ভার ভক্তি-পুষ্প-হার সেই প্রেমদাতার চরণে অর্পণ কর। “যুজে বাং ব্রহ্ম পূর্বাং নমোতিঃ” নমস্কার পূর্বক তোমাদের এবং আমারদের চিরন্তন ব্রহ্মের সহিত সমাধান করি—স্বীয় আত্মাকে সেই পরমাত্মার সহিত যোগ কর। “অনাদিমত্বং বিজুঃস্বন বর্তসে যতো জাতানি ভুবনানি বিশ্বা” হে অনাদিমৎ! তুমি-সর্বত্র ব্যাপ্ত হইয়া রহিয়াছ—তোমা হইতে এই সমুদয় ভুবন উৎপন্ন হইয়াছে। এই সত্য সকলেই উল্লেখ করিতেছে—এই সত্য সত্য-স্বরূপের নিকট হইতে আসিয়াছে। তোমরা ব্রাহ্ম-ধর্মের সত্য-সকল পোষণ কর—নিষ্কাম প্রীতির সহিত ঈশ্বরের সেবা কর।

হে পরমাত্মনু! তুমি ছুর্বলের বল, নতুবা তোমার মহিমা কীর্তন করি এমন আমার কি সাধ্য! আমার যাহা কিছু গ্রহণ কর। তোমাকে যে প্রেম দিতে পারিতেছি, এই আমার সৌভাগ্য। হে দেব! যাঁহারা এই উৎসব-ক্ষেত্রে অদ্য তোমার সত্য আহরণ করিবার জন্য, তোমার প্রেম পান করিবার জন্য, আগমন করিয়াছেন; তাঁহারা যেন শূন্য হস্তে, শূন্য হৃদয়ে না যান। প্রতি জনের আত্মাতে তোমার সত্যের আদর্শ প্রেরণ কর,

তোমার পবিত্র প্রেম প্রেরণ কর। হে পর-মেশ্বর! তোমার যে কি এক অপূর্ব আকর্ষণী শক্তি আছে, সেই শক্তি দ্বারা এই উৎসব-ক্ষেত্রে প্রতি জনের হৃদয়কে আকর্ষণ কর। তোমার সত্য গ্রহণ করিতে উৎসাহী কর, তোমার সত্য ধারণ করিতে উৎসাহী কর, তোমার সত্য প্রচার করিতে উৎসাহী কর।

ওঁ একমেবাদ্বিতীয়ং।”

শেষে নিম্ন লিখিত কয়েকটি ব্রাহ্মসঙ্গীত গীত হইয়া প্রাতঃকালের উপাসনা ভঙ্গ হইল।

সঙ্গীত।

রাগিণী অসামা—তাল চুংরি।

বলিহারি তোমারি চরিত মনোহর গায়
সকল জগতবাসী।
প্রভু দয়ার অবতার, অতুল গুণ-নিধান, পূর্ণ
ব্রহ্ম অবিদ্যারী।
না ছিল এসব কিছু, আঁধার ছিল অতি ঘোর
দিগন্ত-প্রসারি।
ইচ্ছা হইল তব, তানু বিরাজিল, জয় জয়
মহিমা তোমারি।
রবি চন্দ্র পরে জ্যোতি তোমার হে আদি-
জ্যোতি কল্যাণ।
জগত পিতা জগত পালক তুমি সকল মঙ্গলের
নিধান।

রাগিণী চৌড়ী—তাল চৌতাল।

তুমি তো জীবনের আধার।
ডাকি তোমায়, সংসার-মোহ-কোলাহলে দেও
নিস্তার।
রয়েছো সকল ভুবন করি আলো, নিরঞ্জন
সনাতন, যত আর সকলি অসার।

রাগিণী চৌড়ী—তাল চৌতাল।

দীননাথ! প্রেম-সুখা দেও হৃদে ঢালিয়ে।
তপ্ত হৃদয় শান্ত হবে, রাখে কে নিবারিয়ে।
তব প্রেম-নীরে আঁহা শুষ্ক হরু মুঞ্জরে।
উৎস যত উৎসারিত মরু-ভূমি-প্রস্তরে।
অমৃত-ধার মুক্তি-জনন সেই প্রেম জানিয়ে,
যাচি নাথ বিন্দু তার শোক-দগ্ধ অন্তরে।
সংসার ঘোর ছাড়ি আর বিপদ-জাল কাটিয়ে,
জুড়াব প্রাণ, পরম সখা! তোমার প্রেম
গাইয়ে।

রাগিণী গৌড়শারঙ্গ—তাল আড়াঠেকা।

আঁখি-অঞ্জন! ডাকি হে তোমারে।
তোমা তরে তৃষিত হৃদয়, প্রেম সুখা পিয়াও
আমারে।
চঞ্চল চপলা সম চমকি নয়ন, কোথা গেলে
ফেলিয়ে আঁধারে।

মধ্যাহ্ন কালে প্রধান আচার্য্য
মহাশয়ের ভবনে নিম্ন লিখিত
ব্রহ্ম-সঙ্গীত গীত হইল।

রাগিণী লুম্বিকিট—তাল যৎ।

উখলিল প্রেম-সুখা, আজ, অহো সাধু!
আন আন বিমল আধার
নিদ্রা না এসে, প্রেম জলে ভাসে,
নয়ন সবার।

যেথা সেথা ব্রহ্ম নাম, হলো দেখি ব্রহ্ম ধাম,
রস-স্বরূপের নাম বদনে সবার।

জ্ঞান-জল নিধির বেলা, এ আনন্দের বেলা
জোলা,

চক্ষু মন শীতল হলোরে সবার।

সায়ংকালে ব্রহ্মোপাসনা।

সায়ংকাল ৮ ঘটিকার সময়ে প্রধান আচার্য্য মহাশয়ের ভবন আলোক-মালায় উজ্জ্বল ও ব্রাহ্মগণে পরিপূর্ণ হইলে প্রথমত এই ব্রহ্ম-সঙ্গীত হইল।

গান

রাগিণী শঙ্করা—তাল আড়াঠেকা।

আজ আমাদের মহোৎসব।

আজ আনন্দের সীমা কি।

সব সুহৃদে মিলে ডাকি সথারে।

আজ আনন্দের সীমা কি।

পরে শ্রীযুক্ত বাবু গণেশনাথ ঠাকুর বেদীর সম্মুখে দণ্ডায়মান হইয়া এই উৎসব-জনিত হৃদয়ের আনন্দ সুমধুর গভীর-স্বরে ব্যক্ত করিলেন।

“আজ ব্রহ্মগণের সহিত ব্রহ্ম নাম এবং ব্রাহ্মধর্ম আলোচনা করিতে করিতে মনে হইল যে আমরা কি নিমিত্ত এই দিনে আহ্লাদিত হই। মহাত্মা রামমোহন রায় এই দিনে ব্রাহ্ম-সমাজ সংস্থাপিত করিয়াছিলেন, এবং আমরা সেই সমাজের সহিত যোগ রাখিয়া জগদীশ্বরের পথে চলিতেছি—অদ্যকার আনন্দের এই এক কারণ আমার মনে প্রথমেই প্রতিভাত হইল; কিন্তু হৃদয়ের তাহাতেও তৃপ্তি হইল না। রামমোহন রায়ের উপর ক্রতজ্ঞতা উচ্ছ্বসিত হইল; কিন্তু আনন্দের সমস্ত কারণ বুঝিতে পারিলাম না। জগদীশ্বরের পথে চলিলেই বিমলানন্দ, ও তাহা হইতে বিচ্যুতিই বিবাদ—ইহা তো জীবনের প্রতি দিনের সহিত সযত্ন রাখি—তবে আজ কেন আমার হৃদয় প্রফুল্ল, ব্রাহ্ম-গণের মুখ উজ্জ্বল। ইহার কারণ কি?

ভাবিয়া দেখিলাম, যে অদ্য সেই ধর্মের প্রতিষ্ঠা হয় যে ধর্মের অনুবর্তী হইয়া চলিলে আমাদের মনুষ্য নামের গৌরব হয়—এইটাই

আনন্দের প্রকৃত কারণ। রামমোহন রায় মনুষ্য হইয়া মনুষ্যের উপকারের জন্য এই ধর্মের সূত্রপাত করিয়াছিলেন, তজ্জন্যই আমরা আনন্দিত; আমাদের সহিত তাহার ধর্ম সঙ্গকে যে যোগ, তাহাই অদ্য প্রতিভাত হইতেছে। মহাত্মা রামমোহন রায় আমাদের প্রিয়তম ভারতবর্ষে জন্ম গ্রহণ করিয়াছিলেন বলিয়া তাহার সহিত আমাদের আর এক সঙ্গ আছে। এই দেশ-কাল-ধর্ম সংযোগে অদ্য তাহার নাম মনে হয়ই হয়। বাস্তবিক মনুষ্যের আত্মা যে দিন সৃজিত, সেই দিনেই এই ধর্মের প্রকৃত উৎপত্তি। সকল ধর্ম হইতেই গোহাঙ্ককার দূরীকৃত হইলে এই ধর্মের অনুবর্তী হইতে পারে; সকল ধর্মেতেই কিছু না কিছু সত্য প্রচ্ছন্ন-ভাবে নিহিত আছে। ব্রাহ্মধর্ম সত্য ধর্ম—অন্যান্য ধর্মে এই ধর্মের আংশিক সত্য-সকল প্রচ্ছন্ন-ভাবে দেখিতে পাওয়া যায়। ব্রাহ্মধর্ম সমগ্র ধর্ম—ইহা এইক্ষেণে সর্বাধিক সম্পন্ন হইয়া পরিষ্কৃতি হইয়াছে। এই জন্যই অদ্য আমাদের আনন্দ।

প্রকৃত ব্রাহ্মধর্ম যেমন ভূতকালের সন্ত-জনীয় ছিল, তেমনি আবার সমুদয় ভবিষ্যৎ কালেরও পূজনীয়। যত জ্ঞান বৃদ্ধি হউক না কেন, ধর্ম-তত্ত্ব-সকল মনুষ্যের মনে যতই প্রতিভাত হউক না কেন; ব্রাহ্মধর্মের আদর্শ উন্নত থাকিবেই। যে ধর্মের আদর্শ অনন্ত-স্বরূপ, তাহার সীমাকে কে উল্লঙ্ঘন করিতে পারে? ব্রাহ্মধর্মের প্রসাদে মনুষ্যের আত্মা ধর্ম বলে বলী হইয়া, জ্ঞান যোগে সত্য জানিয়া যতই উন্নত হইবে, তাহার সঙ্গে সঙ্গে নিরাকার, একমেবাদ্বিতীয়ং সেই বরণীয় অনন্ত পুরুষের পবিত্র ভাবের প্রতি প্রীতি, ভক্তি, ও শ্রদ্ধা পৃথিবী হইতে ততই উত্থিত হইতে থাকিবে। এই ভাবিয়াই অদ্য আমাদের আনন্দ।

জড় জগৎ না জানিয়া তাহার আত্মা বহন করে, আত্মা তাহাকে জানিয়া তাহার উপাসনা করিতেছে। অগণ্য অগণ্য নক্ষত্র—সৌর জগৎ সমেত দীপ্তিমান সূর্য্য—মহা সমুদ্র ও পর্বত-শ্রেণী তাহার শাসনে থাকিয়া অহরহ তাহার মহিমা প্রচার করিতেছে; মনুষ্যগণ পৃথিবীতে ও সংসারে তাহার মঙ্গল স্বরূপ চিন্তা করিয়া তাহারই উপাসনা করিতেছে; মনুষ্য হইতে উন্নত ভাবাপন্ন দেবতারা তাহারই পূজাতে নিমগ্ন রহিয়াছে। ঈশ্বর কালে অনন্ত, দেশে অনন্ত, অতএব ঈশ্বর চিরকাল সর্বত্রই পূজনীয় ও উপাস্য। অনন্তকাল তাহার গান উত্থিত হইতেছে ও উত্থিত হইবে। সর্ব স্থানে, সর্ব কালে, সর্ব লোকে বলিতেছে যে “গাও তাঁরে গাও সদা।” অদ্য আমরা একতানে সেই গানের সহিত যোগ দিয়া এমন বিমলানন্দ উপভোগ করিতেছি।

ওঁ একমেবাদ্বিতীয়ং।”

বক্তৃতা সমাপ্ত হইলে এই সঙ্গীত হইল।

গান

রাগিণী ইমন কল্যাণ—তাল চৌতাল।

তুমি জ্ঞান, প্রাণ; তুমিই সত্য, তুমি সুন্দর, তুমি মঙ্গল, তুমি তেলা ভবারণ; তুমি দীন-শরণ, তুমি গুরু পিতা পাতা।

তুমি আদি, তুমি অন্ত, তুমি জ্যোতি-স্বরূপ, তুমি সর্বসুখদাতা।

তুমি নিত্য তুমি পুরাণ, তুমি পরম, তুমি অমৃত-সেতু; তুমি অগম্য অপার।

প্রপঞ্চ-বিষয়াতীত, অনাদি অন্ত-কারণ, তুমি সকলের মূলাধার।

উদ্বোধনের পর এই সঙ্গীত-সহকারে উপাসনা আরম্ভ হইল।

গান

রাগিণী জয় জয়ন্তী—তাল চৌতাল।

প্রথম মাম উঁকার, ভুবন-রাজ দেব-দেব, জ্ঞান-যোগে ভাব হে তিনি তোমার সঙ্গে। ভুবনময় যে বিরাজে, তবু হৃদয় তাঁর সাথ,

প্রাণ-প্রাণ হৃদয়-নাথ, ভুলো না রে তাঁরে। রাগ সঙ্গীত মানে, মিলিয়ে অনন্ত ধ্যানে, তাঁর নাম একতানে, গায় ত্রিভুবনে।

ভয় কি, অভয় দানে, তোমেন জগত জনে, ডাক হে আনন্দময়ে, তিনি তোমার সঙ্গে।

পরে স্বাধ্যায়ান্ত উপাসনা সমাপ্ত হইলে এই সঙ্গীত হইল।

গান

রাগিণী বাহার—তাল একতাল।

দেখিলে তোমার সেই অতুল প্রেম আননে। কি ভয় সংসার-শোক ঘোর-বিপদ-শাসনে ॥ অরুণ উদয়ে আঁধার যেমন যায় জগত ছাড়িয়ে,

তেমনি দেব তোমার জ্যোতি মঙ্গলময় বিরা-জিলে,

তবু হৃদয় বীত-শোক তোমার মধুর সান্ত্বনে। তোমার করুণা, তোমার প্রেম, হৃদয়ে প্রভু ভাবিলে,

উথলে হৃদয় নয়ন বারি রাখে কে নিবারিয়ে। জয় করুণাময়, জয় করুণাময়, তোমার গুণ গাইয়ে, যায় যদি যাক প্রাণ তোমার কর্ম সাধনে ॥

অনন্তর ব্রাহ্মধর্মের কয়েকটি শ্রুতি তাৎ-পর্যের সহিত ব্যাখ্যাত হইলে শ্রীযুক্ত বেচারাম চট্টোপাধ্যায় মহাশয় এই বক্তৃতা করিলেন।

“অসীম আকাশে যিনি বর্তমান, অনন্ত বিশ্ব-ব্রহ্মাণ্ডে যিনি বিরাজমান; এই গৃহের পরিমিত আকাশ-মধ্যে সেই অনাকাশ স্বপ্র-

কাশ পরমেশ্বর বিদ্যমান রহিয়াছেন। সূর্য্য-চন্দ্রের অভ্যুদয়ে, শীত-বসন্তের সমাগমে ষাঁহার অনুপম কৌশল-কলাপ বিলোকন করিয়া প্রেমোৎফুল্ল হৃদয়ে ষাঁহাকে ধন্যবাদ দিই। পরিবারের মধ্যে সম্পদ সৌভাগ্য-বিকাশে ষাঁহার অসীম-করণ্য প্রত্যক্ষ করিয়া ভক্তি-ভরে ষাঁহার চরণে প্রণত হই; আজ সাধারণের একত্রীভূত গৃহ-স্বরূপ ভারত-ভূমির এই উৎসব উপলক্ষে সেই অনাদিমৎ পরমেশ্বরের অপরিমিত দয়া মূর্তিমতী দেখিয়া তাঁহাকে পূজার উপহার প্রদান করিতে এখানে সকলে সম্মিলিত হইয়াছি।

যিনি সূর্য্যো জ্যোতিঃ, চন্দ্রে কান্তি, পুষ্পে সৌন্দর্য্য, ওষধি বনস্পতিকে ফল ফুল প্রদান করিয়া ছ্যালোক ভুলোককে মনোহর ভূষণে বিভূষিত করিতেছেন, যিনি পরিবারের মধ্যে মুখ সম্পদ প্রেরণ করিয়া আশ্রয় আচ্ছাদে সকলকে প্রফুল্লিত করিতেছেন; সেই ধর্ম্মাবহ অখিল-বিধরণ পরমেশ্বর আপনি ধর্ম্মের প্রবর্তক হইয়া প্রতি আত্মাতে ধর্ম্ম-বল শুভবুদ্ধি প্রেরণ করত জন-সমাজকে জাগ্রৎ ও জীবন্ত রাখিতেছেন।

বৃক্ষলতা যেমন রৌদ্র জলে বর্দ্ধিত হয়, অঙ্গ প্রত্যঙ্গ যেমন অন্ন পানে পরিপোষিত হয়; মানব-আত্মা তেমনি বিশুদ্ধ ধর্ম্ম দ্বারাই সমুন্নত হইয়া থাকে, পরিশুদ্ধ আনন্দ উৎসব দ্বারাই তেমনি সমগ্র জনসমাজ জাগ্রত হইয়া উঠে। রৌদ্র জলের অসন্তাবে যেমন তরু-গুল্ম সকল পরিশুদ্ধ হয়, অন্ন পানের ব্যতিক্রম দ্বারা যেমন শারীরিক বল বীর্ঘ্যের ব্যাঘাত হয়, তেমনি জীবন্ত ধর্ম্ম, বিশুদ্ধ আনন্দ উৎসব অভাবে মানব-আত্মার সমষ্টি স্বরূপ প্রকাণ্ড জন-সমাজও অবসন্ন হইয়া পড়ে। যতক্ষণ শরীরে প্রাণ থাকে, ততক্ষণই যেমন শারীরিক ক্রিয়া সকল সুন্দর-রূপে সম্পন্ন হয়, বিবিধ পরমাণু-পুঞ্জ ভকত্রীভূত

হইয়া এক শরীর-রূপে প্রতিভাত হয়; তেমনি যতক্ষণ জনসমাজ মধ্যে প্রত্যক্ষ প্রাণ-স্বরূপ সুনির্ম্মল ধর্ম্ম-সমীরণ সঞ্চারণ করিতে থাকে, ততক্ষণই জন-সমাজের বাহিরে শৌর্য্য বীর্ঘ্য, সম্পদ স্বাধীনতা, অন্তরে জ্ঞান প্রীতি, শ্রদ্ধা ভক্তি, সন্তাব একতা শ্রোতঃ প্রবাহিত হইতে থাকে। ধর্ম্ম মলিন ভাব ধারণ করিলেই তাহার সঙ্গে সঙ্গে জন-সমাজের শ্রী সৌন্দর্য্য সকলই অন্তরিত হয়—ধর্ম্ম হত হইলেই মনুষ্যের সকলই নিহত হইয়া থাকে। ধর্ম্মের উত্থান অভ্যুদয়ের সঙ্গে সঙ্গেই আবার সকলেই উথিত অভ্যুদিত হয়।

বসন্ত-বায়ু-প্রবহনের সঙ্গে সঙ্গেই যেমন শুষ্ক তরুলতা সকল মুকুল-পল্লবে শোভমান হয়, তেমনি দেখ—সকলে প্রত্যক্ষ দেখ—বিশুদ্ধ ব্রাহ্মধর্ম্মের আবির্ভাবে এই ক্ষীণ মলিন পরাধীন বঙ্গবাসীগণের দুর্ব্বল-শরীরে নূতন-বলের আবির্ভাব হইতেছে, অবসন্ন হৃদয়ে নবানুরাগ, নূতন উদ্যম উৎসাহ অবতীর্ণ হইয়া এই শ্রী-হীন বঙ্গ-রাজ্যে এই সমস্ত স্বর্গীয় আনন্দ-উৎসব-দ্বার উদ্ঘাটিত হইতেছে। ব্রাহ্মধর্ম্ম সহস্র সহস্র আত্মাকে এক ভাবে এক লক্ষ্যে নিয়মিত করিয়া সেই এক অদ্বিতীয় সৎ-স্বরূপ পরব্রহ্মের উপাসনায় প্রবৃত্ত করিতেছে। এই পাপ-মলিন বঙ্গ-ভূমিতে এক ব্রাহ্মধর্ম্মের আবির্ভাবে জ্ঞান প্রেম সত্যের সহস্র উৎস উৎসারিত হইতেছে। আজ উনচত্বারিংশ বৎসর পূর্ণ হইল, ব্রাহ্মধর্ম্মের বিমল-জ্যোতি এখানে যথা বিধি বিকীরিত হইতে আরম্ভ হইয়াছে। উদয়াচল সদৃশ এই আদি ব্রাহ্মসমাজ হইতে পবিত্র ব্রাহ্মধর্ম্ম প্রকৃত পদ্ধতি ক্রমে স্বকীয় মঙ্গল জ্যোতি বিকীরণ করিতে প্রবৃত্ত হইয়াছেন—উদার ভাবে সকলকে ঈশ্বরের প্রেমালোকে আনয়ন করিতেছেন—নিরপেক্ষ ভাবে সকলের আত্মার ক্ষুধা তৃষ্ণা

নিবারণ করত অমৃত ধামের প্রতি অগ্রসর করিতেছেন। পূর্বে যে ভারত ভূমির এক একটি জনপদের মধ্যে প্রকৃত ব্রাহ্ম-বাদী ব্রহ্মোপাসক নির্বাচন করা দুর্ঘট ছিল, সেই ভারতবর্ষের বঙ্গ-দেশের এখন এমন প্রসিদ্ধ স্থানই নাই যে সেখানে সময়ে সময়ে বহু সংখ্যক ব্রহ্মোপাসক লক্ষিত না হন। এই পরিমিত গৃহই আজ কত দূর দূরান্তর সমাগত ব্রহ্মোপাসক দ্বারা পরিবৃত্ত হইয়াছে।

আশ্চর্য্য! আশ্চর্য্য ঈশ্বরের করুণা। এই উনচত্বারিংশ বৎসর মধ্যে নানা উৎপাতের মধ্যেও যেমন বঙ্গ ভূমি এখনও ধন ধান্যে পরিপূর্ণ হইয়া দণ্ডায়মান রহিয়াছে, তেমনি বঙ্গের শিরোভূষণ—ভারতের অক্ষয়-কীর্ত্তি-স্তম্ভ-স্বরূপ ব্রাহ্মসমাজও নানা উৎপাত উপদ্রবে অবিচলিত থাকিয়া দিন দিন উজ্জ্বল জ্ঞান, উন্নততম সত্য সকল প্রচার করিতেছেন, জলন্ত ইন্ধনের ন্যায় প্রতি আঘাতেই জ্ঞান প্রেম সত্যে আরো প্রদীপ্ত হইয়া উঠিতেছেন। প্রতি প্লাবনেই যেমন ভূমি উর্ধ্বরা হইয়া উঠে, তেমনি প্রতি উপপ্লাবেই এই আদি ব্রাহ্মসমাজ সারবানু ব্রহ্ম-বানু হইয়া উঠিতেছেন।

কেন না ব্রাহ্মসমাজ উন্নতি পথে উথিত হইবে? কেন না নিষ্কলঙ্ক ব্রাহ্মধর্ম্ম দিন দিন পূর্ণ-প্রভার দীপ্তি পাইবে? যিনি ত্রিভুবন পরিপালক, তিনি স্বয়ংই ধর্ম্মের প্রবর্তক। মাতা যেমন সন্তানকে আপন কোড়ে রক্ষা করেন, এবং তাহার ভোজ্য সুখা যত্নের সহিত হৃদয়ে ধারণ করেন; তেমনি সেই বিশ্ব-জননী তাঁহার অতি যত্নের ধন মানব আত্মাকে স্বীয় নিরাপদ কোড়ে রক্ষা করিতেছেন, তাহার অনন্ত কালের উপজীবিকা ধর্ম্মকে স্বহস্তে ধারণ করিয়া রহিয়াছেন।

হে মানব! এক বার জ্ঞান-চক্ষু উন্মীলন করিয়া তাঁহার প্রসন্ন মুখ সন্দর্শন কর; তাঁহার

অপার প্রেম, অনুপম স্নেহ অনুভব করিয়া হৃদয়ের ক্ষীণতা দুর্ব্বলতা পরিহার কর। সেই ধৃত-ব্রত সত্য-কাম সত্য-সঙ্কল্প পরমেশ্বরের মহান লক্ষ্যের প্রতি দৃষ্টিপাত করিয়া নিঃশঙ্ক হও। তাঁর নদী যেমন ব্যাঘাত পাইলে পর্ব্বত প্রান্তর ভেদ করিয়া প্রবাহিত হয়, তাঁর সূর্য্য যেমন সূচী-ভেদ্য অন্ধকার ভেদ করিয়া উদিত হয়; তেমনি তাঁর ধর্ম্ম-শ্রোত সকল বাধা বিঘ্ন অতিক্রম করিয়া চির দিনই প্রবাহিত হইতেছে—তাঁর সত্য-সকল অ-ব্যাহত থাকিয়া নিবিড় অন্ধকার ভেদ করিয়াও দীপ্তি পাইতেছে। তিনি ধর্ম্মের জয়, সত্যের জয়, চির দিনই বিধান করিতেছেন। “সত্যমেব জয়তে নানৃতং।”

হে পরমানন্দ! তোমার শরণাগত হইতেছি—তুমি আমারদের জ্ঞান ধর্ম্মকে উন্নত কর, আমারদের অনুরাগকে তোমার প্রতি আকর্ষণ কর, তোমার বিশুদ্ধ প্রেমে আমারদের হৃদয়কে পবিত্র কর। এই পৃথিবীতে সত্যের জয় হউক, মঙ্গলের জয় হউক, ব্রাহ্ম-ধর্ম্মের জয় হউক—সকলেই এক মন হইয়া তোমার আরাধনাতে নিযুক্ত থাকুক।

ওঁ একমেবাদ্বিতীয়ং।”

অনন্তর শ্রীযুক্ত অযোধ্যানাথ পার্শ্বাশী মহাশয় এই বক্তৃতা করিলেন।

“দিবসের পর দিবস, মাসের পর মাস, বর্ষের পর বর্ষ যেমন ক্রমে ক্রমে অতিক্রান্ত হইতেছে; সেই রূপ এক সোপান হইতে সোপানান্তরে আরোহণ করিয়া দিন দিন অগ্রসর হইতে হইবে। মৃত্তিকা ও প্রস্তর স্তম্ভ হইয়াই থাকুক; বৃক্ষ ও লতা এক স্থানেই অবস্থান করুক; পশু ও পক্ষী পৃথিবীতেই ঘূর্ণমাণ হউক; কেন না, তাহাই তাহাদের স্বভাব—কিন্তু মনুষ্য অন্যবিধ পদার্থ; মনুষ্যের প্রকৃতি অন্যবিধ; মনুষ্যের গতিও

অন্যবিধ হইবে। মনুষ্যের জীবন ঈশ্বরের প্রেমাম্পদ কর্ম-ভূমি ও আনন্দের বিহার-স্থান। মনুষ্যের মুখশ্রী যেমন সুন্দর, মনো-হর ও প্রীতিকর; প্রভাতের সূর্য্যও সেরূপ মনোহর নহে, বসন্তের পুষ্পও সেরূপ কাঙ্ক্ষিত-যুক্ত নহে, শরতের চন্দ্রও সেরূপ সুন্দর নহে। যে সৃষ্টিকায় সমুদায় জগৎ নির্মিত হইয়াছে, মনুষ্যের শরীরে সেই সৃষ্টিকাই দেখিতে পাওয়া যায়; কিন্তু সেই শরীর ভেদ করিয়া যে জ্যোতি বিনির্গত হইতেছে, তাহা আর কোন পদার্থে দৃষ্টি-গোচর হয় না। মনুষ্যের মুখশ্রীতে যে মহত্বের চিহ্ন-সকল প্রকটিত হইয়া আছে, তাহাই মনুষ্যকে পৃথিবীর সমুদায় পদার্থ হইতে পৃথক্ করিয়া দিতেছে। তিনি পৃথিবীর রাজা হইয়া জন্ম গ্রহণ করিয়াছেন; সমস্ত পৃথিবী তাঁহার পরিচারণা করিতেছে—তথাপি তাঁহার তৃপ্তি নাই। তাঁহার উন্নত আশার নিকট পৃথিবীর সমুদায় পদার্থ অতীব ক্ষুদ্র বোধ হয়! সেই উন্নত আশাই তাঁহার মহত্বের প্রধান চিহ্ন; সেই তৃপ্তির অভাবই তাঁহার ভবিষ্যৎ উন্নতির পূর্ব লক্ষণ; বর্তমান অবস্থা অতিক্রম করিবার জন্য তাঁহার যে ব্যগ্রতা, তাহাই তাঁহার অলৌকিক জীবনের চিহ্ন; ক্রমে ক্রমে অগ্রসর হওয়াই তাঁহার স্বাভাবিক গতি। তিনি এ রূপ উন্নতিশীল প্রকৃতি লইয়া জন্ম গ্রহণ করিয়াছেন যে, তাঁহার সংসর্গে নির্জীব পৃথিবীও দিন দিন উন্নত বেশে অলংকৃত হইতেছে।

মনুষ্যের গতি কেন এ প্রকার হইল? পূর্ণ স্বরূপ পরমেশ্বর জীবনের আদর্শ হইয়া প্রতি মনুষ্যের অন্তরে বিরাজমান আছেন। মনুষ্য জানিয়াই হউক, আর না জানিয়াই হউক, সেই আদর্শের সহিত আপনার জীবনের মিল করিবার জন্য ব্যস্ত হইয়া পরিভ্রমণ করিতেছে। এক বার পৃথিবীর পৃষ্ঠোপরি

সমুদায় লোকালয় চিন্তা করিয়া দেখ, কেহই নিশ্চিন্ত নাই, কেহই নিষ্কর্মা নাই; সকলেই ব্যস্ত, সকলেই ধাবমান। সত্রাটের প্রাসাদ, কুশকের শস্য ক্ষেত্র, ছাত্রের বিদ্যালয়, পণ্ডিতের পুস্তকাগার, বণিকের বিপণি ও শিপীর শিপশালা অনুসন্ধান কর, সকলেই সেই হৃদয়গত আদর্শে উৎসাহ করিবার জন্য ব্যস্ত হইয়া আছেন। মধুমক্ষিকা জগতের কি উপকার করিতেছে, না জানিয়াই যেমন মধুচক্র নির্মাণ ও মধু সঞ্চয় করে; সেই রূপ অনেকে কোথায় যাইতেছি এবং কোন্ পথে যাইতেছি, তাহা না জানিয়াই ধাবমান হইতেছে। তাহারা লক্ষ্যের প্রতি দৃষ্টিপাত করে নাই, কেবল হৃদয়ের ব্যাকুলতা অনুভব করিতেছে এবং ধন মান ইন্দ্রিয় সুখ প্রভৃতি পার্থিব উপকরণ সকল আহরণ করিয়া সেই ব্যাকুলতা শান্তি করিবার চেষ্টা পাইতেছে। দীন হীন পৃথিবীর কি সাধ্য যে সেই গভীর ব্যাকুলতা পরিতৃপ্ত করিতে পারে? পৃথিবীর অতুল ঈশ্বর্য্য, প্রভূত সুখ সমৃদ্ধি, অসুলভ ভোগ সামগ্রী একটি আশ্রয়ও সেই গভীর ব্যাকুলতাকে পর্যাপ্ত হয় না। যখন সেই পূর্ণ আদর্শ হৃদয়কে ব্যাকুলিত করে, তখন দরিদ্র পর্ণ কুটীর ও সত্রাট সিংহাসন সমভাবে পরিত্যাগ করেন। তখন বিদ্বান ও মুর্থ সমভাবে ক্রন্দন করিয়া উঠেন। তখন পুরুষ ও স্ত্রী সমভাবে আর্জনাৎ করেন। সেই আদর্শের আকর্ষণ এমনি প্রবল যে, তাহার নিকটে পৃথিবীর সমুদায় আকর্ষণ ছিন্ন হইয়া যায়—এবং সেই আদর্শের অনুরোধ এমনি প্রবল যে, তাহার জন্য সমুদায় সংসারই সুন্দর হইয়া উঠে। তাহার আকর্ষণে পিতা পুত্রকে ও পুত্র পিতাকে পরিত্যাগ করিতে পারেন। তাহার আকর্ষণে স্বামী পত্নীকে ও পত্নী স্বামীকে পরিত্যাগ করিতে পারেন। তাহার আকর্ষণে

পৃথিবীর সমুদায় বস্তুতা বিচ্ছিন্ন হইয়া যায়; পৃথিবীর সমুদায় অনুরোধ শিথিল হইয়া গড়ে—এবং তাহারই অনুরোধে পিতা পুত্রকে স্নেহ করেন ও পুত্র পিতাকে ভক্তি করেন। তাহারই অনুরোধে জায়া পত্নী পরস্পরে প্রেম বন্ধন করেন। তাহারই অনুরোধে সমুদায় সংসার প্রণয় ভাজন হয়। সেই আদর্শের আভাস পাইয়াই বিজ্ঞানবিৎ বিজ্ঞান-শাস্ত্রে নিমগ্ন থাকেন। প্রভাতের সূর্য্যো, শরতের চন্দ্রে ও বসন্তের পুষ্পে সেই আদর্শের আভাস পাইয়াই কবি তাহাতে আসক্ত হন। জ্ঞানবান্ গুরু, ন্যায়বান্ রাজা, পরহিতৈষী দয়ালু ও ধর্ম পরায়ণ সাধু সেই আদর্শের আভাস ধারণ করেন বলিয়াই লোকের হৃদয় আকর্ষণ করেন। যখন দেখি, মনুষ্য সত্য হইতে ভ্রষ্ট হইয়া মিথ্যার সহিত প্রণয় বন্ধন করিতেছে, সাধুতা ও তদ্রতা পরিত্যাগ করিয়া শ্রীভ্রষ্ট হইতেছে, স্বার্থ পিশাচের চরণ পূজাতে ন্যায় সত্য দয়া ধর্ম বলিদান দিতেছে; তখন হৃদয় কেন ক্লক হইয়া উঠে? ইহার এই মাত্র কারণ যে, অন্তরে যে উন্নত আদর্শ নিহিত হইয়া আছে, তাহার সহিত মিল দেখিতে পাই না।

জড় জগৎ ও পশু প্রকৃতি ঈশ্বরের শক্তি হইতে প্রবাহিত হইয়াও তাঁহাকে গ্রহণ করিতে পারিল না। তিনি মনুষ্যকে সৃষ্টি করিলেন আর মনুষ্য তাহার পূর্ণ সৌন্দর্য্যের আভাস পাইয়া অমনি প্রণত হইল ও তাঁহার আরাধনা করিতে লাগিল। তিনি আদর্শ হইয়া মনুষ্যের জীবনকে নিয়মিত করিতে লাগিলেন। মনুষ্য যখন সেই আদর্শে দৃষ্টিপাত করে, তখনই আপনার ক্ষুদ্রতা অনুভব করিয়া উন্নতির জন্য ব্যাকুল হয়। ইহারই আকর্ষণে পৃথিবীর মুখশ্রী দিন দিন উজ্জ্বল হইতেছে এবং প্রত্যেক মনুষ্য পূর্ণতার দিকে অগ্রসর হইতেছে। ইহারই

প্রবর্তনায় পৃথিবীতে বিজ্ঞান ও শিল্প উন্নত হইবে, ন্যায় ও প্রেম বিস্তারিত হইবে, সভ্যতা ও স্বাধীনতা প্রসারিত হইবে এবং ইহারই প্রবর্তনায় প্রতি আত্মা জ্ঞান ও ধর্মে ভূষিত, প্রেম ও দয়াতে বর্দ্ধিত এবং পাপ তাপ হইতে মুক্ত হইয়া দিব্য ধামের উপযুক্ত হইবে।

নিভৃত ভাবে আত্মাকে জিজ্ঞাসা করিয়া দেখ, আত্মা সেই তাঁহারই সঙ্গে মিলিত হইবার জন্য ব্যাকুল হইয়া আছে। যখন আমরা ইন্দ্রিয় ও প্রবৃত্তির সেবাতেই সর্বান্তঃকরণে নিযুক্ত হইয়া থাকি, তখন আত্মা বিস্মৃত হইয়া সংসার শ্রোতেই মজ্জমান হই; কিন্তু তাহা হইতে অবসৃত হইলেই দেখিতে পাই, আত্মার জ্ঞান ভূষণ, প্রেম পিপাসা তাঁহারই জন্য প্রজ্বলিত হইতেছে এবং তাঁহারই উপর সম্পূর্ণ নির্ভর করিয়া সে জীবন ধারণ করিতেছে। যত ক্ষণ সেই সত্য-স্বরূপে উপনীত না হই, তত ক্ষণ জ্ঞান ভূষণ পরিতৃপ্তি হয় না; সমুদায়ই প্রহেলিকার ন্যায় ভ্রবোধ হইয়া থাকে। আমি জানিলাম যে, এই সকল জড় পরস্পর মিলিত হইয়া ব্রহ্মাণ্ডের আকার ধারণ করিয়াছে, কিন্তু কোথা হইতে এই সমুদায় বস্তু শূন্য আকাশকে পরিপূর্ণ করিল, এ জিজ্ঞাসা আর কিছুতেই নিবৃত্ত হয় না। আমি জানিলাম যে এই নির্জীব জড় হইতেই বৃক্ষ লতা সস্তুপন্ন হইয়াছে, কিন্তু কোথা হইতে তাহার মধ্যে প্রাণ সঞ্চার হইল, ইহা কে বুঝাইতে সমর্থ হয়? আমি জানিলাম যে পৃথিবী হইতেই পশু পক্ষী জন্ম গ্রহণ করিয়াছে; কিন্তু কোথা হইতে তাহাদের মধ্যে মন উৎপন্ন হইল, কার সাধ্য এ প্রশ্নের সিদ্ধান্ত করেন? কি প্রকার উপাদানে পৃথিবীর ভূষণ স্বরূপ মনুষ্য বিনির্মিত হইলেন? তাঁহার জ্ঞান স্মৃতি কল্পনা, প্রেম ভক্তি দয়া, আশা ও কামনা কোথা হইতে

উৎপন্ন হইল। কে তাঁহার প্রকৃতিকে উন্নতি-শীল করিয়া দিলেন? তাঁহার মুখশ্রীতে মহত্ত্বের চিহ্ন সকল কোথা হইতে আবির্ভূত হইল? মর্ত্য লোকে অবস্থান করিয়া কেন মনুষ্য অমৃতের জন্য উৎকণ্ঠিত হন? কেন তিনি আপনার সুখ ভোগ সংকুচিত করিয়া অন্যের সুখ বর্দ্ধন করিতে যান? কেন তিনি ছুর্ভিসহ ক্লেস রাশি সহ করিয়াও ধর্ম সাধনে অগ্রসর হন? ঈশ্বরকে না পাইলে কে এই জ্ঞান পিপাসার শান্তি পূর্ণ করিতে পারে? কে বা এই সকল জিজ্ঞাসা একেবারে রুদ্ধ করিতে পারে? ইহার জন্য আত্মা স্বভাবতই ঈশ্বরের দিকে প্রধাবিত হয়। হৃদয়কে জিজ্ঞাসা কর, সে কোন্ প্রেম-সুখা পান করিবার নিমিত্ত লালায়িত হইয়া পরিভ্রমণ করিতেছে? সংসার কি তাহার প্রেম পিপাসা পূর্ণ করিতে পারে? সংসারের প্রেম ও বন্ধুতার মধ্যে সাংঘাতিক আঘাত-রিত লুকায়িত হইয়া থাকে। তুগি যদি সংসারের নিকট প্রেম ও বন্ধুতা চাও, অগ্রে তাহার আঘাতরিতার তুষ্টি সাধন কর; তবে তাহার নিকট শরতের মেঘ তুল্য ছিন্ন ভিন্ন ও অব্যবস্থিত প্রেমের বিন্দু মাত্র লাভ করিতে পারিবে। হায়! হৃদয় কি এই রূপ প্রেমের প্রত্যাশায় ঘূর্ণমান হইতেছে? কখনই না—সে নিভৃত হইয়াই ঈশ্বরের প্রেম ভিক্ষা করিতেছে এবং সেই প্রেম শিক্ষা করিবার জন্যই এখান হইতে প্রস্তুত হইতেছে। সমুদায় আত্মাকে জিজ্ঞাসা কর, সে কাহার দয়ার উপর নির্ভর করিয়া জীবন ধারণ করিতেছে। রোগীর রোগ যন্ত্রণা, দরিদ্রের অভাব ও গৌকাতুরের হৃদয় জ্বালা শত গুণ বর্দ্ধিত হইত, যদি সেই দয়া অন্তরে সান্ত্বনা প্রদান না করিত। অকৃত্রিম বন্ধু, অকৃত্রিম মন্ত্রী, অকৃত্রিম হিতৈষী জনক জননী যখন জন্মের মত বিদায় গ্রহণ করেন; তখন

পুত্র কোন্ দয়ার উপর নির্ভর করিয়া সংসারে অবগাহন করেন? জনক জননী স্নেহের পুত্তলিকাগণকে কোন্ দয়ার উপর সমর্পণ করিয়া পরলোক যাত্রা করেন? স্বামী মৃত্যু কালে কোন্ দয়ার উপর আপনার পতি-ব্রতের তার্পণ করিয়া যান? পতিব্রতা তাঁহার প্রতিমাকে বিসর্জন দিয়া কোন্ দয়ার উপর আত্ম-সমর্পণ করিয়া শ্মশান হইতে পুনরায় গৃহে গমন করেন। যখন চতুর্দিক বিপৎসাগরে উচ্ছলিত হয়, যখন বন্ধুবান্ধব অসাধ্য ভাবিয়া প্রস্থান করেন, যখন সংসারের সাহায্যে আর কোন প্রত্যাশা থাকে না, তখন মনুষ্য কোন্ দয়ার উপরে সতৃষ্ণ নয়নে দৃষ্টিপাত করেন? যখন পাপী আপন-নার জঘন্য অবস্থা বুঝিতে পারে, যখন আত্মকৃত পাপাচার স্মরণ করিয়া নরক যন্ত্রণায় অস্থির হইতে থাকে, যখন মর্ত্য লোক আর সান্ত্বনা দিতে পারে না; তখন কোন্ দয়া তাহাকে আশা দান করিয়া জীবিত রাখিতে পারে? আর তাঁহার দয়ার কথা কি বলিতেছি! জীবনের একটি নিমেষও তাঁহার দয়া ব্যতীত অতিবাহিত হয় না। পরোপকারী দয়ালু, শিষ্য-বৎসল আচার্য্য, ভৃত্য-বৎসল প্রভু, সুনিপুণ চিকিৎসক, ন্যায়বান্ রাজা, সেই আদর্শ হইতেই শিক্ষা লাভ করিয়া, সেই দয়াময়ের প্রতিনিধি হইয়া, সকলের ছুঁখ মোচনে নিযুক্ত হইয়া আছেন।

সেই সত্য-স্বরূপ মঙ্গল-স্বরূপ পূর্ণ পুরুষ রূপা করিয়া মনুষ্যের সম্মুখে আপনাকে প্রকাশ করিয়া রাখিয়াছেন। মনুষ্যের প্রকৃতি বল পূর্বক মনুষ্যকে তাঁহারই দিকে লইয়া যাইতেছে। তিনিই জগতের স্রষ্টা ও পাতা, তিনিই মনুষ্যের পিতা মাতা ও সৌভাগ্যের বিধাতা। তাঁহার প্রেমই আমাদের উপজীবিকা। তাঁহার করুণাই আমা-

দের শোকানলের শান্তি বারি। তিনিই এই সংসার মরুভূমির একমাত্র ছায়া। তাঁহাকে জানাই জ্ঞান শিক্ষার পরিসমাপ্তি। তাঁহাকে প্রীতি করাই সাধু ভাবের পরাকাষ্ঠা। তাঁহার আজ্ঞা প্রতিপালন করাই একমাত্র ধর্ম। তাঁহার অনন্ত জ্ঞানই আমাদের জ্ঞান শিক্ষার আদর্শ; তাঁহার মঙ্গল ভাবই আমাদের সাধুতা লাভের আদর্শ; তাঁহার ইচ্ছাই আমাদের ধর্মানুষ্ঠানের আদর্শ। তাঁহার মুক্ত ভাবই আমাদের মুক্তি লাভের আদর্শ। তাঁহার শুদ্ধ অপাপবিন্দু স্বরূপ আমাদের পবিত্রতার আদর্শ। তিনি আমাদের জীবনের অনুকরণীয় সম্পূর্ণ আদর্শ। তাঁহারই অভিমুখে গমন করিবার নিমিত্ত মনুষ্য-সমাজ ব্যাকুল হইয়া পরিভ্রমণ করিতেছে।

এই পূর্ণ আদর্শে উত্থান করিবার জন্য মনুষ্য জাতি ক্রমাগত প্রস্তুত হইতেছে; এবং পরিণামে প্রত্যেক মনুষ্যই এই লক্ষ্য স্থানে উত্তীর্ণ হইবে। পর্ত হইতে নদী-সকল পৃথিবী পৃষ্ঠে পতিত হইয়া যতই ঘূর্ণমান হউক, পরিশেষে সমুদ্র ব্যতীত সে আর কোথায় বিশ্রাম পাইবে? মনুষ্যের জীবন-স্রোত সরল পথ পরিত্যাগ করিয়া ইতস্তত যতই পর্যটন করুক, পরিণামে সেই পূর্ণ জীবনের সমুদ্রেই তাহার শেষ গতি হইবে—তাহার সন্দেহ নাই। কিন্তু সেই সৌভাগ্যের দিন আপনা হইতে কখনই উপস্থিত হইবে না; আমারদিগকেই ক্রমে ক্রমে অগ্রসর হইয়া সেই সৌভাগ্য উপার্জন করিতে হইবে। যদি অবহেলা করি, অবশ্যই তাহার প্রতিফল ভোগ করিতে হইবে। এখন যিনি অন্ধকারে নিমগ্ন হইয়া নিশ্চিন্ত আছেন; তিনি জ্যোতির জন্য ব্যাকুলিত হইবেন। যিনি অজ্ঞানের পরিচারণায় নিযুক্ত আছেন, তিনি জ্ঞানের জন্য আর্তনাদ করিবেন। যিনি

ইচ্ছা পূর্বক প্রবৃত্তির দাসত্ব শৃংখল পরিধান করিয়া আছেন, সেই শৃংখল তদ করিবার নিমিত্ত তাঁহাকে রোদন করিতে হইবে। যে স্বেচ্ছাচার সুখের আলয় বলিয়া বোধ হইতেছে, তাহাই যন্ত্রণার নিদান হইয়া উঠিবে। যে পাপাচার সুমিষ্ট বলিয়া সেবিত হইতেছে, তাহাই গরল তুল্য হইয়া হৃদয়কে দধ্ব করিতে থাকিবে। যে মিথ্যা ও অন্যায় জীবনের অবলম্বন বলিয়া প্রণয়-ভাজন হইয়াছে, তাহাই বিনাশের হেতু হইয়া উঠিবে। প্রবৃত্তির সেবা এখন যতই সুস্বাদু হউক, স্বেচ্ছাচার এখন যতই মিষ্ট লাগুক, অজ্ঞান এখন যতই সান্ত্বনা দিউক, মিথ্যা এখন লজ্জা ও সন্ত্রমকে যতই রক্ষা করুক, অন্যায়-চরণ এখন যতই সুখের হউক, এক পলকে সকলই বিপর্যস্ত হইবে। তখন দেখিবে, সেই সত্য ব্যতীত আর গতি নাই, সেই প্রেম ব্যতীত আর পথ নাই, সেই ধর্ম ব্যতীত আর উপায় নাই; সেই ঈশ্বর ব্যতীত আর ভরসা নাই।

ওঁ একমেবাদ্বিতীয়ং।"

পরিশেষে নিম্ন-লিখিত কয়েকটি ব্রহ্ম-সঙ্গীত গীত হইয়া সমাজ ভঙ্গ হইল।

সঙ্গীত।

রাগিণী কেদারা—তাল চৌতাল।

বহিছে রূপা-পবন তোমার, যার হিল্লোলে
ছুখ পলায়, সুখ-সাগরে তরঙ্গ উঠে।
মন্দ মন্দ বরিষে অমৃত, যাতনা অপহৃত,
প্রেম-কুসুম ফুটে।
সেবিয়ে করুণা-বাত, সুখেতে নিশা প্রভাত,
মুক্ত হইয়ে মন-উৎস ছুটে।
কেবলি তাঁরি গুণে জীবন ধরো আছি,
নহিলে হৃদয় টুটে।

রাগিনী শাহানা—ভাল আড়াঠকা।
কেমনে কহিব, কি সুধাময় শোভা হেরিনু
হৃদয়-ছয়ার খুলিয়ে।
অপরূপ অরূপ, নাহি যে তুলনা, কি বলিব,
কি সুধাময় শোভা হেরিনু হৃদয়-ছয়ার
খুলিয়ে।
চুলভ দরশন লাভ হলো জীবনে, ধন্যরে
তঁার করুণা, ধন্যরে, কি সুখে হেরিনু হৃদয়-
ছয়ার খুলিয়ে।

রাগিনী খায়াজ—ভাল ধামার।

সেই প্রেম-ছবি সুধার সার। হৃদি জাগিছে
শত শত বার।
না শোভে চপলা, রবি ইন্দু কলা, লুকালো
কোথা তারা সবে, সব শোভা তাঁর।
হৃদ-কমল-দল-রাজি-আসন বিছায়িছে, এ-
সহে।
চিত্ত-বিহঙ্গ গায় চারু হেরি দিন, কোথা আর
রজনীর আঁধার।

রাগিনী ঝাঁজিট—ভাল চুংরি।

গাওরে জগপতি জগবন্দন।
ব্রহ্ম সনাতন পাতক-নাশন।
এক দেব ত্রিভুবন-পরিপালক।
রূপা-সিন্ধু সুন্দর ভব-নায়ক।
সেবক-মনোমদ মঙ্গল-দাতা।
বিদ্যা-সম্পদ-বুদ্ধি-বিধাতা।
মাচে চরণ-ভক্ত কর-যোড়ে।
বিতর প্রেম-সুখা চিত্ত-চকোরে।

তত্ত্ববিদ্যা।

সাপন-প্রকরণ।

চিত্তা স্পৃহা এবং যত্ন এই যে তিনটি
সাধনাদি, ইহার মধ্যে চিত্তার গতি বিষয়-গত
আবির্ভাব হইতে আত্ম-গত ভাবের দিকে,

যত্নের গতি আত্ম-গত ভাব হইতে বিষয়-
গত আবির্ভাবের দিকে, এবং স্পৃহার গতি
উভয়ের মধ্যে সন্ধি স্থাপনের দিকে। ৯।

পূর্বে প্রদর্শিত হইয়াছে, সুতরাং এ-
খানে বলা পুনরুক্তি মাত্র যে, শুদ্ধ কেবল
আবির্ভাব মাত্র-টিতে আমারদের চিন্তা স্ব-
গিত থাকিতে পারে না, আবির্ভাব উপলক্ষ্য
মাত্র, ভাবই চিন্তার প্রকৃত লক্ষ্য। এখানে
অধিকন্তু বক্তব্য এই যে, চিন্তা যেমন আবি-
র্ভাবের মধ্যে ভাবের অন্বেষণ করে, যত্ন সেই
রূপ ভাব হইতে আবির্ভাব কল্পনা করে;
ইহার একটি উপাহরণ দেখান যাইতেছে,
তাহা হইলে আর প্রমাণের প্রয়োজন থা-
কিবে না। একটা অট্টালিকা দৃষ্ট হইলে,
তাহা যে কি ভাবে রচিত হইয়াছে, তাহার
অন্বেষণ-কার্যে চিন্তারই কেবল অধিকার;
কিন্তু সেই ভাবানুসারে একটা অট্টালিকা
নির্মাণ করিতে হইলে, তাহা যত্ন-ভিন্ন চিন্তাতে
করিয়া কদাপি নিষ্পন্ন হইতে পারে না।
যথা;—কোন অট্টালিকার স্তম্ভ-শ্রেণী দৃষ্টি-
গোচর হইলে, চিন্তা তাহাদের মধ্যে সমতা-র
ভাব উপলব্ধি করে, এবং কোন অট্টালিকা
নির্মাণ কালীন যত্ন সেই সাম্যভাবানুসারে
স্তম্ভ-শ্রেণী সংস্থাপন করে। এই রূপ দেখা
যাইতেছে যে চিন্তার গতি বিষয়-গত আবি-
র্ভাব হইতে আত্মগত ভাবের দিকে, এবং
যত্নের গতি আত্মগত ভাব হইতে বিষয়-গত
আবির্ভাবের দিকে। এই রূপ, চিন্তা এবং
যত্ন, এ দুই ব্যাপার যদিও পরস্পরের বিপ-
রীত প্রণালীতে সম্পন্ন হইয়া থাকে, তথাপি
উভয়ের মধ্যে এ রূপ ঘনিষ্ঠ সম্বন্ধ যে চিন্তা
ব্যতিরেকে যত্ন সম্পন্ন হইতে পারে না এবং
যত্ন ব্যতিরেকেও চিন্তা সম্পন্ন হইতে পারে
না; যেমন গতি, বাধার বিপরীত পক্ষ
হইলেও, জড়-পিণ্ডগত বাধার সঙ্গ ছাড়িয়া
থাকিতে পারে না, সেই রূপ চিন্তা, যত্নের

বিপরীত পক্ষ হইলেও, যত্নের সঙ্গ ছাড়িয়া
তিলান্ধকালও থাকিতে পারে না।

অতঃপর বক্তব্য এই যে, স্পৃহার গতি
উভয়ের মধ্যে সন্ধি সংস্থাপনের দিকে।
চিত্তার আতিশয্য হইলে, স্পৃহা যত্নের দিকে
ভর দেয়, এবং যত্নের আতিশয্য হইলে
চিত্তার দিকে ভর দেয়, এই রূপে উভয়
পক্ষের সামঞ্জস্য রক্ষা করে; যেমন নিশ্বাসের
আতিশয্য হইলে প্রশ্বাসের দিকে এবং
প্রশ্বাসের আতিশয্য হইলে নিশ্বাসের দিকে,
অথবা বিশ্রামের আতিশয্য হইলে ব্যায়ামের
দিকে এবং ব্যায়ামের আতিশয্য হইলে বি-
শ্রামের দিকে, স্পৃহা সহজে ধাবিত হয়,—
সেই রূপ। চিন্তা, ভাবকে আবির্ভাব হইতে
পৃথক্ করে; যত্ন, আবির্ভাবকে ভাব হইতে
পৃথক্ করে; কিন্তু স্পৃহা, ভাব এবং আবি-
র্ভাব ছয়ের মধ্যে কোন ব্যবধান রাখে না;
যথা;—অন্তঃকরণের আনন্দ এবং বদনের
প্রফুল্লতা অথবা অন্তঃকরণের দুঃখ এবং
নয়নের অশ্রু, এই প্রকার ভাব এবং আবি-
র্ভাবের মধ্যে যে এক স্পৃহার স্রোত যাতা-
য়াত করিতে থাকে, তাহার পথে ব্যবধান
নিষ্ফেপ করা সহজ নহে।

পুনশ্চ, যত্ন সহকারে আত্মগত ভাব
হইতে বিষয়-গত আবির্ভাব কল্পনা করিতে
হইলে যে হেতু উদ্যমের পথ অবলম্বন
করিবার প্রয়োজন হয়, এই হেতু চিন্তা
সহকারে সেই কল্পিত আবির্ভাব হইতে
ভাবে পুত্যাবর্তন করিতে হইলে, উদ্যমের
বিপরীত পথ, শান্তির পথ, অবলম্বন করা
আবশ্যক হয়;—উদ্যমের পথে যেমন যত্ন
ক্ষুতি পায়, শান্তির পথে সেই রূপ চিন্তা
ক্ষুতি পায়। আমরা উদ্যম অবলম্বন করি-
লেই ভাব হইতে আবির্ভাবের দিকে অবনত
হই, এবং পুশান্তি অবলম্বন করিলেই আবি-
র্ভাব হইতে ভাবের দিকে আকৃষ্ট হই। অতঃ-

পর ইহা বলা বাজ্জল্য যে, পুশান্তি এবং
উদ্যম উভয়ের মধ্যবর্তী সহজ ভাব অবলম্বন
করিলেই আমরা ভাব এবং আবির্ভাব উভয়
কুলের মধ্যস্থলে অবস্থিতি করি। আমাদের
স্পৃহা কি চায়?—এত শান্তি নহে যে, তদ্ব-
শাৎ সকলই পুরাতন থাকিয়া যায়! এবং
এত উদ্যম ও নহে যে, তদ্বশাৎ সকলই নূতন
হইয়া উঠে! পরন্তু অব্যবহিত সোপান
পদ্ধতি ক্রমে পুরাতন হইতে নূতনে উত্থান
করিতে হইলে, তাহারই জন্য যত টুকু শান্তি
এবং যত টুকু উদ্যম আবশ্যক হয়, তাহাই
স্পৃহনীয়।

মনঃ কল্পিত আবির্ভাবের সম্বন্ধে যে রূপ
—জীবাত্মা, জগৎ রূপ আবির্ভাবের সম্বন্ধে
অনন্তগুণে সেই রূপ পরমাত্মা; এবং আত্মার
সম্বন্ধে যে রূপ মনঃ কল্পিত বিষয়, পরমা-
ত্মার সম্বন্ধে সেই রূপ জগৎ; ইত্যাদি সূত্রে
পরমাত্মার অপরিমিত জ্ঞান আনন্দ এবং
মঙ্গল ভাবের পরিচয় যাহা আমরা সহজে
প্রাপ্ত হই, তাহাই আমাদের যৎপরোনাস্তি
শিরোধার্য্য। ২।

ভাব এবং আবির্ভাব উভয়ের মধ্যে যে
রূপ সম্বন্ধ, তাহা আমারদের জীবাত্মাতে
পরিমিত রূপে অনুভূত হইয়া থাকে; যথা—
ভাব এক, আবির্ভাব অনেক; ভাব বস্তু,
আবির্ভাব গুণ; ভাব কারণ, আবির্ভাব কার্য্য;
এই প্রকার সম্বন্ধ প্রতি আত্মাতেই স্থূল রূপে
অনুভূত হয়। কিন্তু কার্য্য কারণ প্রভৃতি উক্ত
সম্বন্ধ-সকলের এ রূপ ব্যাপক ভাব যে,
“আমাতেই আছে অন্য কোথাও নাই” উহা-
রদের সম্বন্ধে এ রূপ কথা বলিতে কেহই অধি-
কারী নহে; যেহেতু কার্য্য-কারণাদি সম্বন্ধ-
সকল জগতের সর্বত্রই অবশ্য-রূপে বদ্ধমূল
রহিয়াছে। মনঃকল্পনার সম্বন্ধে জীবাত্মা
যে রূপ—কারণ, রূপ-রসাদির সম্বন্ধে বহি-

ব্রহ্মই সেই রূপ, এবং জগতের সম্বন্ধে পরমাশ্রয়ী অনন্ত-গুণে সেই রূপ; এই রূপে কার্য-কারণাদি সম্বন্ধ-সকল যাহা আমারদের জীবাত্মাতে আপাততঃ স্থূল-রূপে অনুভূত হয়, তাহার অসীম বিস্তার এবং গভীরতা পরমাশ্রয়ী সাক্ষ্য না দিয়া ক্ষান্ত থাকিতে পারে না। “জগতের সম্বন্ধে পরমাশ্রয়ী”—এ রূপ বলাতে আশ্রয়ী সম্বন্ধেই পরমাশ্রয়ীকে বুঝায়, যেহেতু আশ্রয়ী জগতের নখ-দর্পণ স্বরূপ। বন, উপবন, গিরি, নদী, গ্রহ, নক্ষত্র, ইহারদের কোনটিকেই জগৎ বলিতে পারা যায় না, পরন্তু সকলের সমষ্টিকেই কথঞ্চিৎ রূপে জগৎ বলা গিয়া থাকে। কিন্তু উক্ত সকল বস্তুর সমষ্টিকেই বা কি রূপে জগৎ বলা যাইবে? কেন না জগৎ শব্দের অর্থ এক মুহূর্ত্তেই আমাদের বোধগম্য হয়, কিন্তু সকল বস্তুর সমষ্টি করিতে গেলে বহুকালেও তাহার সমাপ্তি হইতে পারে না। অতএব সকল বস্তুর সমষ্টি ভিন্ন, জগৎ শব্দ বলাতে, আরো কিছু বুঝায়। যত পদার্থ আছে এবং হইতে পারে, এক মাত্র চেতন পদার্থই সকলের প্রতিনিধি স্বরূপ; কেন না যে কোন বস্তু যাহার নিকটে প্রকাশ পায়, আশ্রয়ী যোগেই তাহা প্রকাশ পাইয়া থাকে। আশ্রয়ীকে যদি আমরা আয়ত্ত করিতে পারি, তাহা হইলে পাকত সমুদায় জগৎকেই আয়ত্ত করিতে পারি; কেন না কি গিরি কি নদী কি বন কি উপবন কি চন্দ্র কি সূর্য্য কি আকাশ কি কাল, সকলেরই তাব আশ্রয়ী আপনাতে ধারণ করে;—সকলের তাব যদি আপনাতে ধারণ না করিবে, তবে উহা কি রূপে, গিরির সহিত গিরি রূপে, নদীর সহিত নদী রূপে, সকলেরই সহিত সকল রূপে যোগ দিতে সমর্থ হইবে। এই রূপ যদি ভূত ভবিষ্যৎ বর্তমান সকল সৃষ্টি বস্তুর সমষ্টিতে জগৎ বলা যায়, তবে জগৎ

বলিলে আশ্রয়ীকে বুঝাইবার কোন বাধা নাই, কেন না আশ্রয়ী জগতের প্রতিনিধি স্বরূপ, আশ্রয়ী ক্ষুদ্র জগৎ। পূর্বে বলা হইয়াছে যে, মনঃ-কম্পনার সম্বন্ধে জীবাত্মা যে রূপ, রূপ-রসাদির সম্বন্ধে বহির্বিষয় সেই রূপ, এবং জগতের সম্বন্ধে পরমাশ্রয়ী অনন্তগুণে সেই রূপ; ইহার শেষাংশের পরিবর্তে এক্ষণে যদি বলা যায় যে, আশ্রয়ী সম্বন্ধে পরমাশ্রয়ী অনন্তগুণে সেই রূপ, তবে কেবল বাস্তব মাত্রেরই পরিবর্তন হয়, অর্থের কিছুই পরিবর্তন হয় না।

“আমি” বলিলে যে আশ্রয়ীকে বুঝায়, তাহাই জীবাত্মা। এই জীবাত্মা জড়-তাব দ্বারা ওত প্রোত;—জীবাত্মার চিন্তা সংশয় দ্বারা, স্পৃহা অভাব দ্বারা, যন্ত্র আলস্য দ্বারা ওত প্রোত। এই জড়তাবাপ্রিত জীবাত্মার মধ্য হইতে যে এক পবিত্র নিষ্কলঙ্ক আশ্রয়ী প্রকাশ পাইতেছেন, তিনিই পরমাশ্রয়ী। জীবাত্মা শরীরী, পরমাশ্রয়ী অশরীরী, জীবাত্মা অপূর্ণ-আশ্রয়ী, পরমাশ্রয়ী পূর্ণ আশ্রয়ী; জীবাত্মা জড়ময় আশ্রয়ী, পরমাশ্রয়ী অসঙ্গ নিলিঞ্চ কে-বলাশ্রয়ী। অসীম আকাশ মূলে না থাকিলে যেমন খণ্ড আকাশ থাকিতে পারে না, সেই রূপ পূর্ণ-আশ্রয়ী মূলে না থাকিলে অপূর্ণ-আশ্রয়ী থাকিতে পারে না, যে হেতু অপূর্ণ-আশ্রয়ী পূর্ণ আশ্রয়ীরই প্রতিকৃতি। যিনি এক মাত্র অদ্বিতীয়, পূর্ণ এবং মুক্ত, তাঁহারই প্রভাবে আমারদের এই পরিমিত আশ্রয়ী কতক পরিমাণে এক, সন্তাব-সম্পন্ন, এবং স্বাধীন হইয়া দীপ্তি পাইতেছে। পরমাশ্রয়ী যদি অদ্বিতীয় না হইতেন তবে জীবাত্মা কখন এক হইতে পারিত না, পরমাশ্রয়ী যদি পূর্ণ না হইতেন তবে জীবাত্মা কখন সন্তাব সম্পন্ন হইতে পারিত না, পরমাশ্রয়ী যদি মুক্ত না হইতেন তবে জীবাত্মা কখন স্বাধীন হইতে পারিত না। কিন্তু আমারদের এই পরিমিত

জীবাত্মার একত্ব, সন্তাব এবং স্বাধীনতা লইয়া আমরা কদাপি তৃপ্ত থাকিতে পারি না; পরমাশ্রয়ী যে অসীম একত্ব, অসীম সন্তাব, অসীম স্বাধীনতা, তাহারই আমরা ভিখারী। পরমাশ্রয়ী প্রতি আমারদের যৎকিঞ্চিৎ লক্ষ্য থাকিতেই আমারদের জীবাত্মার আশ্রয়, সেই লক্ষ্যকে হারাইলেই আমরা আশ্রয়ীকে হারাই, সেই লক্ষ্যকে পাইলেই আমরা আশ্রয়ীকে পাই। পরমাশ্রয়ী মূলে সর্বজ্ঞ হওয়াতে আমরা কতক সত্য জানিতেছি; তিনি মূলে পূর্ণ মঙ্গল স্বরূপ হওয়াতে আমরা কতক মঙ্গল অনুষ্ঠান করিতেছি; এবং তিনি মূলে পূর্ণা-নন্দে বিরাজ করিতেই আমরা সেই আনন্দের কণা মাত্র উপভোগ করিতেছি; পরমাশ্রয়ী সহিত আমারদের আশ্রয়ী এই রূপ বর্ণিষ্টি সম্বন্ধ। অতএব “আমরা আপনারা সত্য জানিতেছি, আপনারা সৎকার্য্য অনুষ্ঠান করিতেছি, আপনারা আশ্রয়ী প্রসাদ উপভোগ করিতেছি” ইহার সঙ্গে সঙ্গে জানা উচিত যে, মূলে পরমাশ্রয়ী সেই সত্য জানাতেই তাঁহারই প্রসাদে আমরা তাহা জানিতেছি, মূলে তিনি সেই সৎকার্য্য প্রবর্তিত করিতেই তাঁহারই প্রসাদে আমরা তাহা অনুষ্ঠান করিতেছি, এবং মূলে তিনি অপরিমিত আনন্দে বিরাজমান হওয়াতেই তাঁহারই প্রসাদে আমরা সকলে তাহার কণা মাত্র উপভোগ করিয়া সুখী হইতেছি। এই রূপ, আমারদের জড়ময় অপূর্ণ জীবাত্মার অভ্যন্তরে নিষ্কলঙ্ক ও পরিপূর্ণ আশ্রয়ী রূপে পরমাশ্রয়ী আপনাকে নিয়ত প্রকাশ করিতেছেন। আমারদের কর্তব্য যে বুধা কম্পনাতে প্রবৃত্ত না হইয়া তাঁহার সেই স্বপ্রকাশিত সত্যে দ্বিধা শূন্য অটল বিশ্বাস স্থাপন করি।

প্রথমতঃ আমারদের চিন্তা যত নির্বীত দীপের ন্যায় প্রশান্ত হয়, আমারদের সেই চিন্তার অভ্যন্তরে ততই স্পষ্ট রূপে কেবল-

মাত্র জ্ঞান স্বরূপ, অভ্রান্ত অতন্ত্রিত জ্ঞান—যে জ্ঞানে অন্য কোন সামগ্রী মিশ্রিত নাই, যে জ্ঞান পরম পরিশুদ্ধ, সেই অপরিমিত জ্ঞান স্বরূপ আবির্ভূত হন। সে জ্ঞান আকাশে বন্ধ নহেন, কালেতে বন্ধ নহেন, পঞ্চভূতে বন্ধ নহেন, দেহ মনেতেও বন্ধ নহেন, অথচ এক মাত্র তাঁহারি গুণে, আকাশ কাল পঞ্চভূত দেহ মন সমুদায়ই প্রকাশ পাইতেছে। সেই অতীন্দ্রিয় নিষ্কলঙ্ক স্বপ্রকাশ জ্ঞান কাষে কাষেই যৎপরানাস্তি সত্য রূপে শিরোধার্য্য; কেন না যিনি আপনি স্বপ্রকাশ এবং সমুদায়কেই প্রকাশ করিতেছেন, তাঁহার ন্যায় সত্য আর কে?

দ্বিতীয়তঃ আমারদের যত্ন যত অপরাধিত রূপে বাধা বিঘ্ন অতিক্রমণে উদ্যত হয়, ততই সেই যত্নের অভ্যন্তরে পরমাশ্রয়ীর অনলস মঙ্গল তাব এবং অমোঘ সাহায্য দীপ্তি পাইতে থাকে। অগ্রবর্তী সমর-প্রবৃত্ত সেমাগণের ছিন্ন ভিন্ন দলকে, সেনাপতি যেমন সময়ে সময়ে অনু-সমৃত সেনা-দল দ্বারা পরিপোষিত করে, সেই রূপ ঈশ্বরের অজস্র শুভ ইচ্ছা আমাদের সাধু ইচ্ছাতে সময়ে সময়ে নবোদ্যম স্কুরিত করিয়া তাহাকে অবসন্ন হইতে বারণ করে। বায়ুর আঘাতে দাবানল কখন নির্বাণ প্রাপ্ত হয় না, এতুত আরো বেগে প্রজ্বলিত হইয়া উঠে; সেই রূপ আমাদের সাধু ইচ্ছা বাহির হইতে যত কেন আঘাত প্রাপ্ত হউক না, তাহাতে সে ইচ্ছা নির্বাণিত হয় না, এতুত আরো বেগবতী হইয়া উঠে; কেন না পরমাশ্রয়ী আমারদের শুভ ইচ্ছাতে নিয়তই আছতির সঞ্চারণ করিতেছেন।

এক দিকে পরমাশ্রয়ীর স্বপ্রকাশ জ্ঞান জ্যোতি আনন্ত্যে অবসৃত হইয়া সত্যের পরাকাষ্ঠা রূপে দীপ্তি পাইতেছে, অন্য দিকে তাঁহার পূর্ণ মঙ্গল তাব পরিমিত জগতে

সর্বশক্তি সহ কেন্দ্রীভূত হইয়া নিখিল জগৎ কার্য যত্নের সহিত নির্বাহ করিতেছে। এই রূপে প্রকাশ পাইতেছে যে, পরমাত্মা কেবল উদাসীন জ্ঞান স্বরূপ নহেন, সঙ্গে সঙ্গে তিনি জাগ্রত মঙ্গল স্বরূপ।

তৃতীয়তঃ স্পৃহা—চিন্তা এবং কার্য উভয়ের মধ্যস্থলে। স্পৃহা, ভাব এবং আবির্ভাব, চিন্তা এবং কার্য, উভয়কে কর-যোড়বৎ যোড়ে মিলিত করিয়া ব্রহ্মানন্দের প্রার্থী হইলে, চিন্তা ঈশ্বরের গুণ স্মরণ করত এই রূপ সিদ্ধান্ত স্থির করে যে, ইহাঁকে পাইলেই আমারদের সকল অভাব দূর হয়। এই প্রকার জ্ঞানের উদ্দেশ্যে আমারদের স্পৃহা অর্দ্ধ চরিতার্থ হয়। পশ্চাৎ যখন সেই জ্ঞানানুসারে আমরা ঈশ্বরকে কার্যতঃ লাভ করি, তখন আমাদের স্পৃহা যথোচিত রূপে চরিতার্থ হয়। এই রূপ দেখা যাইতেছে যে, এক দিকে জ্ঞান, অন্য দিকে কার্য, এই দুই বাছুর সহিত সামঞ্জস্য মতে হৃদগত ঈশ্বর-স্পৃহা চরিতার্থ হইলেই আমাদের সমুদায় আত্মা চরিতার্থ হয়। জ্ঞান যখন লক্ষ্য স্থির করে, তখন স্পৃহার একটি মাত্র পদ আনন্দ-সোপানে নিহিত হয়, পশ্চাৎ ইচ্ছা যখন সেই স্থির-লক্ষ্যের সহিত সংযুক্ত হইয়া কার্যোৎপাদন করে, তখন স্পৃহার উভয় পদ উক্ত সোপানে সমুপস্থিত হওয়াতে তাহা সর্বাঙ্গ সমেত চরিতার্থ হয়। এই রূপে আমাদের আত্মা ক্রমশঃ উচ্চ হইতে উচ্চতর সোপানে পদনিক্ষেপ করে।

যাহা বলা হইল সমুদায় একত্র করিয়া এই রূপ পাওয়া যায়;—চিন্তাকে প্রশান্ত করিয়া তাহার অভ্যন্তরে পরমাত্মার অটল জ্ঞান-জ্যোতি অনুভব করিতে হইলে, বিষয় বাধা অতিক্রমণ কার্যে উদ্যমের সহিত যত্ন নিয়োগ করা আবশ্যিক হয়, এবং সেই যত্নের সহায় রূপে পরমাত্মার অপ্রতিহত মঙ্গল ইচ্ছা

দীপ্তি পাইতে থাকে। পরমাত্মা কেবল সাধনের লক্ষ্য মাত্র নহেন, তদ্ব্যতীত তিনি সাধনের সিদ্ধি-দাতা; এই রূপে সাধক সমক্ষে তাঁহার জ্ঞান এবং মঙ্গল উভয়ই একত্রে প্রতিভাত হইতে থাকে। কিন্তু, প্রশান্ত চিন্তা হইতে উদ্যমশীল যত্ন, এবং উদ্যমশীল যত্ন হইতে প্রশান্ত চিন্তা, আমাদের মনের এই যে স্পন্দন, ইহা কিসের গুণে সুচারু রূপে চলিতে থাকে? ইহার উত্তর এই যে, স্পৃহার গুণে; বাস্প না থাকিলে যেমন বাস্পীয় যান চলিতে পারে না, সেই রূপ স্পৃহা না থাকিলে চিন্তা এবং যত্ন আন্দোলিত হইতে পারে না; আত্মার স্পৃহা ব্রহ্মানন্দের দিকে উন্মুখ থাকতেই, ব্রহ্মজ্ঞানের আলোচনা এবং ব্রহ্ম লাভের যত্ন উভয়ই পর্যায়ক্রমে স্ফূর্তি পাইতে থাকে। পরমাত্মার সৌন্দর্য্যে আমাদের স্পৃহা নিবিষ্ট হইলেই আমাদের চিন্তা এবং কার্য উভয়ই সহজ এবং শোভন ভাবে চলিতে থাকে।

পবিত্র সৌন্দর্য্যের স্পৃহা হৃদয়াভ্যন্তরে পরিপোষিত হইলে জ্ঞানাকাশে ক্রমে ক্রমে পারমাণ্বিক সত্য সকল উদ্ভিত হইতে থাকে, এবং কর্ণ-ক্ষেত্রে সৎকার্য্য সকল অঙ্কুরিত হইতে থাকে। অর্থাৎ আমাদের স্পৃহা বিমলানন্দ হইতে ভ্রষ্ট হইলে যেমন বিষয়-কর্মণ-বশতঃ আমাদের মনে অসৎচিন্তা সকল আপনা হইতেই উদ্ভিত হইয়া অসৎ-কার্য্যে পরিণত হয়, সেই রূপ ইহা বিমলানন্দের সহিত যুক্ত থাকিলে ঈশ্বর প্রসাদ-বশতঃ সৎচিন্তা সকল আপনা হইতেই উদ্ভিত হইয়া সৎকার্য্যে পরিণত হইতে থাকে। শুদ্ধ কেবল চিন্তা-পরায়ণ হইলে কার্য্যের ত্রুটি হইতে পারে, এবং শুদ্ধ কেবল কার্য্য-পরায়ণ হইলে চিন্তার ত্রুটি হইতে পারে, কিন্তু বিশুদ্ধ প্রেমে নিমগ্ন হইলে, কি চিন্তা কি কার্য্য, তৎকালে যাহা করা যায় তাহাই বৈধ রূপে

শোভা পায়; যে হেতু বিশুদ্ধ প্রেম-নিকেতনে প্রবেশ করিলে, সচ্চিন্তা এবং সৎকার্য্য উভয়েরই দ্বার যথারীতি পর্যায়-ক্রমে সহজে উন্মুক্ত হইতে থাকে। স্বচ্ছ প্রেম সরসীতে একদিক হইতে যেমন জ্ঞানাকাশ সুন্দর রূপে প্রতিভাত হয়, অন্যদিক হইতে সেই রূপ সৎকার্য্য রূপ পঙ্কজিনী শোভন রূপে উদ্ভূত হইয়া চতুর্দিক সৌরভে আয়োদিত করে।

অতএব আমাদের কর্তব্য এই যে, ঈশ্বর-স্পৃহার উত্তেজনা অবলম্বন পূর্বক, প্রথমতঃ চিন্তা-সহকারে কর্ম-ক্ষেত্রে হইতে প্রশান্ত-ভাবে অবসৃত হইয়া পরমাত্মার নিরবলম্ব এবং অনিরুদ্ধ জ্ঞান-জ্যোতিতে লক্ষ্য প্রত্যাবর্তন করি, দ্বিতীয়তঃ তাঁহার সেই জ্ঞানেতে যে এক অনুপম মঙ্গল ইচ্ছা ব্যাপ্ত রহিয়াছে, সেই ইচ্ছার বলে কর্ম-ক্ষেত্রে অবতরণ পূর্বক যত্নের সহিত সৎকার্য্য সম্পাদন করি, এই রূপ হইলেই আমাদের আত্মার সেই অনিবার্য্য স্পৃহা উত্তরোত্তর ব্রহ্মানন্দে বদ্ধমূল হইতে থাকিবে এবং আত্ম-প্রসাদে অভিযুক্ত হইতে থাকিবে, এই রূপে আমাদের সমুদায় আত্মা ক্রমশঃ উন্নত ও চরিতার্থ হইবে।

কলিকাতা আদি ব্রাহ্ম-সমাজের

১৯২০ শকের কার্তিক, অগ্রহায়ণ, পৌষ ও মাঘ মাসের আয় ব্যয় বিবরণ।

আয়	
তত্ত্ববোধিনী পত্রিকা ..	৪২৮৬/০
পুস্তকালয় ..	২৫৩ (৫)
যন্ত্রালয় ..	৪৪০
ডাক মাসুল ..	৩৮১/১০
দান ..	৩০৫
গচ্ছিত ..	১৬২১/১০
	১৬৩৪১/৬

ব্যয়	
মাসিক বেতন	২৫২ ৥ ০
তত্ত্ববোধিনী পত্রিকা	৩৪৩১/১০
পুস্তকালয় ..	২৩২১/৫
যন্ত্রালয় ..	২৩১১/০
ডাক মাসুল ..	৩৭ ৬/০
অনিরূপিত ..	৫১১/৫
আলোকের ব্যয় ..	৩০ ৬/১০
গৃহ সংস্কার ..	১০০
সংগীতাদি মুদ্রাস্থান ..	৪১
গচ্ছিত ..	১২০৬/১০
	১৫০৭১/০
আয় ..	১৬৩৪১/৬
পূর্বকার স্থিত ..	১৫২১/৫
	১৭৮৭/১০
ব্যয় ..	১৫০৭১/০
স্থিত ..	২৭১৬ ১০

১৯২০ শকের কার্তিক, অগ্রহায়ণ, পৌষ ও মাঘ মাসের দানের আয় ব্যয় বিবরণ।

আয়	
প্রতিষ্ঠাত সাংসদিক দান।	
শ্রীযুক্ত দ্বিজেন্দ্রনাথ ঠাকুর ..	১০
“ গগেন্দ্রনাথ ঠাকুর ..	১০
“ হেমেন্দ্রনাথ ঠাকুর ..	১০
“ গুণেন্দ্রনাথ ঠাকুর ..	১০
“ বীরেন্দ্রনাথ ঠাকুর ..	৫
“ জ্যোতিরিন্দ্রনাথ ঠাকুর ..	১০
“ প্রধান আচার্য মহাশয়ের	
বাটীর মধ্য হইতে দান প্রাপ্ত	৩৩
“ যজ্ঞেশপ্রকাশ গঙ্গোপাধ্যায় ..	১০
“ নীলকমল মুখোপাধ্যায় ..	১০
“ দেবেন্দ্রনাথ ঠাকুর পাথুরিয়াঘাটা	২
“ হরনাথ ঠাকুর ..	২
“ রসিকলাল পাইন ..	২
“ বেচারাম চট্টোপাধ্যায় ..	২
“ দীননাথ মণ্ডল ..	২
“ গোকুলকৃষ্ণ সিংহ ..	২
“ রাজনারায়ণ বসু ..	২
“ রাখালরাজ রায় ..	১
“ জগদ্ধাত্র চট্টোপাধ্যায় ..	১
“ নন্দলাল সেন ..	১
“ ক্ষেত্রমোহন ধর ..	১
“ হরিন্দাস শ্রীমানি ..	১
“ বৈকুণ্ঠনাথ সেন ..	১

পূর্ব পৃষ্ঠ হইতে আগত ..	১২৮
আনুষ্ঠানিক দান।	
শ্রীযুক্ত রমনকৃষ্ণ চট্টোপাধ্যায় ..	২
এক কালিন দান।	
শ্রীযুক্ত দেবেন্দ্রনাথ ঠাকুর ..	২৩০
" গোকুলকৃষ্ণ সিংহ ..	১
	২৩১
দানাদারে দান প্রাপ্ত ..	১১৫
	৩৬২।৫

আয় ..	৩৬২।৫
পূর্নকার স্থিত ..	৩২৭ ৬/০
	৬৯০ / ৫
ব্যয় ..	২৭২৬ ০
স্থিত ..	৪১৭১ / ৫

শ্রী দ্বিজেন্দ্রনাথ ঠাকুর।
সম্পাদক।

কলিকতা আদি ব্রাহ্মসমাজের পুস্তকালয়স্থ বিক্রয়ের পুস্তক।

সংস্কৃত ব্রাহ্মধর্ম (দেবনাগর অক্ষরে)	১০
সংস্কৃত ব্রাহ্মধর্ম (বাঙ্গলা অক্ষরে)	১০
ব্রাহ্মধর্ম প্রথম খণ্ড (তাৎপর্য সহিত)	১০
বাঙ্গলা ব্রাহ্মধর্ম	১০
বাঙ্গলা ব্রাহ্মধর্ম তাৎপর্য সহিত ..	১০
ব্রাহ্মধর্মের মত ও বিশ্বাস	১০
ব্রাহ্মধর্মের ব্যাখ্যান—প্রথম প্রকরণ	১০
ব্রাহ্মধর্মের ব্যাখ্যান দ্বিতীয় প্রকরণ	১০
অনুষ্ঠান-পদ্ধতি	১০

মাঘোৎসব	১
মাসিক ব্রাহ্মসমাজের উপদেশ ..	১০
কলিকতা ব্রাহ্মসমাজের বক্তৃতা	১০
ব্রাহ্মসমাজের বক্তৃতা	১০
রাজনারায়ণ বসুর বক্তৃতা	১০
তত্ত্ববিদ্যা দ্বিতীয় সংস্করণ	১১০
প্রাত্যহিক ব্রহ্মোপাসনা	১০
ব্রহ্মোপাসনা	১০
ব্রহ্ম-স্তোত্র	১০
আনুতত্ত্ববিদ্যা	১০
ধর্ম-শিক্ষা	১০
পৌত্তলিক প্রবোধ	১০
রত্ন সহিত কঠোপনিষদ দেবনাগর অক্ষরে	১০
ভবানীপুর ব্রহ্ম বিদ্যালয়ের উপদেশ	১০
১।২।৩।৪।৫।৬।৭।৮।৯।১০।১১।১২।১৩।১৪।১৫।১৬।১৭।১৮।১৯।২০।	১০
ধর্ম চর্চা	১০
প্রবচন সংগ্রহ	১০
প্রার্থনা এবং সঙ্গীত	১০
ব্রহ্ম সঙ্গীত	১০
দীপ্ত-শিরার অভিষেক	১০
ভবানীপুর সাংসারিক সমাজের বক্তৃতা	১০
ব্রাহ্মব্যবহার	১০
দুর্গোৎসব	১০
বর্ণমালা—প্রথম সংখ্যা	১০
বর্ণমালা দ্বিতীয় সংখ্যা	১০
তত্ত্ববোধিনীপত্রিকা—১৭১১। ১৭১২। ১৭১৩। ১৭১৪। ১৭১৫। ১৭১৬। ১৭১৭। ১৭১৮। ১৭১৯। ১৭২০। ১৭২১। ১৭২২। ১৭২৩। ১৭২৪। ১৭২৫। ১৭২৬। ১৭২৭। ১৭২৮। ১৭২৯। ১৭৩০।	১০
৮৭। ৮৮। ৮৯ শকের। প্রতি শকের একত্রবিংশতি	৫ টাকা
প্রতি খণ্ডের মূল্য	৫ টাকা

বিজ্ঞাপন।
বর্ষশেষের ব্রাহ্মসমাজ
আগামী ৩০ চৈত্র রবি বার সন্ধ্যা ৭।০ ঘটিকা
কার সময়ে
এবং
নব বর্ষের ব্রাহ্মসমাজ
আগামী ১ বৈশাখ সোম বার প্রাতে ৫ ঘটিকার সময়ে হইবে। ব্রাহ্মগণ উক্ত উভয় দিবসে যথা সময়ে কলিকতা আদি ব্রাহ্মসমাজ-গৃহে আগমন পূর্বক ব্রহ্মোপাসনা করিবেন।
শ্রী দ্বিজেন্দ্রনাথ ঠাকুর।
সম্পাদক।

তত্ত্ববোধিনী পত্রিকা কলিকাতা ব্রাহ্মসমাজ হইতে প্রতি মাসে প্রকাশিত হয়। মূল্য ছয় আনা। অগ্রিম বার্ষিক মূল্য তিন টাকা। ডাক মাসুল বার্ষিক বার আনা।
সংখ্যা ১২২৫। কলিকতা ৪২১২। ১১ ফাল্গুন রবিবার।

একমেবাদ্বিতীয়ং

সপ্তম কল্প
দ্বিতীয় ভাগ।
চৈত্র ১৭১০ শক।

৩০৭ সংখ্যা

তত্ত্ববোধিনী পত্রিকা

ব্রাহ্মসমাজ, ৩৯

ব্রহ্ম ব্রাহ্মসমাজের আদর্শমূল্যে কলিকতাস্থিত দিগং সর্বমসুজ্ঞ। তদেব নিত্যং জ্ঞানমনস্তং শিবং স্বতন্ত্রমিবয়বমেকমেবাদ্বিতীয়ং সর্বব্যাপি সর্বনিয়ন্তৃ সর্বশাস্ত্র সর্বশক্তিমৎ স্রবং পূর্বমপ্রতিমমিতি। একস্য তস্যোপাসনায় গার্বিকতৈমিকক শব্দভবতি। তন্মিন্ প্রীতিস্তস্য প্রিয়কার্যসাধনক তদুপাসনমেব।

বিজ্ঞাপন

বর্ষশেষের ব্রাহ্মসমাজ।
আগামী ৩০ চৈত্র রবিবার সন্ধ্যা ৭।০ ঘটিকার সময়ে—
এবং
নব বর্ষের ব্রাহ্মসমাজ।
আগামী ১ বৈশাখ সোম বার প্রাত্যহে ৫ ঘটিকার সময়ে হইবে।
ব্রাহ্মগণ উক্ত উভয় দিবসে যথা সময়ে কলিকতা আদি ব্রাহ্মসমাজ-গৃহে আগমন পূর্বক ব্রহ্মোপাসনা করিবেন।
শ্রী দ্বিজেন্দ্রনাথ ঠাকুর।
সম্পাদক।

ঋগ্বেদ সংহিতা।

প্রথম মণ্ডলস্য চতুর্দশানুবাকে তৃতীয়ং স্কন্ধং।
কুৎস ঋষিঃ ত্রিষ্ণু পুচ্ছন্দঃ অগ্নিদেবতা।
১১৩৩

৩। রাষো বৃষ্ণঃ সৃজমনো বসুনাং যজস্য কেতুর্মান্মসার্বনো বেঃ। অমৃতত্ত্বং রক্ষমাণাস এনং দেবা অগ্নিং ধারয়ন্ দ্রবিণো দাং।

৩। যঃ অগ্নিঃ 'রাষঃ' ধনস্য 'বৃষ্ণঃ' মূলভূতঃ আহুতি-দ্বারা সর্বেষাং ধনানাং কারণভূতঃ। 'বসুনাং' নিবাস-হেতুনাং ধনানাং 'সৃজমনঃ' সৃজমযিতা স্তোত্রুণাং প্রোপ-যিতা 'যজস্য' দর্শপূর্ণমাসাদেঃ 'কেতুঃ' কেতযিতা জ্ঞাপ-যিতা 'বেঃ' আত্মানাং অভিগচ্ছতঃ পুরুষস্য 'মন্মসাধনঃ' মননীযস্য অভিলষিতস্য সাধযিতা 'অমৃতত্ত্বং' স্বকীয়া-মরত্বং 'রক্ষমাণাসঃ' পালযন্তঃ 'দেবাঃ' এনং ধনস্য দাতারং 'অগ্নিং' ধারযন্তি।

৬। যে অগ্নি ধনের মূল স্বরূপ, নিবাস-হেতুভূত ধনের প্রাপক, যজ্ঞের জ্ঞাপক, আত্মনিষ্ঠ পুরুষের অতীর্ষ সাধক, অমর দেব-গণ সেই অগ্নিকে ধারণ করিয়া থাকেন।

১১৩৪

৭। নৃচ পুরা চ সদনং রযী-
নাং জাতস্য চ জায়মানস্য চ
ক্ষাং । সূতশ্চ গোপাং ভবতশ্চ-
ভূরেদেবা অগ্নিং ধারয়ন্ দ্রবি-
ণোদাং ।

৭। 'নৃচ' অদ্য অগ্নিন্ কালে 'পুরা চ' 'রযীনাং' স-
র্বেষাং ধনানাং 'সদনং' আবাসস্থানং 'জাতস্য' উৎপন্নস্য
কার্যজাতস্য 'জায়মানস্য' উৎপাদ্যমানস্য চ 'ক্ষাং'
নিবাসযিতারং 'সতঃ চ' সর্কত্র বিদ্যমানস্তারস্য নিত্যস্য
চ আকাশাদেঃ 'ভবতশ্চ' সন্ধ্যাং প্রাপ্তবতঃ 'ভূরেঃ'
অসংখ্যাতস্য অন্যস্য চ ভূতজাতস্য 'গোপাং' গোপাযি-
তারং রক্ষিতারং 'দ্রবিণোদাং' ধনপ্রদং এবং গুণবিশিষ্টং
অগ্নিং 'দেবাঃ' 'ধারণয়' ইবি বৌদ্ধেজ্ঞ ধারয়ন্তি ।

৭। দেবগণ অতীত ও বর্তমান কালে
ধনের আবাস স্থান, উৎপন্ন ও উৎপাদ্যমান
কার্যের নিবাসয়িতা, নিত্য আকাশাদি ও
ভূত সমূহের রক্ষিতা ধনপ্রদ অগ্নিকে ধারণ
করিয়া থাকেন ।

১১৩৫

৮। দ্রবিণোদা দ্রবিণসস্তুর-
স্য দ্রবিণোদাঃ সনরস্য প্র যং-
সৎ । দ্রবিণোদা বীরবতীমিষং
নো দ্রবিণোদা রাসতে দীর্ঘমা-
য়ুঃ ।

৮। 'দ্রবিণোদাঃ' দ্রবিণস্য ধনস্য বলস্য বা দাতা
অগ্নিঃ 'সুরস্য' সুরমানস্য 'চলতঃ' জঙ্গমস্য 'দ্রবিণসঃ'
বলস্য ধনস্য টবকদেশং 'প্রযংসৎ' অস্মভ্যং প্রযচ্ছতু
তথা 'দ্রবিণোদাঃ' 'সনরস্য' সননীযস্য সন্তজ্ঞনীযস্য
স্বাবরূপস্য ধনস্য একদেশং প্রযচ্ছতু । অপিচ 'দ্রবি-
ণোদাঃ' 'বীরবতীং' বীরঃ পুত্রাদিভিঃ যুজাং 'ইষং' অন্নং
'নঃ' অস্মভ্যং প্রযচ্ছতু তথা 'দ্রবিণোদাঃ' 'দীর্ঘা' 'আয়ুঃ'
অস্মভ্যং 'রাসতে' প্রযচ্ছতু ।

৮। অগ্নি ধন ও বলের দাতা । তিনি
আমাদিগকে জঙ্গম বলের এক দেশ এবং
সন্তজ্ঞনীয় ধনের এক দেশ প্রদান করুন ।
তৎপরে ধন পুত্র ও দীর্ঘ আয়ু প্রদান করুন ।

১১৩৬

৯। এবা নো অগ্নে সৃমিধা
বৃধানো রেবৎপাবক শ্রবসে বি
ভাহি । তন্মো মিত্রে বরুণো
নামহস্তানদিতিঃ সিন্ধুঃ পৃথিবী
উত দ্যৌঃ । ১ । ৭ । ৪ ।

৯। ব্যাখ্যাতেষং পূর্বস্তুক্কে । অক্ষরার্থস্ত হে শোধক
'অগ্নে' এবং অস্মাভির্দত্তেন সৃমিদাদি ভবোন 'বৃধানঃ' বর্দ্ধ-
মানঃ সন্ নোহস্মাকং ধনযুক্তাঃ অস্মায় বিশেষণ এক-
শব্দ । অস্মাকং তদনং মিত্রাদয়ঃ 'নামহস্তাং' পূজ্যস্তাং
রক্ষন্তি ত্যর্গঃ । সিন্ধুরপদেবতা দ্যাবা পৃথিব্যৌ চ নাম-
হস্তাং । ১ । ৭ । ৪ ।

৯। হে শোধক অগ্নি! তুমি আমাদের
প্রদত্ত সৃমিদাদি দ্রব্য দ্বারা পরিবর্দ্ধিত হইয়া
আমাদিগের অন্নের নিমিত্ত প্রকাশিত হও ।
মিত্র বরুণ অদিতি সিন্ধু পৃথিবী ও আকাশ
আমাদিগের সেই অন্ন রক্ষা করুন । ১। ৭। ৪।

এলাহাবাদ ব্রাহ্ম সমাজের বক্তৃতা ।

রবিবার ১২ মে আশ্বিন ১৭৯০ শক ।

ঈশ্বর সর্বব্যাপী । তিনি সর্বত্রই বিরাজমান রহিয়াছেন । এই অসীম শূন্য শূন্য নহে, সেই জ্যোতির জ্যোতি দ্বারা পরিপূর্ণ রহিয়াছে । আমরা সর্বদা অমৃতসাগর দ্বারা বেষ্টিত রহিয়াছি ; হস্ত প্রসারণ করিয়া সেই অমৃত পরিগ্রহণ পূর্বক মুখে তুলিয়া পান করিলেই হয়, কিন্তু আমাদের কি ছুর্ভাগ্য, তাহা আমরা পান করিতে সক্ষম হই না । সে অমৃত পানের প্রতিবন্ধক কি? ঋপু-
গণের প্রবলতা । ছরন্ত ঋপুগণ আমাদের আশ্রয় উপর নিরঙ্কুশাধিপত্য করিতেছে । আমরা প্রবৃত্তি-শ্রোত দ্বারা সর্বদা নীয়মান হইতেছি ; আমরা যদি আত্মা রূপ তরণী এক হস্ত পরিমাণ ঈশ্বরের দিকে লইয়া যাই,

প্রবৃত্তির শ্রোত আমাদের শত হস্ত পরিমাণ পশ্চাদ্গত লইয়া ফেলে । ঈশ্বরের অনুরোধ অপেক্ষা ঋপুগণের অনুরোধ রক্ষা করিতে আমরা অধিক ব্যগ্র । কোথায় ঋপুগণ আমাদের দাস হইয়া থাকিবে, তাহা না হইয়া প্রভুবেৎ আমাদের উপর আধিপত্য করিতেছে । তাহাদের প্রলোভন অতিক্রম করা আমাদের অতীব দুষ্কর বোধ হয় । কেমন মনোহর বেশে প্রত্যেক ঋপু তাহার মোহিনী শক্তি প্রকাশ করিতেছে । পুষ্পমালায় সুসজ্জিত কাম সুমধুর সুকোমল মনোহর গীতি গান করিয়া পুষ্পময় পথে আস্থান করিতেছে, কিন্তু সেই পুষ্পময় পথে কি সর্প লুক্কায়িত আছে, তাহা আমরা বিবেচনা করি না । ক্রোধ, শাপিত তরবারি আমাদের হস্তে দিয়া বৈর নির্যাতনের সুখ উপভোগ করিতে আস্থান করিতেছে । লোভ, ধন-মান-যশ উপার্জন জন্য ধর্মকে বিসর্জন দিবার উপদেশ প্রদান করিতেছে । কখন কোটি কোটি স্বর্ণ মুদ্রার ছবি প্রদর্শন করিতেছে, কখন বা বৃহদায়তন রাজ্য লাভের আশার উদ্রেক করিতেছে, কখন বা লক্ষ লক্ষ মুখ-নিঃসৃত প্রশংসা ধ্বনি কণ্ঠনার কর্ণকুহরে প্রবেশ করাইতেছে, কখন বা লক্ষ লক্ষ পদানত লোকের চিত্র মনের সম্মুখে আনয়ন করিতেছে । মোহ, ঈশ্বর-বিস্মরণকারি মদিরার পাত্র হস্তে লইয়া আমাদের তাহা পান করিতে বলিতেছে, কহিতেছে "অয়ং লোকঃ নাস্ত্যপরেঃ" এই লোকই সর্বস্ব, পরলোক নাই । এই রূপ উপদেশ প্রদান করিয়া আমাদের তাহার অনুবর্ত্তি করিতেছে এবং সংসারে নিতান্ত আসক্ত করিয়া ফেলিতেছে । চর্ম্ময় কোষকে ফুৎকার দ্বারা বালক যেমন স্ফীত করে সেই রূপ মদ বৃথা গর্ভ দ্বারা আমাদের আত্মাকে স্ফীত করিতেছে । ধনী মামী

জানীর অগ্রগণ্য বলিয়া মনুষ্যকে নিজের নিকট প্রতীয়মান করাইতেছে । সাংসারিক সম্পদই প্রকৃত সুখের আকর এই সম্মোহন মন্ত্র কর্ণকুহরে প্রদান করিয়া মাৎস্যর্য আমাদিগকে পরশ্রীতে কাতর করিতেছে ।

ঋপু সকল এই রূপ কুটিল বেশ ধারণ করিয়া আমাদের আক্রমণ করে, তজ্জন্য তাহাদিগকে পরাজয় করা দুষ্কর । যখন তাহারা উল্লিখিত কুটিল বেশ অপেক্ষা কুটিলতর বেশ ধারণ করে, তখন তাহাদিগকে পরাজয় করা আরও দুষ্কর হয় । ঋপু সকল ধর্মের বেশ ধারণ করিয়া আমাদের নিকট আগমন করে ।

আমাদিগের দেশে ও অন্যান্য দেশে কত লোকে মহা ভ্রমের বশবর্ত্তী হইয়া অন্যায কামাচরণকে ধর্ম্মানুমোদিত কর্ম্ম মধ্যে পরিগণিত করিতেছে । ক্রোধপরবশ হইয়া এক ধর্ম্মাক্রান্ত লোক অন্য ধর্ম্মাক্রান্ত লোককে বিদেহ নয়নে দর্শন করিতেছে ;—এক ধর্ম্মাক্রান্ত লোক অন্য ধর্ম্মাক্রান্ত লোককে নিগ্রহ প্রদান করিতেছে, এমন কি অন্য ধর্ম্মাবলম্বীর প্রাণ সংহার করিতে উদ্যত হইতেছে । তাহারা বিবেচনা করে না যে মনুষ্য ভ্রান্ত জীব, তাহাদিগের নিজের যেমন স্বভাবতঃ ভ্রম হইতে পারে, তেমনি অন্য লোকেরও স্বভাবতঃ ভ্রম হইতে পারে । আরো ছুঃখের বিষয় যে, ছুই ধর্ম্ম সম্প্রদায়ের মধ্যে যত সাদৃশ্য অস্প, তত প্রভেদের জন্য তাহাদিগের পরস্পর তত বিদেহ দৃষ্ট হয় । তাহারা বিবেচনা করে না যে ছুই মনুষ্যের মুখশ্রী যেমন ঠিক এক সমান হইতে পারে না, তেমনি ছুই মনুষ্যের ধর্ম্মমত ঠিক এক সমান হইতে পারে না । তাহারা বিবেচনা করে না ধর্ম্মমতের প্রভেদ থাকিলেও ছুই মনুষ্যের প্রণয়ের ব্যাঘাত হইতে পারে না ।

তাহারা বিবেচনা করে না যে যখন আন্তিক ও নাস্তিকের মধ্যে প্রণয়ের দৃষ্টান্ত দেখা গিয়াছে, তখন পরস্পর নিকট ধর্ম-সম্প্রদায়-ভুক্ত লোকদিগের কেন না প্রণয় হইতে পারে?

লোভ ধর্ম বেশ ধারণ করিয়া আমাদের চিত্তকে আক্রমণ করে। ধার্মিক বলিয়া সকলেই আমার খ্যাতি ঘোষণা করিবে, স্বধর্মাবলম্বিদিগের উপর প্রভুত্ব করিব— তাহারা পদানত থাকিবে— তাহাদিগকে আধ্যাত্মিক দাসত্ব-শৃঙ্খলে বদ্ধ রাখিব— তাহাদিগের মনের স্বাধীনতা হরণ করিয়া আমার একান্ত বশবর্তী করিব, লোভ ধার্মিকের মনে এই সকল লালসার উদ্রেক করায়। ধার্মিক ব্যক্তি এই প্রকার লোভে আক্রান্ত হইয়া আপনার ও অন্যের মঙ্গলের পথে কণ্টক রোপণ করেন। এবশ্বকারে লোভ সমান ধর্মাবলম্বিদিগের মধ্যে পরস্পর অনৈক্য ও অপ্রণয় সঞ্চার করিয়া প্রচুর অনিষ্ট সম্পাদন করে। ধর্মবেশধারি লোভ এক বার প্রবল হইলে কোথায় গিয়া তাহার শেষ দাঁড়ায় তাহার কিছুই নিগণ করা যায় না। এমন কি, পুরাত্নে এ রূপ অনেক দৃষ্টান্ত পাওয়া যায় যে, কোন কোন ধর্ম-প্রবর্তক অথবা ধর্মসংস্কারক এই লোভ দ্বারা আক্রান্ত হইয়া ঈশ্বরের স্বরূপ বলিয়া লোকের নিকট আপনাকে পরিচয় দিতে প্রলুদ্ধ হইয়াছিলেন।

মোহ, ধর্ম বেশ ধারণ করিয়া আমাদের চিত্তকে আক্রমণ করে। আমরা মোহে আচ্ছন্ন হইয়া ধর্মামোদকেই ধর্মসাধন বলিয়া মনে করি। সাংসারিক মোহ ধর্ম-রাজ্যেও প্রবেশ করে। এই রূপ মোহের বশবর্তী হইয়া সামাজিক উপাসনা, উৎসব, বক্তৃতা, ধর্ম-মতের কথা, ধার্মিক লোকের কথা, ও ধর্ম প্রচারের কথা এই সকলকে

ধর্ম সাধনের সহকারি না মনে করিয়া, কেবল তাহাদিগকে প্রকৃত ধর্ম সাধন মনে করি, ও নিজ নিজ আত্মার পরিভ্রাণ কার্য্য কত দূর সম্পাদিত হইল, তাহা লক্ষ্য করি না, এই রূপে ধর্ম সম্বন্ধীয় ব্যাপারের মধ্যে থাকিয়াও আমরা ধর্ম হইতে দূরে থাকি।

মদও ধর্ম বেশ ধারণ করিয়া আমাদের আত্মাকে আক্রমণ করে। মদ ধার্মিকের মনে, আমি সকল অপেক্ষা ধার্মিক হইয়াছি এই অহংকার উদ্রেক করিয়া ধার্মিকের আধ্যাত্মিক কুশল একেবারে বিনাশ করে। যখনই ধার্মিক ব্যক্তির মনে এই রূপ অহংকারের উদয় হয়, নিশ্চয় জানিবে, তখনই তাহার সকল ধর্ম বিলুপ্ত হয়। যেমন নৌকা নদী পার হইয়া কোন ছুর্ঘটনা বশত তীরের নিকট জলমগ্ন হয়, আধ্যাত্মিক অহংকারের উদ্রেক হইলে ধার্মিকের সেই রূপ দশা হয়। সকল প্রকার অহংকার অপেক্ষা আধ্যাত্মিক অহংকার ঘৃণাকর।

মাৎস্য্য ধর্ম বেশ ধারণ করিয়া আমাদের আত্মাকে আক্রমণ করে। এক জন ধার্মিক মনুষ্য যদি ধার্মিকতা বিষয়ে অধিক খ্যাতি লাভ করেন, তবে অন্য এক জন ধার্মিক ব্যক্তি তাহাতে ঈর্ষান্বিত হন ও পূর্বোক্ত ধার্মিক ব্যক্তিকে যত দূর ধার্মিক লোকে মনে করে, তত দূর তিনি ধার্মিক নহেন লোকের নিকট ইহা প্রতিপন্ন করিতে চেষ্টা পান। এক ধর্ম সম্প্রদায় অন্য ধর্ম-সম্প্রদায়ের শ্রীবৃদ্ধি দেখিয়া ঈর্ষান্বিত হয় এবং তাহার নিন্দাবাদে প্রবৃত্ত হয়।

হে পরমাত্মন! একে ঋণু সকল স্বভাবতঃ মায়াবী, তাহাতে তাহারা কুটিলতর বেশ ধারণ করিয়া—ধর্ম বেশ ধারণ করিয়া আমাদের আক্রমণ করিতে চেষ্টা পাইতেছে। অমুরেরা যতই কুটিলতর বেশ ধারণ করে, ততই আমার ভয় উপস্থিত হয়। এবার

তাহাদিগের সঙ্গে যুদ্ধ করা আমি ছুঙ্কর জ্ঞান করিতেছি। হে ধর্ম-যুদ্ধের সেনাপতি! আমার হস্ত কাম্পিত হইতেছে, ধৃতরূপ তরবারি তাহা হইতে ক্ষলিত হইতেছে। এবার বুঝি আমি নিশ্চয় বিনষ্ট হইলাম; আমাকে রক্ষা কর। তোমার উৎসাহকর আশ্বাস-বাক্য দ্বারা আমার মুগ্ধ আত্মায় নব জীবনের সঞ্চার কর। তুমি সহায় থাকিলে অবশ্য অমুরদিগকে পরাজয় করিতে সমর্থ হইব।

ও একমেবাদ্বিতীয়ং।”

হিন্দুধর্মের ইতিহাস।

৩০১ সংখ্যক পত্রিকার ৮৩ পৃষ্ঠার পর।

পূর্বে উল্লিখিত হইয়াছে, হিন্দুদিগের সমুদায় ধর্ম-শাস্ত্র চারি ভাগে বিভক্ত; বেদ, স্মৃতি, পুরাণ ও তন্ত্র। এক্ষণে সেই চতুর্বিধ ধর্ম-শাস্ত্রের প্রকৃতি সংক্ষেপে প্রকটিত করা যাইতেছে।

এই চারি প্রকার ধর্ম-শাস্ত্রের মধ্যে বেদ সর্বাপেক্ষা প্রধান। হিন্দুদিগের বিশ্বাস এই যে, বেদ অনাদি কাল বিদ্যমান আছে, ইহার কেহ রচয়িতা নাই। বেদে যখন মনুষ্যের হস্ত নাই, তখন ইহাতে যাহা কিছু আছে, সমুদায়ই সত্য, একটিও মিথ্যা নহে। যদি বেদের সহিত অন্যান্য ধর্ম-শাস্ত্রের বিরোধ উপস্থিত হয়, তবে সেই সকল শাস্ত্রের মত অন্যত্র করিয়া বেদের মতই গ্রহণ করিতে হইবে। বেদ অনাদি কি না এই বিষয় লইয়া বৌদ্ধদিগের সহিত ব্রাহ্মণদিগের ঘোরতর বিবাদ উপস্থিত হয়। এই সময়ে ব্রাহ্মণদিগের সমাজ হইতে মীমাংসা দর্শন উদ্ভূত হইয়াছিল। বৌদ্ধেরা বেদের উপর যে সকল সংশয় উপস্থিত করেন, তাহার সিদ্ধান্ত করিয়া বৈদিক মত রক্ষা

করাই মীমাংসকদিগের প্রধান উদ্দেশ্য। সেই সকল সিদ্ধান্ত দ্বারা বৌদ্ধদিগের মত কিছুই পরিবর্তিত হয় নাই বটে, কিন্তু ব্রাহ্মণেরা তাহাতেই যথেষ্ট তৃপ্তি লাভ করিয়া ছিলেন। ব্রাহ্মণেরা বৌদ্ধদিগের মত খণ্ডনের নিমিত্ত মধ্যে মধ্যে এ রূপ অধীর হইয়া বিচার করিতে বসিতেন, যে তাহাতে স্পর্শ বোধ হয়, বৌদ্ধদিগকে পরাস্ত করা তাঁহাদের যে রূপ উদ্দেশ্য ছিল, বেদের প্রকৃত অর্থের প্রতি সে রূপ লক্ষ্য ছিল না। এই স্থলে তাঁহাদের একটি বিচার উদ্ধৃত হইতেছে, তাহা দর্শন করিলেই, ব্রাহ্মণেরা বেদ রক্ষার নিমিত্ত কি রূপ প্রয়াস করিয়া ছিলেন, তাহা সপ্রমাণ হইবে। বেদের মধ্যে মনু, অত্রি, মন্ত্রাতা ও হরিশ্চন্দ্র প্রভৃতি কতকগুলি ঋষি ও রাজার নাম উল্লিখিত হইয়াছে; এমন কি, তাহাতে তাঁহাদের জীবন-চরিত-যদিও সুস্পষ্ট ইতিহাসও প্রাপ্ত হওয়া যায়। বৌদ্ধেরা সেই সকল অংশ উদ্ধৃত করিয়া এই তর্ক উপস্থিত করিল যে, এই সকল ব্যক্তির জন্মগ্রহণের পরে বেদ প্রস্তুত হইয়াছে, নতুবা কি প্রকারে বেদে তাহাদিগের নাম প্রাপ্ত হওয়া যায়; অতএব বেদ কখন অনাদি নহে। ব্রাহ্মণেরা মনু অত্রি প্রভৃতির শকার্থ মাত্র গ্রহণ করিয়া উত্তর করিলেন, মনু অত্রি প্রভৃতি শব্দ সকল ব্যক্তি বিশেষকে লক্ষ্য করিয়া উল্লিখিত হয় নাই। প্রত্যুত বেদ হইতে এই সকল শব্দ প্রাপ্ত হইয়া উত্তর কালে মনুষ্য বিশেষের নাম করা হইয়াছে। এই সকল বিচার দ্বারা ব্রাহ্মণদিগের পাণ্ডিত্যের যথেষ্ট পরিচয় প্রাপ্ত হওয়া যায়, কিন্তু বেদের প্রকৃত অর্থের অত্যন্ত ব্যাঘাত উপস্থিত হয়। ইহা দ্বারা আর একটি বিষয় জানিতে পারা যাইতেছে— তাঁহারা বিশ্বাস করিতেন যে আমরা শাস্ত্র অনুসারে চলিতেছি; কিন্তু ফলত অজ্ঞা-

তসারে যুক্তির উপরেই অধিক নির্ভর করিতেন। সে যাহা হউক, ইহা দ্বারা ব্রাহ্মণদিগের উদ্দেশ্য সম্পূর্ণ সকল হইয়াছিল; হিন্দু সমাজে বেদ সম্পূর্ণ অভ্রান্ত বলিয়াই পূজিত হইয়া আসিতেছে। বৌদ্ধদিগের পর আর কোন সম্প্রদায়ই সাক্ষাৎ সম্বন্ধে বেদের উপর হস্তক্ষেপ করে নাই। সাংখ্য নামে দর্শন শাস্ত্রের যে সম্প্রদায় উৎপন্ন হন, তাঁহারা যদিও বেদকে পদে পদে পীড়ন করিয়া গিয়াছেন, তথাপি বাহিরে বেদের সহিত তাঁহাদের বন্ধুতা থাকিতে হিন্দুদিগের মনে কিছুমাত্র বিরাগ সঞ্চার হয় নাই।

বেদ শব্দের অর্থাত্ম জ্ঞান; ঐশ্বরের যে জ্ঞান, তাহাই বাস্তবিক বেদ। ঐশ্বরের জ্ঞান অনাদি, নিত্য ও সত্যেতে পরিপূর্ণ, তাহাতে বিন্দুমাত্রও ভ্রমপ্রমাদ নাই। সুতরাং ঋষিরা জ্ঞানচক্ষে ঐশ্বরের জ্ঞান দর্শন করিয়া যাহা কিছু ব্যক্ত করিয়া গিয়াছেন, তাহা অবশ্যই অভ্রান্ত অনাদি ও নিত্য, এই সংস্কারের বশব্দ হইয়া হিন্দু জাতি বেদের প্রতি অসাধারণ সম্মান করিয়া আসিতেছেন, এবং এই কারণেই যে সকল ঋষি বেদ প্রকাশ করিয়াছিলেন, তাঁহারা তাহর রচয়িতা না বলিয়া বেদের ঋষি অর্থাৎ দ্রষ্টা বলিয়া হিন্দুসমাজে পরিচিত আছেন। ঐশ্বরের সত্য দর্শন করিবার সময়ে ঋষিদিগের ভ্রমপ্রমাদ ঘটবার সম্ভাবনা ছিল কি না, এ বিষয়ে ব্রাহ্মণদিগের মধ্যে কোন আন্দোলন হয় নাই; প্রত্যুত ঋষিরাও ঐশ্বরের ন্যায় অভ্রান্ত ছিলেন, ইহাই শাস্ত্রে পুনঃ পুনঃ সমর্থিত হইয়াছে। এই জন্য উত্তর কালের স্মৃতিকারেরা এই রূপ ব্যবস্থা করিয়া গিয়াছেন যে, যদি বেদের মধ্যে পরস্পর বিরোধী দুইটি বিধি প্রাপ্ত হওয়া যায়, তাহা হইলে তাহার যে কোন বিধি অনুসারে চলিলেই ধর্ম রক্ষা হইবে। বেদ কাহাকে বলে, ইহা

লইয়া এক সময়ে বোয়তর বিচার উপস্থিত হইয়াছিল। পরিশেষে বহু বিচারের পর এই স্থির হয় যে, মন্ত্র ও ব্রাহ্মণ নামক যে সকল বাক্যরাশি প্রাপ্ত হওয়া যায়, তাহার নামই বেদ। এবং প্রত্যক্ষ বা অনুমিতি দ্বারা যে উপায় না জানা যায়, তাহা বেদ দ্বারা জানিতে পারা যায় বলিয়া ইহার নাম বেদ হইয়াছে।

বেদ চারি প্রকার; ঋক্, যজু, সাম ও অথর্ব। প্রত্যেক বেদ দুই ভাগে বিভক্ত; এক ভাগের নাম সংহিতা অথবা মন্ত্র; অপর ভাগের নাম ব্রাহ্মণ। এই চারি প্রকার বেদের মধ্যে ঋক্, যজু ও সাম এই তিনটিই যজ্ঞ কার্যের উপযোগী বলিয়া প্রসিদ্ধ। যদিও যজ্ঞের সহিত অথর্ব বেদের সাক্ষাৎ সম্বন্ধ নাই, তথাপি যজ্ঞ কার্যে যে সকল বিস্ম ও ক্রটি উপস্থিত হয়, তাহার প্রতি-কারের নিমিত্ত প্রায় প্রতিযজ্ঞেই অথর্ব বেদের সাহায্য আবশ্যিক হইয়া থাকে। ব্রহ্মা নামে যজ্ঞের যে পুরোহিত থাকেন, অথর্ব বেদ তাঁহার পক্ষেই অভ্রান্ত প্রয়োজনীয়; এই জন্য অথর্ব বেদ অনেক স্থলে ব্রহ্মবেদ বলিয়া উক্ত হইয়াছে। এক্ষণে ব্রাহ্মণেরা প্রতিদিন যে সন্ধ্যা পাঠ করেন, তন্মধ্যেও অনেকগুলি অথর্ব বেদের মন্ত্র দেখিতে পাওয়া যায়। ঋগ্বেদই সর্বাপেক্ষা প্রধান; ঋগ্বেদ সংহিতাতে যে সকল মন্ত্র আছে, তাহাই সমুদায় যজ্ঞে পঠিত হইয়া থাকে। সাম বেদ আর কিছুই নহে, ঋগ্বেদ হইতে বিশেষ বিশেষ মন্ত্র সকল উদ্ধৃত করিয়া স্বর বিশেষে উচ্চারণ করাতেই সাম বেদ হইয়াছে।

১। অত্রোচ্যতে। মন্ত্র ব্রাহ্মণাক্ষরঃ তাবদ-
দুর্ভেদ লক্ষণং। অতএবাপস্তম্বো যজ্ঞপরিভাষায়
মেবমাহ। মন্ত্র ব্রাহ্মণয়োর্বৈদনামধেয়মিতি। এবং,
অতএবোক্তং। প্রত্যক্ষাণামুচিত্যা বা য-
ন্তু পায়ে ন বধ্যতে। এবং বিদন্তি বেদেন তন্মা-
দেদম্য বেদতা। সায়নচার্য্য।

যজুর্বেদসংহিতাতে দুই প্রকার মন্ত্র আছে, এক প্রকার মন্ত্রে হ্রস্বঃ আছে, আর এক প্রকার মন্ত্রে হ্রস্বঃ নাই। যাহাতে হ্রস্বঃ আছে, তাহা ঋগ্বেদ হইতে উদ্ধৃত; তন্নিম্ন সমুদায় মন্ত্র যজুঃ। যজুর্বেদ দুই প্রকার, কৃষ্ণ যজুঃ ও শুক্ল যজুঃ। শুক্ল যজুর্বেদীয় বাজসনেয়ি-সংহিতার টীকাকার মঙ্গীধর বেদদীপ নামক টীকাতে এই রূপ লিখিয়াছেন যে, “বেদব্যাস পরম্পরাগত বেদ সকল ঋক্, যজুঃ, সাম ও অথর্ব এই চারি ভাগে বিভক্ত করিয়া পৈল, বৈশম্পায়ন, জৈমিনি ও সুমন্তকে শিক্ষা দেন। তন্মধ্যে বৈশম্পায়ন যজুর্বেদ শিক্ষা করিয়া যাজ্ঞবল্ক্য প্রভৃতি শিষ্যগণকে অধ্যয়ন করান। একদা বৈশম্পায়ন কোন কারণে যাজ্ঞবল্ক্যর উপর ক্রুদ্ধ হইয়া তাঁহাকে কহিলেন, তুমি আমার নিকট অধীত বেদ প্রত্যাৰ্পণ কর। যাজ্ঞবল্ক্য তৎক্ষণাৎ যোগ-প্রভাবে সেই সমস্ত বেদ স্মৃতিমান করিয়া মুখ দ্বারা বিনির্গত করেন। তখন বৈশম্পায়ন অন্যান্য শিষ্যগণকে তাহা গ্রহণ করিতে আদেশ করিলে তাঁহারা তিস্তিরি পক্ষীর রূপ ধারণ করিয়া গ্রহণ করিলেন। এই রূপ মনোমালিন্য উপস্থিত হওয়াতে তৈত্তিরীয় বেদ সকল কৃষ্ণ যজুঃ বলিয়া বিখ্যাত হইল। এদিকে যাজ্ঞবল্ক্য বেদ-হীন হওয়াতে উদ্বিগ্ন হইয়া সূর্যের আরাধনা করিতে লাগিলেন; তৎপরে সূর্য হইতে যে বেদ লাভ করিলেন, তাহা শুক্ল যজুঃ বলিয়া বিখ্যাত হইল। এই যজুর্বেদসংহিতার শেষ অধ্যায় বাজসনেয়ি-সংহিতোপনিষদ্ ও ঐশোপনিষদ্ নামে প্রসিদ্ধ হইয়াছে।

বেদের ব্রাহ্মণভাগ গদ্যে রচিত। কোন কোন স্থানে হ্রস্বঃও দৃষ্ট হইয়া থাকে। কিন্তু তাহার অধিকাংশই সংহিতা হইতে উদ্ধৃত। ব্রাহ্মণভাগকে মন্ত্রভাগের এক প্রকার ব্যাখ্যা বলিলেও বলা যাইতে পারে। সংহি-

তাতে যে সকল মন্ত্র আছে, কোন কোন যজ্ঞে তাহার প্রয়োগ হইবে, তাহাতে যে সকল কঠিন কঠিন শব্দ আছে, তাহার অর্থ কোন মূল হইতে উৎপন্ন হইল; সংহিতাতে যে সকল পুরাণ ও ইতিহাসের ইঙ্গিত পাওয়া যায়, তাহার বিস্তারিত বিবরণ, পশু ও যুগ প্রভৃতির লক্ষণ; এই সকল লইয়া ব্রাহ্মণ ভাগ রচিত হইয়াছে। ব্রাহ্মণ ভাগের শেষ কএক অধ্যায় আরণ্যক বলিয়া বিখ্যাত। এই আরণ্যক অংশকে জ্ঞানকাণ্ড ও অন্যান্য অংশকে কর্মকাণ্ড বলিয়া থাকে। মীমাংসকদিগের মতে জ্ঞানকাণ্ড নামে বেদের কোন অংশ নাই; অন্যান্য দর্শনে যাহা জ্ঞানকাণ্ড বলিয়া উল্লিখিত হয়, মীমাংসা দর্শনের মতে তাহার নাম তত্ত্বি কাণ্ড^২। আরণ্যক বেদের শেষভাগে আছে বলিয়া তাহার আর একটা নাম বেদান্ত হইয়াছে। বেদান্ত দর্শন বলিয়া যাহা প্রসিদ্ধ আছে, তাহা আরণ্যক নহে; বেদব্যাস প্রণীত শারীরিক সূত্র সকলকে বেদান্ত সূত্র ও বেদান্ত দর্শন বলিয়া থাকে।

বেদ অতি বিস্তৃত গ্রন্থ। হিন্দু-জাতির সংস্কার এই যে, যাহা কিছু, সমুদায়ই বেদের মধ্যে প্রাপ্ত হওয়া যায়। বস্তৃতঃ ইহা অত্যুক্তি নহে। বেদের পর স্মৃতি, পুরাণ, দর্শন, চিকিৎসা শাস্ত্র, সর্প বিদ্যা, কাব্য, ইতিহাস প্রভৃতি যাহা কিছু হিন্দু জাতির আচার, ব্যবহার, ধর্মনীতি, রাজনীতি, পার-

২। এ স্থলে ইহা উল্লেখ করা আবশ্যিক যে, শাণ্ডিল্য সূত্র ও তত্ত্বিমীমাংসা নামে যে এক শত সূত্র প্রাপ্ত হওয়া যায়, তাহাতেই জ্ঞান অপেক্ষা তত্ত্বির প্রাধান্য স্বীকার করিয়া সমস্ত উপনিষদ্ তত্ত্বিকাণ্ড বলিয়া কীর্তিত হইয়াছে। কিন্তু মীমাংসা দর্শনের অন্যান্য সূত্র সকলের সহিত তুলনা করিলে তত্ত্বিমীমাংসাকে আধুনিক বলিয়া বোধ হয়। এমন কি ত্রীম-স্তাংগবতোক্ত কৃষ্ণোপাঙ্গনা প্রচলিত হইবার পর, তত্ত্বিমীমাংসার সূত্র সকল যে রচিত হইয়াছে, সূত্রের মধ্যেই তাহার নিদর্শন প্রাপ্ত হওয়া যায়।

মার্থিক ও সাংসারিক বিষয়ের নিয়ামক হইয়া আছে; এক মাত্র বেদকেই তৎসমুদায়ের মূল বলা যায়।

শিক্ষা, কৰ্ম, ব্যাকরণ, নিরুক্ত, ছন্দঃ ও জ্যোতিষ এই ছয় প্রকার শাস্ত্রকে বেদাঙ্গ বলিয়া থাকে। বেদাঙ্গ বেদের মধ্যে না হইয়া স্মৃতির মধ্যে পরিগণিত হয়।

দ্বিতীয় স্মৃতি শাস্ত্র। মনুসংহিতাতে উল্লিখিত হইয়াছে যে, ধর্মের মূল চারি প্রকার; সমস্ত বেদ, বেদজ্ঞদিগের স্মৃতি ও আচার, সাধুগণের আচরণ এবং আত্ম সন্তোষ^৩। ধর্ম নির্ণয় কৰ্মে বেদই সর্ব প্রধান। যে সকল ধর্ম বেদে প্রাপ্ত হওয়া না যায়, তাহা বেদজ্ঞদিগের স্মৃতি ও আচার হইতে সঙ্কলন করিতে হইবে। বেদ সকল নানা শাখায় বিভক্ত হওয়ার পর কালক্রমে তাহার অনেক শাখা বিলুপ্ত হইয়া যায়; উত্তর কালের মহর্ষিরা সেই সকল বিলুপ্ত শাখা স্মরণ করিয়া যে সকল ধর্মশাস্ত্র প্রণয়ন করেন, তাহার নাম স্মৃতি। স্মৃতিতে কেবল যে বিলুপ্ত শাখার ধর্ম সকলই উক্ত হইয়াছে এ রূপ নহে; যে সকল বেদ প্রাপ্ত হওয়া যায়, স্মৃতি শাস্ত্র তাহা হইতেও সংকলিত হইয়াছে। এই রূপে স্মৃতি সকল বেদমূলক হওয়াতে বেদতুল্য মাননীয় হয়। কিন্তু যেখানে বেদের সহিত স্মৃতির বিরোধ আছে, সেখানে স্মৃতির বিধি উপেক্ষিত হইয়া থাকে।

ইতি পূর্বে উক্ত হইয়াছে যে, বেদাঙ্গ সকল স্মৃতির মধ্যে পরিগণিত হয়। সেই ছয় প্রকার বেদাঙ্গের মধ্যে কৰ্ম ও জ্যোতিষ এই দুই খানিই হিন্দুধর্মের ইতিহাস নিৰূপণের উপযোগী, এই দুয়ের মধ্যে কৰ্মই অধিক আবশ্যিক। বহু বিস্তৃত বেদ হইতে যাগ যজ্ঞাদির ব্যবস্থা সকল সংকলন করিয়া

৩। বেদোইখিলং ধর্মমূলং স্মৃতিশীলে চ তদ্বিদাং। আচারশ্চৈব সাধূনাং আত্মনস্তুষ্টিরেবচ।

সংক্ষেপে উপদেশ প্রদান করাই কৰ্ম সূত্র রচনার উদ্দেশ্য। যাহাতে বেদোক্ত বৃহৎ বৃহৎ কৰ্ম সকল উপদিষ্ট হইয়াছে, তাহার নাম শ্রৌত সূত্র; যাহাতে বিবাহাদি গৃহ কৰ্ম সকল আছে, তাহার নাম গৃহ সূত্র। এতদ্বিন্ন সাময়্যচারিক নামে কতকগুলি সূত্র প্রাপ্ত হওয়া যায়; তাহাতে সামাজিক আচার ব্যবহার সকল ব্যবস্থাপিত হইয়াছে। মনুসংহিতা প্রভৃতি যে সমস্ত স্মৃতি সংহিতা প্রাপ্ত হওয়া যাইতেছে, এই ত্রিবিধ সূত্র সকলই তাহার মূল। এই সকল সূত্র হইতে বেদোক্ত যাগ যজ্ঞ, বিবাহাদি গৃহ কৰ্ম ও রাজধর্ম প্রভৃতি সামাজিক আচার ব্যবহার সকল অনুষ্ঠান অথবা অন্যবিধ ছন্দে কিংবা বিষ্ণু সংহিতার ন্যায় গদ্যে পদ্যে গ্রথিত হইয়া স্মৃতি সংহিতা নাম প্রাপ্ত হইয়াছে।

শ্রৌত সূত্র প্রভৃতি সূত্র সকল সংকলিত হওয়াতে যেমন বিস্তীর্ণ ব্রাহ্মণ ভাগ নিষ্পীড়ন করিয়া যাগ যজ্ঞাদির ব্যবস্থা ও পদ্ধতি আহরণ করিবার পরিশ্রম হ্রাস হইয়া যায়, সেই রূপ মনুসংহিতা প্রভৃতি স্মৃতি সকল প্রস্তুত হওয়াতে এই সুবিধা হইয়াছিল যে, পূর্বে এক এক সূত্রগ্রন্থ হইতে, এক এক বিষয়ের ব্যবস্থা নিরূপণ করিতে হইত, এক্ষণে স্মৃতি সংহিতা হইতেই সমুদায় ব্যবস্থা প্রাপ্ত হওয়া যাইতে লাগিল। বিশেষতঃ অধিকাংশ স্মৃতিসংহিতা ছন্দোবদ্ধ হওয়াতে স্মরণ রাখিবার পক্ষেও যথেষ্ট আনুকূল্য হইল। গৃহ সূত্র হইতে গৃহস্থোচিত কৰ্মের ও সাময়্যচারিক সূত্র হইতে সামাজিক আচার ব্যবহার সংকলন করা স্মৃতি সংহিতার যে রূপ উদ্দেশ্য, শ্রৌত সূত্র হইতে দর্শনোপায় প্রভৃতি বৈতানিক কৰ্মের উপদেশ দেওয়া সে রূপ উদ্দেশ্য ছিল না। এই জন্য স্মৃতি সংহিতাতে গৃহ কৰ্ম ও আচার ব্যবহারের বিধি নিষেধই প্রাপ্ত হওয়া যায়; বৈতানিক

কৰ্মের বিষয় প্রাপ্ত হওয়া যায় না। ইহাতে বোধ হয়, স্মৃতি সংহিতার সময়ে বৈতানিক কৰ্মের অনুষ্ঠান অপ্রচলিত হইয়াছিল, অথবা তাহা গৃহ কৰ্মের ন্যায় আবশ্যিক বলিয়া পরিগণিত ছিল না। কোন কোন স্মৃতি সংহিতাতে পৌরাণিক মত সকলও বিবিধ রূপে দেখিতে পাওয়া যায়।

এস্থলে ইহাও উল্লেখ করা আবশ্যিক যে, স্মৃতি সংহিতার মধ্যে কেবল মনুসংহিতা প্রভৃতি কএক খানি গ্রন্থ অথবা প্রাপ্ত হওয়া যাইতেছে; অন্যান্য স্মৃতির যে সকল পুস্তক প্রাপ্ত হওয়া যায়, তাহা দেখিলেই অসংপূর্ণ বোধ হয়। বিশেষতঃ বৃহস্পতি সংহিতা ও আরও কএক খানির বোধ হয় এক এক অধ্যায় মাত্র একত্র প্রাপ্ত হওয়া যাইতেছে। ভবানীচরণ বন্দ্যোপাধ্যায় যে উনিশ খানি স্মৃতি সংহিতা মুদ্রিত করেন, প্রায় তাহার সকলগুলিই এই রূপ ছুর্দশা গ্রন্থ; এমন কি রঘুনন্দন প্রভৃতি নব্য গ্রন্থকারদিগের গ্রন্থে বৃহস্পতি বশিষ্ঠ প্রভৃতির নামে যে সকল বচন প্রাপ্ত হওয়া যায়, উক্ত মুদ্রিত স্মৃতি সংহিতাগুলিতে তাহার অধিকংশই দৃষ্টিগোচর হয় না। এক্ষণে যদি কোন পণ্ডিত বিশেষ পরিশ্রম সহকারে শূলপাণি ও রঘুনন্দন প্রভৃতি প্রাচীন ও নব্য সংগ্রহকারদিগের গ্রন্থ হইতে বচন সকল সংকলন করিয়া প্রাচীন সংহিতা গুলি যত দূর সাধ্য পূর্ণ করিতে পারেন, তিনি অনেকের ধন্য বাদের পাত্র হইয়া থাকিবেন।

সূত্র ও সংহিতা তিন গদ্যে পদ্যে রচিত রাশি রাশি ব্যবস্থা গ্রন্থ দেখিতে পাওয়া যায়, তৎসমুদায়েরই সাধারণ নাম স্মৃতি। সংক্ষেপে এই মাত্র বলিলেই সমুদায় স্মৃতি শাস্ত্রের প্রকৃতি বুঝিতে পারা যাইবে যে ঐহিক ও পারত্রিক বিষয়ে হিন্দুজাতির যে

কোন কার্যের অনুষ্ঠান আবশ্যিক, স্মৃতি শাস্ত্র দ্বারা তৎসমুদায়ই অবগত হওয়া যায়।

তৃতীয় পুরাণ। বেদ সংহিতার মধ্যে এমন সকল ঋক আছে যে, তাহাতে হরিশ্চন্দ্র অমরীষ প্রভৃতি রাজা ও মনু অত্রি প্রভৃতি ঋষিগণের নাম ও তাঁহাদের চরিত্রগুলি উপাখ্যানের ইঙ্গিত প্রাপ্ত হওয়া যায়। বেদের ব্রাহ্মণ ভাগে সেই সকল ঋক অবলম্বন করিয়া সেই সেই রাজা ও ঋষিগণের উপাখ্যান অপেক্ষাকৃত বিস্তারিত হইয়াছে। আবার এই সকল বৈদিক উপাখ্যান নানা-বিধ শাখা প্রশাখায় বিস্তারিত হইয়াই পুরাণ নামে বিখ্যাত হইয়াছে। পুরাণ শব্দের অর্থ দ্বারা ইহাই বোধ হয় যে, পুরাতন বৃত্তান্ত সকল বর্ণন করা ইহার উদ্দেশ্য। পুরাণ-বেত্তারা বলেন যে, সেই সকল বর্ণনা পরম্পরাক্রমে ঘটসম্বাদী না হইলে তাহাকে পুরাণ বলা যায় না। মনে কর, প্রথম ব্যক্তির নিকট দ্বিতীয়, দ্বিতীয়ের নিকট তৃতীয়, তৃতীয়ের নিকট চতুর্থ, চতুর্থের নিকট পঞ্চম ও তাঁহার নিকট ষষ্ঠ ব্যক্তি শ্রবণ করিতেছে; এই রূপে ঘটসম্বাদী হইলেই পুরাণ বলা যাইবে। ইহাই পুরাণের সামান্য লক্ষণ। অমরকোষ অভিধানে পুরাণের আর একটি নাম “পঞ্চলক্ষণ” বলিয়া কথিত হইয়াছে। ভাগবত অনুসারে সেই পাঁচ লক্ষণ এই; সৃষ্টি, প্রলয়, বংশ, মন্বন্তর ও বংশানুচরিত; এই পাঁচটি বিষয় যাহাতে আছে, তাহার নাম পুরাণ। ভাগবত ও ব্রহ্মবৈবর্ত পুরাণে পুরাণ, উপপুরাণ ও মহাপুরাণ এই তিন প্রকার পুরাণের নামোল্লেখ আছে। পদ্মপুরাণ মতে “নারায়ণ স্বয়ং লোকদিগের নিস্তারের জন্য ব্যাসরূপ ধারণ করিয়া পৃথিবীতে পুরাণ সকল প্রচারিত করেন”। সু-

৪। নিস্তারায় তু লোকানাং স্বয়ং নারায়ণঃ প্রভুঃ। ব্যাসরূপেণ কৃতবান্ পুরাণানি মহীতলে।

তরাং সমুদায় পুরাণই বেদব্যাস-প্রণীত বলিয়া প্রসিদ্ধ হইয়াছে।

পুরাণ সকল প্রচলিত হওয়ার পর হিন্দুধর্ম অত্যন্ত রূপান্তরিত হয়। পূর্বে অবতার পূজার কোন প্রসঙ্গ ছিল না; তাহা পুরাণ হইতেই প্রবর্তিত হয়। ধর্ম বিষয়ে শূদ্রদিগের অবস্থা অতি সামান্য ছিল। পুরাণ দ্বারা তদ্বিষয়ে তাহাদের উৎকর্ষ সাধন হয়। স্ত্রীলোকদিগের মধ্যে এক্ষণে যে সকল ব্রতোপবাসাদি প্রচলিত আছে, বেদ বা স্মৃতির মধ্যে তাহার কোন প্রসঙ্গ নাই, পুরাণ সকলই তাহার মূল। পুরাণ দ্বারা হিন্দুধর্মের আর একটি বিশেষ উপকার সাধিত হইয়াছিল;—বৈদিক ধর্মের অনুষ্ঠান একে আয়াস সাধ্য ছিল; তাহাতে আবার সাধারণের অধিকারও ছিল না; বিশেষতঃ কালক্রমে বৌদ্ধদিগের অপেক্ষাকৃত যুক্তি-প্রধান উপদেশ সকল সাধারণ লোকের চিত্ত আকর্ষণ করিতে লাগিল। পিণ্ডুতেরা নানাবিধ দর্শন শাস্ত্রের আলোচনা দ্বারা বৌদ্ধদিগের হস্ত হইতে আপনাদের মত রক্ষা করিয়াছিলেন; কিন্তু সাধারণ লোকের সামান্য বুদ্ধিতে দর্শন শাস্ত্রের জটিল মত সকল প্রবেশ করিতে পারে নাই; তাহারা বৌদ্ধ ধর্মের দিকেই গমন করিতে লাগিল। তখন বুদ্ধের মাহাত্ম্য সাধারণের নিকটে এগন সমাদৃত হইয়াছিল যে, তাহাদের নিকট বুদ্ধের প্রতি ঘৃণা প্রদর্শন করিতে কেহ সাহস করিতেন না। কিন্তু পুরাণ সকল এমনি কৌশলে প্রস্তুত হইয়াছিল যে, তাহার প্রচার অনেকাংশে বৌদ্ধ ধর্মের গতি রোধ করে। বুদ্ধের প্রতি ঘৃণা প্রদর্শন না করিয়া বৌদ্ধ ধর্মের প্রতি লোকের বিতৃষ্ণা জন্মাইবার নিমিত্ত এই রূপ বর্ণিত হইতে লাগিল যে, “পূর্বকালের অসুরগণ পুনর্বার পৃথিবীতে জন্ম গ্রহণ করিয়াছে

এবং বেদোক্ত ধর্ম সকল অনুষ্ঠান করিয়া উন্নতি লাভ করিতেছে; কিন্তু পৃথিবী তাহা-দিগের তাহা অত্যন্ত আক্রান্ত হইয়াছেন, অতএব তাহাদিগের বিনাশ করা অত্যন্ত আৱশ্যক। কিন্তু পাপ না থাকিলে কাহারও বিনাশ হইতে পারে না; এই জন্য নারায়ণ স্বয়ং বুদ্ধ অবতার হইয়া বেদ নিন্দা দ্বারা তাহাদিগের মোহ উৎপাদন করেন এবং তাঁহার পত্নী লক্ষ্মীও পরিব্রাজিকা হইয়া অসুরদিগের কন্যাগণকে বুদ্ধি ভ্রষ্ট করেন; এই রূপে তাহারা পাপাক্রান্ত হইয়া উৎসন্ন যাইবে।” অতঃপর বৌদ্ধ ধর্মের প্রতি উক্ত রূপ বিদেষ তাই সাধারণের মনে বদ্ধমূল হইয়াছিল দেখিতে পাওয়া যায়। যদিও বৈদিক উপাখ্যানই পুরাণের মূল, তথাপি তাহাতে ইতিহাসের উপযোগী অনেক বিষয় প্রাপ্ত হওয়া যায়।

চতুর্থতন্ত্র। পুরাণের সময়ে ব্রাহ্মধর্মের সহিত অন্যান্য ধর্ম যতই মিশ্রিত হইক, তথাপি বেদ বা স্মৃতির বিরোধী হইলে পৌরাণিক মত উপেক্ষিত এবং বৈদিক মত হইতে যতই পৃথক হইক, তথাপি বেদের অনুগত বলিয়াই উহা সমাদৃত হইত। কিন্তু তন্ত্র সকল সাঙ্গাৎ সম্বন্ধে বেদের সহিত প্রতিদ্বন্দ্বিতা করিয়াই প্রচারিত হয়। তন্ত্রে স্পষ্টাক্ষরে উল্লিখিত হইয়াছে যে, “সত্য যুগের ধর্ম শাস্ত্র বেদ, ত্রেতা যুগের স্মৃতি ও ভারত, দ্বাপর যুগের পুরাণ এবং কলি যুগের ধর্ম শাস্ত্র তন্ত্র।” “সুধী ব্যক্তি কলিতে আগমোক্ত বিধানে দেবগণের যাগ করিবেক; অন্য বিধান অনুসারে করিলে দেবগণ প্রসন্ন হন না।”

৫। স্ত্রী লোকেরাও চিরকুমারী থাকিয়া বৌদ্ধ ধর্ম প্রচার করিত।

৬। তথাচ যামলে। ক্রূতে ঋতুজ্ঞে মার্গেণ ত্রেতাযাং স্মৃতিভারতে। দ্বাপরেতু পুরাণানি কলা-বাগনসম্ভবাঃ। তন্ত্রসার।

৭। তারা প্রদীপে। আগমোক্ত বিধানেন কলৌ

তন্ত্র যে, সকল শাস্ত্রের শেষে প্রকাশিত হয়, স্বয়ং তন্ত্রই তাহা স্বীকার করিতেছে। সমুদায় তন্ত্রই মহাদেব দ্বারা কথিত হইয়াছে বলিয়া প্রসিদ্ধ আছে। তান্ত্রিকেরা তন্ত্র শব্দের এই অর্থ করেন যে, যাগতে শিব বাক্যের তনন অর্থাৎ বিস্তার আছে, তাহার নাম তন্ত্র। সমুদায় তন্ত্র তিন ভাগে প্রসিদ্ধ; আগম, যামল ও তন্ত্র; কোন কোন গ্রন্থে আগম, ডামর, যামল ও তন্ত্র এই চারিটি নাম ও যোগডামর শিবডামর ছুর্গা-ডামর প্রভৃতি—কএক খানি গ্রন্থও প্রাপ্ত হওয়া যায়; এই সকলের আবার অনেক অবান্তর বিভাগ আছে। এতদ্ভিন্ন কতকগুলি উপতন্ত্র বলিয়া প্রসিদ্ধ। তন্ত্র ও উপতন্ত্র সমুদায়ের সংখ্যা যে কত হইবে, তাহা তন্ত্র স্বয়ংই গণনা করিতে অসমর্থ হইয়াছেন। বারাহীতন্ত্রে কতকগুলি উপতন্ত্রের নাম উল্লেখের পর কথিত হইয়াছে। “এ স্থলে মহাত্মা ধার্মিকগণ সমুদায় তন্ত্রের সংখ্যা করেন নাই, যে সকল তন্ত্র সার হইতেও সারতর, তাহাই সংখ্যা করা হইল জানিবে।” এই বারাহী তন্ত্রে আগম যামল প্রভৃতির পৃথক পৃথক লক্ষণ সকলও নির্দিষ্ট হইয়াছে। তন্ত্রের প্রকৃতি কিয়দংশে বেদের ন্যায়, কিয়দংশে স্মৃতির ন্যায়, কিয়দংশে পুরাণের ন্যায় এবং কিয়দংশে সম্পূর্ণ নূতন। ইহাতে বেদের ন্যায় মন্ত্র ও যাগ যজ্ঞাদি এবং উপনিষদের ন্যায় ব্রহ্মজ্ঞানের উপদেশও আছে। স্মৃতির ন্যায় নানাবিধ ব্যবস্থা, রাজধর্ম, দামধর্ম, বর্ণভেদ জাতিভেদ প্রভৃতির বিষয় কথিত হইয়াছে, এবং পুরাণের ন্যায় সৃষ্টি ও মহাপ্রলয়ের বৃত্তান্ত প্রভৃতি পুরাতত্ত্ব সকল বর্ণিত হইয়াছে।

দেবানু যজ্ঞেৎ সুধীঃ। নচি দেবাঃ প্রসীদন্তি কলৌ চানা বিধানতঃ।

৮। ন সংখ্যাতানি তান্যত্র ধর্মবিত্তমহাত্মাভিঃ। সারাং সারতরণ্যেব সংখ্যাতানি নিবোধত ॥

গুরু শিষ্যের সম্বন্ধ চিরকালই আছে। বেদের সময় সেই সম্বন্ধ পিতাপুত্রের ন্যায় অতি সুচারু, সহজ ও নৈসর্গিক অবস্থায় ছিল, তন্ত্রে তাহা এক বারে রূপান্তরিত হইয়াছে। “অভিষিক্ত ভ্রাণকর্তা তোমার সম্মুখে।” “যে ব্যক্তি আমাকে অগ্রাহ করে, সে ব্যক্তি আমার স্বর্গস্থ পিতাকে অগ্রাহ করে।” “যে ব্যক্তি পিতামাতা অপেক্ষা আমাকে অধিক প্রেম না করে, সে আমার যোগ্য নহে।” “পৃথিবীতেও মনুষ্যপুত্র পাপ ক্ষমা করিতে পারেন, ইহা তোমরা জান, খৃষ্টের এই বাক্যগুলিতে মনে যে রূপ ভাবের উদয় হয়, “যে ব্যক্তি গুরুকে মনুষ্য বলিয়া ভাবে, সে নরক গমন করিবেক।” “পিতা অপেক্ষাও গুরুকে অধিক করিয়া মানিবে।” “দেবতা রুক্ষ হইলে গুরু পরিভ্রাণ করেন, গুরু রুক্ষ হইলে কেহ পরিভ্রাণ নাই।” “গুরু নিকটে থাকিতে যে ব্যক্তি অন্য দেবতার পূজা করে, সে ঘোর নরকে গমন করে, এবং সেই পূজা বিফলা হয়।” তন্ত্রের এই বাক্য গুলি পাঠ করিলেও সেই ভাবের উদয় হয়। আশ্চর্যের বিষয় এই, কৃষ্ণানন্দ তট্টাচার্য এই সকল অপকৃষ্ট অংশ গুলিই স্বকৃত তন্ত্র-সার গ্রন্থে সংগৃহীত করিয়াছেন; সুতরাং সাধারণ লোকে ইহাই বাস্তবিক তন্ত্রের সার অংশ বলিয়া অবধারণ করিয়া আছে। যদি এই রূপ মনুষ্য পূজা ও গুরুদত্ত মন্ত্রের

৯। কুলার্গবে। গুরৌ মনুষ্য বুদ্ধিত্ত্ব-
কর্ণানো নরকং ব্রজেৎ।

১০। জীক্রমে।—মনোত সততং পিতুরপা-
ধিকং গুরুং।

১১। কুলার্গবে। দেবে কক্ষে গুরু জ্ঞাতা গুরৌ
কক্ষে ন কশচন।

১২। কুলার্গবে। গুরৌ সন্নিসিতে বস্ত্র পূজয়ে-
দন্য দেবতাঃ। প্রযাতি নরকং ঘোরং সা পূজা
বিফলা ভবেৎ।

সাধনা ব্যতিরেকে তত্ত্ব আর কিছু না থাকে, তাহা হইলে তত্ত্ব অপেক্ষা অপকৃষ্ট ধর্মশাস্ত্র আর কিছুই নাই। বস্তুত তত্ত্ব সে রূপ অপকৃষ্ট নহে। সমুদয় হিন্দুধর্মের যাহা উদ্দেশ্য, তত্ত্বেরও সেই উদ্দেশ্য দেখিতে পাওয়া যায়। এক মাত্র পরব্রহ্মের আরাধনাই যে সার ধর্ম, তত্ত্ব তাহার সুস্পষ্ট উপদেশ আছে। যে তত্ত্ব গুরু এমন তয়ানক দাবি, সেই তত্ত্বই প্রাপ্ত হওয়া যায়;—“বর্ণাভিত্তিক বিকারশূন্য পরব্রহ্মকে জানিতে পারিলে মন্ত্র ও মন্ত্রের অধিপতি দেবতারা দাসত্ব প্রাপ্ত হন।” “পরব্রহ্মকে জানিলে সমুদায় বিধি অনাবশ্যক হয়, মলয় বায়ু পাইলে তাল বৃন্তে কি প্রয়োজন?” ছুংখের বিষয় এই—পূর্ব পুরুষগণের পুস্তক গুলির প্রতি চক্ষু উন্মীলন করিতেও হিন্দু-জাতির ক্লেশ বোধ হয়।

উপরে যে চারি প্রকার শাস্ত্রের কথা উল্লিখিত হইল, হিন্দুদিগের সমুদায় ধর্মশাস্ত্র তাহার কোনটি না কোনটির অন্তর্গত হইবে। রঘুনন্দনের অষ্টাবিংশতি তত্ত্ব ভ্রুতি যে সকল গ্রন্থ এক্ষণে বঙ্গদেশের প্রধান ধর্মশাস্ত্র হইয়া আছে, এ স্থলে তাহার বিষয় পৃথক্ উল্লেখ করিবার প্রয়োজন নাই, সংক্ষেপে এই মাত্র বলিলেই পর্যাপ্ত হইবে যে, সাধারণ লোকের সুবিধার নিমিত্ত বেদ স্মৃতি পুরাণ ও তত্ত্ব হইতে আবশ্যিক প্রমাণ সকল সংগ্রহ করিয়া সংগ্রহকারেরা এই রূপ ভূরি ভূরি সংগ্রহগ্রন্থ প্রণয়ন করিয়াছেন; তাহা দ্বারা স্বপায়াসেই প্রচলিত হিন্দুধর্মের ব্যবস্থা দানে পণ্ডিত হওয়া যায়। এবং যে অবধি সেই সকল সংগ্রহ মাত্র এ দেশীয়দিগের পাঠ্য

১৩। বিদিত্তেতু পরে তত্ত্ব বর্ণাভিত্তিক হইবে। কিন্তু হি গচ্ছন্তি মন্ত্রা মন্ত্রাধিপৈঃ সহ। পরে ব্রহ্মণি বিজ্ঞাতে সমস্তৈর্নিবর্তিতৈঃ তালবন্তেন কিং কার্যং লব্ধে মলয় মাংকতে।

পুস্তকের সীমা হইয়াছে, সেই অবধি মূল গ্রন্থের অন্তর্ধান আরম্ভ হইয়াছে।

দর্শন শাস্ত্র সকল ধর্মশাস্ত্র বলিয়া পরিগণিত হয় না, কিন্তু এ প্রস্তাবে তৎসমুদায়েরও স্বূল বৃত্তান্তের উল্লেখ নিতান্ত আবশ্যিক হইতেছে। যেমন বেদের কর্ম কাণ্ড হইতে কল্প সূত্র সংকলিত হয়, সেই রূপ বেদের জ্ঞান কাণ্ডই দর্শনসূত্র সকলের মূল। মাধবাচার্য্য সর্ব দর্শন সংগ্রহ নামক গ্রন্থে বেদান্ত দর্শন তিন পঞ্চদশ প্রকার দর্শনের মত সংগ্রহ করিয়া গিয়াছেন; বেদান্ত দর্শনে তাঁহার আত্যন্তিক ভক্তি থাকিতে তিনি তাহা সর্বোৎকৃষ্ট বলিয়া ইহার মধ্যে আনয়ন করেন নাই। তাহা লইয়া ষোড়শ প্রকার দর্শন-সম্প্রদায় প্রাপ্ত হওয়া যাইতেছে। যদি তাহার মধ্য হইতে চার্বাক দর্শন ও বৌদ্ধ দর্শন পরিত্যাগ করা যায়, তাহা হইলেও আমাদের চতুর্দশটি দর্শন-সম্প্রদায় প্রাপ্ত হওয়া যায়। ইহার মধ্যে মীমাংসা, বেদান্ত, ন্যায়, পাতঞ্জল, বৈশেষিক ও সাংখ্য এই ষড়্ দর্শনই অত্যন্ত প্রসিদ্ধ। অধিকাংশ দর্শন বৌদ্ধদিগের যুক্তিমূলক মত হইতে ব্রাহ্মণদিগের বেদমূলক ধর্মকে রক্ষা করিবার নিমিত্তই আবির্ভূত হইয়াছিল। ধর্মশাস্ত্র সকলকে রক্ষা করিয়া স্বয়ং বুদ্ধি অনুসারে সত্য সকল নিরূপণ করাই দর্শনকারদিগের উদ্দেশ্য ছিল। ঈশ্বরের অস্তিত্ব বিষয়ে প্রমাণ সংগ্রহ, তাঁহার স্বরূপ নিরূপণ, মুক্তি লাভের উপায় নির্ধারণ, বেদের পরস্পর বিরুদ্ধ স্থান সকলের সমন্বয়, ধর্ম নির্ণয়, যোগসিদ্ধির উপায় ও ফলের আলোচনা, সামান্যতঃ এই সকল দর্শন শাস্ত্রের বিষয়। বেদসংহিতা ও দর্শন শাস্ত্র এই উভয়ের একটিকে হিন্দুদিগের হৃদয়ের আর একটিকে বুদ্ধিনৈপুণ্যের প্রতিবিম্ব বলিয়া গ্রহণ করা যায়।

চন্দন নগর নবম সাংবৎসরিক ব্রাহ্মসমাজ।

১৯১০ শক ২৫ ফাল্গুন।

প্রান্তঃ কালের উপাসনান্তে শ্রীযুক্ত চন্দ্রশেখর
গঙ্গোপাধ্যায় এই বক্তৃতা করেন—

“সনানে বৃক্ষে পুরুষোমিমম্ভোঃ নীশযা শোচতিমুহ্যমানঃ।
কুটং যদা পশ্যাতানানীশমস্য মহিমানমিতি বীতশোকঃ।”

“জীবাঙ্গা শরীর-মধ্যে নিমগ্ন রহিয়া এই-
দীন ভাবে মুহমান হইয়া সর্বদাই শোক
করিতে থাকে; কিন্তু যখন সর্বসেবা ঈশ্বরকে
ও তাঁহার মহিমাকে দেখিতে পায়, তখন
তাহার আর শোক থাকে না।

কিসের জন্য রে আঁগ্ন! এঁত লালায়িত
হইতেছ। কিসের জন্য সদাই চিন্তিত,
সদাই ব্যগ্র। এত আয়োজন, এত আঁড়ম্বর
কিসের জন্ম। কতকগুলি উপকরণ সংগ্রহ
করিতে করিতেই কি জীবন অতিবাহিত
করিবে, তোমার ক্রিয়াকলাপের কি আর
কোন উদ্দেশ্য নাই। কাহার পুত্র তুমি
তাহার কিছু স্মরণ নাই। প্রবাসে আসিয়া
স্বদেশ একে বারে ভুলিয়া গিয়াছ। কোথা
তোমার গম্য স্থান তাহা একবারও মনে
কর না। এমত প্রমাদে তুমি পতিত হই-
য়াছ। হায় কি পরিতাপ! মোহরূপ প্র-
বন্ধকের মিথ্যা বচনে একেবারে নিজ মহত্ব
বিস্মৃত হইলে। এমত হত-জ্ঞান তুমি যে,
স্বতঃসিদ্ধ সহজ সত্য হইতে ভ্রষ্ট রহি-
য়াছ। শিশু সন্তানের অঙ্গসৌষ্ঠব গঠন-
কৌশল দেখিয়া কে না অনায়াসে বুঝিতে
পারে যে সে কখনই আলোকশূন্য বায়ু-
শূন্য কাঁরাগার-স্বরূপ গর্ভমধ্যে অবস্থিতি
করিতেই কেবল সৃষ্ট হয় নাই, সেই রূপ
তোমার সুন্দর এবং মহৎ বৃত্তি থাকতে,
তোমাতে দেব ভাব নিহিত থাকতে, তুমি
কি বুঝিতে পারিতেছ না, যে এই তমসাবৃত

প্রকৃত-আনন্দ-শূন্য সংসারে বন্ধ থাকিবার
জন্য তোমার আবির্ভাব হয় নাই। কেবল
সংসার-বিচরণে সেই সকল সমুদয় বৃত্তি
স্মৃতি পায় না। যেমত মানব-শরীরে হস্ত-
পদাদি সংযোগ করিয়া জগদীশ্বর তত্পয়ুক্ত
কর্ম-ক্ষেত্র বিস্তার করিয়া রাখিয়াছেন, তজপ
তোমাতে প্রীতি ভক্তি আশা আনন্দ ই-
ত্যাদি উৎকৃষ্টতর বৃত্তি প্রদান করিয়া তাহার
চরিতার্থতা সাধনের উপযুক্ত পদার্থ অব-
শ্যই দিয়াছেন। ঈশ্বর স্বয়ংই ঐ সকল
বৃত্তির সম্যক্ চরিতার্থতার একমাত্র স্থল।
যিনি নিষ্কলঙ্ক ও পবিত্র-স্বরূপ তিনি তিন
আর তোমার ভক্তি ও শ্রদ্ধার আশ্রয় কে
হইবে, যাঁহার পূর্ণ প্রেম ও অসীম করুণা
তাঁহারই সহিত তোমার অত্যাচার আকর্ষণের
সত্তাবনা, যিনি মঙ্গলস্বরূপ ও সর্বশক্তিমান
তাঁহার নিকট তোমার পূর্ণ আশা ও নির্ভর,
যিনি নিত্য শান্ত ও আনন্দময় তাঁহার সহ-
বাসে তোমার নির্মল ও অবিচ্ছিন্ন আনন্দ।
এই মর্ত্য লোকে যত কিছু সৃষ্ট হইয়াছে
তাঁহার মধ্যে তুমি তোমার পিতার প্রিয়
ধন। তুমি সেই মহান পুরুষের সন্তান,
ইহা যেন সদাই তোমার অন্তরে জাগরুক
থাকে। এবং এই সত্য ধারণ করিয়া তাঁহাকে
তোমার আদর্শ করিয়া ক্ষীণতা মলিনতা
হইতে উত্তীর্ণ হও, এবং আপনাতঃ মহৎ
ভাব রক্ষা কর। আনন্দই তোমার উদ্দেশ্য,
আনন্দই তোমার জীবিকা, আনন্দই তোমার
জীবন। তবে সেই মহান আনন্দের আকর
ছাড়িয়া আর কোথায় আনন্দ অন্বেষণ
করিবে।

তিনি যখন কোন একটা বৃত্তি তোমাকে
নিরর্থক প্রদান করেন নাই এবং যখন
তোমার উৎকৃষ্ট বৃত্তি সকলের চরিতার্থতা
সাধনের স্থল নিজে হইয়া রাখিয়াছেন—
যেখানে কোন ব্যাঘাত বা নৈরাশোর সত্তাবনা

নাই—তখন তৎসাধনে উপেক্ষা করিয়া ইহ-লোকের ক্ষুদ্র বিষয়ের প্রতি অনুরাগের সহিত ধাবমান হওয়াই কি তোমার উচিত হইল?

জগদীশ্বর আমাদের ধর্ম ও আত্মোন্নতি সাধনে নিত্য ও নির্মল আনন্দ, সাংসারিক বিষয়ে ক্ষুদ্র অস্থায়ী এবং অতৃপ্তিকর সুখ এবং পাপক্রিয়াতে গ্লানি ও বিবাদ সংযোগ করিয়া এক প্রকার স্পর্শাঙ্করে প্রদর্শন করিতেছেন, যে কোন্ বিষয় লাভ করা আমাদের জীবনের সর্ব প্রধান কার্য, কোন বিষয় আসক্তি-বিহীন হইয়া গ্রহণ করিতে হইবে, এবং কোন্ বিষয়ই বা একে বারে বিষবৎ পরিত্যাগ করিতে হইবে। কিন্তু আমরা মোহাক্রম হইয়া তাঁহার স্পর্শ আদেশ অবহেলা করি এবং ক্ষুদ্র বিষয় অথবা গলিন ক্রিয়াতে রত থাকিয়া আমাদের মহান লক্ষ্য ভুলিয়া যাই।

যেমন আমাদের ইহ জীবনের অবস্থা বিশেষের নির্দিষ্ট কার্য সম্পন্ন করিয়া সেই অবস্থার কিয়দংশ কাল অতিবাহিত করিলে তাহাতেই আমাদের জীবনের সমস্ত কার্যের পরিসমাপ্তি হয় না, অর্থাৎ যেমন শৈশব অথবা যৌবনাবস্থার কার্য সকল সম্পন্ন করিলে ইহজীবনের সমস্ত উদ্দেশ্য সিদ্ধ হইল এমত কখনই হইতে পারে না, সেই রূপ প্রশস্ত দৃষ্টি দ্বারা যদি অবলোকন করা যায় তাহা হইলে ইহাই স্থির সিদ্ধ হইবে যে, আমাদের ইহ জীবন কেবল অনন্ত জীবনের এক অবস্থা মাত্র, এবং অনন্ত জীবনের উদ্দেশ্য যে অজ্ঞার প্রস্ফুরণ ও উন্নতি সাধন তাহা ইহ জীবন হইতে স্থির রাখিয়া পরকালের জন্য উপযুক্ত হইতে হইবে। বাল্যকালের ক্রীড়াতে সকলই এক সময় না এক সময় মুখানুভব করিতেন, কিন্তু বয়োবৃদ্ধি সহকারে যদি কেহ তাহাতে আবদ্ধ থাকিয়া কাল যাপন করিতে থাকেন, তবে তাঁহাকে

যেমন রূপাপাত্র মনে হয়, সেই রূপ সংসারের বিষয় কার্য করিতে করিতে তাহাতেই আবদ্ধ হইয়া আপনাদের লক্ষ্যভ্রষ্ট হইলে আমাদের স্বভাবনিহিত মহত্ত্বের পক্ষে ব্যাঘাত জন্মে, সুতরাং তাহার প্রতিফল-স্বরূপ আমাদের নিরানন্দ ভোগ করিতে হয়। যদিও আমাদের জীবনের সার কার্য এই রূপ উদাস্য প্রদর্শন কয়তে আমাদের হৃদয়ের শান্তিরস শুষ্ক হইতে থাকে, তথাপি আমরা বুঝি না যে, কেন আমাদের একপ দুর্গতি উপস্থিত হয়। তথাপি সংসারের প্রলোভন বাক্যে আমাদের নীয়মান হইতে দিই। আমরা তিক্ত ও মিষ্ট রস দ্বারা বস্ত বিশেষের সেব্যসেব্যের বিষয় অনায়াসে নির্দেশ করিয়া থাকি, কিন্তু আশ্চর্য্য এই, আত্মতত্ত্ব সম্বন্ধে আমাদের একপ ভ্রান্তি উপস্থিত হয় যে, আত্মার অতৃপ্তি ও তৃপ্তি দ্বারা বিষয়মুখ ও ব্রহ্মানন্দের মধ্যে মহত্ত্ব গ্রহণ করিতে সমর্থ হই না। আমরা তৃষ্ণার্ত যুগের ন্যায় সুখাভিলাষে সংসারের প্রতি ধাবমান হই, কিন্তু যখন আমাদের অভিলষিত বস্তু হস্তগত হয়, তখন তদ্বারা কি আমাদের তৃষ্ণার কিছু শান্তি হয়? কিছুই না। বরং পূর্বাপেক্ষা আমাদের তৃষ্ণা বর্দ্ধিত হইয়া আমাদের আরাগণ্ডি করে। সাংসারিক বিষয় লাভের পূর্বে চিন্তে যে ব্যগ্রতা উদয় হয়, সংসার বিচরণে প্রমত্ত হইয়া যে আত্মবিস্মৃতি আইসে, তাহাতেই সংসারের সকল সুখ পর্য্যবসিত হয়। সেই চিন্তের ব্যগ্রতায় পরিণামে কোন সুখোদয় হয় না, সেই আত্মবিস্মৃতি কেবল আমাদের পশু-তুল্য করিয়া ফেলে। অতএব তাহা লইয়া উন্নতিশীল মানবাত্মা কি রূপে সুস্থির থাকিতে পারে। ইহার জন্য যাহারা পৃথিবীর সমুদায় প্রার্থনীয় বস্তু লাভ করিয়াছেন, যাহাদের গৃহ ধনরত্নে পরিপূর্ণ, যাহারা

মান সত্ত্বম প্রভুত্বের উচ্চ শিখরে সদাই আরোহণ করিয়া আছেন, তাহারা এই সমুদায় প্রাপ্ত হইয়াও আপনাদের হৃদয়কে অপূর্ণ বোধ করেন। বিশেষতঃ সংসার যখন মৃত্যুর প্রতিক্রম, ইহার তাবৎ বস্তুই অনিত্য, এবং যখন মৃত্যুর প্রতি আমাদের স্বভাবতঃ এক প্রকার বিরাগ ভাব আছে, তখন সেই সকল অনিত্য বিষয়ে রত হইয়া আপনাদিগকে মৃত্যুপাশে আবদ্ধ করিলে তদ্বারা আমাদের আত্মার কি রূপে শান্তি লাভ হইতে পারে। এই হেতু যখনই অমৃতের পরম সেতুস্বরূপ ঈশ্বরকে ভুলিয়া কালান্তিপাত করি, তখনই আমাদের আত্মা দীন ভাবে শোক করিতে থাকে, কিন্তু যদি আমাদের শুভবুদ্ধির বলে ঈশ্বরের প্রসাদ রক্ষা করিতে পারি তাহা হইলে আমাদের সৌভাগ্যস্বয়োর উদয় হয়। এবং তাঁহাকে অন্তরে সাক্ষাৎ দর্শন করিয়া আমাদের সকল সন্তাপ বিদূরিত হয়।

পূর্বে সমস্ত পৃথিবী অন্বেষণ করিয়া যে তৃপ্তি সুখ পাওয়া যায় নাই তখন ব্রহ্মানন্দ-রসাস্বাদনে তাহা অনুভূত হইতে থাকে, তখন অমৃতের আস্বাদ পাইয়া অনিত্য বস্তুতে আর অতিরিক্ত হয় না, এবং অন্তর হইতে ক্রমাগত এই বাক্য নিঃসৃত হইতে থাকে—“যেনাহং না মৃত্যু স্যাৎ কিমহং তেন কুর্যাম্।” যাহা দ্বারা আমি অমর না হই তাহা লইয়া আমি কি করিব।

হে পরমাত্মন! আমাদের দিগকে যে অতি-প্রায়ে এখানে প্রেরণ করিয়াছ তাহা সংসিদ্ধ করিবার জন্য আমাদের যেন সর্বদাই লক্ষ্য থাকে। পবিত্রতা অর্জন, আত্মার উন্নতি সাধন, তোমার আনন্দাভূত লাভ করিবার জন্য আমরা যে এমত উৎকর্ষ মানব জন্ম প্রাপ্ত হইয়াছি, তাহা যেন সফল করিতে পারি। যে সংসারে থাকিয়া আমাদের জীবনের

উদ্দেশ্য সিদ্ধ করিতে হইবে সে অতি সংকট স্থল। অতএব হে রূপাসিদ্ধো! তুমি রূপা করিয়া আমাদের সম্মুখে বিরাজমান থাক, এবং আমাদের সম্মুখে এমত বল বিধান কর, যাহাতে সংসারের সমুদায় বিশ্ব, সমুদায় বিপত্তি অতিক্রম করিয়া আমাদের গম্য স্থানে উপনীত হইতে পারি। তোমার উৎসাহকর আনন্দ আমাদের সম্বন্ধে যেন সর্বদা প্রকাশ থাকে, তাহা হইলে পাপ তাপ হইতে অনায়াসে উত্তীর্ণ হইতে পারিব। তোমাকে ছাড়িয়া যেন মুহূর্ত্ত কালের জন্য কোন কার্যে নিযুক্ত না থাকি এমত শুভ বুদ্ধি প্রেরণ কর। আমরা তো জানিয়াছি যে তোমাকে ছাড়িয়া কার্য করিলে আমাদের কত বিষাদ কত নিরানন্দ ভোগ করিতে হয়, কত প্রকার ভয় আমাদের দিগকে আক্রমণ করে। যখনই তোমাকে ছাড়িয়া কার্য করিয়াছি, তখনই চতুর্দিক অন্ধকার দেখিয়াছি। কিন্তু যখন তোমার দর্শন পাই, তখন চারি দিক আলোক ও আনন্দে পরিপূর্ণ হয়। তোমাকে ছাড়িয়া সম্পদেও সুখ নাই, তোমাকে পাইয়া বিপদও অনায়াসে বহন করা যায়। তুমি স্পর্শমণি—তুমি এমনি আনন্দময়, প্রেমময়, ও মঙ্গলময় যে তোমার সহবাস এক বার লাভ করিতে পারিলে সকল দুঃখ সকল সন্তাপ একে বারে বিনাশ পায়, হৃদয় শান্ত ভাব ধারণ করিয়া শুক পুলকে তোমার আনন্দরস পান করিতে থাকে। হে রূপাময়! যাহাতে তোমাকে অন্তরে নিরন্তর বিরাজমান দেখিয়া আপ্তকাম হইতে পারি তুমি আমাদের দিগকে এমত উপযুক্ত কর।

ওঁ একমেবাদ্বিতীয়ং।”

ব্রহ্মসঙ্গীত ।

রাগিণী ইমন-কলাগ—তাল চৌতাল ।
 তাঁরে ভজ ভজ রে মন সেই আদি-দেব ভুবন-
 নাথ পরম পুরুষ পরমেশ্বর একায়নে ।
 ভক্তি যোগেতে পূজ অবিরত মোক্ষ-সেতু
 পাপ-দমনে ।
 পবিত্র-হৃদয়ে শোভন-সুরে গাও সতত সেই
 জন্ম-মরণ-রহিত সনাতনে ।

রাগিণী কেদারা—তাল চৌতাল ।

সত্য-রূপ, জ্ঞান-রূপ, অনাদি-অনন্ত-রূপ,
 অমৃত-আনন্দ-রূপ, অদ্বিতীয় তুমি হে ।
 তবাত্মোদি-পার-হেতু, এক মাত্র তুমি সেতু,
 অভয়-মঙ্গল-কেতু, শান্তি-রূপ তুমি হে ।

রাগিণী কানেড়া—তাল চৌতাল ।

পর্বত পাথার ব্যোমে জাগে রুদ্র উদাত-
 বাজ ।
 দেব-দেব মহাদেব, কাল-কাল মহাকাল,
 ধর্মরাজ, শঙ্কর, শিবতর, হন পাপ ॥

রাগিণী মিল্লা মল্লার—তাল চৌতাল ।

ভুবন আকুল না জেনে তাঁর নাম-রূপ-
 আবাস, জীবন সঁপিতে বারণ না মানে ।
 নবীন জলদ সেই খেদে অশ্রু বারি করে
 মোচন তৈরব গরজনে, ভানু-শশাঙ্ক ফেরে
 সন্ধানে ।

রাগিণী বেহাগ—তাল কাওয়ালি ।

উঠ, ওহে জাগো, না রহিও যোর নিদ্রাতে,
 দীন-হীন-মলিনতা দূর কর, হৃত-দেহ-সমান
 হে হবে কত ।
 সব যাত্রী গেল পার হইয়ে, দেখ চাহিয়ে,
 আর বিলম্ব তো ভাল নয়,
 উঠ, চল, কর স্মরা, সেই শান্তি-গৃহ পাইবে ।

রাগিণী ঝিঁজিট—তাল ঠুংরি ।

কর তাঁর নাম গান ।
 যত দিন রহে দেহে প্রাণ ।
 যাঁর হে মহিমা জ্বলন্ত জ্যোতি জগত করে
 রে আলো,
 শ্রোত বহে প্রেম-পৌষ-বারি, সকল জীব
 সুখকারি, হে ।
 করুণা স্মরিয়ে তনু হয় পুনকিত, বাক্যে
 বলিতে কি পারি ?
 যাঁর প্রসাদে এক মুহূর্ত্তে সকল শোক অব-
 সারি, হে ।
 উচ্চে নীচে, দেশ দেশান্তে, জল-গর্ভে কি
 আকাশে,
 অস্ত কোথা তাঁর, অস্ত কোথা তাঁর, এই সদা
 সবে জিজ্ঞাসে, হে ।
 চেতন-নিকেতন, পরশ রতন, সেই নয়ন
 অনিমেঘ,
 নিরঞ্জন সেই, যাঁর দরশনে নাহি রহে ছুখ
 লেশ, হে ॥

রাগিণী ইমন কলাগ—তাল তেওরা ।

ব্রহ্মানু, মোপরে সদয় হও হে, মোর সব ছুখ
 দূর কর ।
 শান্তি দাতা, শান্তি বারি বরিষিয়ে কর
 শীতল, মোচন কর পাপ-ভার ॥
 মোপরে সদয় হও হে, মোর সব ছুখ দূর
 কর ।

রাগিণী মল্লার—তাল কাওয়ালি ।

নামি বিভূ তব চরণে ।
 রূপা-নিধান, রূপা-নিধান, ত্রিলোক-
 তারণ, লজ্জা-নিবারণ, ভব-ছুখ-নাশন নাম
 ধরো হে ।
 জীবন-বল্লভ, দরশন-ছল্লভ, তোমা তরে
 আকুল প্রাণ আমার । রক্ষা কর হে করুণা-
 সাগর, বিহ্ব-রূপা তব দেও আমারে ॥

কাপ্রিয়া সম্প্রদায় ।

অন্যান্য হিন্দু সম্প্রদায়ের যেমন আমূল
 বৃত্তান্ত সবিস্তরে কিছুই জানা যায় না,
 কাপ্রিয়া সম্প্রদায়েরও সেই রূপ । ইহারা
 কহে যখন ত্রেতাযুগে সূর্য্যবংশে রাজা
 রামচন্দ্র জন্ম গ্রহণ করিয়াছিলেন, এই
 সম্প্রদায় সেই সময়েরই । ইহাদিগের বিশ্বাস
 এই যে রামচন্দ্রই এই সম্প্রদায়ের প্রতি-
 ঠাতা । ইহারা দেবী পার্বতীর উপাসক ।
 কোন ঘটনায় এই দেবী কায়াপুরী এই
 নামটি গ্রহণ করিয়াছিলেন । বোধ হয় এই
 নামেই এই সম্প্রদায়ের নাম কাপ্রিয়া হইয়া
 থাকিবে । ইহারা পশ্চিম সমুদ্রের উপ-
 কূলে মর দেশে বাস করে । তথায় কায়া-
 পুরী দেবীর একটি প্রস্তুতময় প্রতিমূর্ত্তি
 ও মঠ আছে । কচ্ছ দেশে এই দেবী
 আশাপুরী ও মাতা নামে প্রসিদ্ধ ।
 লাল্লা যশরাজ সর্বাগ্রে এই মূর্ত্তি দেখিতে
 পান এবং তিনিই এই মূর্ত্তি রক্ষা
 করিবার নিমিত্ত মঠ নির্মাণ করেন ।
 দেবীর প্রতিষ্ঠাতা লাল্লা যশরাজের যত্ন
 পর বহুদিবসাবধি এই সম্প্রদায়ের প্রকৃত
 বৃত্তান্ত জানা যায় না ।

রাও খানগারজির পিতা যখন রাজত্ব
 করেন, ঐ সময়ে এই সম্প্রদায়-ঘটিত ছুই
 একটি কথা ইতিহাসে প্রাপ্ত হওয়া যায় । এই
 রাজা কচ্ছ দেশ শাসন করিতেন । এক সময়ে
 ইনি রাজ্য সংক্রান্ত কোন বিপদে পড়িয়া
 আশাপুরী দেবীর নিকট উদ্ধারের প্রার্থনা
 করেন । ঘটনা ক্রমে তাঁহার সকল বিপদ
 নষ্ট হইয়া যায় । তখন তিনি মর দেশে
 তীর্থ যাত্রা করিয়া মঠাধিপতিকে রাজা
 উপাধি প্রদান করেন এবং দেবীর সেবার
 নিমিত্ত কএক খণ্ড গ্রাম উৎসর্গ করিয়া
 দেন । তদবধি এই মঠাধিপতির, এমনই

ধর্মানুষ্ঠান হয় যে, কচ্ছ দেশের রাও সকল
 যদি মর দেশে অন্তত এক বার তীর্থ যাত্রা
 না করিতেন, তাহা হইলে তাঁহার নিরাপদে
 রাজ্য ভোগ করিতে পাইতেন না ।

মঠাধিপতির এই রূপ সম্মান বহুদিবসা-
 বধিই ছিল, কিন্তু কতে মহম্মদ তাহা বিনষ্ট
 করেন । কতে মহম্মদ হিন্দুজাতির ধর্ম
 ও গুরুর এই রূপ প্রভুত্বের বিদ্রোহী ছিলেন ।
 তাঁহার কচ্ছ দেশ আক্রমণ কালে কাপ্রিয়া
 সম্প্রদায়ের বিশেষ অনিষ্ট হয় । তৎপরে
 গোলাম সাহ ইহাদিগের উপর বিলক্ষণ অত্যা-
 চার করেন । তিনি ইহাদিগের ধর্ম পুস্তক
 সকল এবং দেবীর অধিকৃত সমুদায় দ্রব্য লুট
 করিয়া সিন্ধু-দেশে আনয়ন করিয়াছিলেন ।

এই সম্প্রদায়ের লোক সংখ্যা সর্বশুদ্ধ
 এক শত ত্রিশ জন । ইহারা সকলেই এক
 প্রকার গৃহস্থ বটে কিন্তু কেহই বিবাহ করে
 না । ইহারা স্ত্রীলোকের সাহায্য না লইয়া
 স্বয়ংই যাবতীয় গৃহ কার্য্য নির্বাহ করিয়া
 থাকে । যদি ঐ এক শত ত্রিশ সংখ্যা
 হইতে একটির যত্ন হয়, তাহা হইলে ইহারা
 হিন্দুজাতি হইতেই একটিকে নির্বাচন করিয়া
 সেই সংখ্যা পূর্ণ করিয়া লয় । কিন্তু যে
 ইহাদিগের দল ভুক্ত হইবে, তাহার বয়স
 অন্তত আট বৎসর হওয়া আবশ্যিক । যে
 দিবস কোন ব্যক্তি ইহাদিগের অন্তর্গত হয়,
 ইহারা সেই দিবসেই তাহার মস্তক মুণ্ডন
 করিয়া তাহার মস্তকে সম্প্রদায়ের চিহ্নস্বরূপ
 বিশেষ প্রকার একটি শিরস্ত্রাণ ব্যবহার ক-
 রিতে দেয় । তাহাকে এই রূপ বেশে সজ্জিত
 করিয়া সর্বাগ্রে আশাপুরী দেবীর নিকট
 লইয়া যায় । কুমুদ রস ইহাদিগের তৃপ্তি-
 কর পানীয় । ঐ দিবসে উহারা ঐ রস পান
 করিয়া আমোদ প্রমোদ করিয়া থাকে । যদি
 কোন একটি বালক ইহাদিগের দলভুক্ত হয়,

১। অহিফেন দ্বারা প্রস্তুত মাদক দ্রব্য বিশেষ ।

তাহা হইলে তাহাকে বাল্যোচিত আর কোন বিষয়ই শিক্ষা করিতে হয় না। কেবল তিক্ষা ও দেবীর একটি স্তুতিমালা শিখিলেই যথেষ্ট হয়।

এই সম্প্রদায়ের মধ্যে মঠাধিপতি ব্যতিরেকে আর কেহই লিখিতে ও পাঠ করিতে পারে না। আহাৰ নিদ্রাই ইহাদিগের দৈনিক কার্য। ইহাদিগের বাস ভূমির নিকট বণিক (কোমদার) বাস করিয়া থাকে। ইহারা এই বণিকদিগের উপর কৃষিকার্য ও আয় ব্যয়ের ভারার্পণ করে। মঠাধিপতির অধিকৃত যে সমস্ত ভূমি সম্পত্তি আছে, তাহার আয় অনাথ দীন দরিদ্রদিগের পোষণার্থে ব্যয়িত হয়। ইহারা অতিশয় অতিথিপ্রিয়। যদি কেহ ইহাদিগের দ্বারে উপস্থিত হয়, সে যে জাতিই হউক না, ইহারা শ্রদ্ধা সহকারে তাহার আতিথ্য করিয়া থাকে। যদি কোন সম্ভ্রান্ত পর্যাটক ও দর্শক তাহাদিগের নিকট গমন করে, তাহা হইলে বিন্দু পরিমাণ অঙ্কিফেন তাহার সেবার নিমিত্ত সর্বাগ্রে প্রদান করা হয়। প্রতিদিন পশুপক্ষীদিগকে খাদ্যের কিয়দংশ বলি প্রদান করা ইহাদিগের নিত্য কার্য। ইহারা স্নেহের ন্যায় যথেষ্ট আহাৰ করে না। অন্যান্য হিন্দুরা যেমন খাদ্যাখাদ্য বিচার করিয়া চলে, ইহারাও সেই রূপ।

এই কাশ্মির সম্প্রদায়ের বিশেষ কোন উৎসব নাই কিন্তু গ্রামবাসী অন্যান্য হিন্দুদিগের উৎসব দিবসেই ইহারা উৎসব করিয়া থাকে। হিন্দুলা ইহাদিগের তীর্থস্থান। নিয়মানুসারে ইহাদিগের মধ্যে প্রত্যেককেই তথায় গমন করিতে হয়। কিন্তু ঐ তীর্থস্থানে এক দিবস ও এক রাত্রি ভিন্ন অধিক ক্ষণ কেহই থাকিতে পায় না। যদি কাহারও কার্যগতিতে কিছু মাত্র বিলম্ব হয়, তাহা হইলে তাহার মনে একটি দৃঢ় বিশ্বাস

হইয়া উঠে যে আশাপুরা দেবী তাহাকে সমুদ্রজলে নিমজ্জিত করিবেন। এই সম্প্রদায় যত দেহ তন্মসাৎ করে না। কিন্তু রাজার যত্ন হইলে তাঁহার দেহ অগ্নিতে বিসর্জন করে। যত্নের অব্যবহিত দ্বাদশ দিবস ইহাদিগের মধ্যে নানা প্রকার উৎসব ও পান ভোজন হইয়া থাকে। রাজার যত্ন হইলে তাঁহার পোষ্য পুত্রই রাজ্যাধিকার গ্রহণ করেন।

ব্রাহ্ম-বিবাহ।

৬ ফাল্গুন শনিবার ঢাকা প্রদেশের মহেশ্বরদী পরগণার অন্তর্গত ভাটপাড়া গ্রামে ব্রাহ্মধর্মের অনুষ্ঠান পদ্ধতি অনুসারে একটি বিশুদ্ধ ব্রাহ্মবিবাহ হইয়া গিয়াছে। বরের নাম শ্রীমান্‌ রামপ্রসাদ সেন। নিবাস বিক্রমপুর। ইনি ঢাকা ব্রাহ্মসমাজের বর্তমান সম্পাদক। ইহার বয়ঃক্রম অন্যান্য ত্রিশৎ বৎসর হইবে। কন্যার নাম শ্রীমতী হেমন্ত শশী দেবী। ইনি ভাটপাড়া নিবাসী শ্রীযুক্ত কালীনারায়ণ রায়ের প্রথম কন্যা। ইহার বয়ঃক্রম ত্রয়োদশ বৎসর হইবে। রামপ্রসাদ সেন ও কালীনারায়ণ রায় উভয়েই বৈদ্য জাতির মধ্যে প্রধান ও সম্ভ্রান্ত। “ধর্মো রক্ষতি রক্ষিতঃ” “যিনি ধর্মকে রক্ষা করেন, ধর্ম তাঁহাকে রক্ষা করেন।” উভয়েই ব্রাহ্মধর্মের এই মহাবাক্যের দৃষ্টান্ত স্থল। তাঁহারা উভয়েই নানাবিধ উৎপীড়ন সহ করিয়াও ব্রাহ্মত্ব প্রতিপালনে দৃঢ়প্রতিজ্ঞ হইয়াছিলেন; ঈশ্বর তাঁহাদিগের সাধু কামনা পরিপূর্ণ করিলেন। যাহারা তদাত্ম চিন্তে তাঁহার করুণার উপর নির্ভর করিয়া থাকেন, তাঁহাদের গন্তব্য পথ ক্রমে ক্রমে অতি সহজ হইয়া আইসে। কালীনারায়ণ বাবু বিশেষ বিজ্ঞতা ও তদ্রতা সহকারে এই শুভ বিবাহ সম্পাদন করাতে অতি

আনন্দের বিষয় হইয়াছে। পুরাতন আচার ব্যবহার যত দূর রক্ষা করা যাইতে পারে, তিনি তাহা রক্ষা করিয়াছিলেন। যদি ধর্মের নিমিত্ত সমুদায় পরিত্যাগ করিতে হয়, তাহাতে বিরত হওয়া কর্তব্য নহে; নতুবা অকারণে অথবা সামান্য কারণে অন্যের মনে ঘেঁষ ভাব উদ্দীপন করা উচিত নয়। বস্তুতঃ ধর্ম রক্ষা কালীনারায়ণ বাবুর যে রূপ উদ্দেশ্য, কেবল আড়ম্বর সে রূপ উদ্দেশ্য নয় বলিয়াই অতি শান্ত ও সাধারণের প্রীতিকর ভাবে সেই বিবাহ সম্পন্ন হইয়া গিয়াছে। ধর্মই যেখানে প্রধান, সেখানে সমাজ সংস্কার অতি স্নিগ্ধ ভাবে সম্পন্ন হয়। যেখানে বাস্তবিক ঈশ্বর-প্রেম আধিপত্য করে, সেখানে শান্তি ও কর্ম সমভাবে বিরাজমান থাকে। কালীনারায়ণ বাবুর পত্নী, পুত্র, কন্যা ও পুত্রবধূ সকলেই ব্রাহ্ম; সুতরাং ব্রাহ্মধর্মের অনুষ্ঠান সে পরিবারে অতি আনন্দের ব্যাপার। যে দিবস কন্যার গাত্রে হরিদ্রা প্রদান হয়, সে দিবস অন্তঃপুরিকাগণ সকলে মিলিয়া নিম্ন লিখিত প্রথম সংগীতটি এবং বিবাহ রাত্রিতে বাসক ঘর হইতে অবশিষ্ট গীত গুলি গান করেন। তারতবর্ষের সকল স্থানেই বিবাহের সময় স্ত্রীলোকেরা গান করিয়া থাকে; কিন্তু ছুংখের বিষয় এই যে, সেই সমস্ত গান প্রায়ই তদ্র লোকের শ্রবণ যোগ্য নয় বলিয়া সেই প্রথা তদ্র সমাজ হইতে ক্রমে ক্রমে তিরোহিত হইতেছে। সেই প্রথাটি বিশুদ্ধ হইয়া প্রচলিত থাকুক এই উদ্দেশ্যে দৃষ্টান্তের জন্য ভাটপাড়ার সংগীতগুলি এই স্থলে মুদ্রিত করা গেল।

চল চল পুরবাসিগণ!

মোরা সবে মিলি বিভূপদে করি মঙ্গলাচরণ।
যিনি মোদের পিতা মাতা, সকল মঙ্গল দাতা,
সে পদে এ কার্য আজি করি সমর্পণ।

যে পিতা দিল সন্ততি তাঁরে আগে করি স্তুতি,
পরে এই বিবাহের করি আয়োজন। ১।

মোরা এই নিবেদন হে দয়াময়! করি তব
পায়। নবীন দম্পতী রেখ চরণ-ছায়ায়।
যেমন করিলে মিলন প্রেমস্বভে করি বন্ধন,
রেখ দেখেছে চির জীবন, তোমার আজায়। ২।

তোমার রূপায় পিতা তব পুত্র কন্যা আজি,
মিলন হইল নাথ! শুভ বিবাহ বন্ধনে।
এই দম্পতি হৃদয়ে চির প্রেম প্রকাশিয়ে,
মঙ্গল বিধান কর, স্নেহ আশীর্বাদ দানে।
তোমার ধর্ম পালনে, নব দম্পতির মনে,
উৎসাহ স্থাপন কর স্বর্গীয় বল বিধানে। ৩।

নিরাশ হইও না তাঁর আশায়।

কিরে যেইও না রে, চেয়ে থাক তাঁর পানে
অবশ্য পাইবে তাঁয়।

* * *

এমন কে আছে সংসারে যে জন চাহিয়া তাঁরে,
নিরাশ হয়েছে পরে? জিজ্ঞাস সবায়। ৪।

সামবেদীয় কর্মানুষ্ঠান পদ্ধতি।

তবদেব তউ প্রণীত।

বিবাহ।

সম্প্রদান—অর্চনা।

১। স্ত্রী আচারের পর বর সম্মুখে উপস্থিত হইলে সম্প্রদাতা এই মন্ত্র পাঠ করিবেক—
প্রজাপতি ঋষিরনুষ্ঠুপু ছন্দ অর্হনীয়া
গৌ দেবতা গবোপস্থানে বিনিয়োগঃ।

ঔ অর্হণা পুত্রবাসসা ধেনু রভবদ্ য মে
সা নঃ পযশ্বতী ছহানুত্তরামুত্তরাং সমাং।

‘য’ বা ইয়ং ‘অর্হণা’ পূজাসম্পাদনী ‘পুত্রবাসসা’
পূজাশ্রয়গামিনী পুত্রপ্রসবিনী ‘ধেনুঃ’ ‘সা’ ‘পযশ্বতী’
‘নঃ’ অম্মাকং মনোরথান্ ‘দুহান্’ পুরবদ্ ‘উত্তরাং’
উত্তরাং সমাং উত্তরোত্তরং অক্ষং।

পূজার উপকরণরূপ পুত্রপ্রসবিনী আমার যে
ধেনু, সেই পযশ্বতী উত্তরোত্তর বর্ষে বর্ষে আমা-
দিগের মনোরথ পরিপূর্ণ করুন।

২। তৎপরে জামাতা এই মন্ত্র পাঠ করিয়া
পূর্ব মুখ হইয়া আসনে উপবেশন করিবেক।

ঔ প্রজাপতি ঋষি বিবাহুদেবতা উপ-
বিশদর্হনীয়া জপে বিনিয়োগঃ।

ঔ ইদমহ মিমাহ পদ্যাং বিরাজম্নাদ্যা-
য়াধিত্তামি।

যজুর্বিদং। 'অহং' 'ইদং' আসনং 'ইমাং' 'পদ্যাং'
পাদবক্ষ্যে 'বিরাজং' বিরাজমানং 'অন্নাদ্যাং' অন্ন-
দ্যার্থং 'আধিত্তামি' অক্রমামি।

আমি এই আসন ও এই পদ্যাতে (পদ
রাখিবার আসন বিশেষে) অধিষ্ঠান করি।

৩। সম্পূদাতা উত্তান হস্তদ্বয়ে বিষ্ণুর লইয়া
এই বলিয়া জামাতাকে অর্পণ করিবেক।

ঔ বিষ্ণুরো বিষ্ণুরো বিষ্ণুরঃ প্রতিগৃহ্যতাং।
বিষ্ণুর তণ কর।

জামাতা—

ঔ বিষ্ণুরং প্রতিগৃহ্যামি।

বিষ্ণুর গ্রহণ করি।

এই বলিয়া বিষ্ণুর লইয়া, এই মন্ত্র বলিয়া
আসনে উত্তরাগ্র করিয়া রাখিবেক।

প্রজাপতি ঋষি রনুর্ফু পু ছন্দ ওষধ্যো-
দেবতাঃ আসন দানে বিনিয়োগঃ।

ঔ যা ওষধীঃ সোমরাজ্ঞী বহ্নীঃ শতবিচ-
ক্ষণাস্তামহমস্মিনাসনেহচ্ছিদ্রাঃ শর্শ্ব যচ্ছত।

হে 'ওষধীঃ' ওষধ্যঃ 'যা' যুঃ 'সোমরাজ্ঞী' সোমস্ব-
নাঃরাজ্ঞা যাসাং তাদৃশ্যাঃ 'বহ্নীঃ' বহ্নাঃ বহুপ্রকারাঃ
'শতবিচক্ষণাঃ' শতমুখ্যাঃ 'তাঃ' যুঃ 'অচ্ছিদ্রাঃ' সতাঃ
মহ্যং 'শর্শ্ব' স্তম্বং 'যচ্ছত' দত্ত।

হে ওষধিগণ! চন্দ্র তোমাদিগের রাজা, তোমরা
বহু প্রকার ও শত মুখ বিশিষ্ট; তোমরা
এই আসনে অচ্ছিদ্র হইয়া আমার মুখপ্রদ হও।

৪। সম্পূদাতা পূর্ক প্রকারে পুনর্কার অন্য বি-
ষ্ণুর প্রদান করিলে জামাতা পূর্কবৎ গ্রহণ করিয়া
এই মন্ত্র পাঠ করিয়া দুই পদতলে উত্তরাগ্র করিয়া
রাখিবেক।

প্রজাপতি ঋষি রনুর্ফু পু ছন্দ ওষধ্যো
দেবতা বিষ্ণুরস্য পাদযোরধস্তাং দানে বিনি-
য়োগঃ।

ঔ যা ওষধীঃ সোমরাজ্ঞী বিষ্ণিতাঃ পু-
থিবী মনু তা মহ্যমস্মিন পাদযোরচ্ছিদ্রাঃ
শর্শ্ব যচ্ছত।

'পুথিবীমনু' পৃথিব্যাং 'বিষ্ণিতাঃ' বিশেষণ স্থিতাঃ
'অস্মিন' বিষ্ণুরে 'পাদযোঃ' অধস্তাং নিহিতে সতি।
শেষং পূর্কবৎ।

হে ওষধিগণ! চন্দ্র তোমাদিগের রাজা, তোমরা
পৃথিবীতে বিশেষরূপে অধিষ্ঠিত ছিলে;
এই বিষ্ণুর আসন পদতলে নিহিত হইলে তোমরা
অচ্ছিদ্র হইয়া আমার মুখপ্রদ হও।

৫। তৎপরে সম্পূদাতা জলপাত্র লইয়া

ঔ পাদ্যাঃ পাদ্যাঃ পাদ্যাঃ প্রতিগৃহ্যতাং।
পাদ্যা গ্রহণ কর।

এই বলিয়া জামাতাকে পাদ্যা প্রদান করি-
বেক।

জামাতা

ঔ পাদ্যাং প্রতিগৃহ্যামি।

পাদ্যা গ্রহণ করি।

এই বলিয়া তাহা লইয়া মন্ত্র পাঠ করিয়া
দর্শন করিবেন—

প্রজাপতি ঋষি বিরাট্ছন্দঃ আপো-
দেবতাঃ পাদপ্রক্ষালনার্থোদক বীক্ষণে বিনি-
য়োগঃ।

ঔ যতো দেবী প্রতি পশ্যাম্যাপ স্ততোমা
খাদি রাগচ্ছতু।

'যতঃ' কারণং 'দেবী' দেবীঃ দ্যুতিমতীঃ 'আপঃ'
প্রতিপশ্যামি 'তত' 'খাদি' 'মা' নাং আগচ্ছতু।

যে হেতু আমি দ্যুতিমৎ জল দর্শন করিতেছি,
অতএব সমৃদ্ধি আমার নিকটে আগমন করুক।

তৎপরে সেই জল পাত্র হইতে এক অঞ্জলি
জল লইয়া এই মন্ত্র পাঠ করিয়া আপনাদের বাম
পদে প্রদান করিবেন।

প্রজাপতি ঋষি বিরাট্ছন্দঃ গায়ত্রীছন্দঃ শ্রী
দেবতা সবা পাদ প্রক্ষালনে বিনিয়োগঃ।

ঔ সবাং পাদমবনেনিজে অস্মিন্মার্কে
শ্রিয়মাদধামি।

'সবাং' 'পাদং' 'অবনেনিজে' প্রক্ষালনামি 'অস্মিন'
'মার্কে' 'শ্রিয়ং' 'আদধামি' অর্পণামি।

আমি বাম পাদ প্রক্ষালন করিতেছি এবং
এই রাজ্যে শ্রী অর্পণ করিতেছি।

তৎপরে অপর অঞ্জলি লইয়া এই মন্ত্র পাঠ
করিয়া দক্ষিণ পদে প্রদান করিবেক।

প্রজাপতি ঋষি বিরাট্ছন্দঃ গায়ত্রীছন্দঃ শ্রী
দেবতা দক্ষিণ পাদ প্রক্ষালনে বিনিয়োগঃ।

ঔ দক্ষিণং পাদ মবনেনিজে অস্মিন্মার্কে
শ্রিয়মাবেশামি।

আমি দক্ষিণ পদ প্রক্ষালন করিতেছি এবং
এই দেশে শ্রীকে স্থিরীকৃত করিতেছি।

পুনর্কার উদকঞ্জলি লইয়া এই মন্ত্র পাঠ
করিয়া উভয় পদ প্রক্ষালন করিবেক।

প্রজাপতি ঋষিঃ শ্রীদেবতা উভয় পাদ
প্রক্ষালনে বিনিয়োগঃ।

ঔ পূর্কমন্য মপরমন্য মুভৌ পাদাববনে-
নিজে রাষ্ট্র্য সার্কী অভয়স্যাবরুদ্ধৌ।

যজুর্বিদং। 'পূর্কমন্যং' সবাং 'অপরমন্যং' দক্ষিণং
'উভৌ পাদৌ অবনেনিজে' 'রাষ্ট্র্য সার্কী' 'অভয়স্য'
'অবরুদ্ধৌ' পরিগ্রহ্য।

রাজ্যের উন্নতি ও অভয় লাভের নিমিত্ত
উভয় পদ প্রক্ষালন করিতেছি।

৬। তৎপরে সম্পূদাতা শঙ্খাদি পাত্রে আতপ
তণ্ডুল ও দুর্গাদি দ্বারা সজ্জিত অর্ঘ্য লইয়া

ঔ অর্ঘ্যং অর্ঘ্যং অর্ঘ্যং প্রতিগৃহ্যতাং।

অর্ঘ্য গ্রহণ কর

এই বলিয়া জামাতাকে দিবেক। জামাতা

ঔ অর্ঘ্যং প্রতিগৃহ্যামি।

অর্ঘ্য গ্রহণ করি

এই বলিয়া তাহা লইয়া এই মন্ত্র পাঠ করিয়া
আপনাদের মস্তকে দিবেক।

প্রজাপতি ঋষি রঘ্যং দেবতা অর্ঘ্য-
প্রতিগ্রহণে বিনিয়োগঃ।

ঔ অন্নস্য রাষ্ট্র্য রসি রাষ্ট্র্যে ভূয়াসং।
যজুর্বিদং। 'অন্নস্য' 'রাষ্ট্র্য' 'রসি' 'রাষ্ট্র্যে' 'ভূয়াসং'।
তৎ প্রসাদাৎ 'রাষ্ট্র্য' 'ভূয়াসং'।

তুমি অন্নের দীপ্তি স্বরূপ, আমি যেন তোমার
প্রসাদে দীপ্তি স্বরূপ হই।

৭। তৎপরে সম্পূদাতা পুনর্কার জলপাত্র
লইয়া

ঔ আচমনীয়ং আচমনীয়ং আচমনীয়ং
প্রতিগৃহ্যতাং।

আচমনীয় গ্রহণ কর

এই বলিয়া জামাতাকে দিবেক। জামাতা

ঔ আচমনীয়ং প্রতিগৃহ্যামি।

আচমনীয় গ্রহণ করি

এই বলিয়া তাহা লইয়া এই মন্ত্র পাঠ
করিয়া উত্তর মুখ হইয়া আচমন করিবেক।

প্রজাপতি ঋষি রাচমনীয়ং দেবতা আ-
চমনীয়চমনে বিনিয়োগঃ।

ঔ যশোসি যশোময়ি ধেহি।

যজুর্বিদং। 'যশোসি' 'যশোময়ি' 'ধেহি'।
'যশি' 'যশঃ' 'ধেহি'।

হে আচমনীয়! তুমি যশঃ স্বরূপ, আমাকে
যশ দাও।

৮। তৎপরে সম্পূদাতা কাংসাপাত্রে স্ত
দধি মধু যুক্ত মধুপর্ক লইয়া

ঔ মধুপর্কো মধুপর্কো মধুপর্কঃ প্রতি-
গৃহ্যতাং।

মধুপর্ক গ্রহণ কর

এই বলিয়া জামাতাকে দিবেক। জামাতা

ঔ মধুপর্কং প্রতিগৃহ্যামি।

মধুপর্ক গ্রহণ করি

এই বলিয়া মধুপর্ক লইয়া এই মন্ত্র পাঠ
করিয়া ভূমিতলে রাখিবেক।

প্রজাপতি ঋষি মধুপর্কো দেবতা অর্হ-
নীয় মধুপর্ক প্রাশনে বিনিয়োগঃ।

ঔ যশোসি যশোসি।

যজুর্বিদং। 'যশোসি' 'যশোসি' অতঃ স্বদেয়াগাং
অহমপি যশসঃ যশসী ক্রতিঃ।

হে মধুপর্ক! তুমি যশঃ স্বরূপ, আমিও তোমার
সংসর্গে যশসী হইলাম।

অনন্তর এই মন্ত্র পাঠ করিয়া বারত্বয় ও বিনা
মন্ত্রে এক বার সেই মধুপর্ক ভক্ষণ করিবেক।

প্রজাপতি ঋষি মধুপর্কো দেবতা মধু-
পর্ক প্রাশনে বিনিয়োগঃ।

ঔ যশোসি ভক্ষ্যসি ঔ মহসো ভক্ষ্যসি
ঔ শ্রীর্ভক্ষ্যসি শ্রিযং ময়ি ধেহি।

যজুর্বিদং। 'যশোসি' 'ভক্ষ্যসি' 'মহসো' 'ভক্ষ্যসি' 'শ্রীর্ভক্ষ্যসি'
'শ্রিযং' 'ময়ি' 'ধেহি'।

হে মধুপর্ক! তুমি যশের জন্য ভক্ষণীয়,
তোমার জন্য ভক্ষণীয় এবং শ্রীর জন্য ভক্ষণীয়;
আমাকে শ্রিয় দাও।

ব্রাহ্মগণের প্রতি।

বর্ষ শেষের ও নব বর্ষের ব্রহ্মোপাসনাতে
সবিশেষ মনোযোগ আকর্ষণের জন্য সক-
লকে বিশেষরূপে অবগত করা যাইতেছে—

বর্ষের শেষ দিবস সন্ধ্যা ৮ টার সময়
যে ব্রহ্মোপাসনা হইত, এবার ৭ টার সময়
তাহা আরম্ভ হইবে।

নব বর্ষের ব্রাহ্মসমাজ অন্যান্য বৎসরে
১ বৈশাখ সূর্যোদয়ের পর হইত, এ বৎসর
তাহার সময় পরিবর্তিত হইল। এ বার
সূর্যোদয়ের প্রায় এক ঘণ্টা পূর্বে ৫ টার
সময় নব বর্ষের ব্রাহ্মসমাজ হইবে। অত-
এব ব্রাহ্মগণকে উপাসনার জন্য প্রস্তুত হইয়া
রাত্রি শেষে ৫ টার পূর্বে আদি ব্রাহ্মসমাজে
আগমন করিতে হইবে। সাধারণের সুবি-
ধার জন্য রাত্রি ৪ টা বাজিলে সমাজ-গৃহের
আলোক সকল প্রজ্জ্বলিত করা যাইবে।

উষা কাল অতি রমণীয় ও প্রশান্ত, তাহা
যেমন দিবসের আরম্ভ, সেই রূপ সে দিবস
বর্ষের প্রথম ভাগ; আগামী বর্ষের নূতন
চিন্তাতে চিত্ত আকুল হইবার পূর্বে চিন্তারও
প্রথম ভাগ ঈশ্বরের সমাধানে উৎসর্গ করা
উষা কালের উপাসনার বিশেষ উদ্দেশ্য।

ব্রাহ্মগণ সূর্যোদয়ের সঙ্গে সঙ্গে ব্রহ্মোপাসনাতে প্রবৃত্ত হইয়া নব বর্ষে পদ নিষ্ফেপ করিবেন, এই জন্য সবিশেষ অনুরোধের সহিত তাঁহাদিগকে আহ্বান করা যাইতেছে।

আদি ব্রাহ্ম-সমাজের

১৭৯০ শকের ফাল্গুন মাসের

আয় ব্যয় বিবরণ।

আয়	
তত্ত্ববোধিনী পত্রিকা ..	১১৫।০
পুস্তকালয় ..	৬।/ ৫
যন্ত্রালয় ..	১৪ ৩
ডাক মাসুল ..	৮।/ ১
দান ..	৭ ৩ (৫
গচ্ছিত ..	৭। ১০
	৩৫৬। ১০
ব্যয়	
মাসিক বেতন ..	৬২
তত্ত্ববোধিনী পত্রিকা ..	২২ ৫/ ০
পুস্তকালয় ..	৭ ৪
যন্ত্রালয় ..	১০ ২ ৫/ ১০
ডাক মাসুল ..	২ ৬ ১/ ০
অনিরূপিত ..	৪ ০ ৭/ ৫
আলোকের ব্যয় ..	২ ৪ ১/ ১০
সংগীতাদি মুদ্রাস্থান ..	১ ২ ১/ ১০
কাগজ পত্রাদি ..	২
গচ্ছিত ..	৩ ৬ ১/ ৫
	৪১৮ ৭/ ০
আয় ..	৩৫৬ ১/ ১০
পূর্নকার স্থিত ..	২৭২ ৫/ ১০
	৬৩৬ ১/ ০
ব্যয় ..	৪২৮ ৭/ ০
স্থিত ..	১৩৮ ১/ ০

১৭৯০ শকের ফাল্গুন মাসের দানের

আয় ব্যয় বিবরণ।

আয়

প্রতিজ্ঞাত সাধারণ দান।

শ্রীযুক্ত কাশীধর মিত্র ..	৫
“ জয়গোপাল সেন ..	৫
“ যত্ননাথ মুখোপাধ্যায় ..	৫
“ নীলমণি চট্টোপাধ্যায় ..	২

শ্রীযুক্ত মথুরাসোহন সুর ..	২
“ বৈকুণ্ঠনাথ সেন ..	২
“ প্রসন্নকুমার বিশ্বাস ..	১
“ যাদবচন্দ্র মুখোপাধ্যায় ..	১
	২৩

শ্রীযুক্ত দেবেন্দ্রনাথ ঠাকুর (পাথুরিয়াঘাটা) ৫

শ্রীযুক্ত দেবেন্দ্রনাথ ঠাকুর (পাথুরিয়াঘাটা) ৫	৫
“ যত্ননাথ মুখোপাধ্যায় ..	৫
“ রামপ্রসাদ সেন ..	১০
	২০
দানাদ্বারা দান প্রাপ্ত ..	১৫ ৫/ ৫
	৪৪ ৫/ ৫

আয় ..	৪৪ ৫/ ৫
পূর্নকার স্থিত ..	৪১৭ ১/ ৫
স্থিত ..	৪৬২ ১/ ০

শ্রী দ্বিজেন্দ্রনাথ ঠাকুর। সম্পাদক।

বিজ্ঞাপন।

বর্ষ শেষ হওয়াতে যাহাদিগের অগ্রিম মূল্য নিঃশেষিত হইয়াছে, তাঁহারা আগামী বর্ষের নিমিত্ত অগ্রিম মূল্য প্রেরণ করিয়া বাধিত করিবেন। অগ্রিম মূল্য অগ্রদান না করিলে সমাজের ক্ষতি করা হয়।

যাহাদিগের নিকট পত্রিকার মূল্য ছাদস মাস অনাদায় আছে, তাঁহারা অনুগ্রহ করিয়া বৈশাখ মাসের মধ্যে উহা পরিশোধ করিবেন। নতুবা সমাজ জ্যৈষ্ঠ মাস অবধি তাঁহাদের নিকট মাসুল দিয়া পত্রিকা প্রেরণে অসমর্থ হইবেন।

Advertisements.

JUST PUBLISHED.
BRAHMIC
QUESTIONS OF THE DAY.

ANSWERED

BY AN OLD BRAHMO.

PRICE 6 ANNAS.

To be had at the Adi Brahma Samaj Library, Jorasanko Calcutta; and at the Office of Messrs. Nilcomul Mitter & Co. Kutta, Allahabad.

বৈশাখ ২২৭ সংখ্যা	পৃষ্ঠ	কার্তিক ৩০৩ সংখ্যা	পৃষ্ঠ
ঋগ্বেদ সংহিতা ..	১	ঋগ্বেদ সংহিতা ..	১১৩
বর্ষশেষের ব্রাহ্মসমাজের বক্তৃতা ..	৬	মাসিক ব্রাহ্মসমাজের বক্তৃতা ..	১১৫
কেশবের প্রতি আকর্ষণ ..	৬	ভাগলপুরের ব্রাহ্মসমাজের বক্তৃতা ..	১১৭
ব্রাহ্ম বিদ্যালয়—সপ্তদশ উপদেশ ..	৬	এলাহাবাদ ব্রাহ্মসমাজে পঠিত স্তোত্র ..	১১৯
সামবেদীয় কর্ম্মানুষ্ঠান পদ্ধতি ..	১২	তত্ত্ববিদ্যা—চতুর্থ খণ্ড—সাধন প্রকরণ ..	১২০
নূতন পুস্তক ..	১৪	জৈনমত ..	১২৭
বিক্রেয় পুস্তকের বিজ্ঞাপন ..	১৫	মুসলমান ধর্ম ও তাহার বিস্তার ..	১৩০
আয় ব্যয় বিবরণ ..	১৬	ব্রাহ্ম বিবাহ ..	১৩১
		আয় ব্যয় বিবরণ ..	১৩১
		বিক্রেয় পুস্তক ..	১৩২
		অগ্রহায়ণ ৩০৪ সংখ্যা	
ঋগ্বেদ সংহিতা ..	১৭	ঋগ্বেদ সংহিতা ..	১৩৩
নববর্ষীয় ব্রাহ্মসমাজের বক্তৃতা ..	১৯	মাসিক ব্রাহ্মসমাজ ..	১৩৫
ব্রাহ্মবর্ত্তে ব্রহ্মোপাসনা ..	২১	সিন্ধুরীয়াপাটী পঞ্চম সাধারণ সন্মিলন ..	১৩৭
বাল্মীকির অক্ষয় কীর্তি ..	২৩	ব্রাহ্মসমাজের বক্তৃতা ..	১৩৭
সংস্কৃত সাহিত্য ..	২৭	মুতোরামাঃমৃতংগময় ঐ ..	১৪১
সামবেদীয় কর্ম্মানুষ্ঠান পদ্ধতি ..	৩৮	জ্ঞান ও ধর্মের সামঞ্জস্য ..	১৪৩
ধনা বাদ—বাল্মীকি কবিতা ..	৩৮	জৈনমত ..	১৫০
নূতন পুস্তক ..	৩৯	বিক্রেয় পুস্তক ..	১৫২
বিক্রেয় পুস্তক ..	৩৯		
আয় ব্যয় বিবরণ ..	৪০	পৌষ ৩০৫ সংখ্যা	
		ঋগ্বেদ সংহিতা ..	১৫৩
		ব্রাহ্মসমাজের বক্তৃতা ..	১৫৫
		মাসিক ব্রাহ্মসমাজের বক্তৃতা ..	১৫৭
		ব্রাহ্ম বিদ্যালয়—অষ্টাদশ উপদেশ ..	১৬০
		ব্রাহ্ম ধর্ম গ্রন্থ ও প্রচারক ..	১৬৪
		মাঘ ৩০৬ সংখ্যা	
		উনচত্বারিংশ সাধারণ সন্মিলনের বিজ্ঞাপন ..	১৬২
		ঋগ্বেদ সংহিতা ..	১৬২
		মাসিক ব্রাহ্মসমাজের বক্তৃতা ..	১৬৫
		জ্ঞান ও ধর্মের সামঞ্জস্য ..	১৭৩
		এলাহাবাদ ব্রাহ্মসমাজ ..	১৮২
		বন্ধু—বাল্মীকি কবিতা ..	১৮৩
		বিক্রেয় পুস্তকের বিজ্ঞাপন ..	১৮৪
		ফাল্গুন ৩০৭ সংখ্যা	
		উনচত্বারিংশ সাধারণ সন্মিলন ব্রাহ্মসমাজের ..	১৮৫
		প্রত্যেককালের প্রথম বক্তৃতা ..	১৮৬
		ঐ দ্বিতীয় বক্তৃতা ..	১৯১
		ঐ তৃতীয় বক্তৃতা ..	১৯১
		ঐ মধ্যাহ্ন কালের সঙ্গীত ..	১৯৬
		ঐ সাধারণ কালের প্রথম বক্তৃতা ..	১৯৪
		ঐ দ্বিতীয় বক্তৃতা ..	১৯৫
		ঐ তৃতীয় বক্তৃতা ..	১৯৭
		তত্ত্ববিদ্যা—চতুর্থ খণ্ড—সাধন প্রকরণ ..	২০২
		আয় ব্যয় বিবরণ ..	২০৭
		বিক্রেয় পুস্তক ..	২০৮
		চৈত্র ৩০৮ সংখ্যা	
		বর্ষশেষের ও নববর্ষের ব্রাহ্মসমাজের ..	২০৯
		বিজ্ঞাপন ..	২০৯
		ঋগ্বেদ সংহিতা ..	২১০
		এলাহাবাদ ব্রাহ্মসমাজের বক্তৃতা ..	২১০
		হিন্দু ধর্মের ইতিহাস ..	২১৩
		চন্দননগর ব্রাহ্মসমাজ ..	২২১
		কাশ্মীরী সম্প্রদায় ..	২২২
		ব্রাহ্ম-বিবাহ ..	২২৬
		সামবেদীয় কর্ম্মানুষ্ঠান পদ্ধতি ..	২২৭
		ব্রাহ্মগণের প্রতি ..	২২৯
		আয় ব্যয় বিবরণ ..	২৩০
		বিজ্ঞাপন ..	২৩০